

著 新

史 洋 東

冊 中
用 校 學 等 中

行 發 館 書 甲 務 商

MG
G634.52
42


新 著
東 洋 史

中 冊

中 等 學 校 用

王 桐 齡 編 纂

商 務 印 書 館 發 行



3 2173 3766 0

新著 東洋史

第二編 近古史

第一期 西北民族第三次侵入中原時代

第一章 回紇之衰亡與黠戛斯之強盛

自來日中則昃。日盈則缺。唐室全盛時代。實在太宗高宗之時。幅隕之廣。逾於兩漢。高宗歿後。皇后武氏專國。廢皇太子。臨朝稱制。任用酷吏。殺戮唐宗室貴戚殆盡。復易唐爲周。自稱皇帝。中國始有女主。開古來政界未有之變局。專制中國二十餘年。內亂時起。唐室大臣張柬之等起兵靖亂。廢武氏。迎中宗復位。反周爲唐。中宗昏庸。尊爲皇后韋氏所弑。玄宗起兵靖難。誅韋氏。以姚崇、宋璟爲相。唐室小康。晚年任用姦臣李林甫、楊國忠。寵幸貴妃楊氏。釀成安史之亂。借名將郭子儀、李光弼之力蕩平之。而河北諸郡。爲安史降將薛嵩、田承嗣、李懷仙等所據。是爲藩鎮割據之始。回紇、吐蕃、南詔等國。乘勢內犯。朔方、隴右、河西、山南、劍南諸州郡。相繼淪沒。西北民族侵入中國。唐室中衰從此始。漢族勢力。逐漸削弱矣。

第一節 回紇全盛時代

回紇自懷仁可汗在位。略取漠北。建立大國。天寶四年。懷仁殂。子磨延駿立。號葛勒可汗。懷悍善用兵。肅宗時。

助唐討安史之亂有功。詔册立爲英武威遠可汗。妻以帝幼女寧國公主。厚遺歲幣以慰撫之。回紇漸自尊大。時略邊地。唐不能禁。

乾元元年。葛勒殂。長子葉護先被殺。次子移地健立。是爲登里可汗。舊唐書作汗登里未立時。其父爲之請婚於

唐。肅宗以大將僕固懷恩女妻之。至是立爲可敦。回紇大臣欲以寧國公主殉葬。公主辭以中國禮無之。乃止。

尋以公主無子。聽還中國。代宗寶應元年。登里自將入援。沿路見中國內地丘墟。有輕唐之意。困辱中使劉

清潭。上遣僕固懷恩勞之。登里悅。自陝州濟河。與兵馬元帥雍王即德宗適會。責適不拜舞。鞭殺右廂兵馬使魏

琚。行軍司馬韋少華。進擊史朝義於洛陽。大破之。恢復東京。肆行殺掠。死者萬計。次年正月。始歸國。詔册爲韻

咄登里骨曠密施合俱錄英義建功毘伽可汗。而封其妻爲娑墨光親麗華毘伽可敦。已而僕固懷恩叛唐。

誘回紇。吐蕃。吐谷渾。党項。等衆二十餘萬。連兵入寇。至涇陽。關內副元帥郭子儀出見回紇。責以大義。說使襲

吐蕃。破之。吐蕃自是與回紇爲怨敵。大曆三年。回紇可敦卒。詔册僕固懷恩幼女爲崇徽公主。妻登里。回紇益

驕。連年與唐互市。每一馬易四十緡。動至數萬匹。馬皆驚齎無用。朝廷苦之。所市多不能盡其數。回紇待遣繼

至者。常不經於鴻臚。留京師者常千數。商胡僞服而雜居者倍之。縣官日給饔飧。殖貨產。開第舍。市肆美利皆

歸之。日縱暴橫。吏不敢問。

大曆十四年。西歷紀元七七九年。代宗崩。德宗立。登里欲乘喪入寇。其相頓莫賀力諫。不聽。怒弑之而自立。是爲合骨咄

墜毘伽可汗。貞元三年。西歷紀元七八七年遣使獻方物。請和親。德宗方患吐蕃爲寇。用宰相李泌策。欲結回紇爲援。許之。册合骨咄陸爲汨咄祿長壽天親毘伽可汗。以咸安公主妻之。回紇請改號曰回鶻。詔從其請。次年。天親殂。子多邏斯立。詔册爲愛登里邏汨沒密施俱錄毘伽忠貞可汗。

第二節 回紇衰亡時代

初回紇風俗樸厚。君臣之等不甚異。故衆志專一。勁健無敵。及有功於唐。賂遺極厚。登里自尊大。始築宮殿。婦人有粉黛文繡之飾。唐爲之虛耗。而回紇風俗亦漸流於奢侈。吐蕃與回紇有怨。屢侵其地。回紇屬部有沙陀者。西突厥別種也。居蒲類海。今新疆迪化道哈密縣北之巴里坤湖東。兵馬強壯。冠諸部。憤回紇衰歛。遂附吐蕃。吐蕃併其兵。大破回紇。回紇大恐。稍南其部落。以避吐蕃。時唐德宗貞元六年。西歷紀元七九〇年也。

是歲。忠貞可汗爲少可敦葉公主所毒死。其弟自立。國人討殺篡者。而立忠貞幼子阿噶。遣使來告哀。詔册爲奉誠可汗。十一年。西歷紀元七九五年奉誠殂。無子。國人立其相骨咄祿爲可汗。告哀於唐。詔册爲愛騰里邏羽錄沒

密施合胡祿毘伽懷信可汗。懷信本姓跌跌氏。數將兵有功。爲諸酋所畏服。故得立。西歷紀元八〇〇年順宗永貞元年。西歷紀元八〇五年詔册其嗣位者爲騰里野合俱錄毗伽可汗。憲宗元和初。再朝獻。始以摩尼至。是爲摩尼教輸入中國之始。三年。西歷紀元八〇八年騰里野。詔册其嗣君爲愛登里囉密施合毗伽保義可汗。屢遣使來乞婚。上以勞費不許。

穆宗長慶元年。西歷紀元八二一年保義殂。詔册其嗣君爲登囉羽錄沒密施句主毗伽崇德可汗。復遣使來請婚。詔

以帝妹太和公主妻之。四年西歷紀元八二四年崇德殂。其弟曷薩特勒立。詔冊爲愛登里囉汨沒密施合毗伽昭禮可汗。文宗太和六年西歷紀元八三二年昭禮爲其所殺。從子胡特勒立。詔冊爲愛登里囉汨沒密施合句錄毘伽彰信可汗。開成四年西歷紀元八三九年其相掘羅勿作難。引沙陀共攻彰信。彰信自殺。國人立窟馱蘇合特勒爲可汗。自忠貞以後。國多內亂。勢漸衰。至廕馱在位。頻年飢疫。又大雪。羊馬多死。渠長句錄莫賀。與黠戛斯合騎十萬來攻。殺廕馱及掘羅勿。焚其牙。諸部皆潰。其相馱職與彪特勒十五部。西奔葛邏祿。殘衆南入吐蕃安西。可汗兄弟嚙沒斯。及其相赤心。那頡。各帥其衆來降。時開成五年。西歷紀元八四〇年也。次年。可汗牙部十三姓。奉烏介特勒爲可汗。南保錯子山。

第三節 黠戛斯之民族風俗及物產

黠戛斯 *Kirghiz Kirgises* 者。在伊吾之西。焉耆之北。今俄領西伯利亞爾庫次克 *Karakum* 會卽古之堅昆。唐初結骨也。直回紇西北三千里。南依貪漫山以居。其地夏沮洳。冬積雪。人皆長大。赤髮。皙面。綠瞳。以黑髮爲不祥。衆數十萬。勝兵八萬。其族男女多。以環貫耳。俗趨仇。男子有勇跡。其手。女已嫁。歸其項。其俗雜居多淫佚。謂歲首曰茂師哀。以三哀爲一時。以十二物紀年。氣多寒。雖大河亦半冰。稼有禾粟大小麥青稞。步磴以爲麪。有糜稌。以三月種。九月穫。以爲飯。以釀酒。而無果蔬。畜馬至壯大。以善鬪者爲頭馬。有橐駝牛羊。牛爲多。富農至數千。其獸有野馬。骨咄黃羊。獐。羆。鹿。黑尾。黑尾者似驢。尾大而黑。魚有蔑者。長七八尺。莫痕者。無骨。口出頤下。烏有鷹。鷲。烏鵲。

鷹隼。木有松檉榆柳。松高者仰射不能及顛。而檉尤多。有金鐵錫。每雨俗必得鐵。號迦沙。爲兵絕犀利。常以輸突厥。其戰有弓矢旗幟。其騎士析木爲盾。蔽股足。又以圓盾傳肩。可捍矢刃。其君曰阿熱。遂姓阿熱氏。自稱漢將李陵之後。服貴貂狎。阿熱冬帽貂。夏帽金釵。銳頂而卷末。諸下皆帽白氈。喜佩刀礪。賤者衣皮不帽。女衣氈毼錦繡綾。蓋安西北庭大食所質售也。阿熱駐牙青山。周柵代垣。聯氈爲帳。號密的支它。首領居小帳。凡調兵諸部役屬者悉行內貂鼠青鼠爲賦。其官宰相。都督。職使。長史。將軍。達干。六等。宰相七。都督三。職使十。皆典兵。長史十五。將軍達干無定員。諸部食肉及馬酪。惟阿熱設餅餌。樂有笛鼓笙。齋栗盤鈴。戲有弄駝師子馬伎繩伎。祠神惟主水草。祭無時。呼巫爲甘昏。嫁納羊馬以聘。富者或百千計。喪不勞面。三環尸哭。乃火之。收其骨。逾歲乃葬。冬處室。木皮爲覆。其文字言語與回紇同。法最嚴。臨陣逗撓。奉使不稱。妄議國是。及竊盜。皆斬。其國東接骨利幹。南吐蕃。西南葛邏祿。其都城青山。去回紇牙囊駝行四十日。

第四節 黠戛斯之勃與回紇之淪滅

黠戛斯始隸突厥。突厥以女妻其酋。突厥亡後。隸薛延陀。薛延陀以頡利發一人監其國。太宗貞觀二十二年。大兵擊滅薛延陀。鐵勒諸部俱請吏奉貢。黠骨亦遣使者獻方物。其酋長俟利發失鉢屈阿棧身自入朝。願得持笏。詔以其地爲堅昆都督府。拜阿棧都督。隸燕然都護府。高宗中宗玄宗之世。屢來朝。朝廷以其國與皇室同宗。特加優禮。肅宗乾元中。爲回紇所破。不能復通中國。後狄語訛爲黠戛斯。蓋回紇謂之若曰黃赤面云。

黠戛斯既爲回紇所破。乃稱臣於回紇。又與大食吐蕃葛祿交通。借以牽掣回紇。吐蕃回紇常賂遺之。假以官號。回紇既衰。阿熱始自稱可汗。回紇遣宰相擊之。連兵二十餘年。數爲所敗。及掘羅勿弒彰信可汗而立廬駁。國內亂。黠戛斯乘釁大舉攻之。焚其牙。殺廬駁及掘羅勿。并得太和公主。阿熱自以身爲宗室。遣使者達千奉公主還朝。回紇烏介可汗邀擊達千。殺之。劫留公主。南度磧。屯天德軍境上。朝廷遣使慰問太和公主。并賜烏介米二萬斛。諭以宜帥部衆。漸復舊疆。烏介不奉詔。南侵緣邊諸州。武宗會昌三年。河東節度使劉沔大破之於殺胡山。古豐州。在今大同縣西北四百五十里。烏介北遁。沔迎公主還京師。

阿熱既破回紇。遂徙牙牢山之南。本山亦曰賭蒲。距回紇舊牙馬行十五日。是年遣使來獻馬。并求册命。詔太僕卿趙蕃往安撫之。

賜以詔書。令修臣子禮。并速平回紇及黑車子。室韋種。乃行册命。又詔阿熱著宗正屬籍。阿熱欲乘秋高馬肥擊

烏介。上書朝廷請會師。詔以給事中劉濛爲巡邊使。勒兵應之。而遣右散騎常侍李拭使黠戛斯。册拜阿熱爲英

宗英雄武誠明可汗。未行而武宗崩。宣宗嗣位。勅使中止。至大中元年。始詔鴻臚卿李業持節。册拜阿熱爲英

武誠明可汗。自是以後。至懿宗咸通間。凡三來朝。然卒不能滅回紇。後之朝聘册命。則史書失傳矣。

初。烏介既爲劉沔所破。收餘衆數千人。往依黑車子。會昌六年。西歷紀元八四六年。國相逸隱殺弒之於金山。立其弟特


勒遏捺爲可汗。率殘部五千人。仰給於奚舍頡頏。宣宗大中初年。盧龍節度使張仲武擊奚。大破之。遏捺無

所得食。部衆日益耗散。所存貴臣以下。不滿五百人。依於室韋。次年正月。室韋使者入賀。途經幽州。仲武使歸

取過捻等。過捻聞之。大懼。夜與妻子等以九騎西走。室韋分其餘衆。黠戛斯遣兵擊室韋。大破之。悉收回紇餘衆歸磧北。回紇嫡系由是遂亡。時大中二年。西歷紀元八四八年也。

回紇雖亡。其別部雁特勒先在安西。亦自稱可汗。居甘州。總磧西諸城。種落微弱。時入獻見。朝廷屢遣使冊封之。皆以道途阻塞。不果。經五代至有宋初年。常與中國交通不絕。西夏勃興以後。襲取甘州。回紇徒據玉門關以西。與西夏對峙。遼室西遷以後。隸屬於遼。蒙古西征。降於蒙古。稱畏兀兒國。傳至明初未絕云。

回紇世系表 姓藥羅葛氏。自時健起。始爲酋長。至吐迷度。始稱可汗。至骨力裴羅。國始強大。傳十五世。至奉誠可汗。而系絕。跌跌氏繼之。復傳九世。至特勒過捻。爲黠戛斯所滅。兩系共傳二十四世。二百餘年。



(十一) 葛勒英武威遠毗伽可汗磨延賈

寧國公主

司空忠義王太子葉謹

娑墨光親麗華毗伽可敦僕固氏

懷恩女

(十二) 登里(牟羽)可汗移地健

崇徽公主僕固氏

懷恩幼女

(登里從父兄)

(十三) 長壽天親毗伽可汗頓莫賀

咸安公主

(十四) 忠貞可汗多羅斯

少可敦葉公主僕固氏

懷恩女孫


(十五) 奉誠可汗阿賈

(十六) 懷信可汗骨咄祿

跋跌氏

(十七) 騰里可汗

(十八) 保義可汗



- (三)烏介特勒
- (四)特勒遏捻

第二章 吐蕃之末路

隋唐之間。佛教文明。異常膨脹。東亞各國。除去北荒以外。皆入佛教勢力範圍。願佛教輸入日本。而日本漸開明。輸入吐蕃。而吐蕃反削弱。適宜於半開化之民族。不適宜於未開化之民族。適宜於文教萌芽之民族。不適宜於武力猖獗之民族。同一佛教也。受其影響者。可以興。可以衰。可以存。可以滅。其結果千差萬別。不可思議。

豈佛教對於各民族有所厚薄歟。抑亦橘生江南爲橘。生江北爲枳。非其物原始本有不同。亦視承受之者之吸收力及同化力爲如何耳。知此者可與論吐蕃之盛衰。

第一節 吐蕃全盛時代

吐蕃自棄宗弄讚在位。輸入印度及中國文化。國勢漸強。中宗時。鄯州都督楊矩。以河西九曲地與吐蕃。吐蕃借爲根據地。東下之勢日亟。玄宗開元年間。屢寇隴右、河西、安西、北庭州郡。邊將禦之。互有勝負。西方爲之凋弊。開元十八年。吐蕃上書乞和。詔遣忠王友皇甫惟明報聘。贊普上書謝罪。求毛詩、春秋、禮記。仍祈互市於赤嶺。在石堡城西距長安三千二十一年。復由金城公主上書。請立碑於赤嶺。以分唐與吐蕃之境。詔並從之。兵禍稍戢。

二十五年。吐蕃攻西域屬國勃律。勃律遣使來告急。詔河西節度使崔希逸。襲吐蕃東境。以分其兵勢。破之於青海西。由是邊疆復起。天寶十二年。西歷紀元七五三年吐蕃贊普乞黎蘇籠臚贊立。遂乘唐有安史之亂。蠶食河隴諸郡。先是唐自武德以來。開拓邊境。地連西域。皆置都督府。開元中。置朔方、隴右、河西、安西、北庭諸節度使以統之。歲發山東丁壯爲戍卒。繕帛爲軍資。開屯田。供糗糧。設監牧。畜馬牛。軍城戍邏。萬里相望。及安祿山反。邊兵精銳者徵發入援。謂之行營。留兵單弱。數年之間。胡虜蠶食。自鳳翔以西。邠州以北。皆爲左衽矣。代宗廣德元年。吐蕃率吐谷渾黨項氐羌二十餘萬衆。深入爲寇。入大震關。即隴關在今陝西關中道隴縣即故鳳翔府醴州西

七十 陷蘭、廓、河、鄯、洮、秦、成、渭等州。盡取河西隴右之地。進窺關中。帝出奔陝州。衣冠皆南奔荆襄。吐蕃入長安。縱兵劫掠。立宗室廣武王承宏爲帝。留京師十五日。聞郭子儀將大軍且至。始退。屯原會成渭間。尋復轉鋒南下。陷劍南西山諸州。於是陝西四川西境無險可守。自此連年東下。關內、朔方、西川境內同時被兵。唐室禦寇不暇。大歷八年。宰相元載奏請城故原州城。今甘肅涇原道固原縣。扼隴山口。當吐蕃東下之路。不聽。吐蕃屢寇涇原。今甘肅涇原道。邪寧。今陝西邠中。靈武。今甘肅涇原道。三鎮屬部。烽火達於長安。京西節鎮。星羅棋布。到處設防。吐蕃聲東擊西。在萬十年。唐室卒無勝算。

德宗即位。欲以德懷柔吐蕃。歸其捕虜五百人。先後遣太常少卿韋倫、殿中少監崔漢衡等出使吐蕃。吐蕃遣使報聘。結盟修好。是時吐蕃大將尙結贊。總東方兵柄。尙結贊遣都將論莽羅依。助大將軍渾瑊擊泚將韓旻。有功。要求割讓安西、北庭之地。以爲報酬。散騎常侍李泌謂「二鎮人性驍悍。控制西域五十七國。及十姓突厥。又分吐蕃兵勢。使不得併力東下。且勢孤地遠。盡忠竭力。爲國家固守近二十年。一旦棄之以與戎狄。彼其心必深怨中國。他日從吐蕃入寇。如報私仇矣。」力勸上勿許。從之。尙結贊計不得逞。乃大舉寇涇。今涇州。隴。今隴州。邪寧。今寧夏道銀麟。二州俱在。陷鹽、夏。今寧夏道銀麟。二州俱在。詔鳳翔節度使李晟、河東節度使馬燧、河中節度使渾瑊等分道拒之。晟屢戰有功。尙結贊惡之。乃縱反間計。離間晟。入鳳翔境。禁虜掠。以兵直抵城下。曰「李令公召我來。何不出犒我。」經宿而退。又以羊馬多死。糧運不繼。乃退屯鳴沙。縣名。故城在今寧夏道中。衛縣城東南一百五十里。

遣使卑禮厚幣。求和於燧。燧信其言。爲之請於朝。是時鎮海節度使韓滉入朝。請城故原。今固原縣鄯。今西泮。今道羅潭縣。即渭。今渭川道。四州。使晟與劉玄佐等。將重兵守之。經略河湟。上欲從之。會滉薨。宰相張延賞與晟有隙。數言和親便。上亦素恨回紇。欲與吐蕃擊之。遂從延賞議。罷晟兵柄。從吐蕃請。以渾瑊爲會盟使。盟於平涼。吐蕃劫盟。唐將卒死者甚多。瑊僅以身免。副使崔漢衡以下皆被執。瑊副將駱元光韓遊瓌整陣禦之。虜追兵始退。兩國交惡益甚。尙結贊復以計離間馬燧。上怒。罷燧兵柄。會張延賞卒。李泌爲相。始建議屯田京西。欲逐漸恢復府兵舊制。復建議聯絡回紇。大食。雲南。結攻守同盟。夾攻吐蕃。計劃得手。着着成功。蕃禍漸有轉機矣。

第二節 安西北庭之淪陷

先是吐蕃陷河隴。伊西北庭節度使李元忠。四鎮留後郭昕。帥將士閉境拒守。數遣使奉表。皆不達。聲問絕者十餘年。德宗建中二年。始遣使間道自回紇中來。上嘉之。進二人爲大都護。皆賜爵郡王。吐蕃連年東侵。懼二鎮牽掣其兵勢。屢攻之。不下。二鎮與回紇連和。借爲交通要道。回紇求取無厭。北庭與之接壤。尤患苦之。沙陀別部六千帳與北庭相依。亦厭虜哀索。密附吐蕃。貞元五年。吐蕃因沙陀兵共寇北庭。回紇大相頡干伽斯將兵救之。與吐蕃戰。不利。吐蕃急攻北庭。北庭人叛。與沙陀會長朱邪盡忠皆降吐蕃。節度使楊襲古率麾下二千人奔西州。次年。頡干伽斯悉衆數萬。召襲古將復北庭。與吐蕃戰。敗績。襲古收餘衆數百。將還西州。頡干伽斯誘而殺之。安西由是遂絕。莫知存亡。吐蕃兵力。威壓天山南北路。中亞唐室之聲靈。從此盡矣。時貞元六年。

西歷紀元七九〇年也。

第三節 吐蕃衰亂時代

是時回紇與唐修好。屢助唐敵吐蕃。而西南方面。唐兵逐漸得勢。先是雲南降吐蕃。吐蕃資其兵寇西川。劍南騷動。貞元三年。西川節度使章梟招撫雲南。雲南遣使入見。吐蕃發兵十萬寇西川。亦發雲南兵。雲南內雖附唐。外未敢叛吐蕃。亦發兵數萬屯瀘北。梟乃爲書遺雲南王。敍其歸化之誠。轉致吐蕃。吐蕃始疑雲南。遣兵屯會川。今建昌道會理縣。卽故寧遠府會理州。以塞其越蜀之路。雲南怒。歸唐之志益堅。貞元十年。雲南王異牟尋大破吐蕃兵。遣使來獻捷。吐蕃屢攻靈鹽。朝廷詔章梟出兵。深入吐蕃。以分其勢。梟在鎮二十一年。屢戰屢勝。復雋州。攻維州。擒吐蕃大將論贊熱。論莽熱等。吐蕃兵不得志於西川。乃益轉鋒北下。侵略朔方涇原。屢破中國兵。朝廷爲之盱食。憲宗元和三年。沙陀來降。吐蕃兵勢益弱。彝泰贊普名可黎可足八在位。病不事事。委政大臣。國勢益衰。穆宗長慶二年。遣使來請和。朝廷以大理卿劉元鼎爲吐蕃會盟使。入蕃蒞盟。建和盟碑於國都邏娑。彝泰在位二十餘年。僅能自守。不復來侵。

文宗開成三年。西歷紀元八三八年彝泰殂。弟達磨立。荒淫殘虐。國人不服。災異相繼。吐蕃益衰。武宗會昌二年。西歷八四二年達磨殂。無子。先是達磨有佞幸之臣以爲相。至是佞相立其妃緜氏兄尙延力之子乞離胡。年甫三歲。佞相與緜妃共制國事。首相結都那不服。佞相殺之。夷其族。國人憤怒。洛門川討擊使尙悉熱。姓末名悍忍多詐。


以誅繼妃佞相爲名。與青海節度使同盟舉兵。自稱國相。大破其國相尙思羅兵。屠渭州。思羅發蘇毗、吐谷渾、羊同等兵八萬人。保洮水。焚橋以拒之。恐熱招降諸部。思羅西走。追殺之。盡併其衆。合十餘萬。於是吐蕃東部霸權。一時歸於恐熱。吐蕃鄯州節度使尙婢婢。姓沒盧名贊心。牙羊同國人。世爲吐蕃相。好讀書。不樂仕進。國人敬之。年四十餘。蘇秦贊普彊起之。使鎮鄯州。婢婢寬厚沈勇。有謀略。訓練士卒多精勇。恐熱謀篡國。恐婢婢襲其後。舉兵擊之。婢婢遣使卑禮厚幣犒師。恐熱大喜。引兵歸屯大夏川。婢婢遣兵襲擊。大破之。恐熱走保薄塞山。自是以後。二將時常構兵。恐熱殘虐。河西隴右大遭屠掠。婢婢傳檄河湟。數恐熱殘虐之罪。且曰。『汝輩本唐人。吐蕃無主。則相與歸唐。無爲恐熱所獵。如狐兔也。』於是河隴州郡。相繼風靡。宣宗大中三年。吐蕃秦、原、安樂、等三州。木峽、石門、驛藏、制勝、石峽、六盤、蕭關、等七關。皆在今涇原道內。即故平涼府境內。來降。詔涇原。取原州。及六關。取安樂州、靈武、樂州、鳳翔州。邪寧。取蕭關。等鎮出兵接應。王師克復河湟。沙州。今安肅道安西州。即故安西州。漢族張義潮。陰結豪傑。逐吐蕃守將。發兵略定其旁瓜、伊、西、甘、肅、蘭、鄯、河、岷、廓、十州地。遣其兄義淨奉十一州圖籍入見。詔置歸義軍於沙州。授義潮節度使。以所略定之州隸之。吐蕃尙延心。以河渭二州部落來降。詔授延心河渭都遊奕使。使統其衆居之。復置天雄軍於秦州。以成、河、渭、三州隸焉。義潮尋克復涼州。西川節度使遣兵取維州。恢復西山諸州縣。是時尙婢婢已卒。其將拓跋懷光代領其衆。稱臣於唐。懿宗咸通七年。西歷紀元八五六年。斬尙恐熱。傳首京師。吐蕃自是衰絕。乞離胡君臣不知所終。河隴及劍南西山舊地。復爲唐有。

吐蕃世系表 姓勃宰野氏。自痕悉董摩始見史册。至棄宗弄贊國始強大。傳十七世至達磨而系絕。緡氏之乞離胡繼之。國遂衰。不能復通於中國云。

- (一) 痕悉董摩
- (二) 陀土度
- (三) 揭利失若
- (四) 勃弄若
- (五) 詎素若

- (六) 論贊素
- (七) 棄宗弄贊 卒於六五〇 □
- (八) 禁 六五〇至六七九
- (九) 器弩悉弄 六七九至七〇三

- (十) 棄隸踏贊 七〇三即位
- (十一) 乞黎蘇籠臚贊 卒於七五三
- (十二) 塗悉籠臚贊 七五三即位



第三章 南詔之勃與及其對中國吐蕃之關係

自來暖國之人柔和。寒國之人慄悍。中國歷來邊患皆屬北方民族。而南方民族無聞焉。蓋南方土脈肥沃。其土地所產。常足以滿足人民慾望。故對外競爭之心薄弱。氣候溫度太高。人民受其影響。身體易流於懦弱。

筋多偏於愚昧。故對外競爭之實力亦薄弱。此亦自然之現象。若或使之。非人力所能造成也。然而漢民族受其惠矣。漢民族喜平和。惡殺伐。歷來皆取持盈保泰主義。苟非大不得已。絕不肯輕易用兵。西北民族常迫我於無可奈何地位。不得已而爲應兵。勝則爲秦皇漢武及有唐初年之盛況。敗則爲西周末年及兩晉南北朝時代之衰弱。此亦數千年來漢民族所無可奈何者也。弱交趾支那民族。本爲揚子江流域舊主人翁。漢民族矜其臂而奪之。自唐虞至今。常逐漸同化於漢族。未聞其有若何抵抗力。其有憑藉雲南爲根據地。併吞川南及川邊等部。建立具體之王國。代表交趾支那民族。與漢族南北對抗者。則爲有唐中葉以後之南詔。

第一節 南詔之文化

川南雲南地方。爲西南夷老巢穴。地處中國西南。屬亞熱帶地方。居雲嶺之脊。地勢高燥。氣候溫暖。夏無大暑。冬無大寒。花無斷時。土人受其影響。體魄較爲健康。腦筋較爲清醒。與安南、暹羅、緬甸之土人。情形稍有不同。岷江、沱江、大渡河、鴉龍江、無量河、金沙江、瀾滄江、潞江、怒江一名怒江流貫其間。交通較爲便利。農產亦甚豐盈。所謂地靈者人傑。南詔之勃興。亦土地氣候。與有力焉者也。先是漢武帝時。征服西南夷。置犍爲、越巂、益州、牂牁等郡以治之。東漢明帝時。復分益州西部。置永昌郡。於是雲貴川南等部。皆入於中國。三國時代。益州耆帥雍闓反。與郡人孟獲。略據益州、牂牁、越巂、永昌、四郡。蜀漢丞相諸葛亮討平之。置庾降都督駐守其地。鎮平夷。縣名今雲南滇中道即故曲靖府平彝縣晉武帝時。置寧州刺史。治庾降故地。歷南北朝至唐初。位置無改。而滇南滇西蠻族。迄未與中國

苴、葦帶也。擇鄉兵爲四軍羅苴子。戴朱鞬。負犀革銅盾。跣足走險如飛。百人置羅苴子統一人。望苴蠻者。在
蘭蒼江西。男女勇捷。不鞍而騎。善用矛劍。短甲蔽胸腹。鞬鞞皆插旄牛尾。馳突若神。凡出兵以望苴子前驅。以
清平子弟爲羽儀。王左右有羽儀長八人。清平官見王。不得佩劍。唯羽儀長佩之。爲親信。有六曹長。曹長有功。
補大軍將。大軍將十二。與清平官等列。日議事王所。出治軍壁。稱節度。次補清平官。有內算官。代王裁。處外算
官。記王所處分。以付六曹。外則有六節度。曰弄棟。今姚州安縣永昌。今保山縣銀生。今普洱道景東鎮沉劍川。今
名故柘棟。今漢中道昆陽縣。麗水。今縣名會川。今四川建昌道會理縣通海。今屬蒙自道有十險。夷
語險若州。曰雲南險。縣名故屬大理府越道白厓險。故大理府趙州今騰亦曰勃弄險。品澹險。蓬川險。故鄧州今
故蒙化大麓險。縣境內之喜州亦曰史險。苴咩險。故太和縣亦曰陽險。蒙秦險。矣和險。趙川險。故趙州今
鮮山之西。多瘴。地平。草冬不枯。自曲靖州故府今縣至滇池。人水耕。食蠶以柘。蠶生閱二旬而繭。織錦練精
緻。大和。祁鮮而西。人不蠶。剖波羅樹實。狀若絮。紐縷而幅之。覽險井產鹽。最鮮白。惟王得食。取足輒減。窳。昆明
城諸井皆產鹽。不征。羣蠻食之。永昌之西。野桑生石上。其材上屈兩向而下植。取以爲弓。不筋漆而利。名曰
弓。長川諸山往往有金。或披沙得之。麗水多金。越睽之西多薦草。產善馬。世稱越睽駿。始生若羔。歲中紐莎
糜之。飲以米落。七年可御。日馳數百里。王出建八旗。紫若青白旂。雉翼二。有旄鉞紫囊之翠蓋。王母曰信摩。亦
曰九摩。妃曰進武信摩。出亦建八旗。絳旂。自曹長以降。繫金佉苴。尙絳紫。有功加錦。又有功加金波羅。金波羅

虎皮也。功小者衿背不袖。次止於衿。婦人不粉黛。以蘇澤髮。貴者綾錦裙襦。上施錦一幅。以兩股辨爲髮髻。耳綴珠貝瑟瑟虎魄。女褵婦與人亂不禁。婚夕私相送。已嫁有姦者皆抵死。俗以寅爲正。四時大抵與中國小差。膾魚寸。以胡瓜椒藜和之。號鴉闌。吹瓢笙。笙四管。酒至客前。以筌推盞勸酬。以繒帛及貝市易。貝大者若指。十六枚爲一兌師。行人齋糧斗五升。以二千五百人爲一營。其法前傷者養治。後傷者斬。墾田以一牛三夫前挽中壓後驅。然專於農。無貴賤皆耕。不繇役人。歲輸米二斗。一藝者給田二收乃稅。

第二節 對唐恭順時代

王蒙氏父子以名相屬。自含臈以來。有譜次可考。含臈生獨邏。亦曰細奴邏。是爲高祖奇嘉王。高宗時。遣使者入朝。詔授魏州今蒙化縣刺史。是爲南詔與唐平和交通之始。細奴邏生邏盛炎。是爲世宗興宗王。武后時。盛炎身入朝。是爲南詔會長入朝於中國之始。邏盛炎生炎閣。開元時。炎閣卒。弟盛邏皮立。是爲太宗威成王。盛邏皮生皮邏閣。授特進。封臺登郡王。是爲南詔會長受唐冊封之始。皮邏閣浸強大。而五詔微弱。開元末年。逐彌河蠻。取大和城。夷語彌山。坡陀爲和。即今雲南騰越道大理縣故大理府太和縣。賂劍南節度使王昱。求合六詔爲一。昱爲之奏請。朝廷許之。冊皮邏閣爲雲南王。賜名歸義。於是以兵威脅服羣蠻。遂破吐蕃。徙居大和城。自是南詔之勢漸張。西南邊禍始此矣。

天寶七年。西歷紀元七四八年皮邏閣殂。子閣邏風立。是爲神武王。劍南節度使鮮於仲通性褊急。失蠻夷心。故事。南詔

常與妻子俱謁都督。過雲南。太守張虔隨皆私之。又多所徵求。閣羅鳳忿怨。九年。發兵反攻。陷雲南。殺虔。取夷州三十二。次年。鮮于仲通將兵往討。南詔遣使謝罪。仲通不許。進至西洱河。即葉榆河。在今大理縣城東。敗績。閣羅鳳遂臣於吐蕃。蠻語謂弟曰鍾。吐蕃命爲贊普鍾。號曰東帝。給以金印。其後楊國忠領劍南。復遣留後李宓往討。又大敗。全軍殲焉。前後死者幾二十萬人。安史之亂。唐室自保不暇。南詔乘亂。陷巖州及會同軍。據清溪關。於是現今四川西南境皆入於南詔。

代宗大歷十四年。西歷紀元七六六年。閣羅鳳殂。子鳳迦異先卒。孫異牟尋立。是爲孝桓王。異牟尋有智數。善撫衆。頗知書。是年十月。與吐蕃合兵十萬。分三道寇西川。朝廷遣神策都將李晟等率師救之。大破其兵。追至大渡河外。異牟尋懼。築羊苴咩城。延袤十五里。徙居之。改號大理國。封五嶽四瀆。以葉榆(大理府)點蒼山爲中嶽。烏蠻(應蒙)山爲南嶽。又轉南安州(德雄府)神石亦爲南嶽。越陝(騰越州)高黎貢山爲西嶽。瀆州(麗江府)雲山爲北嶽。金沙江祀在武定州。蘭滄江祀在麗江府。黑嘉江祀在順寧府。怒江祀在永昌府。爲四瀆。立三皇廟。設官立九爽三託。考定疆域。吐蕃封之爲日東王。

初。閣羅鳳之拒命也。立碑於國門。言己不得已而叛唐。且曰。「我世世事唐。受其封賞。後世容復歸唐。當指碑以示唐使者。知吾之叛非本心也。」其後破雋州。徙西瀘令鄒回。回相州人。通經術。閣羅鳳愛重之。異牟尋等皆從受學。及異牟尋即位。以回爲相。南詔開國制度。回經營擘畫者居多。雲南有衆數十萬。吐蕃每入寇。常以爲前鋒。賦歛重數。又奪其險要地立城堡。歲徵兵助防。雲南苦之。回說異牟尋自歸於唐。曰。「中國尙禮義。有

事。無賦役。異牟尋以爲然。會西川節度使韋皋招撫羣蠻。異牟尋潛遣人因諸蠻求內附。皋乃遣諜者遺書。吐蕃疑之。因責大。臣子爲質。異牟尋愈怨。德宗貞元九年。遣使者三輩。由間道趨成都。謁韋皋。上書自稱。唐故雲南王子孫。皋送其使者詣長安。上賜異牟尋詔書。令皋遣使報聘。皋遣其節度巡官崔佐時齎詔詣雲南。至羊苴咩城。吐蕃使者數百人先在其國。異牟尋不欲吐蕃知之。令佐時衣牂牁服而入。佐時不可曰。「我大唐使者。豈得衣小夷之服。」異牟尋不得已。夜迎之。佐時大宣詔書。異牟尋恐懼失色。歐歎受詔。佐時因勸異牟尋悉斬吐蕃使者。去其所立之號。復南詔舊名。異牟尋皆從之。與佐時盟於點蒼山。山名。高千仞。在今大理縣城西。神祠。先是吐蕃與回紇爭北庭。連兵數年。死傷頗衆。徵兵萬人於雲南。異牟尋辭以國小。請發三千人。吐蕃少之。益至五千。乃許之。至是異牟尋遣五千人前行。自將數萬人踵其後。襲擊吐蕃。大破之。取十六城。虜其五王。降其衆十餘萬。遣使來獻捷。詔封爲南詔王。自是以後。異牟尋與西川犄角。連年攻擊吐蕃。大啓疆土。復遣子弟留學成都。輸入中國文化。憲宗元和三年。西歷紀元八〇八年。異牟尋殂。子尋閣勸立。是爲孝惠王。自稱驃信。夷語。君也。次年。尋閣勸殂。子勸龍晟立。是爲幽王。淫虐不道。十一年。西歷紀元八一六年。爲其弄棟節度使王嵯巔所弑。弟勸利立。是爲靖王。勸利德嵯巔。賜姓蒙。封大容。任以國政。容者蠻語兄也。穆宗長慶三年。西歷紀元八二三年。勸利殂。弟豐祐立。是爲昭成王。豐祐勇敢。善用其衆。始慕中國文化。不與父連名。適值西川邊將。不得其人。於是南詔始鳴張。西南邊禍日亟矣。

第三節 對唐跋扈時代

先是韋皋鎮蜀。與雲南約。築大城於境上。置戍相保。永同一家。韋皋卒後。西川多故。文宗時。故相杜元穎鎮蜀。以文雅自高。不曉軍事。專務蓄積。減削士卒衣糧。士卒皆入蠻境。鈔盜自給。蠻人反。以衣食資之。由是蜀中虛實動靜。蠻皆知之。南詔宰相嵯巖遂謀入寇。邊州屢以告。元穎不信。太和三年。嵯巖以蜀卒爲嚮導。襲陷嵩戎邛州。進攻成都。破其外郭。虜子女百工數萬人而還。自是以後。南詔工巧等於蜀。詔以李德裕鎮西川。德裕作籌邊樓。圖蜀地形。南入南詔。西達吐蕃。日召老於軍旅習邊事者。訪以山川城邑道路險易廣狹遠近。未逾月。皆若身嘗涉歷。練士卒。葺堡障。積糧儲以備邊。蜀人粗安。

已而宣宗在位。李琢爲安南都護。爲政貪暴。強市蠻中牛馬。羣蠻怨怒。導南詔侵邊。自是安南始有蠻患。先是韋皋開清溪道以通羣蠻。又選羣蠻子弟。聚之成都。教以書數。以羈縻之。旣而軍府厭於廩給。又蠻使入貢。利於賂與。所從僮人從人浸多。杜棕鎮西川。奏滅其數。豐祐怒。入貢不時。頗擾邊境。大中十三年西曆紀元八五六年宣宗崩。遣中使赴南詔告哀。適值豐祐殂。子舍龍一作隆立。怒曰。我國亦有喪。朝廷不弔。又詔書乃賜故王。遂遣使者於外館。禮遇甚薄。使者還。具以狀聞。朝廷以舍龍不來告哀。又名近玄宗諱。遂不行冊禮。舍龍乃自稱皇帝。是爲景莊帝。改國號大禮。改元建極。遣兵陷播州。今貴州黔中道北部。即故遵義府平越州。越二年。陷邕州。今廣西後。連年東侵。前後陷安南都護府二次。復大舉北犯。圍成都。朝廷以高駢爲大將。竭天下之力。僅乃克之。而內


部漸虛弱。桂州戊卒龐勛乘勢作亂。濮州今山東東臨濮縣人王仙芝、冤句縣名故城在今山東濟寧道即故曹州曹州濟澤縣人黃巢、聚衆繼之。唐室遂墟。漢族一統之大帝國瓦解矣。僖宗乾符四年西歷紀元八七七年會龍殂。子灋一作隆立。是爲宣武帝。改國號曰封民。灋好田獵酣飲。委國事於大臣。西川節度使高駢、嶺南西道節度使辛諱。前後遣使兩次招撫。法使督爽牒中書。請爲弟而不稱臣。且請尙公主。朝廷使西川節度使報書許之。中和三年。以宗女爲安化長公主。妻南詔。灋在位二十年。以唐昭宗乾寧四年爲宦官楊登所弑。子舜化一作舜立。是爲孝哀帝。昭宗時。復遣使款黎州修好。朝廷不答。自是以後。中國大亂。南詔亦衰。國際交涉遂斷絕矣。

南詔世系表 姓蒙氏。自細奴邏始通於唐。至皮邏閣兼併五詔。始稱王。至酋龍始稱皇帝。凡傳十五主二百餘年。爲鄭買嗣所篡。

(一) 舍龍 — (二) 高祖奇嘉王細奴邏三十三年 — (三) 世宗興宗王邏盛炎三十三年

(四) 炎閣 — (五) 太宗威成王盛邏皮十六年

(六) 皮邏閣二十二年 — (七) 神武王閣羅鳳三十三年 鳳迎異 — (八) 孝桓王異牟尋三十三年



第四章 沙陀之歸化

阿爾泰山近傍。為突厥民族起原地。地勢高寒。不適於生活。土人以遊牧為業。為天然現象所驅。常有南下之勢。秦漢時代。匈奴鮮卑。更迭占據內外蒙古。建立大國。與漢民族南北對峙時。突厥民族亦移入阿母。喀布爾。兩河流域地方。建立大月氏王國。與阿利安民族東西對峙。兩晉時代。匈奴鮮卑。逐漸移居中國內地。突厥乘虛。略取內外蒙古。當鮮卑民族之後。魏。勃興於陰山之南。滅北燕。北涼。大夏。等國。統一黃河流域時。突厥乘可汗。亦勃興於阿爾泰山之陽。滅柔然。服高車。降鐵勒。威壓天山南北路諸小國。統一漠南漠北。匈奴民族入中國。稱皇帝者。始於前趙之劉淵。東胡民族入中國。稱皇帝者。始於前燕之慕容儁。獨突厥民族。入中國最遲。稱皇帝亦後。直至有唐亡後。始略取黃河流域。建立短命帝國。則亦地勢之限制使之然也。茲述其事蹟如左。

先是西突厥強盛時代。其別部處月處密。分據烏孫故地。其後西突厥衰亂。處月徙居金娑山之陽。蒲類海之東。其地有大磧。名沙陀。因號沙陀突厥。西突厥亡後。處月降唐。高宗永徽年間。卽其地置金滿、沙陀、二州。皆領都督。龍朔中。其酋長朱邪金山。從薛仁貴討鐵勒有功。授墨離軍討擊使。武后長安二年。拜金滿州都督。累封張掖郡公。金山卒。子輔國嗣。避吐蕃禍。徙部北庭。累封永壽郡王。卒。子骨咄支嗣。從肅宗討安祿山有功。拜特進。驍衛上將軍。卒。子盡忠嗣。累遷金吾衛大將軍。封酒泉縣公。是時河隴淪沒。北庭西州閉不通。朝奏使皆道出回紇。回紇貪婪。沙陀苦其暴斂。貞元中。遂附吐蕃。與共寇北庭。陷之。吐蕃徙其部甘州。以盡忠爲軍大論。沙陀勳勇冠諸胡。吐蕃每戰。以爲前鋒。久之。回紇攻吐蕃。取涼州。吐蕃疑盡忠持兩端。欲徙沙陀於河外。盡忠與其子執宜謀復歸唐。憲宗元和三年。帥部落三萬而東。吐兵追之。轉戰數百合。死者大半。盡忠沒於陣。執宜率餘衆詣靈州降。節度使范希朝置之鹽州。爲市牛羊。廣其畜牧。善撫之。詔置陰山府。以執宜爲兵馬使。執宜乃保神武川之黃花堆。更號陰山北沙陀。太和中。徙治雲朔塞下。授執宜陰山府都督。執宜生赤心。以討龐勛功。授大軍節度使。賜姓名李國昌。國昌生克用。以討黃巢功。授河東節度使。封晉王。克用生存勛。是爲後唐莊宗。遂滅朱梁。代有黃河流域君臨中國。是爲突厥民族君臨中國之始。其後後晉石敬瑭。後漢劉知遠。皆爲其遺族云。

沙陀世系表 姓朱邪。降唐後賜姓李。爲後唐之祖。

阿闐 孤注 那遠

(一)張掖郡公金山——(二)永壽郡王輔國——(三)驍衛上將軍骨咄支——(四)酒泉縣公盡忠——

(五)陰山府都督執宜——(六)大同節度使赤心賜姓名李國昌——(七)晉王克用

第五章 契丹之勃興與渤海之淪滅

西喇木倫、老哈木倫流域。爲東胡民族根據地。秦漢之交。爲匈奴所滅。遺族羈縻於匈奴。西漢末年。匈奴衰微。東胡遺族之烏桓、鮮卑。漸次得勢。兩晉南北朝時代。鮮卑人侵入黃河流域。建立若干帝國王國。與漢族南北對峙。後魏之衰。鮮卑民族威靈掃地。遺族皆同化於漢族。漠南漠北故地。爲突厥所統一。東胡遺族別部之契丹。羈縻於突厥。其後突厥爲唐室所滅。契丹復羈縻於唐。武后稱制時代。契丹酋長李盡忠、孫萬榮。曾擁重兵與唐衝突。卒爲唐所翦滅。其遺族仍羈縻於唐。安史亂後。唐室聲靈不及於河北。契丹西附回紇。武宗會昌年間。回紇破滅。契丹復附於唐。蓋自契丹之名始見史冊以來。數百年間。皆爲異族附屬品。在東亞史上。固無足重輕也。其後唐室與吐蕃、回紇、連年構兵。力盡筋疲。兩敗俱斃。漢民族與突厥民族、圖伯特民族所建立之東亞三大帝國。先後瓦解。西北之黠戛斯。西南之南詔。雖割據一方。一時嶄然露頭角。然勢力不足以籠罩東亞。黃河流域沙陀人所建立之帝國。復如電光石火。轉瞬即逝。漢民族奔避南方。建立無數小王國。與沙陀民族

南北對峙。中國內地。分離破碎。疲於戰爭。更無餘力以對外族。東亞無復大有勢力之國。於是契丹偉人耶律阿保機。乃應運而生矣。

第一節 耶律氏勃興以前契丹內部形勢之變化

契丹自窟哥降唐以後。授松漠都督。分其屬下八部爲十州。各以其酋長爲刺史。窟哥卒後。其孫盡忠與孫萬榮連兵叛唐。盡忠死後。契丹稍衰。北依突厥。唐玄宗開元二年。盡忠從父弟失活。見突厥默曠政衰。復率衆來降。授都督。封松漠郡王。以東平王外孫楊元嗣女爲永樂公主。妻之。六年。失活卒。以其弟娑固襲職。部將可突干悍勇得衆心。娑固欲去之。未決。可突干反攻娑固。娑固奔營州。都督許欽澹遣兵納之。兵敗。見殺。可突干奉娑固從父弟鬱干爲主。遣使來謝罪。詔鬱干襲職。封松漠郡王。以宗室所出女慕容氏爲燕郡公主。妻之。十二年。鬱干卒。弟吐干嗣。與可突干有隙。偕公主來奔。詔封遼陽郡王。留宿衛。可突干奉盡忠弟邵固爲主。遣使來請命。詔封廣化郡王。以宗室出女陳氏爲東華公主。妻之。可突干來朝。宰相李元絃不禮焉。可突干怒。十八年。弒邵固。立屈烈爲王。脅其衆降突厥。公主奔平盧軍。詔信安王禕爲河北道行軍副元帥。與范陽節度使趙含章出塞追擊。大破之。自是以後。可突干與突厥聯合。連年犯邊。趙含章。薛楚玉。相繼爲范陽節度使。皆不能制。二十二年。張守珪鎮范陽。擊敗其兵。誘其牙官李過折斬可突干及屈烈。傳首東都。詔授過折松漠都督。封北平郡王。可突干餘黨涅禮殺過折而自立。上書言過折殘虐。詔書切責涅禮。因授爲都督。其後契丹復叛。張守

立九年。七部共劫之。阿保機不得已。傳旗鼓。自以所得漢人多。請帥種落居古漢城。後魏滑鹽縣本漢縣。故城在今熱河西南。別自爲一部。漢城地宜五穀。有鹽池之利。阿保機率漢人耕種。爲治城郭邑屋廛市。如幽州制度。漢人安之。不復思歸。阿保機知衆可用。用其妻述律氏策。邀諸部大人。以牛酒會鹽池。伏兵其旁。酒酣伏發。盡殺之。遂自立爲王。不復代。以中國隸書之半增損之。製契丹文字數千。又制婚嫁。置官號。梁末帝瑱貞明二年。西曆紀元九一六年。遂稱皇帝。國人稱之曰天皇帝。是爲太祖。立述律氏爲皇后。稱地皇后。置百官。改元神册。以幽州人韓延徽爲謀主。延徽始教契丹建牙開府。築城郭。立市里。以處漢人。使各有配偶。墾藝荒田。由是漢人安業。逃亡者少。以其所居爲上京。在西刺木倫河之北。今熱河特別區域。昭烏達盟巴林旗東北。起樓其間。號西樓。又於其東千里起東樓。北三百里起北樓。南木葉山起南樓。往來射獵四樓之間。而以西樓爲國都。太祖通中國語。顧絕口不道於部人。懼其效中國而怯弱也。然文物制度。一切摹倣中國。於是規模粗備。

第三節 契丹外部之征伐

太祖既革新內政。復征伐四鄰。先是太祖未卽位時。北侵室韋女真諸部。皆下之。女真者。古靺鞨之一種。屬通古斯族。蕃殖於黑龍江下流。其地約當今之吉林省。及俄領東海濱省南部。室韋者。契丹別種。亦東胡民族。蕃殖於黑龍江中流。居女真西北。契丹東北。其地約當今之黑龍江省。及俄領阿穆爾省一帶。於是東北諸部落皆入於契丹。卽位之年。西征突厥。吐谷渾。時遺族移居內蒙古西部。黨項。沙陀。諸部。皆下之。於是內蒙古西部亦入於契

丹。遂乘勢南攻中國。

初。太祖與晉王克用連和。約爲兄弟。旣而背盟。更附於梁。終梁之世。契丹使者四至。神冊元年。太祖旣征服內蒙古西部。旋師南向。攻晉蔚、新武、媯、儒、五州。自代北至河曲。踰陰山。盡有其地。於是現今直隸口北道北部。山西雁門道北部。與興和道綏遠道等地。皆入於契丹。陰山之險爲契丹所有。山陝北境。無險可守。復移師東下。進圍幽州。幽州東北七百里。有渝關。下有渝水通海。自關東北循海有道。道狹處纔數尺。旁皆亂山。高峻不可越。舊置八防禦軍。募土兵守之。田租皆供軍食。幽州歲致繒纈以供衣。每歲早穫。堅壁清野以待契丹。契丹至則閉壁不戰。俟其去。選驍勇據隘邀之。契丹常失利走。土兵皆自爲田園。力戰有功。則賜勳加賞。由是契丹不敢輕視南下。及周德威鎮盧龍。恃勇不修邊備。遂失渝關之險。契丹始芻牧於營平之間。至是圍幽州。晉王存勗遣李嗣源救却之。

太祖知中原騷亂。時有南下之志。患渤海乘虛襲其後。乃旋師東擊渤海。是時渤海哀王誣讓在位。國勢寢衰。太祖乘之。攻其西南境。拔扶餘城。故城址在今奉天遼瀋道開元縣東北進圍忽汗城。渤海上京龍泉府即今吉林延吉道寧安縣故東京城誣讓出降。遷其族於上京。於是渤海遂亡。時契丹太祖天贊六年。即太宗天慶元年渤海哀王二十六年。中國後唐明宗天成二年。西歷紀元九二七年也。

先是扶餘旣下。更命名曰東丹國。命長子突欲鎮之。號人皇王。命次子德光守西樓。號元帥太子。渤海旣下。太

祖亦殂。述律后愛次子德光。立爲天皇王。是爲太宗。改國號遼。突欲怒奔唐。太宗性孝。母病不食亦不食。卽位以後。尊述律后爲皇太后。國事皆取決焉。葬太祖於木葉山。以韓延徽爲相。會中國內亂。太宗乘釁。屢遣兵南侵。卽位後之第十年。助晉高祖石敬瑭滅後唐。敬瑭割燕雲十六州以爲報酬。於是現今直隸、山西、北部皆入於遼。又歲輸幣帛以賂之。尊之曰父皇。帝事之甚謹。出帝卽位。以事激怒太宗。太宗自將南侵。晉大將杜重威等迎降。遂克汴梁。執出帝。遷之黃龍府。太宗卽中國皇帝位於大梁。公卿庶官皆倣中國。參用中國人。縱胡騎四出剽掠。謂之打草穀。郊畿數十里。財畜殆盡。又詣諸州括借錢帛。皆追以嚴誅。人不聊生。由是內外怨憤。皆思逐之。所在盜起。太宗不能制。居汴僅三月。北還。所得之地皆不能守。還至臨城。縣名今屬保定道故屬正定府北之殺胡林而殂。國人剖其腹。實糶數斗。載之北去。中國人謂之帝羆。時太宗會同十一年。後漢高祖天福十二年。西歷紀元九四七年也。

初。唐將趙德鈞、趙延壽、父子。屢爲契丹作僂。唐室晉室之亡。延壽與有力焉。太宗南侵之時。許以若得中國。當立延壽爲帝。延壽信之。爲之盡力。已而太宗負約。自立爲中國皇帝。延壽怏怏。求爲皇太子。太宗曰：「皇太子當以天子兒爲之。豈燕王所可爲也。」因令爲延壽遷官。拜大丞相。兼政事令。樞密使。充中京留守。延壽恨太宗負約。乘喪引兵入據恆州。今直隸保定道正定縣卽故正定府自稱受遺詔。權知南朝軍國事。是時皇姪永康王兀欲一作烏王突欲在軍。諸將密議奉之。兀欲妻素以兄事延壽。至是兀欲招延壽等飲。遂誘執之而自立。是爲世宗。

第四節 契丹之內亂及其中衰

初。述律后勇決權變。太祖行兵御衆。后常預其謀。太祖常擊黨項。留后守帳。室韋乘虛合兵掠之。后知之。勒兵以待。奮擊破之。后有母有姑。皆踞榻受其拜。曰：「吾惟拜天。不拜人也。」韓延徽之初至契丹也。太祖怒其不拜。留之。使牧馬於野。延徽有智略。頗知屬文。后曰：「延徽能守節不屈。此今之賢者。奈何辱以牧圉。宜禮而用之。」太祖召與語。悅之。遂參大政。遼室開國規劃。皆其所手訂。吳王楊隆演贈契丹以猛火油。曰：「此油燃火。得水愈熾。可以攻城。」太祖大喜。選三萬騎。將攻幽州。后曰：「豈有試油而攻人國乎。但以三千騎伏其旁。掠其四野。使城中無食。不過數年。城自困矣。何必如此躁動輕舉。萬一不勝。爲中國笑。吾部落亦解體矣。」乃止。太祖既歿。后欲立太宗。命與長子突欲俱乘馬立於帳前。謂諸酋長曰：「二子吾皆愛之。莫知所立。汝曹擇可立者。執其轡。」諸酋長知其意。爭執太宗轡。后曰：「衆之所欲。吾安敢違。」遂立太宗。又恐諸酋長跋扈難制。乃悉召諸酋長妻。謂之曰：「我今寡居。汝不可不效我。」又集其夫問曰：「汝思先帝乎？」對曰：「受先帝恩。豈得不思。」曰：「果思之。宜往見之。」遂悉殺諸酋長。左右有桀黠者。后輒謂之曰：「爲我達語於先帝。」至墓所。則殺之。前後所殺以百數。最後平州人趙思溫當往。不肯行。后曰：「汝事先帝。嘗親近。何爲不行。」對曰：「親近莫如后。后行。臣則繼之。」后曰：「吾非不欲從先帝於地下也。顧嗣子幼弱。國家無主。不得往耳。」乃斷一腕。令置墓中。思溫亦得免。其狡很剛決類如此。

太宗卽位。承太后旨。立皇弟李胡爲皇太子。兼天下兵馬大元帥。太宗南侵。太后與李胡留守。太宗殂。喪歸國。太后不哭曰。「待諸部事一如故。則葬汝矣。」已而世宗自立。以太宗有子在國。己以兄子襲位。又無述律太后命。頗不自安。諸酋長畏太后復修太祖殂後故事。大行殺戮。乃奉世宗勒兵北歸。太后聞世宗自立大怒。發兵拒之。遇於黃河之橫渡。太后以唐降將李彥韜爲排陣使。彥韜迎降於世宗。太后兵敗。世宗幽太后於木葉山。改元天祿。自稱天授皇帝。幕中華風俗。多用晉臣。而荒於酒色。輕慢諸酋長。由是國人不附。諸部數叛。故數年之中。無暇南侵。在位五年。以周太祖廣順元年。四曆紀元六五一年爲從弟燕王述剌所弑。齊王述律逃入南山。諸部奉之以攻述剌。殺之。述律卽位。是爲穆宗。

穆宗名瓌。小字述律。一作軻。太宗長子。卽位之時。年少。好遊戲。每夜酣飲。達旦乃寐。日中方起。國人謂之睡王。屢遣兵助北漢攻周。爲周世宗所敗。在位十九年。耽酒好畋。嗜殺不已。嘗以虞人偵鵝失期。加炮烙鉞梳之刑。又


以獲鵝甚數。除鷹坊刺面之令。刑政紊亂。國人怨之。以宋太祖開寶二年。西曆紀元九六九年畋於懷州。述置故城在今巴林郡東北。順慶州界。獲熊歡飲。醉還行宮。夜分。爲近侍小哥。皆格盟人花哥。皆格庖人辛古。錫古等所弑。從子賢次子卽位。是

爲景宗。適值宋室勃興。中原復歸於一統。東亞天地。復成爲二大帝國對峙之局面矣。


是時契丹領土。北抵黑龍江岸。包有滿洲、蒙古、西方之吐蕃、回紇、大食、等國。東方之新羅等國。皆先後來貢。一時爲東亞第一大國云。


契丹世系表 松漠都督時代 姓大賀氏。自摩會始入朝於唐。至窟哥始拜松漠都督。賜姓李。傳十二世至楷洛。中間叛服不常。嗣後遂附回紇。其世次不可得而詳云。

摩會 (一) 無極男窟哥 (二) 阿卜固



遼世系表 初號契丹。姓耶律氏。自太祖至天祚。傳九世二百一十年。爲金所滅。





第六章 新羅之衰亡與後高麗之建國

朝鮮半島地方。為漢族、韓族、與通古斯族之競爭地。朝鮮最古之王國。實為漢族所創。半島民族之開化。得力於漢族者居多。三國兩晉時代。高句麗、百濟、相繼勃興。樂浪、帶方、等郡淪於異域。半島上漢族勢力。絕迹者三百餘年。唐室勃興。併吞百濟、高麗。漢族勢力復伸入半島。不久即為新羅所驅逐。半島全部。遂統一於韓族之下。新羅衰微。羣雄蜂起。漢州人王建。崛起江原。併吞羣雄。統一全國。朝鮮半島。復受漢族支配。自此以往。直至本朝末年。凡九百九十二年間。九一八至一九一〇。朝鮮主權。皆在漢族之手。其對於我國。常有主從關係。就血統上歷史上地理上各方面觀之。我國與朝鮮。實有固結不解之緣。最親愛之同胞。為外人所奴隸。亦可哀也。茲述其事蹟如此。

第一節 新羅之盛世

先是新羅武烈王文武王在位。利用唐室兵力。翦滅百濟、高麗。神文王、孝昭王、聖德王、繼之。乘唐室中衰。略取安東都護府故地。統一朝鮮半島中南部。聖德留心政事。禮高年。減租稅。置通文博士以掌詞命。漏刻博士以

掌歷數。提倡儒教。設大學。置宣聖及十哲七十二賢之畫像。行釋奠禮。屢遣使至唐輸款。玄宗拜王驃騎將軍。特進行左威衛大將軍。使持節大都督雞林州諸軍事。雞林州刺史。上柱國。樂浪郡公。新羅王。與以涓水以南百濟。高麗。故地。是時渤海叛唐。朝廷遣兵往討。授王開府儀同三司。充寧海軍使。命出兵爲犄角。王奉命。以金庾信之孫允中。允文。爲將。往會唐師。會大雪。丈餘。山路阻隘。無功而還。玄宗賜慰之者甚厚。

王在位三十五年。殂。子孝成王承慶立。是時新羅文教昌明。百廢具舉。朝廷遣鴻臚少卿邢璠。出使新羅。弔祭贈故王太子太保。册嗣王爲開府儀同三司。新羅王。璠臨行。玄宗諭以「新羅號君子國。知詩書。以卿惇儒。故持節往。宜演經誼。使知大國之盛」云云。又聞其國人善碁。乃以率府兵曹參軍楊季膺爲副。國之高手。皆出其下。於是唐與新羅國交日固。

孝成王在位二十年。弟景德王立。數幸大學。命博士講尙書。置國學博士及助教。以提倡儒學。又置九州。分統五小京。百十七郡。二百九十三縣。於是新羅地方制度大備。茲列表於左。以供參考。

州名	舊名	屬		州治	今名
		小京	郡縣數		
尙州	沙伐州	一	〇	慶尙北道	尙州
良州	歌良州	一	二	慶尙南道	梁山

康州	漢州	朔州	溟州	熊州	全州	武州
居州又	漢州中	首若州又	河西州又	熊川州西	完山州南	武珍州
	原	北原		原	原	
一一	二七	一一	九	一三	一〇	一四
二七	四六	二七	二五	二九	三一	四四
慶尚南道	京畿道	江原道	江原道	忠清南道	全羅北道	全羅南道
晉州	廣州	春川	江陵	公州	全州	光州

以上所舉。尙、良、康、三州。爲新羅本土。及任那故地。漢、朔、溟、三州。爲故高麗領土之一部。熊、全、武、三州。爲故百濟領土之全部。約佔半島面積三分之二。新羅幅員之廣袤。至是極矣。

是時安祿山作亂。中原鼎沸。玄宗幸蜀。王遣使溯江而上。至成都。弔災問難。玄宗嘉之。御製十韻詩一首。手書賜王以誌感。詩錄左。

嘉新羅王歲修朝貢克踐禮樂名義賜詩一首

四維分景緯 萬象合中樞 玉帛遍天下 梯航歸上都 緬懷阻青陸 歲月勒黃圖 漫漫窮地際
蒼蒼運海隅 興言名義國 豈謂山河殊 使去傳風教 人來習典謨 衣冠知奉禮 忠信識尊儒
誠矣天其鑒 賢哉德不孤 擁旄同作牧 厚貺比生芻 益重青青志 風霜恆不渝
其後至宋宣和年間。高麗使臣金富儀入朝。持玄宗手書。以示館伴學士李邴。李邴上之徽宗。宣示兩府及諸
學士。僉信以爲真玄宗御筆。嘉歎不已云。

王禮賢納諫。仁惠有德政。存問鰥寡孤獨。養廢疾。賑飢民。在位二十三年。太子乾運一作健立。是爲惠恭王。

第二節 新羅之末運

惠恭卽位之時。年甫八歲。母后金氏滿月夫人攝政。綱紀逐漸廢弛。朝政逐漸腐敗。一吉淪大恭。弟阿淪大廉。
大阿淪金融等。相繼以謀叛誅。王荒於酒色。不理朝政。上大等金良相力諫。不聽。伊淪金志貞作亂。圍王宮。良
相與伊淪金敬信起兵討平之。遂弒王與太后而自立。是爲宣德王。

宣德王者。奈勿尼師今十世孫。海淪孝芳之子也。母爲聖德王女四炤夫人。卽位以後。以金敬信爲相。大修國
政。屢遣使至唐通好。在位五年。無子。羣臣欲立其族子伊淪周元。不果。敬信卽位。是爲元聖王。元聖之時。屢
遭飢疫蝗旱。民生凋敝。在位十四年。孫昭聖王俊邕立。越二年而殂。子哀莊王重熙立。年甫十三歲。叔父角
干兵部令彥昇攝政。弒王而自立。是爲憲德王。通好於唐。請求佛經佛像。是時憲宗在位。銳意削平諸藩。平盧

節度使李師道拒命。詔新羅會兵討之。王奉詔。以全州都督伊浚、金雄元爲將。發兵三萬以助唐。王即位後之十四年。周元之子憲昌舉兵熊津作亂。略取熊武、全、康、尙等州。一吉浚、張雄等討平之。王在位十八年。太子秀宗立。更名景徽。是爲興德王。王妃章和夫人金氏早卒。王感其情。不肯再近女色。在位十一年。殂。無子。從弟上大等均貞、從姪悌隆爭立。周元之曾孫金陽與均貞之子祐徵擁兵奉均貞爲主。入王宮。悌隆之黨金明以兵來攻。陽兵敗績。陽與祐徵突圍出。先後奔清海鎮。今全羅南道海內郡之莞島南與濟州島東與對馬島遙遙相對爲唐與日本交通孔道依軍使張保皋均貞被殺。明等奉悌隆即位。是爲僖康王。以明爲上大等。在位三年。明弑之而自立。是爲閔哀王。金陽奉祐徵以討弑逆爲名。起兵清海鎮。張保皋以兵五千授其友鄭年使助之。陽等晝夜兼行。至撻伐丘。大破王兵。遂殺王。迎祐徵入即位。是爲神武王。尋殂。子慶膺立。是爲文聖王。

文聖即位。不念舊德。以徵嫌殺張保皋。士民嗟怨。文聖在位十八年。殂。叔父憲安王誼靖立。在位四年。殂。婿景文王膺廉立。在位十四年。殂。子憲康王躋定。康王躋、相繼在位。自文聖以後。歷代君主。耽於安逸。賦詩飲酒。歌舞昇平。都城附近。奢侈之風流行。民間毫無貯蓄。政治上社會上日益腐敗。叛者數起。民間疲於兵革。定康王殂。遣命立其妹曼。是爲眞聖女王。女王內行不修。恣爲淫穢。寵嬖人魏弘。醜聲聞於外。弘卒。追諡惠成大王。更選年少美丈夫數人入侍。授以要職。於是佞倖擅權。紀綱紊亂。賞罰失當。賄賂公行。有人揭榜於通衢。以謗王。或譏爲大耶州隱士王巨仁所爲。王大怒。收下獄。論死。巨仁悲憤。題詩於獄壁。以自悼。曰。

于公慟哭三年旱。鄒衍含愁五月霜。今我憂愁還似古。皇天無語但蒼蒼。是夕。天大雷雨以愆。王懼。釋巨仁。而淫虐滋甚。小民怨嘆。盜賊蜂起。州郡貢賦。不入於國庫。國用窮乏。於是當世驍雄弓裔、甄萱、王建之徒。相繼起兵。自立爲國。半島全部瓦解。復成三國對峙之局矣。

第三節 靡震後百濟之競爭與後高麗之建國

弓裔者。憲安王庶子。以五月五日。生於外家。生時屋上有光。燭天如虹。墮地卽有齒。日者奏以爲不祥。王遣中使就其外家殺之。使者取投樓下。乳婢竊以手承之。誤傷其一目。抱以逃竄於外。撫養十餘年。劬勞備至。後入鐵達寺。祝髮爲沙門。號善宗。及長。有膽氣。不守戒律。見國家衰亂。陰有大志。西歷紀元八九一年。新羅眞聖女王五年。中國唐昭宗大自投於北原。今江原道原州。賊梁吉。吉授以兵。使東略地。同八九四年。破溟州。今江原道遂江陵。兵勢日盛。自稱將軍。八九八年。定都松嶽。今京畿道開城。尋自立爲王。國號靡震。改元武泰。徙都鐵圓。今江原道鐵真府。置百官。略取新羅北部州郡。尋改國號曰泰封。

甄萱者。尙州加恩縣農家之子。本姓李。體貌雄偉。志氣倜儻。有志略。弓裔起兵之次年。亦舉兵武州。今全羅南道光州。西南州縣。所在響應。旬月之間。衆至數千。遂襲武州取之。自稱新羅西南都統。指揮兵馬。制置持節。都督全武公等州軍事。行全州刺史。御史中丞。上柱國。漢南郡開國公。食邑二千戶。攻略新羅西南州郡。西歷紀元九〇〇年。自立爲王。定都完山。今全羅道全州。國號百濟。史稱爲後百濟。設百官。遣使通好於吳越。吳越王錢鏐遣使報聘。

加查檢校太保。

當是時。眞聖女王已殂。兄子孝恭王曉立。國勢益衰。朝廷大臣。無復以討賊爲慮者。僅令州郡堅壁自守。弓裔國勢最強。略取新羅領土大半。裔迷信宗教。自稱彌勒佛。稱其二子曰青光、神光菩薩。自撰經文二十餘卷。所言皆妖妄不經。妻康氏力諫。裔怒殺之。終日恆舞酣歌。以奢侈暴虐爲事。民心離怨。將士解體。裔部將王建、本松嶽郡人。年二十。隨其父隆歸弓裔。爲松嶽城主。建深沈有大度。善用兵。弓裔之戰勝攻取。建之力居多。以功拜侍中。弓裔暴虐滋甚。建恐及禍。欲在外以圖自全。請出鎮錦城。今全羅南道羅州以經略後百濟。許之。已而裔召建入朝。詰以何故謀叛。建畏誅。自誣服。裔嘉其誠直。賜賚甚厚。遣還。建疑懼滋甚。已而諸將洪儒、裴玄慶、申崇謙、卜智謙等。叛弓裔。推戴建爲王。國號高麗。徙都松嶽。建元天授。是爲後高麗太祖。弓裔聞警。微服出奔。至斧壤。今江原道平安府爲農民所殺。凡稱王十七年而亡。時梁末帝貞明三年。西歷紀元九一七年也。

第四節 新羅後百濟之衰亡與後高麗之一統

是時新羅孝恭王已殂。妹婿朴父謙之子景暉立。是爲神德王。立五年殂。子昇英立。是爲景明王。後百濟王甄萱率師來侵。王與後高麗連和以拒之。用敵國禮。王在位七年殂。弟魏膺立。是爲景哀王。王好逸樂。耽於聲色。爲長夜之飲。後百濟王甄萱以兵襲高鬱府。今慶尙北道永川郡王請救於後高麗。援兵未至。萱已被王京。王時與妃橫宗戚出遊於鮑石亭。聞警走匿城南之離宮。爲後百濟兵所殺。萱入王宮。恣爲淫暴。立王族金傳爲王。大掠

而還。金傳卽位。是爲敬順王。後高麗太祖遣使來弔喪。自將精騎五千。邀擊甄萱于公山桐藪。今慶尙北道慶山縣桐華寺。敗績。部將申崇謙金樂戰死。萱遣書吳越王。借兵以防後高麗。太祖致書吳越。聲萱蹂躪新羅之罪。萱聞之大怒。自將來攻。戰於古郡。今慶尙北道安東郡。大敗而還。新羅敬順王見太祖威德日隆。乃與其下謀歸降。王子固諫不聽。王子哭泣離別。自投皆骨山。倚巖作屋。麻衣草室以終其身。王使金封休奉降表獻於後高麗。親率百僚發王都。至開京。今京畿道開城。太祖郊迎。館之柳花宮。妻以長女樂浪公主。封樂浪王。改新羅國爲慶州。賜爲食邑。新羅由是遂亡。自朴赫居世創國。至敬順王遜位。凡傳朴氏十王。普氏八王。金氏三十八王。共計傳國五十六代。凡九百九十二年而亡。時敬順王八年。後高麗太祖十八年。中國後唐廢帝清泰二年。西歷紀元九三五年也。先是西歷紀元九三二年。後唐明宗長興三年。後高麗太祖十五年。後高麗太祖遣大相王仲儒使於後唐。獻方物。次年。後唐明宗遣太僕卿王瓊。太府少卿楊昭業。充正副使。持節册拜太祖爲特進。檢校太保。使持節玄菟州都督。上柱國。充大義軍使。高麗王。妃柳氏封河東郡夫人。於是後高麗始奉後唐年號。新羅亡國之年。後百濟亦內訌。先是後百濟王甄萱。有子十餘人。第四子金剛。身長力大。多智。萱特愛之。有傳位之意。其兄神劍。良劍。龍劍。聞之頗不平。時神劍在京。良劍爲康州都督。龍劍爲武州都督。各擁兵在外。神劍遣使與二弟連謀。以兵劫父退位。自立爲王。殺金剛。幽萱於金山之佛寺。萱鬱鬱不樂。一日。以酒醉守者。攜季男能久。女哀福。嬖妾姑比。微服奔錦城。請降於後高麗。太祖遣使迎之至京。館之南宮。待以殊禮。尊爲尙父。位在百僚上。以揚州今京畿道京城。爲食邑。次

年。依黃之請。自將大軍征後百濟。次於一善。今陞尙北道善山郡神劍知勢不敵。面縛肉袒請降。太祖誅其黨與而赦神劍。萱不悅。憂懣成疾。疽發背而卒。於是後百濟遂亡。半島復歸於一統。自甄萱起兵。至神劍出降。統計四十五年而國亡。時後高麗太祖十九年。中國後晉高祖天福元年。西歷紀元九三六年也。

第七章 後印度半島諸國之迭興與安南之獨立

後印度半島地方。爲交趾支那民族分布地。地處亞洲東南。屬熱帶地方。氣候暑溼。雨量豐盈。草木蓊鬱。百穀叢生。爲天然之樂土。與埃及之尼羅河流域。印度之恆河流域相似。而山嶺重疊。交通不便。地勢華離破碎。宜於割據。不宜於統一。情形適與之相反。故伊古以來。未嘗建立大國。得天者厚。物產豐饒。取之不盡。用之不竭。其土地所產。常足以滿足人民慾望。故對外競爭心薄弱。氣候溫度太高。土人受其影響。多流於委靡怠惰。體力腦力。遠不如溫帶各國民族發達。故對外競爭之實力亦薄弱。當上古時代。中國、印度、埃及、美索不達米亞、等國。逐漸開化時。彼獨榛榛狉狉。相與起居。食息於黃農熙皞之天。自保其初民態度。其後經過唐虞三代。與中國常偶一交通。在中國史上。多以遠人來朝。傳爲佳話。而於半島之文明無與也。秦漢之時。其東北部始羈縻於中國。建設郡縣。中國文明。逐漸輸入北部。適值印度之摩揭陀帝國勃興。佛教文明普及於恆河流域。其餘波東漸。輸入半島西部。於是土人始漸開化。由部落制度。變爲國家制度。經過三國兩晉。至南北朝初年。半島東部之林邑王國。始與中國有軍事上之關係。隋唐之交。又與中國有第二次軍事上之關係。唐宋之交。半

島東北部。始離中國而獨立。建立交趾王國。奉戴漢族爲君主。輸入中國文化。開闢蠻方草昧。自是以後。經過宋元明清四代。凡千有餘年。交趾主權。常在漢族之手。聲名文物亞於中土。半島南部西部。受其影響。因而開化。亦吾國之光也。茲述其事蹟如左。

第一節 林邑之勃興與占城之續統

(一) 林邑之政治 林邑者。本漢日南郡象林縣故地。古越裳界也。光武時。伏波將軍馬援開南境。置此縣。順帝永和二年。西曆紀元一三七年功曹區憐晉書南史作連作亂。殺縣令。據象林。略取現今安南中部順化府附近之地。自稱林邑王。傳數世。王系斷絕。外孫范熊代立。熊子逸立。晉武帝太康中。始入貢於中國。是爲林邑與中國國際交通之始。成帝咸康二年。西曆紀元三三六年逸子奴文篡立。攻略近傍小國。皆下之。有衆四五萬人。屢寇日南等郡。殺畧吏民。穆帝永和五年。西曆紀元三四六年文子佛立。乘中國衰微。屢寇日南等郡。交州爲之虛耗。而林邑亦疲弊。佛子胡達立。安帝隆安三年。西曆紀元三九九年佛孫須達復寇日南。九德諸郡。無歲不至。殺傷甚多。須達子敵真立。其弟敵鎧攜母出奔。敵真追恨不能容其母弟。捨國而之天竺。禪位於其甥。國相藏麟固諫。不從。其甥立而殺藏麟。藏麟子又攻殺之。而立敵鎧之同母異父弟文敵。文敵復爲扶南王子當根純所殺。大臣范諸農平其亂。自立爲王。諸農子陽邁立。陽邁子咄立。襲其父名曰陽邁。宋文帝元嘉初。陽邁屢寇日南。九德諸郡。詔交州刺史檀和之。振武將軍宗慆。率師擊之。大破其兵於區粟城。遂克林邑。陽邁父子挺身走。自是以後。經

宋齊梁陳隋五代。貢獻不絕。隋煬帝大業元年。西曆紀元六〇五年遣總管劉方擊之。破其象陣。遂入其都。國王梵志走入海。方班師。梵志遣使人貢獻。唐太宗貞觀十九年。西曆紀元六四五年內亂復起。其臣摩訶慢多伽獨弑其王范鎮龍。夷其族。國人迎立王塔諸葛地爲王。肅宗至德以後。更號環王。徙國於占。今之平順城遂以占城爲國號。亦謂之占婆焉。

(二)林邑之物產及風俗 其國有金山出金。又出瑇瑁、貝齒、吉貝、沈木香。吉貝者。樹名也。其華成時如鵝毳。抽其緒。紡之以作布。與紵布不殊。亦染成五色。織爲斑布。是爲古代縣花之主要生產地。其俗居處爲閣。名曰千闌。門戶皆北向。書樹葉爲紙。其人拳髮色黑。以麝香塗身。一日之中。再塗再洗。拜謁皆合掌頓額。男女皆以橫幅吉貝繞腰以下。謂之干漫。穿耳。貫小環。貴者著革屣。賤者跣行。自林邑、扶南以南諸國皆然。其王者著法服。加環珞。如佛像之飾。出則乘象吹螺。擊鼓。置吉貝繖。以吉貝爲幡旗。國不設刑法。有罪者使象蹋殺之。其大姓號婆羅門。嫁娶必用八月。女先求男。由賤男而貴女。同姓還相婚姻。使婆羅門引塔見婦。握手相付。咒曰。「吉利吉利」爲成禮。死者焚之中野。謂之火葬。其寡婦孤居散髮。至老。國王事尼乾道。鑄金銀人像大十圍。皆印度俗也。

第二節 扶南真臘之迭興

(一)扶南 扶南者。今暹羅地。西去林邑三千餘里。在大海灣中。人皆醜黑。拳髮。裸身跣行。性質直不爲寇盜。

以耕種爲務。一歲種。三歲穫。又好雕文刻鏤。食器多以銀爲之。亦有書記府庫。文字有類於胡。喪葬婚姻。略同林邑。其國舊爲女王。名葉柳。南史作柳葉年少。壯健有似男子。時有外國人混潰。梁書作混潰者。征服其地。納葉柳爲妃。生七子。分王七邑。傳至混盤况。統一國內。盤况殂。子盤盤立。委任大將范蔓以國事。盤盤立。蔓自立。勇健有權略。以兵威服屬旁國。自稱扶南大王。是爲扶南有國號之始。作大船。窮瘴海。開國十餘。闢地數千里。蔓之晚年。國內亂。大將范尋自立。更繕治國內。起樓閣。與三國之孫吳交通。始令國內男子著橫幅。國法無牢獄。有訟者。先齋三日。乃燒斧極赤。令訟者棒行七步。又以金環雞卵投沸湯中。令探取之。若無實者。手卽爛。有理者則否。又於城溝中養鱔魚。門外圈猛獸。有罪者輒以餒猛獸及鱔魚。魚獸不食爲無罪。三日乃放之。是爲以神道斷獄之始。文化漸興。

東晉之季。天竺婆羅門僑陳如王其國。輸入印度文化。僑陳如殂。後王持梨陁跋摩。以宋文帝元嘉年間。入貢於中國南朝。齊武帝永明。梁武帝天監年間。後王僑陳如闍邪跋摩。復相繼遣使貢獻方物。詔授安南將軍。扶南王。其國人皆醜黑拳髮。所居不穿井。數十家共一池。引汲之。俗事天神。天神以銅爲像。二面者四手。四面者八手。手各有所持。或小兒。或鳥獸。或日月。其王出入乘象。嬖侍亦然。王坐則偏踞。翹膝至地。以白疊敷前。設金盆香爐於其上。國俗。居喪則剃除鬚髮。死者有四葬。水葬則投之江流。火葬則焚爲灰燼。土葬則瘞埋之。鳥葬則棄之中野。人性貪吝。無禮義。男女恣其奔隨。大抵皆交趾支那民族舊俗。而參以印度文化者也。跋摩殂。庶

子留陞跋摩。殺其嫡弟而自立。梁武帝在位中。時朝貢中國。所獻者多佛教法物云。

(二)真臘 方扶南盛時。真臘順遜諸邦皆屬之。真臘卽今法領交趾支那南部之柬埔寨。Cambodia 其王姓刹利氏。有大城三千餘所。王都伊奢那城。風俗被服。與林邑同。地饒瘴毒。海中大魚。有時半出。望之如山。每五六月中。毒氣流行。卽以牛豕祠之。否則五穀不登。其俗東向開戶。以東爲上。有戰象五千頭。尤好者飼以飯肉。與隣國戰。則象隊在前。於背上以木作樓。上有四人。皆持弓箭。國尙佛道及天神。世與驃國和好。與環王相攻。唐太宗時。真臘并扶南而有其地。後分爲二。北多山阜。號陸真臘。南際海。號波澤。號水真臘。水真臘最富。爲世所稱。

第三節 驃國之建國

驃國。今之緬甸也。漢和帝時。有揮國王雍由調。遣使獻樂。唐時謂之驃。地甚廣大。有屬國十八。鎮城九。部落二百九十八。其王姓困沒長。名摩羅惹。其國名摩訶思那。其王近適。則昇以金繩牀。遠適則乘象。蠻姝甚衆。常數百人。其羅城構以磚甃。周一百六十里。壕岸亦構塼。相傳本舍利佛城。城內有居人數萬家。佛寺百餘區。其堂宇皆錯以金銀。塗以丹彩。地以紫鑛。覆以錦繡。其俗好生惡殺。其土宜菽粟稻粱。無麻麥。其理無刑名桎梏之具。犯罪者以竹五十本束之。復犯者撻其背。數止五。輕者止三。殺人者戮之。男女七歲則落髮。止寺舍。依桑門。至二十不悟佛理。乃復長髮爲居人。其衣服悉以白氈爲朝霞。繞腰而已。不衣繒帛。云出於蠶。爲其傷生故也。

君臣父子長幼有序。明天文。喜音樂。唐德宗時。國王雍羌獻樂。其時驃國役屬於南詔也。

第四節 海南諸國

海南諸國。自東晉以後。著名者漸多。佛教婆羅門教盛行於其地。文化因之亦起。如閩婆即今之爪哇。有文字。知星歷。奉婆羅門教。馬來半島。則有頓遜。婆皇。盤盤等國。諸海島。則有婆利。今之婆羅洲。干陀利。室利佛逝。皆今之暹羅。等國。并奉佛教。中國南朝諸帝。以好佛聞。諸國王爭遣使貢獻。頓遜爲東西交會。東自中國林邑。扶南。西至天竺。安息。往還交易。日有萬餘人。珍物寶貨。無所不有。後印度諸國之富。多因於市易之利。及唐時大食興盛。商權遂漸爲阿刺伯人所握矣。

第五節 交趾之獨立

交趾者。周時越裳氏故地。秦爲象郡。漢爲交趾。九真。日南三郡。唐初。置安南都護府以鎮之。安南之名始此。後梁時。土豪曲承美據其地。送款末帝。因授以節鉞。南漢劉隱遣將伐而擒之。其後楊廷藝。紹洪。相繼爲交趾節度使。皆受南漢策命。紹洪卒。州將吳昌胤。及弟昌文。相繼在位。昌文卒。部將爭立。管內十二州大亂。攝驩州刺史丁部領。與其子璉。起兵擊定之。自立爲王。號曰大勝王。晷璉爲節度使。尋傳位於璉。南漢亡後。璉遣使入貢於宋。太祖授爲節度使。封交趾郡王。自是安南始列爲外藩。不入中國版籍。璉殂。弟璿立。爲大將黎桓所篡。宋太宗命將往討。無功而還。然猶稱臣於宋。貢方物。宋取羈縻政策。授桓節度使。封交趾郡王。桓殂。子龍鉞立。弟

龍廷弑而代之。眞宗祥符三年。西歷紀元一〇一〇年。大將李公蘊逐龍廷而自立。遣使入貢於宋。眞宗册封之。如黎氏故事。於是安南入於李氏。

林邑世系表

甲、臨氏

- (一) 區憐
- 以下未詳

乙、范氏

- (一) 熊
- (二) 逸

丙、范氏

- (一) 文
 - (二) 佛
 - (三) 胡達
 - (四) 須達
 - (五) 敵眞
- 史稱爲佛孫未詳其父爲何人

敵鏡

丁、范氏

- (一) 諸農
- (二) 陽邁
- (三) 咄
- 中間未詳
- 梵志
- 未詳

頭黎

鎮龍

女

諸葛地 占城國始祖

扶南世系表

甲、混氏

(一) 混潰

中間未詳

葉柳

盤况——盤盤

乙、范氏

(一) 蔓

長 金生

丙、范氏

(一) 尋……未詳
竺旃檀

丁、天竺系

(一) 橋陳如……代數未詳
持梨陀跋摩……未詳
橋陳如闍邪跋摩——留陀跋摩

交趾世系表一 靜海軍節度使時代

所著 東洋史 第三編 近古史

甲、曲氏

(一) 承美

乙、楊氏

(一) 延藝 — (二) 紹洪

丙、吳氏

(一) 昌晟

(二) 昌文

交趾世系表二 瞿越王時代


甲、丁氏

(一) 部領

(二) 璉

(三) 璿

乙、黎氏



第八章 南詔之衰亡與大理之建國

雲南迤西一帶。從古爲蠻夷之域。自南詔建國。登庸中國人才。輸入唐室文化。草昧始開。一時成爲西南方面霸國。及其末年。王綱不振。武人弄兵。中國南北朝時代篡弑之風。與唐代藩鎮跋扈之風。同時輸入。釀成武人專制政體。鄭氏、趙氏、楊氏、相繼篡立。蒙氏系統因以中斬。效法中國者。其末流之趨勢。與中國相似。亦可哀也。茲述其事蹟如左。

第一節 南詔之末路

南詔自隆舜在位。耽於逸樂。國勢漸衰。隆舜殂。子舜化貞以冲齡踐位。委政於大臣鄭買嗣。在位五年殂。遺子生甫八月。買嗣當國。啓貞妻。身抱太子臨朝。潛以手扼其陰。子因傷而卒。貞妻疑而詰之。買嗣懼。遽起兵滅蒙

氏殺其親族八百餘人。南詔由是遂亡。時唐昭宗天復二年。西歷紀元九〇二年也。

第二節 長和之興亡

買嗣者。唐蓋州西瀘令鄭回之後。回事異牟尋爲清平官。諸王子皆師之。自此以後。累世貴顯。傳七世至買嗣。隆舜時。歷官侍中。隆舜巡幸無度。留買嗣守國。遂專政柄。舜化貞時爲相。化貞殂後。賊殺太子而自立。是爲桓帝。國號大長和。仍都大理。後梁太祖開平元年。建普明寺。鑄佛一萬尊。爲蒙氏死者祈福。四年西歷紀元九一〇年殂。子仁爰立。是爲肅文帝。

肅文卽位之翌年。遣兵攻蜀。前蜀高祖王建大破之。溺水死者萬餘人。後唐莊宗同光三年。肅文以朱鬃白馬。求婚於南漢。南漢高祖劉龔以增城公主妻之。肅文餌金丹。躁怒無常。後唐明宗天成元年西歷紀元九二六年暴殂。子隆亶立。是爲恭惠帝。越二年。東川節度使楊千貞入朝。弑之而立趙善政。長和亡。時後唐明宗天成三年。西歷紀元九二八年也。長和凡傳三主。二十六年西歷紀元九二八〇年而亡。

第三節 天興義寧之遞嬗

趙善政者。寧北佞逸塋人。仕長和爲清平官。楊千貞弑恭惠帝而立之。改國號曰天興。卽位以後。待千貞禮寢衰。有所乞請皆不與。千貞怒。遂廢之而自立。時後唐明宗天成四年。西歷紀元九二九年也。凡在位十閱月而亡。

楊千貞者。藉村今騰越道實川縣即故大理府賓川州所屬地人。母名彌彖。有美色。南詔宣武帝隆舜私焉。有娠。適漁人楊氏。生千貞。長仕鄭氏爲東川節度使。弒恭惠帝而立趙善政。復廢善政而自立。國號大義寧。在位貪暴。中外咸怨。通海節度使段思平起兵攻之。千貞遣弟詔率師拒戰。兵敗。千貞出奔。義寧亡。時後晉高祖天福二年。西歷紀元九三七年也。凡在位八年而亡。

第四節 段氏之家世及其建國事略

段思平者。其先武威郡北人。世爲南詔蒙氏將。唐玄宗天寶十載及十三載。大兵兩次伐雲南。雲南王閣邏風命大軍將段儉魏。奉世子鳳伽異。拒戰於點蒼山及西洱河。兩敗唐兵。以功授清平官。賜名忠國。六傳而至思平。爲長和幕覽。楊詔嫉其能。遣客刺之。思平走免。後積戰功至通海節度使。楊千貞篡立之後。受詔之譖。常欲除思平。思平依其舅變判自匿。善政臣守高方素與思平善。後晉高祖天福元年十二月。密招思平。借兵於東方黑蠻松慶三十七蠻部。以董迦羅爲軍師。會於石城。舊曲靖府今曲靖縣進攻大理。次年。大破楊詔兵。千貞出走。追執之。廢爲僧。思平遂卽位。國號大理。是爲太祖。

長和世系表

姓鄭氏。傳三世二十六年。爲楊千貞所篡。

- (一) 桓帝買嗣 八年
- (二) 肅文帝仁曼 十六年
- (三) 恭惠帝隆宣 二年

第二期 漢族與西北民族第二次對峙時代

第三期 通古斯族強盛時代

以上二期事蹟較簡。併作一期說明之。

第一章 西夏之勃興及其對宋遼之關係

自來日中則長。月盈則缺。漢族勢力之隆盛。至有唐初年達於極點。自是以後。逐漸衰退。有宋勃興。併吞揚子江流域各小國。號稱一統。實則幅隕之廣。猶不及唐室全盛時代二分之一。安東都護府故地。爲後高麗所據。安西、北庭、崑陵、濛池、都護府故地。爲突厥、回紇、吐蕃、遺族所分據。安南、峯州、都護府故地。爲交趾所據。燕然、單于、瀚海、都護府故地。爲契丹所據。四圍藩屬。皆隸他人。政治局面。已成捉襟肘見。納履踵決之勢。而范陽、平盧、二鎮及河東鎮北部故地入於遼。朔方、河西、二鎮及隴右鎮北部故地入於夏。東胡民族與圖伯特民族。各創立一大國。分據黃河上下游。與宋南北對峙。其形勢與東周時代之北狄西戎相似。而國勢之強大過之。與東晉時代之五胡十六國相似。而國祚之綿延過之。東周時代之戎狄。皆弱小部落。散居黃河流域。無建立大國者。東晉時代之五胡十六國。差可謂爲大國矣。而運命太短。又無根據地。轉瞬凌夷。子孫皆同化於漢族。獨遼夏二國。其根據地在塞外。而勢力範圍。伸入中國內地。長城之險。爲二國所有。直隸、山、陝、北境無險可守。黃河流域時常被兵。二國地處北方。人口之庶。物產之饒。遠不如宋。而武力之強。則遠過之。宋與遼爭。則宋敗。與夏爭。宋亦敗。僅恃和戎政策。爲敷衍目前之計。以堂堂大國。爲小國納歲幣。竭中國之脂膏。以事夷狄。如豢猛虎。

如養驕子。當飽其肉。不飽則將食人。此真中國歷史上污點。論史者無能爲諱者也。茲述其事蹟如左。

第一節 西夏之民族及家世

先是有唐初年。征服吐谷渾。党項酋長拓拔赤辭來歸。授西戎州都督。其後吐蕃強盛。拓拔氏漸爲所逼。遂請內徙。始移其部落於慶州。今甘肅涇原道慶陽縣故慶陽府置靜邊道。今陝西榆林等州以處之。其後析居夏州。今陝西榆林道橫山縣即故榆林府

林府者。號平夏部。唐末。其酋裔思恭鎮夏州。統銀、夏、綏、宥、靜、五州地。助河東節度使鄭從讓討黃巢有功。賜姓李。思恭卒。弟思諫。孫彝昌。相繼爲定難軍節度使。後梁太祖開平四年。彝昌爲其將高宗益所殺。將士立其族父仁福。仁福卒。子彝超。彝興。相繼嗣位。始入貢於宋。彝興卒。子克睿。孫繼筠。相繼在位。宋太宗伐北漢。繼筠遣部將率蕃漢兵渡河。略太原境。以張軍勢。繼筠卒。弟繼捧嗣。以宋太平興國七年。舉族入朝納土。其族弟繼遷不從。出走地斤澤。在今橫山縣故夏州東北。雍熙二年。襲據銀州。今榆林道米脂縣契丹封爲夏國王。妻以義成公主。是爲西夏太祖。乘宋與契丹構兵之隙。屢擾宋邊。趙普當國。倡議復以繼捧爲定難軍節度使。賜姓名趙保忠。命還鎮夏州。招撫繼遷。淳化二年。繼遷請降。授銀州觀察使。賜姓名趙保吉。

已而繼捧、繼遷相繼作亂。朝命李繼隆爲河西兵馬都部署。將兵討之。繼隆襲破夏州。執繼捧送京師。繼遷北遁。帝用宰相呂蒙正議。墮夏州城。自此以後。繼遷連年寇邊。西方無寧宇。真宗卽位。繼遷請降。以爲定難軍節度使。復昇以五州。於是繼遷形勢坐大。

靈州今甘肅寧夏道靈武縣即故寧夏府靈州在夏州西北方。孤懸塞外。爲漢唐以來重鎮。繼遷東侵。懼靈州爲後患。屢欲攻陷之。知州事裴濟告急於朝。朝議棄守不決。不肯大發兵應援。咸平五年。繼遷大舉兵攻陷靈州。裴濟戰死。繼遷改名爲西平府。居之。於是西北方失一重鎮。次年。繼遷轉攻西蕃。取西涼府。今甘肅道武威縣即故涼州府都首領潘羅支僞降。集六谷蕃部合擊繼遷。繼遷大敗。中流矢死。子德明立。是爲西夏太宗。

知鎮戎軍曹瑋上言。「保吉擅河南地二十年。兵不解甲。使中國有西顧之憂。今其國危子弱。不卽捕滅。後更強盛。不可制矣。願假臣精兵。出其不意。擒德明送闕下。復河南爲郡縣。此其時也。」帝欲以恩致德明。不報。詔德明令審圖去就。德明奉表歸款。授定難軍節度使。封西平王。賜賚甚厚。終其身三十年不犯邊。

第二節 西夏之建國

仁宗明道元年。西歷紀元一〇三二年德明卒。子元昊嗣。性雄毅。多大略。能剝製物。始曉浮屠學。通蕃漢文字。嘗諫其父勿臣宋。德明輒戒之曰。「吾用兵久疲矣。吾族三十年衣錦綺。此宋恩也。不可負。」元昊曰。「衣皮毛。事畜牧。蕃性所便。英雄之生當帝王耳。何錦綺爲。」旣襲封。明號令。以兵法勸諸部。改官制。分文武班。自中書令宰相樞密使以下。分命蕃漢人爲之。立蕃漢學。以服色別貴賤。自制蕃書。形體方正類八分。教國人紀事。譯孝經。爾雅。四言雜字爲蕃語。每舉兵。必率部長與獵。有獲則下馬環坐而飲。割鮮而食。各問所見。擇取其長。以故士馬精強。雄於西方。

初。元昊之未嗣位也。奉其父德明命。襲回鶻甘州。取之。德明喜。遂立爲太子。及嗣位以後。復侵略吐蕃。回鶻。及
蘭州諸羌。取瓜。道安西縣。今甘肅安西縣。沙。敦煌縣。今安肅道。今安肅道。三州。凡據有夏。銀。綏。宥。靜。靈。鹽。會。勝。甘。涼。瓜。沙。肅。十四
州地。定都與慶府。夏道治。今甘肅寧。阻河依賀蘭山爲固。設十六司以總庶務。有兵十五萬八千餘人。置十二監軍司
以總之。於是規模粗備。

初。華州有二生曰張曰吳者。久困場屋。薄遊塞上。聞元昊有意窺中國。遂叛而往。卽其都門之酒家劇飲。終日
引筆書壁曰。「張元昊吳來飲此。」邏者執之。元昊責以入國問諱之義。二人大言曰。「姓尙不理會。乃理會
名耶。」時元昊用中國賜姓。二人故云。元昊竦然異之。日尊寵用事。凡夏人立國規模。入寇謀畫。皆二人所導
也。寶元元年。西歷紀元一。元昊稱帝。改名彝霄。建國號曰大夏。改元大慶。是爲景宗。上書於朝廷自陳。且求冊
命。講鄰好。仁宗詔削其官爵。絕互市。自是連年構兵。中國屢敗。乃分陝西爲秦鳳。涇原。環慶。鄜延。四路。使韓琦。
范仲淹。等爲安撫經略招討使。禦之。撫熟蕃。築城砦。少遏其鋒。自是陝西禦寇不暇。遼人乘隙。窺伺北邊。於是
宋遼之交涉起矣。

第三節 遼室之中與與宋遼之和戰

先是宋太祖卽位。用趙普議。與遼修好。太平興國四年。太宗自將伐北漢。滅之。欲乘勝恢復幽薊。遂伐遼。圍幽
州。遼景宗遣耶律休格等赴援。大敗宋師於高粱河。在今北京西直門外。太宗急乘驢車走免。自是遼好遂絕。兩國時常

擄兵。宋師屢北。河北、河東、大遭蹂躪。

太平興國七年。西歷紀元九八二年景宗崩。子隆緒立。年甫十二。母后蕭氏攝政。復國號曰契丹。蕭后早慧。明達治道。有

善必從。故羣臣咸樂爲用。任耶律色珍。舊譯斜軻韓德讓。參決大政。委耶律休格以南邊事。休格智略宏遠。料敵如

神。每戰勝。讓功諸將。故士卒樂爲用。宋太宗信邊臣言。謀乘契丹釁。恢復燕雲十六州。雍熙三年。以曹彬、米

信、田重進、潘美等爲四道都部署。彬、幽州信、西北重進、美、雲、朔、等州分道北伐。諸將陛辭。帝謂曰：「潘美但先趨雲朔。卿等

以十萬衆。聲言取幽州。且持重緩行。不得貪利。虜聞大兵至。必悉衆救范陽。不暇援山後矣。」已而美由太原

進。取寰、朔、應、雲州。彬與信由雄州進。乘勝趨涿州。時耶律休格守幽州。兵少不敢出戰。而遣輕騎斷彬等糧道。

彬居涿旬日。食盡退師。休格躡之。彬軍大敗。色珍引兵救雲州。亦破潘美兵。副都部署楊業戰沒。美走還太原。

所得地復陷。蕭后習知軍政。親偕聖宗將大兵南下。陷深、邢、德、三州。大掠而去。自是宋惟自守。不敢復議進取。

高麗、女真。故附宋。約夾攻契丹。至是以宋不足與有爲。女真始絕宋而屬契丹。高麗尋亦兩屬。

至道三年。太宗崩。眞宗卽位。咸平二年。契丹蕭后復偕聖宗大舉南侵。大掠河北、山東。都部署康保裔拒戰於

瀛州。敗績。死之。眞宗自將次於大名。契丹乃還。自此以後。連年寇邊。宋師多敗。景德元年。復大舉深入。朝廷

震駭。參知政事王欽若請幸金陵。陳堯叟請幸成都。以避其鋒。宰相寇準力勸帝親征。帝從之。次於澶州。今直

大名道瀋陽縣卽開州諸軍與戰。殺其大將蕭達蘭。契丹軍却。遣使來請和。要求割讓關南地。帝不許。遣閤門祇候曹

利用往契丹營。約定每年以銀十萬兩，絹二十萬匹，充歲幣贈契丹。結爲兄弟之國。南朝爲兄。北朝爲弟。兩國盟約成。各罷兵歸。至是宋遼衝突始一結束。

大中祥符二年。蕭太后殂。聖宗親政。西伐回鶻。破肅州。東伐高麗。焚開京。兵勢日強。築城達臚胸河。今外蒙古克魯倫河。混同江。今松花江下游與遼河合流處。疎木河。今松花江之間。武功赫然。晚年。渤海遺族大延琳據東京反。討平之。錄用渤海舊族之有勤勞材力者。分徙其餘衆。以弭後患。在位四十九年。勤政恤下。國以富強。

宋仁宗天聖九年。西歷紀元一〇三一年。聖宗殂。子宗真立。是爲興宗。母蕭耨斤自立爲皇太后。臨朝稱制。遷其嫡母齊天后於上京而弑之。已而欲廢興宗而立其弟重元。重元以告興宗。興宗遷之慶州。收皇太后符璽。始親決國事。立重元爲皇太弟。時興宗漸長。國內無事。戶口蕃息。適值宋夏構兵。中國旰食。慨然有南侵之志。聚兵燕薊。聲言南下。慶歷二年。遣使求地於宋。仁宗遣富弼報之。往復者再。婉轉辨喻。始允歲增銀絹十萬兩匹以和。是爲宋遼第二次和約。次年。元昊亦上書乞款。許之。會契丹來告伐夏。乃中止。

第四節 遼夏之衝突與宋夏之構和

先是西夏太宗德明在位。契丹聖宗自將來攻。德明拒敗之。是爲遼夏結怨之始。元昊襲位。納契丹降戶。興宗責還。不遣。乃自將往討。兵十餘萬。分三路濟河。長驅深入夏境。元昊自將待于河曲。僞退誘而敗之。尋遣使送還所獲俘虜以請和。興宗乃還。

是時元昊用兵已久。雖數戰勝。然死亡創夷相半。兵財兩竭。百姓嗟怨。又中知環州种世衡反間計。殺其大將野利綱哩。一作派拉雅奇。一作遇乞。兄弟。武力漸衰。宋仁宗亦以西鄙用兵日久。心厭之。會契丹使至。言元昊欲歸款。乃密詔陝西安撫經略招討使龐籍招撫之。元昊喻意。遣使來請和。詔册封元昊爲夏國主。歲賜銀二萬兩。絹二萬匹。茶三萬斤。約稱臣奉正朔。於是宋夏衝突始一結果。然元昊帝其國中自若也。

是時契丹境內。有京五。上京臨潢府在今熱河特別區域。昭烏達盟巴林旗東北。中京大定府在今熱河特別府。大同縣。西京雲內府。南京析津府。即今北京。東京平府。即今奉天遼陽縣。西京大同府。今山西。府六。州軍城百五十有六。縣二百有九。部族五十有二。屬國六十。東至於海。西至金山。暨於流沙。南

至白溝。北至臚胸河。幅隕萬里。爲亞東第一大國。

慶曆八年。西歷紀元一〇四八年。夏景宗元昊殂。子諒祚立。是爲毅宗。年方期歲。以三大將分治國政。契丹復遣兵分道伐夏。河南道行軍都統蕭惠。率師溯河流而上。斥侯不周。爲夏人所敗。北道行軍都統耶律敵魯古。一作達。一作曷。一作曷。率兵至賀蘭山。獲諒祚母密藏氏。及宮僚官屬以歸。諒祚遣使乞依舊稱藩奉貢。許之。

與宗性佻儇。嘗因夜宴。自入樂隊。又數變服入酒肆寺觀。尤重浮屠法。僧有正拜三師三公兼政事令者。然能內修政事。外撻鄰國。在位二十五年。親策進士。大修條制。下至士庶。得陳便宜。故國富兵強。稱爲英主。

至和二年。西歷紀元一〇五五年。興宗殂。子洪基立。是爲道宗。以太弟重元爲太叔。重元不悅。嘉祐八年。洪基如太子山。方輿紀要山在西南。重元與其子涅魯古。一作尼。一作曷。等作亂。率兵犯行宮。北院樞密使耶律伊遜。率宿衛士擊退之。殺


涅魯古。重元走大漠。自殺。復改國號曰遼。會宋神宗在位。以王安石爲相。銳意變法自強。遣王韶經略河湟。以爲恢復靈州計。蕃部多降。朝廷乃議大舉攻夏州。

第五節 宋夏之衝突與宋遼之構和


夏自毅宗諒祚即位。母族訛龐專政。諒祚忌而殺之。夷其族。已而請去蕃禮。從漢儀。服中國衣冠。以漢官名命其臣。數上表於宋。求九經。唐史。冊府元龜。及正旦朝賀儀。仁宗詔以九經賜之。於是西夏文明。日益進步。宋英宗治平四年。西歷紀元一〇六七年。青澗守將种諤。襲虜夏監軍威名山。遂復綏州。得首領三百。戶萬三千。兵萬人。諒祚報怨。誘殺知保安軍楊定。邊釁復起。朝議欲棄綏誅諤。鄜延經略使郭達上書力爭。乃詔故首相韓琦判永興軍。經略陝西。存綏州。而竄諤於隨州。

是年。諒祚殂。子乘常立。是爲惠宗。宋神宗在位。先後遣宰相韓絳。宦官李憲等。經略夏州。搆兵數年。取夏葭蘆。吳堡。義合。米脂。浮圖。塞門。六城。而熙寧四年靈州之役。五年永樂之役。官軍熟羌義堡死者幾六十萬人。遼人乘輿。遣使來議疆事。朝廷報使。往復者再。卒徇遼請。割河東新疆與之。凡東西失地七百里。南北三十里。遂爲異日與兵之端。哲宗即位。乘常屢遣使來求故地。時文彥博。司馬光。呂公著。秉政。不許。元祐元年。西歷紀元一〇八六年。乘常殂。子乾順立。是爲崇宗。歸永樂之役所獲吏士百四十九人。詔以米脂。葭蘆。浮圖。安疆。等四砦還之。於是元豐以來用兵所得之地。復爲夏有。

西夏世系表一 定難軍節度使時代。党項酋長姓拓拔氏。自赤辭始歸唐。授西戎州都督。至思恭始爲定難節度使。賜姓李。傳九世至繼捧。入朝於宋。納土。從弟繼遷叛走。襲據銀州。契丹封爲夏國王。是爲西夏之始。



西夏世系表二 建國以後。自繼遷始稱夏王。後降宋。賜姓趙。至元昊稱皇帝。復姓李。凡傳十二主二百五十八年。爲蒙古所滅。



(三)景宗元昊 十一年 (四)毅宗諒祚 二十年 (五)惠宗秉常 十九年 (六)崇宗乾順 六十二年

(七)仁宗仁孝 五十二年 (八)桓宗純祐 十二年

越王仁友 (九)襄宗安全 六年

某 彦宗 (十)神宗遵頊 十二年

(十一)獻宗德旺 三年 (十二)南平王覲 一年

第二章 後高麗對宋遼之關係

第一節 後高麗初年之外交

朝鮮半島地方。歷代以事大主義。為唯一不二之外交政策。後高麗太祖勃興以後。循例稱臣於後唐。太祖勇武知兵。行仁政。國人懷之。後唐莊宗天成元年。契丹太祖天贊五年。後高麗太祖西歷紀元九二六年。契丹太祖耶律阿保機滅渤海。更名東丹國。以其長子突欲為人皇王。鎮之。於是高麗西北。遂與契丹接壤。渤海世子大光顯。將軍申德。禮部尚書大和鈞等。率其餘衆數萬戶。先後奔高麗。契丹遣使來修好。遣太祖以駱駝五十四。太祖怒其暴橫。謝絕。

之。自此以後，契丹與後高麗，感情上漸起衝突。願以方有事於中國，無暇經略東方。後晉出帝天福八年，四紀元年九太祖殂，傳子惠宗武，定宗堯。大匡王規專權，離間宮庭，幾釀內亂。定宗雖誅王規，而好佛信圖讖，萬事皆不振作。定宗殂，弟光宗昭立，信讖好殺，勳臣宿將，誅戮殆盡。景宗伯繼之，焚讖書，赦無辜，拔擢沈滯，輕減租稅，中外大悅。及其晚年，耽於逸樂，遠賢臣，親小人，前後舉動，如出二人，國政大衰。

第二節 成宗之內政

宋太宗太平興國七年，四歷紀元九八二年景宗殂，從弟成宗始立。成宗英明，勵精圖治，大修官制，置內史門下省，羣百揆之庶務，置御事都省，總領百官，置三司，掌中外錢穀出納會計之務，置中樞院，以掌軍政，又設六部，吏部掌文選、勳封之政，兵部掌武選、軍務、儀衛、郵驛，戶部掌戶口、貢賦、錢糧，刑部掌法律、詞訟，禮部掌禮儀、祭享、朝會、交聘、學校、科舉，工部掌山澤、工匠、營造，又設御史臺、司糾察，國子監、司教育，祕書省、典書籍，此外有衛尉寺、禮賓省以下之諸司。大抵宰相統六部，六部統諸司，以簡馭繁，以卑承尊，官有常守，位有定員，又定地方制度，分國內爲關內、中原、河南、江南、嶺南、嶺東、山南、海陽、朔方、淇西等十道，分置州縣，設楊、廣、忠、清、公、晉、尙、全、羅、昇、海、黃等十二州節度使以統之，百般之制作大備。王又留心風教，立宗廟社稷，定五服給假式，旌孝節，問耆老，舉賢才，恤百姓，命州縣興學校，由國家給以學田，補助常年經費，下教獎勵學問，至再至三，命京官五品以上上封事，論列時政之得失，採用直言，改良庶政，中外大悅。

第三節 成宗之外交

當是時。中國本部。逐漸爲宋所統一。東三省及內外蒙古。亦俱爲遼所征服。朝鮮半島西鄰。突然現出二大帝國。兩姑之間難爲婦。對外交涉。漸多困難。宋太宗滅北漢以後。屢欲伐契丹。恢復燕雲。雍熙二年。後高麗成宗四年遣監察御史韓國華使高麗。命出兵夾攻契丹。成宗依違。不敢奉詔。契丹聖宗既敗宋。遂以淳化四年。契丹聖宗統和十一年遣其東京留守駙馬蕭恆德。將兵來侵。王以侍中朴良柔。內史侍郎徐熙。門下侍郎崔亮。爲上中下軍使。帥師拒戰。敗績。羣臣惶懼。多主張割地請和。徐熙力爭。乃遣熙使契丹營構和。約定稱臣。奉正朔。而卒不允割地。次年。遣使入朝於宋。請兵伐契丹。太宗以北邊甫寧。不欲爲外人開釁。謝遣之。王知中國不足恃。乃一意朝貢契丹。與宋國交中斷。契丹割鴨綠江東地數百里以賜之。妻以蕭恆德之女。

第四節 顯宗時代之外交

宋太宗至道元年。西歷紀元九九七年成宗殂。從子誦。景宗立。是爲穆宗。太后皇甫氏攝政。嬖臣金致陽得幸於后。生子。驟遷閣門通事舍人。專國政。引用戚黨。盤據朝廷。王多病無子。太祖諸孫皆早世。獨大良君。太祖第五子尚在。太后忌之。詢權禰。削髮爲僧以自晦。太后陰有以呂易羸之意。王知其謀。遣使迎詢於神穴寺。召西北面都巡檢使康兆。遼史作擊入宿衛。是時中外煩惱。風言王已長逝。宋真宗祥符二年。後高麗穆宗十二年西。兆舉兵平州。今黃海道以靖內亂爲名。迎立大良君。是爲顯宗。廢穆宗爲讓國公而弑之。誅致陽。流太后及其黨與於遠方。


自爲吏部尙書。參知政事。次年契丹聖宗起兵問罪。破兆兵於通州。今平安北道宣川郡執而誅之。進圍西京。今平壤王奔揚州。今京畿道復由廣州。今京畿道鐵道經公州北道。至羅州。今全羅南道契丹進破開京。今京畿道開城會天大雨。駝馬疲乏。不能前進。聞王已遠遁。乃班師。王還京。遣使詣契丹請和。契丹召王入朝。不從而築輿化。鎮名在今平安北道龍川郡龍州。今平安北道龍川郡鐵州。今平安北道鐵山郡郭州。今平安北道龜州道龜城郡六城以備邊。契丹責王有貳心。遣使來索六城。不與。契丹兵屢侵邊境。王不得已。復稱臣於宋以乞援。是時眞宗方與契丹和。忙於封禪天書。汲汲以粉飾昇平爲務。無暇顧及邊事。天禧二年。契丹聖宗顯宗七年。後高麗顯宗九年。契丹東平郡王蕭排押率師大舉來侵。王以姜邯瓚爲上元帥。姜民詹副之。拒戰於輿化。大破其兵。僮尸蔽野。獲其駝馬甲仗無算。排押走還。王知契丹終不可敵。宋終不可恃。復遣使請和。稱藩奉貢。契丹許之。




第五節 德宗文宗之外交

宋仁宗天聖九年。西歷紀元一〇三一年。顯宗殂。子德宗欽立。乘契丹有內亂。與之絕好。修北境邊防。築石城。西自鴨綠江口。東經寧遠。平安南道和州。今咸鏡南道高原郡至定平之都連浦。爲北方第一層要塞。契丹遣使來詰責。不聽。宋仁宗景祐元年。西歷紀元一〇三四年。德宗殂。弟靖宗享。文宗徽相繼在位。復修好於契丹。文宗留心政治。崇節儉。審刑獄。優禮宿儒。提倡孔學。識察長吏之勤惰。訪問百姓之疾苦。內政逐漸整理。適值宋仁宗、英宗、神宗相繼在位。中國人才輩出。文教大興。王心慕之。造巨船。欲由海上與中國交通。憚契丹干涉。不果。宋仁宗熙寧元年。後

十二文宗 朝廷遣使黃慎來諭王。王大悅。優待之。逾年。遣民官侍郎金梯奉表入貢。元豐元年。三十二年。文宗朝
 廷復遣左諫議大夫安燾等。齎詔來聘。舉國大表歡迎。是時契丹已改國號曰遼。士風漸流於懦弱。而武力猶
 未全衰。王通好宋遼。仍從遼受封冊。適值女真勃興。乘方張之勢。與宋聯合滅遼。後高麗北境與女真為鄰。於
 是國際關係日益複雜。

後高麗世系表 王氏自太祖開國。傳二十五世。至忠烈王暉。為蒙古所征服。又傳六世。至恭愍王顥。為辛
 氏所篡。辛氏傳二世。而恭讓王瑤復國。尋為李氏所篡而國亡。王氏共傳三十二世。辛氏二世。凡五百五
 十六年。





(廿五)忠烈王昶 在位三十四年
 (廿六)忠宣王璋 在位五年
 (廿七)忠肅王燾 在位十七年
復位八年

(廿八)忠惠王禎 在位一年
復位五年
 (廿九)忠穆王祈 在位四年
 (三十)忠定王暉 在位三年

(卅一)恭愍王顥 在位二十三年
 (卅二)辛禔 在位十三年
 (卅三)辛昌 在位一年

(卅四)恭讓王瑠 在位三年
神宗玄孫

第三章 大理之衰亡與後理之建國

第一節 大理之盛衰

大理段氏自太祖思平建國。蓋有雲南地。思平在位八年。以後晉出帝開運元年西曆紀元九四四年。思平殂。子思英立。是為文經帝。逾年。其叔父思良廢之為僧而自立。是為文武帝。在位七年。以後周太祖廣順二年西曆紀元九五二年。思良聽立。是為廣慈帝。適宋大將王全斌平蜀。還京師。請取雲南。負地圖進。太祖察唐之禍。以玉斧畫大渡河為界。曰「此外非吾有也。」由是段氏得安據南詔。相安無事。

思聰在位十七年。以宋太祖開寶二年四曆紀元九六九年殂。子素順立。在位十六年。以宋太宗雍熙二年四曆紀元九八五年殂。子昭明帝素英。在位二十四年。孫宣肅帝素廉。在位十三年。曾孫秉義帝素隆。在位四年。相繼在位。宋仁宗天聖四年。素隆禪位爲僧。姪素眞立。是爲聖德帝。素眞在位十五年。復禪位爲僧。孫素興立。是爲天明帝。

素興以宋仁宗慶歷元年即位。性好遊狎。廣營宮室。多植花草。每春月挾妓載酒。自玉案三泉。溯爲九曲流觴。男女列坐。鬪草簪花。日夜行樂。在位三年。國人廢之。而立太祖曾孫智恩之子思廉。是爲興宗孝德帝。

思廉即位後第九年。宋仁宗皇祐四年。廣源州在今法領交趾支那諒山府東北。蠻儂智高反。陷邕橫南寧等州。朝廷以樞密副使

狄青爲荆湖宣撫使。督諸軍討之。次年正月。青夜度崑崙關。在北甯道東。大破智高於邕州。智高走大理。思廉

殺之。函首送京師。於是段氏始聞於中國。思廉在位三十一年。以宋神宗熙寧八年四曆紀元一〇七五年。禪位爲僧。子

廉義立。是爲上德帝。


廉義在位五年。爲其臣楊義貞所弑。清平官高昇泰討誅之。立廉義之姪壽輝。是爲上明帝。在位一年。禪位於思廉之孫正明。是爲保定帝。爲君不振。人心歸高氏。在位十三年。以宋哲宗紹聖元年四曆紀元一一〇九年。禪位於高昇泰。出家爲僧。大理亡。自太祖思平建國。凡傳十四世。一百五十八年。


第二節 大中之迭興與後理之紹統

高昇泰者。高方之裔。方助太祖起兵。滅楊氏。有功。封岳侯。分治成紀、巨橋等地。子孫世襲。傳至智昇。以戰功。加

太保。封德侯。賜白崖茹甸之地。尋晉封鄯闡即今雲南南亦清平侯。智昇生昇泰。有材器。事段氏爲清平官。兼九爽之事。楊義貞弑廉義。昇奉奉父命。起東方饜燧兵討誅之。而立壽輝。輝以智昇爲布燮亦清平官。一昇泰襲鄯闡侯。輝在位一年。災異迭興。因禪位於正明。正明優柔不振。羣臣遂推戴昇泰即位。改國號曰大中。是爲表正帝。在位二年。癘疾。遣命以國仍還段氏。宋哲宗紹聖三年西曆紀元一九〇六年。殂。其子泰明。奉正明之弟正淳即位。是爲中宗文安帝。段氏復興。號後理國。高氏相之。政令皆出其門。國人稱爲高國主。段氏擁虛位而已。

大理世系表 姓段氏。自太祖思平開國。傳十四世。一百五十八年。禪於高氏。





第四章 女眞之勃興與遼室之顛覆

烏蘇里江、松花江、流域。爲通古斯民族根據地。地勢苦寒。爲天然現象所驅。常有南下之勢。三國六朝時代。其族以高句驪爲代表。憑藉奉天京部爲根據地。經略遼河流域。與鮮卑之慕容燕時常構兵。及後魏勃興。中國北部歸於一統。高句驪見勢不敵。知難而退。乃轉鋒南下。經略朝鮮半島。略取鴨綠江、大同江、流域。建立王國。與中國對峙者數百餘年。高句驪衰亡。鴨綠江、大同江、流域。一時爲中國所有。其遺族大祚榮東走出塞。略取吉林東部爲根據地。建立渤海王國。與中國競爭鴨綠江及遼河流域。適值新羅勃興。統一朝鮮。契丹猖獗。略據東遼。渤海西下。南下形勢。爲其所阻。乃轉錄東北下。經略黑龍江、烏蘇里江、流域。略取吉林、黑龍江、兩省。與俄領阿穆爾省及東海濱省南部。與唐室對峙者二百餘年。其後唐室衰微。渤海亦爲契丹所滅。通古斯民族。皆隸於契丹部下。北宋中葉以後。契丹內政逐漸腐敗。尙武之風。蕩然無存。人民日流於文弱。通古斯民族之女眞。乘勢勃起於松花江流域。西下併吞契丹。略取內外蒙古。復南下侵略中國內地。畧取黃河流域。建立大

帝國與南宋、西夏對峙。自是以後，通古斯、蒙古、混血族所建立之大帝國告終。純粹之通古斯民族與純粹之蒙古民族所建立之大帝國，乃陸續出現於世界矣。茲述其事蹟如左。

第一節 契丹之漢化

遼室全盛時代，實在聖宗之時。至興宗時，餘威猶震，輻隕之廣，武力之雄，實在有宋以上。道宗卽位，國勢寢衰，任用奸臣耶律伊遜爲相，專國政。皇后蕭氏，姿容冠絕一時，工詩，善談論，好音樂，伊遜嫉其明敏，使宮婢單登等，誣后與伶官趙惟一私通，賜后自盡。后所生之太子濬，幼而好學，善騎射，以母故，有憂色。伊遜使護衛耶律查刺，舊作札拉，舊作誣告都宮使耶律薩喇，舊作撒刺等謀廢立，按驗誣服，皆殺之。廢濬爲庶人，遷於上京。伊遜使人陰殺之。復殺濬妃蕭氏。又欲害濬之子延禧。道宗漸悟其奸，出之興中府，坐謀出奔及私藏兵甲罪，伏誅。道宗好文，輸入中國文化，漢文漢詩，一時流行，採用科舉制度，登庸新進人物，復崇拜佛教，手寫華嚴經，又令太子寫經，親迎佛骨，禁止殺生。一歲而飯僧三十六萬人。一日而祝髮者三千人。日日言慈悲，言功德，而骨肉之間，不能相保，森小雜進，朝政日非。契丹固有慍悍之風，消亡殆盡。蒙古諸部時常背叛，遼室疲於兵役，卽位之後十八年，宋神宗熙寧六年，復遭大雪，平地丈餘，馬死者十六七。遼室益衰。

道宗在位四十六年，以宋徽宗建中靖國元年西曆紀元一〇一年，一殂。孫延禧卽位，是爲天祚帝。天祚荒淫，酗酒，不恤國政，每歲遣使市名鷹海東青於海上，道出生女真，使者貪縱，徵索無藝，女真厭苦之。適值生女真完顏部富

強。有凌駕諸部之勢。與其別部赫舍哩部構兵。赫舍哩部會長阿蘇奔遠。完顏部屢索不得。其會長阿古達窺遼邊備廢弛。遂以索叛人爲名。公然與遼宣戰矣。

第二節 女真之起源

女真之先爲古之肅慎氏。元魏時稱勿吉。隋時稱靺鞨。分七部。曰粟末部。曰伯咄部。曰安車骨部。曰拂涅部。曰號室部。曰黑水部。曰白山部。唐初。黑水、粟末二部最強。粟末部初附高麗。李勣破高麗後。其會長大祚榮保東牟山。創立渤海王國。黑水部居混同江。即松花江在今吉林烏喇城東南發源長白山北流會鄂諾河又東合墨龍等江入於海之東。長白山、鴨綠水之源。南隣高麗。北接室韋。西界渤海。鐵甸。東際海。舊附於高麗。開元中。入朝於唐。詔置黑水府。以其部長爲都督。刺史。朝廷爲置長史以監之。賜都督姓李氏。名獻誠。領黑水經略使。其後渤海盛強。黑水部隸屬之。朝貢遂絕。渤海亡後。附屬於遼。其民在南者繫籍於遼。號熟女真。在北者不籍於遼。號生女真。已而避遼與宗諱。改名女真。其人剽朴勇鷙。自推豪俠爲酋長。僻處契丹東北隅。宋太祖時。屢遣使貢馬。太宗淳化二年。首領野里雞等上書。請伐契丹。太宗降詔撫諭。而不爲發兵。自是朝貢遂絕。眞宗大中祥符三年。契丹伐高麗。道由女真。女真與高麗合兵拒之。是爲有宋勃興以來女真與遼構兵之始。

完顏氏之始祖曰函普。自高麗來居完顏部。凡六傳而至烏古龍。舊作烏古迺。稍役屬諸部。會五國寧安縣東北遼時自此而東。富肅赫部。舊作蒲節度使巴延瑪勒乙門。舊作拔叛遼。遼將致討。烏古龍襲而擒之。獻於遼廷。遼主召

見。燕賜加等。以爲生女真部節度使。始有官屬。紀綱漸立。然不肯受印。繫遼籍。其部內舊無鐵。隣國有以甲冑往鬻者。以厚價買之。得鐵既多。因以修弓矢。備器械。兵勢稍振。前後歸附者衆。

宋神宗熙寧七年。遼道宗太寧元年西曆紀元一〇七四年烏古蒲卒。子合理博里鉢嗣。合理博嚴重多智。每戰未嘗披甲。襲位

之初。內外潰叛。合理博乃因敗爲功。變弱爲強。遂破和諧克。裡鉢薩克達。裡鉢烏春。烏木干。皆女真部人等部

落漸強。初建官屬統諸部。其官之長。皆稱貝勒。

宋哲宗元祐七年。遼道宗太安八年西曆紀元一〇九二年合理博卒。弟蒲拉舒剌淑嗣。紹聖三年。遼道宗壽隆二年西曆紀元一〇九八年蒲拉舒

卒。弟盈格盈哥嗣。以兄和孫勃者子薩拉嘴撒改爲國相。是時赫舍哩石烈部會長阿蘇阿疏阻兵爲難。盈

格自往伐之。阿蘇往訴於遼。遼遣使止盈格勿攻。盈格不聽。遂取阿蘇城。留兵守之。

宋徽宗崇寧元年。遼將蕭哈里海里叛。亡入女真阿克占阿克占部。遣其族人烏達喇達刺至生女真。約同舉

兵。盈格執之。會遼命盈格討哈里。盈格募兵得千餘人。兄子阿古達骨打曰。有此甲兵。何事不可圖也。遂

次混同江。蓋先是女真甲兵未嘗滿千也。至是遼兵追哈里者數千人。而不能克。盈格謂遼「退爾軍。我當獨

取哈里。」遂使阿古達與戰。執而殺之。因大破其黨。函哈里首獻於遼。遼主天祚大喜。賜予加等。盈格自是知

遼兵易與。益自肆矣。

次年。遼天祚乾統三年西曆紀元一一〇三年盈格卒。兄子烏雅舒烏雅嗣。與高麗通好。部族日強。天祚如長春州。幸混同江釣

魚。生女真會長在千里內者。以故事皆來朝。適遇頭魚宴。遼史國語解上歲時釣魚得頭魚輒置天祚命諸酋次第起舞。至阿古達辭不能。但端立直視。諭之再三。終不從。他日天祚密諭北院樞密使蕭奉先曰。「阿古達雄豪不常。可托以邊事誅之。否則必貽後患。」奉先曰。「彼僮人不知禮義。且無大過而殺之。恐傷向化心。設有異志。叢爾小國。亦何能爲。」乃止。阿古達歸。疑天祚知其有異志。且以天祚淫酗。不恤國政。遂稱兵。先併旁近族。政和三年。遼天祚天慶三年西曆紀元一一一三年烏雅舒卒。阿古達嗣。自稱達貝勒。

第三節 阿古達之舉兵與遼之敗北

先是烏雅舒在位。屢索阿蘇於遼。遼不與。阿古達襲位。復相繼遣普嘉努。舊作蒲家奴舒固特。舊作習等索阿蘇。遼終不許。舒固特歸。具言遼主驕肆廢弛之狀。阿古達乃召所屬。備衝要。建城堡。修戎器。遼遣使詰責之。不聽。遼遂發渾河外。在今奉天遼瀋道瀋陽縣南源出遼下流至海城縣入遼。即小遼水也。北諸軍益東北路統軍司。阿古達聞之。遂爲先發制人之計。徵集諸部兵。得二千五百人。數遼之罪。告於天地。進攻遼軍。破之。殺其將耶律色錫。舊作謝十遂取寧江州。故城在今吉林新城

境內石頭城子之西松花江東

天祚聞寧江州陷。以司空蕭嗣先爲東北路都統。發契丹奚軍三千及京中禁兵等七千屯於珠赫。舊作出河店。吉林濱江道扶餘縣城南有肇州故城阿古達帥衆來禦。未至混同江。會夜方就枕。若有扶其首者三。寤而起曰。「神明警我也。」卽鳴鼓舉燧而行。黎明。至混同江。遼兵方壞凌道。阿古達選壯士十人擊走之。因帥衆繼進。遂

登岸。與遼兵遇。會大風起。塵埃蔽天。阿古達乘風奮擊。遼兵潰。將士多死。獲免者十有七人。遼東北諸州多叛。降女真。遼人嘗言「女真兵滿萬則不可敵。」至是始滿萬矣。政和五年正月。阿古達遂稱帝。國號金。改元收國。更名旻。是爲金太祖。以弟烏奇邁乞買舊作吳爲阿木班貝勒。官之尊薩拉曷、舍音、合理博第五子舊作斜里爲岡倫貝勒。也。屬相

蕭嗣先之喪師也。其兄樞密使奉先。懼嗣先得罪。輒奏「東征潰軍。所至劫掠。若不肆赦。恐聚爲患。」天祚從之。嗣先但免官而已。自是諸軍相謂曰「戰則有死無功。退則有生無罪。」故士無鬪志。遇敵輒潰。遼遣僧嘉

努舊作家奴爲使。持書往金議和。阿古達復書曰「歸我叛人阿蘇。遷黃龍府。治所在今吉林」

遼不聽。金人進薄益州。故城在今奉天遼瀋遼開原縣境內遼遣都統額爾德以騎兵二十萬、步卒七萬、禦之。戰於達囉克。舊作

古城。遼黃龍府地遼兵敗績。金遂取黃龍府。

天祚聞警。下詔親征。率蕃漢兵五十餘萬。出長春路。渡混同江。副都統耶律卓諾作亂。伏誅。天祚還軍和斯布

達岡。在溫同江阿古達自將追擊。破之。遼將高永昌據遼陽以叛。金人攻永昌。殺之。於是遼東京州縣及南路繫

遼女真皆降於金。

遼以宗室越王淳與孫爲都元帥。率師拒金。戰於蒺藜山。在今奉天遼瀋遼道興城縣即故寧遠縣遼外敗績。金遂取遼顯、乾、懿、濛、復、

成、川、惠八州。皆在今奉天境內於是遼河流域皆入於金。

遼遣耶律訥格舊作如金議和金主復書曰。「能以兄事朕。歲貢方物。歸我中京。上京。與中府。三路州縣。以親王。公主。駙馬。大臣子孫。爲質。還我行人及元給信符并宋。夏。高麗。往復書詔表牒則可。」旣而訥格復至金。金使呼塔曷舊作胡突與俱如遼。免取質子及上京。與中府。所屬州縣。裁減歲幣之數。且曰。「必以兄事我。冊用漢饑。方可如約。言如不從。勿復遣使。」遼主從之。凡七遣使如金議冊禮。金乃使烏凌噶贊謨如遼。遼冊金主爲東懷國皇帝。金主以無兄事之語。又不稱大金。而云東懷。乃小邦懷其德之義。語涉輕侮。怒不受。自將攻遼上京。克之。於是西喇木倫。老哈木倫。流域亦入於金。遼勢日危。

第四節 宋金之聯合與遼之滅亡

是時宋徽宗在位已久。國內無事。屢遣宦官童貫等經略西方。稍有成功。貫遂志得意滿。以恢復幽燕爲己任。宰相蔡京等。從而附和之。徽宗昏庸。爲其所惑。先後遣武義大夫馬政。右文殿修撰趙良嗣等使金。約定夾攻遼。其條約列左。

一、金取中京大定府。在今熱河特別區域 克什克騰部西南趨古北口。宋取燕京析津府。兵自白溝夾攻。彼此兵不得過關。

二、事定後。以山前後十七州歸宋。

三、歲幣之數同於遼。

於是金以舍音都統內外諸軍。尼瑪哈、幹布、幹喇布等副之。進薄中京。宣和四年克之。天祚走雲中。燕京留守諸臣張琳、李處溫等奉越王淳稱帝。尼瑪哈追襲天祚。天祚走夾山。故城在今綏遠特別區域烏喇特旗西北金人進克西京。朝廷遣董貫、蔡攸等勒兵巡邊以應金。前後遣都統制神師道、劉延慶等。兩次攻燕。皆爲遼所敗。貫密遣使如金。求如約夾攻。金知宋無能爲。遂引兵自居庸關入。克燕京。

初。朝廷與金約。但求石晉賂契丹故地。而不及營、平、灤、三州。營、平二州後唐莊宗明宗時爲契丹所陷。灤州石晉時契丹以俘戶置。旣而欲并得之。遣趙良嗣往求。金不可。且責宋出兵失期。詔許於歲幣四十萬外。更歲加燕京代稅錢一百萬緡。並置權場互市。金人求糧。許以二十萬石。始以燕京及涿、易、檀、順、景、薊、六州及武、遼置治神武、遼置治縣朔、二州來歸。而營、平、灤、及山後諸州皆不與。盡掠其吏民金帛而東。大兵所得。惟空城而已。

宣和五年。金幹喇布襲遼天祚於青塚。王昭君墓在今綏遠特別區域歸化城南獲其子女族屬從臣。天祚奔西夏。都統蕭特烈等以天祚次子梁王雅里走西北部稱帝。未幾卒。復立與宗孫耶律珠爾。尋爲亂兵所殺。是年八月。金太祖殂。弟烏奇邁立。是爲太宗。聞夏迎護天祚。乃致書於夏。使執送。因割西邊地與之。自是夏遂稱蕃於金。兩國信使不絕。六年。天祚去夏境。復渡河。謀恢復。戰敗。走党項。次年。至應州。金將洛索獲之以歸。遼亡。時宋徽宗宣和七年。西曆紀元一一二五年也。遼自建國至是。凡九主。二百一十年而亡。於是漠南、漠北。皆入於金。金國勢強大。始南向侵略中國矣。

金世系表一 女真節度使時代。姓完顏氏。自烏古鼎始。為遼生女真部節度使。傳六世至阿古達。遂滅遼。稱皇帝。國號金。

函普 — 烏魯 — 跋海 — 綏可 — 石魯 — (一) 烏古鼎

和琢

薩拉曷

尼瑪哈

(二) 合理博

(五) 烏雅舒

(六) 太祖阿古達

烏奇邁


舍音

博濟

(三) 蒲拉舒

(四) 盈格

金世系表二 建國以後。自太祖始稱帝。凡傳十世。一百二十年。為蒙古所滅。



第五章 後高麗對宋金之關係

女真之根據地。在今吉、黑、二省。及俄領東海濱省南部。其南境直抵朝鮮咸鏡道之東北。與後高麗爲鄰。自成宗以來。時常接觸。有時貢獻方物。有時侵擾邊境。宋神宗元豐五年。後高麗文宗三十六年。西曆紀元一〇八二年。文宗殂。傳子顯宗。宣宗逆。孫獻宗。昱。而至肅宗。顯。適值東女真部酋長盈格、烏雅舒、相繼在位。國勢甚張。以高麗爲其祖所自。

出。頗表示好意。會女真有內亂。發騎兵至定州。今成鏡南道定平郡關外。邊將以女真窺邊入奏。朝廷大驚。詔門下侍郎

林幹將兵拒之。與女真將石適戰。敗績。復遣樞密院使尹瓘擊之。又敗。宋徽宗崇寧四年。西歷紀元一〇五年。王發

憤憂悶而殞。子睿宗僖立。勵精圖治。行考課。求直言。紹述先王遺志。以尹瓘爲元帥。吳玘副之。發兵十七萬

伐女真。大破之。築英。在今成鏡北道吉州順道羅川郡雄北道吉州吉上成道咸興郡宜道德源府六州。公嶮。在今吉通

秦。在今吉通州之南平成。未詳三鎮之城。號爲北界九城。徙南境之民以實之。悉復高句麗舊境。女真糾合諸部。大舉兵

來攻。尹瓘等禦之。屢敗。失亡甚衆。九城遼遠難守。調兵轉餉。中外騷然。會女真亦厭兵。宋徽宗大觀三年。西曆

九年。一〇遣使臣震弗來議和。乞返侵地。王許之。遣承宣崔弘正與女真使臣居懋伊盟於咸州門外。罷兵修好。

盡撤九城守備。移其戰具資糧於內地。以其地還附女真。仍以都連浦之石城爲界。

宋徽宗政和三年。後高麗睿宗八年。西曆紀元一一一三年烏雅舒卒。弟阿骨打立。屢破遼兵。自稱金帝。國勢日張。王依違於遼金

之間。不敢爲左右袒。遂遣使來徵兵伐金。不應。金亦以方有事於遼。不願賈高麗之怨。邊境粗安。王乘隙伐遼。

取保州。改爲義州。自此以後。高麗西北境。始以鴨綠江爲界。王知用兵之不易。僣武修文。養老恤孤。興學立教。

日與儒臣講習六藝。政治清平。適宋徽宗以大成樂下賜。王遣李資諒入朝致謝。徽宗諭資諒使代招致金人。

資諒極言女真狡獪不可交。王亦因醫師楊宗立還朝之便。極陳金人不宜接近。徽宗不能用。

宣和四年。西曆紀元一一二二年。睿宗殞。子仁宗楷立。依違於宋金之間。取模稜態度。宋欽宗遣閣門祇候侯章使高麗。

命王發兵擊金。王辭以天災流行。府庫焚蕩。不奉詔。徵欽被虜以後。高宗遣刑部尚書楊應誠使高麗。求設法。迎援二帝。王遷延不應命。屢遣使往來於金。以事遼之禮事之。邊境久安。國內無事。王靈柔寡斷。惑於陰陽禍福之說。寵幸僧人。於是大權下移。內亂踵作。文宗以來之郅治。從此墜矣。

第四期 蒙古族大一統時代

第一章 女真黨項之衰微與蒙古之崛起

通古斯蒙古混血族之侵入中國。始於匈奴。東胡。匈奴對中國之國際關係。始於戰國末年。及前趙劉淵。後趙石勒之時。其強盛達於極點。至大夏。赫連。定北。涼。沮渠。牧犍。之衰亡而中絕。其別部馬加人。乃移入東歐。組織匈牙利王國。東胡對中國之國際關係。始於戰國末年。及後魏。北周。北齊。時代。其強盛達於極點。至遼。室衰亡而中絕。其遺族耶律達什。乃遷居中亞。建設西遼帝國。匈奴。東胡。相繼西遷。純粹之通古斯民族乃出現。略取黃河流域。建設女真帝國。驅逐漢族於江南。其後金室衰亡。通古斯民族勢力中絕。純粹之蒙古民族。始出現於世界矣。由來蒙古民族之根據地。在今貝加爾湖以南。氣候寒冷。空氣乾燥。地多森林。不產五穀。土人爲天然現象所鍛鍊。性質慍悍。體魄強健。尙武好鬪。輕死生。重氣力。游牧爲業。長於騎射。對於中國本部及亞洲南部各國。常示侵略之勢。其始見經傳。在有唐之時。唐史附載於室韋傳中。稱之曰蒙兀室韋。舊唐或曰蒙瓦部。新唐宋人稱之曰臆骨。契丹事蹟曰萌古。中興錄曰胥骨。松漠紀聞皆同音異譯也。室韋者。唐代黑龍江上流流域民族。

之總稱。唐代之蒙古。居外蒙古土謝圖汗部幹兒汗即今鄂爾渾河 (Orkhan) 河流域。附屬於室韋。有宋時代。移居不兒罕 (Ionkhan) 山麓。其地爲土拉 (Tola) 河即今圖拉河 幹難 (Onon) 即今鄂嫩河 怯綠連 (Kerulan) 河即今克魯倫河 三川發源地。水草較爲豐富。宜於牧畜。部族漸強。金室勃興以後。時常與金衝突。願以部落散亂。無統一之能力。仍爲金所羈縻。南宋中葉以後。金室溺於漢化。武力漸衰。適值蒙古偉人成吉思汗降生。統一本族諸部。略取內外蒙古。驅逐金人於中國內地。於是通古斯民族之勢力驟衰。蒙古民族之勢力。乃蒸蒸日上矣。茲述其事蹟如左。

第一節 成吉思汗之家世

成吉思汗 (Tengisiz-Khan) 者。姓卻特。舊作奇溫 名特穆津 (Temoutchin) 木真 世爲蒙古部酋長。唐末。其十世祖托本默爾根 (Damboun-Bayan) 始徙居布勒哈爾台。即不兒罕山麓在今外蒙古賽音諾顏部之哈喇和林東北百餘里 生勃端察爾 (Bardanchar) 舊作孛兒斤 後裔蕃衍。各自爲部。居烏桓之北。與衛拉特舊作畏兀兒 奈曼 (Naiman) 舊作乃蠻 九姓回鶻故城和林接壤。世奉貢遼金。而總隸於韃靼。七傳至哈不勒 (Caboul Khan) 遂轄蒙古全部。始有汗號。金熙宗天會十三年宋高宗紹興五年 遣萬戶呼沙呼舊作胡沙虎 伐之。不能克。久之。呼沙呼糧盡。引還。蒙古追襲。大敗諸海嶺。皇統七年宋紹興十七年 哈不勒子忽都刺 (Cobila) 稱可汗。勢益彊。與金叛臣達賚舊作達魯 餘黨相應。援入金界。敗其兵。大掠而歸。金都元帥烏珠討之。連年不能克。乃與議和。割西平河即蘆胸河今克魯倫河 下游北二十七圍寨

與之歲遺甚厚。且册爲蒙輔國王。忽都刺不受。傳至伊蘇克依。(Ajissoungai Bahadour) 哈不勒孫成吉思汗父舊作也速該併合諸部。勢愈盛。生特穆津。後爲塔塔爾部所斃。特穆津生十三年而孤。育於其母謂櫻(Ouloun Erke) 舊作月倫之手。居幹難。怯綠連。兩河間地。部衆多乘之而歸於其族人秦楚特(Tajuts) 舊作赤烏部。屢瀕危幸免。久之附者稍衆。

第二節 蒙古勃興以前四圍諸國之形勢

當是時。蒙古四鄰皆敵國。其東居北大山 今大興。北有塔塔爾部。(Tatars) 即黠。其北傍菊海 今貝加爾湖。東南有秦楚特部。其西瀕薛靈哥水。(Solingu River) 今色楞格河。有默爾奇斯(Merkits) 舊作蔑。等部。其南有克呼(Kerails) 舊作克烈部。塔塔爾之東偏。負山。有翁吉喇特部。其西西北界大漠。南傳長城。有汪古部。(Onguts) 秦楚特之西。菊海西岸。有衛拉特部。皆韃靼種人。與蒙古同族。秦楚特迤北。菊海東岸。有土默特(Toumotes) 等部。默爾奇斯之南。克呼之西。北負按臺山。 今阿爾泰山。南襟沙漠。有奈曼部。爲西面之強鄰。其南踰大漠。有唐兀國。 即西夏。衛拉特之西。烏斯水 今葉尼塞河。濱。有烏斯撼。合納。等部。奈曼之北。謙河(Kan River) 今葉尼塞河。兩岸。有奇爾濟蘇部。(Kirgises) 即唐黠戛斯。今哈薩克。俄人猶稱之爲乞兒吉思。其南有輝和爾(Ujgun) 即回。國。哈刺魯(Ka-Plaks) 即葛羅祿部。奇爾濟蘇之北。直昂哥拉河(Angoras River) 與謙河合流處。有昂哥拉部。更西瀕雅爾達實河。(Itlak River) 今額爾齊斯河。有失必兒部。(Silvans) 即鮮卑。今西伯利亞得名始此。哈刺魯之西。有西遼帝國。失必兒之

西。有不里阿耳。在今俄屬喀馬河其西南有康里 (Candaris) 今鹹海北及等部。西遼之西有西域國。即花刺
 不里阿耳之西。有俄羅斯國。今俄屬大俄康里之西。有奇卜察克 (Kipchaks) 今黑海黑及阿速 (Ases) 今
 速濤 濱海等部。西域之西徧。有木刺夷 (Muhida) 今黑海南報達 (Baldad) 今黑海北等國。俄羅斯之西。
 有孛烈兒。即波馬札兒 (Mogvars) 今奧國之馬加二國。木刺夷之南。有乞里灣 (Kerman) 即克塔木報達之南。有天方。
 勢。今阿刺伯其西有密昔爾 (Mish) 今埃及等國。概與蒙古異族。是為當時亞洲及歐洲東部非洲東北部形

第三節 蒙古內部之統一

韃靼諸部中。惟秦楚特地廣兵強。乘蒙古主少國危之際。糾合諸部兵三萬來攻。特穆津率部下兵。分為十三翼。擊敗之。因厚結其下使附己。秦楚特部人多叛歸之。會塔塔爾部叛金。特穆津帥衆會金師滅之。以功授察
 袞圖曠。舊作察兀禿魯 猶中國招討使

是時克瑯部會長王汗。舊作汪罕暴虐。多殺戮昆弟。其弟額爾克哈喇。以奈曼兵擊之。王汗走蒙古。王汗故嘗與伊
 蘇克依友善。特穆津事以父禮。深相結。先後合兵攻同族月兒斤部。與默爾奇斯部。會長托克托。奈曼北部會
 長博囉汗。及秦楚特部餘衆。皆克之。翁吉喇特等部聞之懼。共立札木喀 (Diamroun) 札只刺 特部長為古兒也 魯汗。
 潛師來襲。特穆津逆擊。大破之。翁吉喇特部降。博囉汗復糾衆來侵。特穆津與王汗合兵擊敗之。已而王汗

與特穆津交惡。乘間來襲。特穆津以寡敵衆。擊退之。復遣使詐降。因襲破其兵。王汗走死。奈曼南部酋長廸延汗。又糾合諸部來攻。特穆津大破之。殺廸延汗。先後收滅各部族。遂以宋寧宗開禧二年。西曆紀元一大會諸部長於幹難河源。建九旂白旗。自號爲成吉思汗。時年五十二歲。是爲元太祖。尋起兵征奈曼餘衆。殺博囉汗。廸延汗子庫楚類汗。(Zachnik) 舊作風出律 卽楚察里。及托克托奔雅爾達實河。特穆津追殺托克托。庫楚類汗西奔西遼。奇爾濟蘇。衛拉特。失必兒等部。及輝和爾國。哈喇魯部。皆先後來降。托克托諸子將奔輝和爾。其酋拒戰而逐之。乃西遁。於是按臺山陬地咸入蒙古。始南向經略中國矣。

第四節 党項之漢化

是時西夏雜居中國已久。立學校。開科舉。逐漸漢化。國勢浸衰。崇宗晚年。屢與南宋期會。約夾攻金。不克。卒稱臣於金以求免禍。宋高宗紹興九年。西曆紀元一崇宗殂。子仁孝立。是爲仁宗。受金人册命。不復通使於宋。在位五十二年。以宋光宗紹熙四年殂。子純祐立。是爲桓宗。在位十二年。其從弟安全弑之而自立。是爲襄宗。宋寧宗開禧元年。成吉思汗以兵來侵。大掠而還。嘉定二年。復以兵來侵。入靈州。襄宗納女請降。西夏自是益衰。夷爲蒙古屬國。嘉定四年。西曆紀元一襄宗殂。從子遵頊立。是爲神宗。

第五節 女真之漢化

西夏既降。中國西部已無敵國。蒙古兵乃轉鋒東下。侵略金室領土。金自太宗在位。屢次大舉南下。侵略宋室。

領土。盡取黃河流域。宋人奔避於江南。稱姪納貢以求自保。宋高宗紹興五年。西歷紀元一三三五年。太宗殂。兄之孫竈立。是爲熙宗。任用宗室尼瑪哈、幹布、烏珠等爲將相。屢次侵宋。互有勝負。雖國家多故。而吏清政簡。百姓樂業。紹興十一年。宋與金和。劃淮水及秦嶺山脈爲界。以伯父之禮事金。稱臣納貢。歲幣銀二十五萬兩。絹二十五萬匹。金於境內建五京。上京會寧府。中京大定府。東京遼陽府。西京大同府。南京大興府。置十四總管府。凡十九路。上京咸平。東京北京。西京東大。大名。河東。北。南京。光鳳。翔。鄜。延。慶。原。臨。洮。於是金之疆域。東至於海。西抵賀蘭。南距淮水及秦嶺。北逾沙漠。幅隕之廣。逾於宋。已而尼瑪哈、幹布、烏珠相繼卒。皇后費摩舊作。其從弟亮弒之而自立。是爲廢帝。亮淫虐凶暴。遠在熙宗以上。卽位大臣人人自危。紹興十九年。西歷紀元一四四九年。其從弟亮弒之而自立。是爲廢帝。亮淫虐凶暴。遠在熙宗以上。卽位之次年。殺太宗子孫七十餘人。尼瑪哈子孫三十餘人。諸宗室五十餘人。太宗及尼瑪哈後皆絕。復殺舍音子博濟。及其族百數十人。並殺左副元帥薩里干。舊作撒。等。夷其族。老臣舊將。一時俱盡。復納其叔母阿蘭。舊作阿。及諸宗婦於宮。紹興二十三年。遷都於燕。改燕京爲中都大興府。以汴京爲南京。削上京之名。只稱會寧府。又改中京大定府爲北京。而東京遼陽府。西京大同府。如故。尋復納其諸從姊妹於宮。分屬諸妃位下。紹興三十一年。西歷紀元一六一一年。大殺宋遼宗室之在其國者。趙氏、耶律氏。死者凡百三十餘人。遂謀大舉入寇。其太后圖克坦氏固諫。亮怒。弒之。自將兵六十萬侵淮南。朝廷以老將劉錡爲江淮浙西制置使。節制諸路軍馬。屯揚州。以備金。都統制王權達錡節制。潰於昭關。亮遂入廬州。進破揚州。劉錡病篤。還屯鎮江。於是兩淮皆失。亮自將大

軍進破和州。陷采石。欲渡江。會參贊軍事中書舍人虞允文奉命犒師。收權散兵。拒戰於采石。大破金兵。亮東趨揚州。途中聞宗室東京留守曹國公烏嚕已自立於遼陽。諸將耶律元宜唐古烏延等共弑亮。引餘衆北還。烏嚕即位。更名雍。是爲世宗。

世宗恭儉仁慈。其人格與南宋之孝宗相等。即位後之第五年。南北講和。與民休息。羣臣守職。上下相安。家給人足。倉廩有餘。國人號稱小堯舜。在位二十九年。以宋孝宗淳熙十六年西曆紀元一一八九年。太子允恭先卒。孫原王環立。是爲章宗。

是時金室承平日久。逐漸漢化。國勢寢衰。世宗深憂之。即位後之第十一年。諭太子曰。「吾兒爲儲貳。朕當措天下。無復有經營之事。但無忘祖宗純厚之風。以勤修道德爲孝。明信賞罰爲治而已。」十三年。復謂幸臣曰。「會寧乃國家與王之地。自海陵遷都永安。女真人寢忘舊風。朕時常見女真風俗。迄今不忘。今之燕飲音樂。皆習漢風。蓋以備禮也。非朕心所好。東宮不知女真風俗。第以朕故。猶尙存之。恐異時一變此風。非長久之計。甚欲一至會寧。使子孫得見舊俗。庶幾習效之。」云云。後復禁女真人譯爲漢姓。世宗常御睿思殿。命歌者歌女真詞。願謂太子諸王曰。「朕思先朝所行之事。未嘗暫忘。故時聽此詞。亦欲令汝輩知之。汝輩自幼惟習漢人風俗。不知女真純實。至文字語言。或不通曉。是忘本也。自今當體朕意。」云云。章宗承安八年。復勅女真人不得改爲漢姓。學南人裝束。其拳拳以保守舊風爲念如此。可謂思深慮遠矣。願天演淘汰之公理。優者勝而

劣者敗。凡文明程度較低之民族。與文明程度較高之民族雜居時。例被同化。絕非政府強制之力。所能禁止。女真之文明程度。遠在漢族以下。自不能逃此公例。茲將女真被同化之點。列舉如左。以供參考。

一、女真文學之創造與漢文學之發達。女真舊無文字。及太祖起兵。僉契丹人及漢人。始通契丹字及漢字。太祖天輔三年。宋徽宗宣和元年。命固新依仿漢字楷書。因契丹字制度。合本國語。製女真字行之。號爲女真大字。後復製女真小字。世宗時代。創設國語學校。以女真文譯論語、孟子、五經、孝經、揚子、文中子、唐書等書。政府慣例。凡學士大夫。必須通女真文字。顧女真文字之流行。限於上流社會一階級。不能普及於一般國民。漢文之勢力範圍日益擴張。女真文字之勢力範圍日益縮小。官吏登庸之法。純以漢文爲標準。君主亦多從事於漢學。其中若熙宗善讀論語、書經、及五代史。廢帝亮及世宗、章宗、俱好詩。世宗在位時代。常賞牡丹於燕京。皇族以詩唱和者凡十五人。章宗在位時代。學士院以唐杜甫、李白、韓愈、劉禹錫、杜牧、宋歐陽修、三蘇、王安石等之集二十六部。獻之朝廷。帝大喜。勅有司購求遺書。極力提倡漢學。當時文人學士。若党懷英、趙秉文、元好問等。皆極一時之選。現今所存金人之著作。若全金詩、與金文最等。其文字之光華流麗。實足代表有金一代漢文學發達之狀況。可謂盛矣。

二、戶口之減少與武力之衰退。由來文學之發達。與武力之發達。不能成爲正比例。學術思想既日益進步。尙武之風自日益退步。兵力之減少。亦金室亡國一最大原因也。初、女真部民皆無徭役。壯者悉爲兵丁。平

居則漁畋射獵。有警則下諸部徵之。凡步騎之仗輿皆自備。其部長曰貝勒。行兵則稱明安。舊作安穆昆。謀克明安猶千夫長。穆昆猶百夫長也。太祖之時。以三百戶爲一穆昆。十穆昆爲一明安。凡以衆附者。率以穆昆明安之名授之。其組織略與前清八旗之都統、參領、佐領相似。其後太宗熙宗相繼在位。略取河北、河東、陝西、河南諸路。猶慮士民懷貳。乃於熙宗天眷三年。宋紹興十年創屯田軍。凡女真及奚、契丹降人。皆自本部徙居中州。計其戶口。授以官田。使自播種。春秋量給其衣。若遇出師。始給錢米。凡屯田之所。自燕南至淮隴之北。皆有之。築壘於村落間。與漢人雜處。後復集女真族於各地。築城以居。其組織略與前清各省之駐防旗相似。其後屯田之人。逐漸漢化。習於怠惰。傭漢人爲農奴以耕。遊手好閒。無所事事。生活逐漸困難。乃賣卻不動產。轉移四方。於是明安穆昆戶口之數。逐漸減少。據世宗大定二十三年統計表。凡明安二百零二。穆昆一千八百七十八。戶六十一萬五千六百二十四。口六百一十五萬八千六百三十六。所墾之田。共一百六十九萬零三百八十頃。是爲金室全盛時代之明安穆昆戶口總數。其後蒙古南下。金勢日衰。宣宗之時。以一百二十五人爲一明安。三十人爲一穆昆。哀宗之時。以百人爲一明安。二十五人爲一穆昆。其戶口削滅之甚可知矣。

三、財政之紊亂 戶口之削滅。既足爲金室致命傷矣。而財政之紊亂。亦日甚一日焉。金室之初興也。行物力推排法。調查人民財產之多寡。因貧富以定賦稅之等差。大致與王安石之手實法相似。又名通檢。太宗入

中原以後。四十年不復調查。廢帝亮南侵之時。徵發忽起。始知當時人民富力與賦稅大相懸絕。世宗卽位。遣使臣二十六人巡視各地。重行推排。其後司財政者不得其人。弊竇叢起。欲以輕減人民之負擔。而負擔乃愈重。章宗晚年。與南宋構兵。雖戰勝攻取。而兵力財力俱困弊。

章宗在位十九年。以宋寧宗嘉定元年西曆紀元一〇八年。殂。叔父衛王永濟立。是爲衛紹王。永濟柔弱鮮智能。章宗無子。疎忌宗室。故立之。有詔至蒙古。傳言當拜受。成吉思汗問新君爲誰。使者曰。「衛王也。」汗遽南面唾曰。「我謂中原皇帝是天上人做。此等庸懦亦爲之耶。何以拜爲。」卽乘馬北去。金使還言。永濟怒。欲俟蒙古入貢。就害之。成吉思汗知之。遂與金絕。益嚴兵爲備。

第六節 成吉思汗之南侵與金室西北州郡之淪沒

是時蒙古內部統一已久。成吉思汗乃整理內政。設驛遞之制。以便交通。嚴盜賊之罰。凡盜馬及駱駝者處以死刑。盜小物者賠償三倍。以保護社會秩序。蒙古人好酒。醉後必鬪。汗乃限制飲酒。每月只許飲三次。以保護治安。蒙古人以獸爲糧。然盡數取之。仁者不爲。且後難爲繼。汗乃加以限制。每年自三月至十月。禁止射獵。以保護野生動物。有大事則開庫魯泰會議。萬機決於公論。於是法嚴令行。人知自勵。

內政既整理。乃議經略外國。宋寧宗嘉定三年金廢帝永濟大安二年蒙古太祖五年。遂率師侵金。先是金於邊外築長城。自黃河源迄東海。遣汪古部一軍守其衝。至是汪古部降於蒙古。導蒙古兵入險。金外險盡失。西北諸州皆陷。金主

永濟遣招討使完顏糾堅 (Quaniēn Kionkion) 舊作九斤 監軍完顏鄂諾勒 (Quaniēn Quannou) 舊作萬奴等 率師四十萬。拒戰於野狐嶺。在今口北道萬全縣東北勢極高峻。雁飛過此。遇風輒墮。敗績。名將精兵死者甚衆。蒙古乘勝。遂克居庸關。紫荆關。及古北口。萬里長城之內險亦失。西京遼西及太行山左右諸州郡皆陷。中都日危。金主永濟起西京。敗將赫舍哩呼沙呼 (Hescheri Tsingunou) 舊作紘石 爲右副元帥以撻之。

嘉定六年。西曆紀元一三三一年 呼沙呼作亂。弑永濟而立章宗之兄昇王珣。是爲宣宗。自爲太師。尙書令。都元帥。專國政。蒙古兵進至懷來。大破金元帥右監軍珠赫呼高琪 (Tchouhou Kaoki) 舊作朮 高琪懼罪。還殺呼沙

呼。宣宗以高琪爲左副元帥。蒙古兵進圍中都。分兵侵略河北河東州郡。時中原諸路之兵。皆僉往山後防遏。蒙古盡驅其家屬來攻。父子兄弟。往往遙呼相認。由是人無固志。所至皆下。凡破金九十餘郡。兩河山東數千里人民。殺戮幾盡。金帛子女牛馬羊畜皆席卷以去。屋廬焚毀。城郭丘墟。

是年。故遼宗室耶律留格。舊作留哥 起兵龍安。即黃龍府 大破金兵。取金遼東州郡。自立爲遼王。都咸平。故城在今奉天遼瀋道鐵嶺縣

嚮遣使降蒙古。蒙古以爲元帥。使居廣寧。蒙古大將穆呼哩 (Woucouli) 舊作木華黎 攻金北京。破之。盡取遼西州郡。於是遼河流域皆陷。成吉思汗還自山東。屯中都城北。金宣宗遣使請和。以廢帝永濟女及金帛。童男女各五百。馬三千與之。蒙古兵引還。出居庸關。收所虜山東兩河少壯男女數十萬。皆殺之。中原之民。靡有孑遺矣。金宣宗既與蒙古和。以兵弱財匱。不能守中都。乃議遷都汴。成吉思汗聞之。怒曰。「既和而遷。是有疑心而不

釋憾。特以議和爲款我之計耳。」復圖南侵。會金護衛札軍作亂。乞降於蒙古。成吉思汗遣兵援之。與合兵圍中都。留守完顏承暉 (Ouanion Tchin Kaei) 自殺。遂破中都。吏民死者甚衆。宮室爲亂兵所焚。火月餘不滅。金祖宗神御及諸妃嬪皆沒於蒙古。成吉思汗駐軍魚兒濼 (Yonli) 在今察哈爾特別區城興和縣西。遣別將僧格巴圖魯舊作三哥拔都帥萬騎。自問道趨潼關。不能下。遂襲汴京。距城二十里而還。會開奈曼庫楚類汗取西遼。將與默爾奇斯部餘衆聯合。乘鸞東窺。乃悉以金事付穆呼哩。拜太師國王。總統諸軍。承制行事。經略太行以南。而自將諸軍西上。經略中央亞細亞。

第二章 蒙古西征以前大食帝國形勢之變化

隋唐之交。東亞之漢族。與西亞之閃族 (Semite Races) 各產出一大帝國。分據東西兩洋。成對立之形勢。唐室自太宗高宗逝世。內亂踵作。國勢寢衰。及安祿山亂後。遂一蹶不振。四圍領土。皆屬他人。退守中國本部一隅。保有古來殘局。薩拉森帝國。亦自阿布伯克 (Abubekr) 歿後。國內漸分黨派。競爭權利。互相傾軋。至奧瑪耶 (Omayya) 朝末年。遂爆發而不可收拾。東西分裂。成爲數國。時常構兵。東方之突厥遺族。西方之哥德遺族。乘之蠶食帝國邊境。領土逐漸縮小。主權入於外人之手。教祖子孫。僅擁哈利發之虛號。爲他人傀儡。陵夷以至於亡。亦可慨也。由來回教特色。同化力弱。排外力強。長於壓制。而短於撫馭。對於被征服之異教徒。不強之以必宗回教。亦不與以參政權。及服兵役之義務。被征服者對於政府。除去納稅以外。無特別關係。愛國

心自然薄弱。回教之真精神。限於上流社會。不能普及於一般國民。薩拉森帝國勢力範圍日益擴張。上流社會之人。愈不敷分配。以少數之回教徒。制服大多數之異教徒。國基自然薄弱。加以教祖沒後。宗派漸分。同出一師。各明一義。其始不過學術方面之競爭。繼則變爲政治方面之傾軋。學術競爭。則人才輩出。政治傾軋。則國家危亡。由學術而移及國家。以排斥異教徒之排外力。排斥異宗派。所謂其父報仇殺人。其子必至行劫。貽謀之不善。固亦教祖所不及料也。茲述其事蹟於左。

第一節 穆罕默德正統之盛衰

先是教祖穆罕默德殂後。無子。宗室阿力(Alī)尙穆罕默德公主法提瑪(Fatima)以館甥資格。謀爲相續人。教祖岳父宗室阿布伯克(Abu Bakr)以忠厚重望。爲大衆所推而得之。非其始願之所及也。阿布伯克卽位後。纂修可蘭經。加以歷來父老之口傳。修正教旨。名曰素尼(Sūna)贊成修正之教旨者。尊哈利發爲教主之正統。稱素尼派。反對者尊阿力爲教祖之嫡系。稱十葉派(Sheeah)回教分派之源。起於此時。現在波斯爲十葉派土耳其阿布伯克在位僅二年而殂。宗室奧瑪(Omar)被選卽位。是爲第二代哈利發。六三四至六三五年。唐太宗貞觀九年遣兵攻東羅馬。征服西里亞巴勒斯坦腓尼西亞等地。蠶食東羅馬東境。六三三年。遣將開奈特(Kaled)擊波斯。略取歐夫拉底士河外地。六三六年。別將沙燕(Sairid)易布(Jbu)阿必(Abi)瓦略(Wakas)復率師擊波斯。大破其兵於加達西亞(Oadastia)次年。破喀塔西方(Katesiphon)盡

取美索不達米亞地。國王伊嗣俟 (Jasigerd or Yazdegerd) 東走。六四一年。唐太宗貞觀十五年。復大舉西向。圖恢復。戰於尼海門 (Nehawend) 敗績。波斯遂亡。伊蘭高原皆爲薩拉森帝國所有。

是年。西征大將亞姆盧 (Amrou Cor Amroo) 破埃及。略取尼羅河流域。於是薩拉森帝國領土。東至伊蘭高原。西抵非洲東北岸。奧瑪自奉甚儉。飲冷水。食大麥麪包。衣服襤褸。等於乞丐。自稱 (Emir-al-mumenin) 信徒之君。爾後代代之哈利發。皆以此爲稱號。

奧瑪在位十年。殂。教祖之祕書宗室鄂斯曼 (Othman Or Osman) 被選卽位。是爲第三代哈利發。至六四五。五。紹教祖遺志。遣兵西伐。征服非洲北部。略取羅得 (Rhodes) 島。

鄂斯曼優柔寡斷。在位十二年。爲反對黨所弑。教祖之女婿阿力被選卽位。是爲第四代哈利發。六六一至。六四五。宗室摩亞威耶 (Muawiya or Moawiyak, Mervân) 者。教祖從叔祖奧瑪耶之曾孫。時爲敘里亞總督。以復先帝之仇爲名。舉兵作亂。六六一年。使刺客弑阿力而自立。徙都於敘里亞首府大馬士革 (Damas Qus) 稱奧瑪耶或翁米亞 (Omoniah) 朝。六六一至。七四九。是爲奧瑪耶朝始祖。穆罕默德正統從此遂絕。

第二節 奧瑪耶朝之興亡

自是以後。摩亞威耶子孫。君臨大馬士革者垂百年。紹教祖遺志。出兵征伐四方。東取花刺子模 (Khwarizm) or Khorizm) 布哈拉 (Bukharar Bokhara) 撒馬爾罕 (Samarikand) 侵略印度河流域。其勇將庫提拔

(Kaifuh) 侵入天山南路。略取唐室領土。以乏水草故引還。西圍君士坦丁都城。嚮食東羅馬領土。略取非洲北岸全部。直抵大西洋濱。復北越直布羅陀海峽。滅西哥德王國。略取伊比里 (Iberian) 半島。於是薩拉森帝國領土。東抵葱嶺。與唐室接壤。西抵大西洋。越海抵法國南境之羅亞爾 (Loire) 河。與法蘭王國接壤。幅隕之廣。在羅馬全盛時代以上。東與唐室交通。西壓歐洲諸國。國勢強大。爲當時第一。願國內黨派分立。日事傾軋。朝政逐漸腐敗。至十一代哈利發馬萬 (Marwān or Merwān) 在位之時。各派教徒。擁戴宗室。大起衝突。薩拉森帝國遂瓦解矣。

第三節 阿拔斯 (Abbas) 朝之隆盛

初、阿力之被弑也。其子孫避難。東奔波斯。熱心傳教。土人以其爲教祖嫡系。多信仰之。創立法提瑪派。色尙綠。奧瑪耶朝極力撲滅之。不克。教祖之叔父阿拔斯子孫。亦與奧瑪耶朝有隙。遂自立爲一宗派。弘布於哥刺森 (Khorasan) 附近。稱阿拔斯派。色尙黑。奧瑪耶朝直系宗派盛行於敘里亞。色尙白。伊斯蘭 (Islam) 教分而爲三。互相傾軋。阿伯派與法提瑪派連合。抵抗奧瑪耶派。西曆紀元七百五十年。唐玄宗天寶九年。奉阿拔斯之玄孫阿布阿拔斯 (Abul Abbas or Alidnialak) 爲主。舉兵作亂。擊破奧瑪耶朝兵。破大馬士革。奧瑪耶朝最後之哈利發馬萬走死埃及。阿布阿拔斯自立爲哈利發。是爲阿拔斯朝始祖。中國稱之曰黑衣大食。

阿布阿拔斯在位五年。七五〇至七五四年。以唐玄宗天寶十三年殂。庶兄阿布恭拂 (Al-Mansur) 卽位。賢明好學。七

五六年。建新都於底格里士河西岸。定名曰報達。其地當東西要衝。爲交通孔路。唐肅宗至德中。遣使通好於唐。發兵助平安史之亂。在位二十年。七五四至七七四以唐代宗大曆九年殂。三傳而至訶論王。Taroun al-Ras-

chid or Rashid文化大興。唐德宗貞元年間。大發兵東攻吐蕃。以故吐蕃不得專力攻唐。訶論王在位二十一

年。七八六至八〇七以唐憲宗元和二年殂。再傳而至阿爾買蒙 (Al-Mimnūn) 訶論第二子。紹曾祖父之志。獎勵科學。搜

集希臘諸大家遺書。譯爲阿剌伯文字。以供國人研究。於是星學、數學、醫學、地理學、同時發達。史學亦萌芽。阿

拔斯朝建國以後七十年。爲薩拉森東帝國極盛時代。壟斷世界商權。東自中國、印度、馬來半島、及南洋羣島。

西至非洲北岸之伊夫里基加 (Ifrikia) 今法領突尼斯附近北自亞特 (Ara) 河。現在我國境內之窩瓦河南至非洲東岸之桑

給巴爾 (Sanghar) 今英領全世界之貨物。皆萃於報達。商賈雲集。市內交通機關。異常發達。運河橋梁。星羅

棋布。樓閣觀宇。密如櫛比。繁盛甲於天下。與上古之亞歷山大港、君士坦丁城、相伯仲。裏海、地中海、紅海、阿剌

伯海、印度洋、及中國之南海。無處不有薩拉森東帝國商船出沒。報達一府。實爲東西學術之淵藪。商工業之

中心點云。

自訶論王以來。代代獎勵學術。學術日益發達。人民多流於文弱。阿剌伯固有尙武之精神。漸失。阿爾買蒙在

位二十年。八一三至八三三以唐文宗太和七年殂。弟蒙托新 (Montassin or al Mutassin) 卽位。國勢漸衰。東方

諸省多叛。蒙托新慮本國兵不足恃。乃募突厥人爲奴僕。訓練成禁衛軍。自後歷代君主。皆倚禁衛軍爲左右

手。漸成尾大不掉之勢。君主廢立。多出其手。政權爲軍人所左右。哈利發惟唯諾仰成而已。

第四節 奧瑪耶朝之西遷與法提瑪朝之隆盛

初、阿拔斯朝之勃興也。逮捕奧瑪耶派教徒。誅戮甚慘。發先朝陵寢。殲戮其子孫。奧瑪耶朝宗室阿布拉曼朝統治。乃奉戴阿布拉曼爲哈利發。誅鋤反對黨。統一境內。七五五年唐玄宗定都於阿爾多華 (Cordoba) 是爲薩拉森帝國之始祖。中國稱之曰白衣大食。其後經過黑斯沙 (Hisham) 一世、阿布拉曼二世、阿爾海克 (Al-Hakem) 一世、阿布拉曼三世等。歷代皆英主。平定內憂外患。國勢日張。阿拔斯朝屢遭兵擊之。不克。


阿力之後裔摩斯 (Maiz) 亦不滿意於阿拔斯朝。乃憑藉非洲北岸爲根據地。經略埃及等地。九六九年。宋二年臘開寶。創立法提瑪朝。建新都於尼羅河畔。名曰開喜拉 (Al-Kahirah) 今埃及都自立爲哈利發。是爲薩拉

森南帝國。與東西兩帝國。成鼎足對立之局。法提瑪朝。後起最強。屢遣兵北上。侵略敘里亞。與東帝國構兵。復獎勵學術。都城之圖書館。藏書至十萬卷。西帝國之奧瑪耶朝。亦獎勵學術。國有圖書。至六十萬卷。著述家至三百餘人。西曆八世紀以後。東帝國衰微。中央政權。入於突厥人之手。西帝國兵威猶盛。屢遣兵東上。經略地中海沿岸。略取干利地、西西里、等島爲屬地。東帝國集全力以防禦西方。東方之政治勢力範圍漸不振。哥刺


蘇奧錫安拿(Oriana)等省。陸續背叛。突厥遺族乘之。侵入帝國內地。哈利發之正權。遂漸入於蘇丹(Sultan)之手。薩拉森東帝國事實。上卷已敘矣。

Ommeyyade Caliphs of Damascus

Merwân' I. 64, A.H.=684, A.C.



The Abbasside Caliphs



第三章 蒙古西征以前中亞及波斯諸國形勢之變化

阿母河流域地方。與突厥民族有特別關係。兩漢時代之大月氏王國。南北朝時代之嚙噠王國。皆起於此地。隋唐之交。突厥帝國勃興。併吞嚙噠。其疆域東至黑龍江濱。西抵鹹海東岸。南至萬里長城及阿母河。北抵貝加爾湖。幅隕之廣。為當時亞洲諸國最。唐室勃興以後。突厥衰亡。其遺族回紇。猶據有外蒙古。與唐室南北對峙。唐室中葉以後。回紇為黠戛斯所滅。其遺族南走。分據甘肅西部及新疆東部。有宋勃興以後。葱嶺以東天

山南北路等地。猶爲回紇所據。葱嶺以西俄領土爾基斯坦，及阿富汗、俾路芝、波斯、美索不達米亞等地。亦逐漸移入突厥遺族伽色尼（Ghazni）塞爾柱（Seljuks）兩王朝之手。突厥民族之勢力驟張。薩拉森東帝國之威靈掃地盡矣。

第一節 泰黑耳（Taher）蘇法爾（Sofur）薩曼拿（Saman）及布耶（Buya）王朝之迭與東大食帝國之瓦解

先是大食既滅波斯。益拓地而東。分設長官。轄治各地。薩拉森東帝國中葉以後。主權日替。東方諸侯。弱肉強食。建邦啟土。與中央政府對峙。方唐室衰微。河北方鎮呈割據形勢之時。大食東方藩鎮。亦呈割據之形勢。東西兩大帝國。末路情形。歸於一致。儻使古人有知。安得不同病相憐也。茲述其事蹟如左。

先是阿爾買蒙即位之次年。唐憲宗元和九年。唐紀元八一四年。將軍泰黑耳據波斯東部以叛。奠都哥刺森。在裏海東南今波斯東北境。

稱泰黑耳王朝。是爲波斯復立國之始。八六八年。唐懿宗咸通九年。錫司丹（Sistan）流寇耶古布（Yokub）伊布

（Ibu）里斯（Reith）起兵破哥刺森。滅泰黑耳王朝。西攻波斯。威壓薩拉森東帝國。創立蘇法爾王朝。耶古布殂。弟亞姆耳（Amir）立。國勢益張。九零一年。唐昭宗天復元年。亞姆耳殂。國勢寢衰。尋爲薩曼拿王朝所滅。

薩曼拿王朝之始祖。爲伊士邁（Ismail）本波斯豪族薩曼拿之曾孫。初起於烏濟河（Oxus River）外。奠都布哈拉。利用尊攘政策。與薩拉森東帝國聯合。夾攻蘇法爾朝。滅之。併吞哥刺森及波斯。創立王國。九二七年。

後唐明宗天成二年部將澄司比 (Ka-pi) 省總督澄布士 (Kabus) 復據地自王。尋傳位於其子布耶。是爲布耶王朝。於是波斯復分爲二。尋薩曼拿朝藩臣亞爾卑泰金 (Alptigin) 作亂。略取現今阿富汗及印度。建立王國。是爲突厥民族復興之始。

第二節 伽色尼 (Ghazni) 王朝之興亡

亞爾卑泰金者。本突厥遺族。爲薩曼拿王室第五代君主阿布都米里克 (Abdul Merik) 家奴有功。漸擢至哥刺森總督。九六一年。宋太祖建隆二年。阿布都米里克殂。亞爾卑泰金與嗣王有隙。率所部東南下。走蘇里曼 (Sulaiman) 山。止於伽色尼城。即今阿富汗之喀斯那。略取波斯東部。自立爲國。是爲伽色尼王朝始祖。九七六年。宋太宗太平興國元年。亞爾卑泰金殂。子伊薩克 (Isaac) 卽位。在位僅二年而殂。無子。妹婿蘇布克提金 (Subuktigin) 卽位。蘇布克提金者。自稱波斯王室後裔。舊爲亞爾卑泰金家奴。屢征印度有功。漸擢至大將。尙公主。卽位以後。復連年征印度。克干達哈 (Kandahar) 城。略取奔札比 (Punjab) 克什米爾 (Kashmir) 等地。九九七年。宋真宗咸平三年。蘇布克提金殂。遺詔次子伊士邁嗣位。長子馬哈木 (Mahmud) 不服。襲執之而自立。馬哈木雄勇有大志。卽位以後。先修好於故主薩曼拿朝。薩曼拿朝不納。馬哈木怒。舉兵攻之。九九九年。宋真宗咸平二年。廢薩曼拿朝最後之君主曼石爾 (Mansur) 併吞其國。定都哥刺森。一〇〇二年。大舉兵攻印度。前後二十五年間。凡侵入十七次。盡取恆河印度河流域。疆域之廣。東至恆河。西至底格里士河。南至阿刺伯海。與賓都耶 (Vin-

(Dyna) 山脈。北至阿母河。包有印度大半。及阿富汗、俾路芝、波斯、全境。俄領土耳其斯坦一部分。是爲伽色尼王朝全盛時代。馬哈木在位三十餘年。提倡學術、獎勵商業。保護回教。回教文明輸入印度。印度星學數學輸入回教諸國。王提倡之力居多。

一〇三〇年。宋仁宗天聖八年。馬哈木殂。二子爭立。國內亂。勢漸衰。長子穆罕默德 (Muhammad) 卽位。次子穆薩俄德 (Musaod) 時鎮守伊斯巴漢 (Isbahan) 要求割讓波斯方面領土。分國而獨立。穆罕默德怒。自將征

之。中途部將謀叛。執之以降於其弟。於是穆薩俄德盡有伽色尼王室領土全部。是時塞爾柱朝已勃起於布哈拉。經略中央亞細亞。伽色尼西北境。時常被兵。穆薩俄德勇武善戰。創立學校。獎勵文教。民望甚優。願以

東征印度。北防塞爾柱朝。故歲無寧日。一〇四〇年。宋仁宗慶元年。定元年。爲塞爾柱朝所破。王乃避強攻弱。移兵侵略印度。擬遷都印度河流域。是年。率師東下。經略拉賀里 (Tahore) 英領印度之本若首府在印度河上流。中途兵變。弑穆薩俄德。而

立其兄穆罕默德。穆薩俄德之子摩都德。復起兵擊殺之而自立。於是印度諸國。乘勢攻其東南。塞爾柱朝侵其西北。國勢日衰。傳數世。至倍拉穆 (Beram) 與侯勒特 (Helat) 現今阿富汗西北一大都會。附近酋長高爾 (Ghor) 家有隙。一一五二年。宋高宗紹興二十二年。高爾酋長起兵攻之。屠伽色尼城。倍拉穆東走印度。殂於途。子哥士婁 (Chastros) 立。遷都拉賀里。乞援於塞爾柱朝。謀恢復故地。是時西遼已建國。塞爾柱朝勢衰。力不能發救兵。哥

士婁僅保守印度殘部。與都庫什山以北領土。爲塞爾柱朝所蠶食。以南領土。爲高爾朝所蠶食。西曆紀元一

一八六年。宋孝宗淳熙十三年高爾王穆罕默德(Mohammed)襲破其都城。執最後之君主哥士婁模里克(Chasroes Munk)於是塞爾柱朝遂亡。凡傳十五世。二百二十六年。

第三節 塞爾柱王朝之興亡

塞爾柱王朝。雖係突厥民族所創。顧其所憑藉者。乃薩曼王朝勢力。與本族固有之勢力無涉也。及塞爾柱王朝勃興。純粹之突厥王國始又出現矣。茲述其事蹟如左。

先是有唐中葉。回紇爲黠戛斯所滅。其遺族龐特勒南走。據有甘肅西部及新疆東部。宋初。稱可汗者共有三人。甘州有可汗王。西州有克韓王。新復州有黑韓王。成鼎峙之局。西夏勃興以後。甘州回紇爲其所滅。西州回紇逐漸得勢。移居垂河在西北。上流之八刺沙衰(Belashan)與葛羅祿部合兵。侵略中央亞細亞。布哈拉

附近之突厥遺族。乘機侵略伽色尼朝領土。奉烏古斯部西人疑烏孫酋長塞爾柱爲首領。馬哈木殂後。伽色尼朝

勢力漸衰。塞爾柱之孫多格盧爾不(Toghru'l Beg)乘勢西下。一〇四〇年。宋仁宗康定元年越阿母河。略取哥刺

森等地。莫都尼沙不耳。(Nesabur) 在今波斯東部伽色尼朝兵敗。退守與都庫什山以南。尋滅布耶王朝。略取壇

司比等省。盡取波斯全境。一〇五五年。宋仁宗至和二年入報達。擁哈利發。號令天下。東帝國之哈利發與之和。冊爲

蘇丹。使專國政。自此以後。政權入於蘇丹之手。哈利發但擁虛位而已。

巴而多格盧爾不自稱(Emiral Omla)之諸王是爲塞爾柱朝始祖。一〇六三年宋仁宗嘉祐八年。劄兄子亞爾巴斯

蘭(Alp Aislan)卽位。勇武善戰。人皆稱獅子王。西侵小亞細亞。與東羅馬構兵。大破之。擒其帝羅曼狄基尼

(Romanus Diogenes) 徵金百萬以贖。且約歲輸重幣。乃許和。一〇七二年宋神宗熙寧五年。亞爾巴斯蘭爲其

下所弑。子馬納克沙(Malek Shah)卽位。勇武有遠略。遷都伊斯巴漢。東征中央亞細亞。盡取西爾河流域。

會埃及之法提瑪朝侵報達。馬納克沙自將救却之。哈利發授爲禁衛軍元帥。一〇八四年宋神宗元豐七年。西攻西

里亞小亞細亞等地。盡取之。據有耶路撒冷府。又踰葱嶺。降喀什噶爾(Kanigor)於是塞爾柱王朝領土。東

至天山南路之西偏。西抵小亞細亞。南至興都庫什山麓。北至西爾河流域。幅隕遼闊。威振一時。一〇九二

年宋哲宗元祐七年。馬納克沙劄諸子分領其國。勢始淺衰。虐待基督教徒。激而成十字軍之役。前後戰爭互二百年。

歐洲武士死者數百萬。會西遼德宗來侵。花刺子模酋長亦乘勢獨立。塞爾柱王朝遂衰。一一九四年宋光宗紹熙五年

年。遂爲花刺子模所滅。

第四節 西遼之興亡

東胡民族之根據地。在遼河上流。由漢至唐千有餘年。烏桓、鮮卑、契丹、更迭據之。部落雖不同。其民族則同也。遼室衰亡以後。東胡民族根據地。爲女真所有。宗室耶律達什奔西域。略取中亞。建立帝國。與宋金對峙。幾及

百年。傳世之久。雖不及吐谷渾。而領土之廣大則遠過之。不可謂非東胡民族之光寵也。茲述其事蹟如左。

耶律達什舊作大石者太祖八世孫。字重德。通遼漢文字。善騎射。舉進士。擢翰林。歷泰祥二州刺史。遼興軍節度使。

天祚奔雲中後。達什與燕京留守張琳李處溫等。奉耶律淳稱帝。燕京陷後。達什西奔天祚於圖魯卜舊作突呂不

部。天祚責而赦之。宋徽宗宣和六年。天祚謀出兵恢復燕雲。達什諫以宜「養兵待時。不可輕舉。」天祚不從。

而敗。達什遂殺北院樞密使蕭伊錫。自立爲王。率衆西走。至哈吞。城名舊作可致。在古庭州東北。駐北庭都護府。會西鄙七州

十八部王。諭以興復事。得精兵萬餘。置官吏。立排甲。具器械。又遣書假道於回王伯勒格。(Bilik) 舊作畢伯勒哥

勒格得書。卽迎至邸。願質子孫爲附庸。送至境外。所過敵者勝之。降者安之。兵行萬里。歸者數國。獲牛羊駝馬

不可勝計。宣和七年。西曆紀元一二五一年率回紇葛邏祿等國兵至塔什干。舊作尋思罕。卽撒馬兒罕。經略中亞。西域諸國合兵十

萬。號呼爾察。西城大將軍名來拒戰。達什分所部爲三軍。進擊。大破之。盡取阿母河以北地。卽花刺王來降。賈

方物。又西行至克時木。(Kerman) 舊作起兒漫。卽今波斯給爾滿部。羣臣共尊達什爲帝。仍舊國號。改元延慶。是爲西遼。西

人稱之曰黑契丹。(Kara Khitai)上尊號曰天祐皇帝。是爲西遼德宗。西人稱之曰古兒汗。(Zour Khan)

時宋徽宗靖康元年。西曆紀元一二六年也。尋率師東歸。莫都於呼遜鄂爾多。卽八剌沙裘。Hala Sagoun 舊作虎思斡耳朶。Gus-ordgo 在今俄領中央亞細亞。

克摩斯克之垂河漢。次年。命都元帥蕭額哩埒等。率七萬騎東征。謀恢復故地。行萬餘里。無所得。牛馬多死。

勒兵而還。

德宗在位二十年。以宋高宗紹興六年四曆紀元一三六六年一殂。后蕭氏稱制。號感天皇后。(Tabouvan)攝政七年殂。

子伊噶(Yelin or Yelien)立。是爲仁宗。在位十二年。以宋高宗紹興二十四年四曆紀元一五四年一殂。子幼。妹普蘇完

(Poussowan)稱制。號承天皇后。是時金主完顏亮昏虐。國內亂。有可乘之機。普蘇完無遠志。與其夫都爾伯

舊作柔魯不弟布固濟蘇沙喇舊作朴古只沙里通出都爾伯爲東平王而殺之。其舅烏拉琳舊作幹里刺起兵問罪。以宋孝宗

乾道四年四曆紀元一六八年一殺普蘇完及布固濟蘇沙喇。而立仁宗次子卓勒古。(Pehliouou)舊作直魯古在位三十

四年。適值蒙古族勃興。奈曼部長庫楚類汗避兵西下奔西遼。卓勒古以女妻之。庫楚類與花刺子模通謀。乘

卓勒古出獵。伏兵襲執之。而據其位。西遼亡。凡傳國五世。七十七年。時宋寧宗嘉泰元年。金章宗泰和元年。蒙

古太祖稱帝前五年。西曆紀元一二〇一年也。


第五節 花刺子模 (Kheerizm) 之建國

初、西遼之勃興也。併吞天山南北路及俄領中央亞細亞。合諸小國而成一大帝國。民族複雜。統御不易。故勢力一衰。諸小國即分離而獨立。其中嶄然露頭角者。爲花刺子模國。


花刺子模者。本波斯東北部一省。唐時名爲貨利習彌迦。(Khwarizm)在阿母河之西。裏海之東。鹹海之南。

始祖努什的斤 (Nushategin) 本塞爾柱朝第三代君主米利克沙 (Malik Shah) 家奴。執刀衛左右。甚見寵任。除奴籍。爲侍臣。漸擢至花刺子模總督。其子庫脫拔丁穆罕默德 (Couth-nd-Din Mohammed) 乘塞爾柱朝之衰。據地自王。稱花刺子模沙。 (Khwarizm Shah) 或譯爲察譯爲殺皆同音異譯也。都玉龍傑亦城。 (Urgency) 即漢唐居小王與鐵城今俄領中央 中國稱之曰回回國。穆罕默德子阿切斯 (Atiz) 立。適值西遼德宗來攻。拒戰。敗績。被擒。約定稱臣奉貢。乃釋歸。阿切斯子伊兒阿斯蘭 (I Arosian) 立。適值塞爾柱朝攻西遼。敗績。伊兒阿斯蘭乘機侵略其邊地。取哥刺森。盡有波斯東北境。稱臣於西遼。以絕東顧之憂。伊兒阿斯蘭子塔喀施 (Tacasch) 立。西曆紀元一一九四年。滅塞爾柱朝。殺其最後之王多格盧 (Toghrul) 盡取波斯全土。遂入報達。自稱蘇丹。擁哈利發那昔爾 (Nassin) 號令天下。塔喀施子阿拉哀丁穆罕默德 (Alai-nd-Din Mohammed) 立。深以入貢西遼爲辱。與 (Bamar-kand) 會長合兵敗之。尋併吞撒馬爾罕不花刺 (Bukhara) 等地。盡取阿姆河流域。建新都於撒馬爾罕。而稱玉龍傑亦爲舊都。復南越興都庫什山。滅高爾王朝。略取阿富汗全境。會奈曼部長庫楚類汗。爲蒙古所敗。奔西遼。陰圖竊立。穆罕默德方以納貢爲辱。與之合兵滅西遼。略取霍爾河 即錫 以南地。於是花刺子模領土。東至帕米爾高原。西至底格里士河流域。南至阿富汗。北至錫爾河。奄有古波斯及昭武九姓諸國之地。幅隕之廣。爲西方第一。

東 大 食 分 裂 表




西遼世系表 姓耶律氏。遼之宗室。遼亡奔中亞建國。凡傳五世。(有女主二人)七十七年。爲奈曼所滅。



(一) 德宗 遂什 二十年
 (二) 威天皇后 蕭氏
 (三) 仁宗 伊哱 十二年
 (四) 承天皇后 蕭氏 攝政十四年
 (五) 卓勒古 三十四年
 東平王 都爾伯

花 刺 子 真 世 系 表

新 著 東 洋 史 第 三 編 近 古 史
第 四 章 蒙 古 西 征 以 前 印 度 半 島 形 勢 之 變 化



自來有文事者。必有武備。印度人文化最發達。武力最不發達。印度宗教。常能支配東方各民族心靈。印度政治。常受東方各民族所支配。亦歷史上一怪現象也。先是秦漢之交。摩揭陀帝國衰亡。印度西北部主權。入於大月氏人之手。兩晉時代。笈多王朝勃興。一旦恢復之。傳世未幾。仍爲嚙噬人所征服。南北朝末年。烏菟王朝勃興。印度主權復入於本族。傳世僅百餘年。復爲混血之喇諦善特族所攘奪。自有唐中葉以後。至有宋勃興以前。印度半島西部霸權。實在喇諦善特族之手。其後喇諦善特族衰微。回教徒遂乘勢侵入。佛教之根據地。爲回教徒所攘奪。自是以後。凡千有餘年。印度主權。始終在回教徒之手。佛教雖盛行於東亞。而在本國則勢力消滅殆盡。溫都教勢力亦不振。突厥民族及蒙古民族。先後侵入印度。創立若干帝國王國。壟斷印度權利。壓制阿利安民族。直至有清中葉以後。回教徒之勢力始衰。基督教徒勢力遂乘勢侵入。全印度之主權。壟斷於英人之手。佛教徒遂終古不振矣。

第一節 伽色尼王朝勢力之侵入

回教國之首領。最初占領印度者。爲伽色尼王朝。伽色尼王朝者。本突厥民族。其系統及其本國盛衰興亡事蹟。已見上章。茲從略。只述其對印度關係。伽色尼朝第三代君主蘇布克提金未卽位以前。屢攻印度。印度人恨之。九七七年。印度拉賀里酋長介普爾 (Jaiphal) 自將來攻。蘇布克提金乘暴風。要其歸路。大破之。虜其象五十頭。約賠款百萬 (Dirham) 許和。介普爾既歸而背約。蘇布克提金以索賠款爲名。大舉越蘇里曼山。侵

入印度。破介普爾兵。敗白沙瓦 (Peshawar) 在印度西北境 居印度河上流。留兵駐守之。於是攪不耳 (Khyer) 谷兩端。爲伽色尼王朝所有。印度西境無險可守。時常被兵。馬默德即位後。前後侵入印度十七次。其中十三次。係以征服奔札比爲目的。一次以征服克什米爾爲目的。其餘三次。皆遠征恆河流域。是時西北中三印度。小國棋布。靡所統一。及回教徒侵入。始聯合併力以拒之。血戰二十五年。印度兵多敗。馬哈木之衆。侵略及於撻爾 (Kanary) 乖里耳 (Swalior) 石姆馬 (Somnath) 等地。焚掠極慘。到處破壞偶像。溫都教徒大遭荼毒。介普爾拒戰。敗績。從印度習慣。登火壇自焚死。其餘會長戰沒者甚多。願終不能抵制敵兵。西北印度皆爲伽色尼王朝所有。一〇三〇年。馬哈木殂。自此以往。凡一百五十餘年。一〇三〇年至一〇八六年。西北印度主權。皆在伽色尼王朝之手。爲印度河流域霸國。

第二節 高爾王朝之興亡

高爾王朝之先祖。爲阿富汗境內高爾城酋長。時與伽色尼王朝構兵。馬默德在位時代。征服之。降爲屬國。塞爾柱王朝勃興。略取與都庫什山以北各地。伽色尼王朝兵敗。退保山南。高爾王朝乘釁。侵略其南部。一一五二年。宋高宗紹興 高爾王阿拉胡丁 (Alai-ud-din) 破伽色尼城。大肆屠掠。伽色尼王子哥士婁東奔印度。徙都拉賀里。一一五六年。宋高宗紹興 阿拉胡丁殂。子塞福胡丁 (Seph-ud-din) 立。一年而被弑。從弟格亞士胡丁 (Ghiat-ud-din) 立。以弟希哈潑胡丁 (Shahab-ud-din) 爲大將。經略印度。一一八六年。克拉賀

里滅伽色尼朝。自此以後。以拉賀里爲根據地。逐漸南下。蠶食西北中三印度。一一九一年。宋光宗紹熙二年。大舉攻特里。(Delhi) 英領印度一大都會在奔札比南境。中途爲印度兵所邀擊。大敗走還。一一九三年。復率本國救兵。大舉南下。是時喇諦苦特族中之朱漢(Chanhan)族。據有應尼爾。(Ajmere) 多馬刺(Tomara) 族。據有特里。拉多爾(Rahūr) 族。據有堪蘭。各建立王國。三方對峙。朱漢族最強。其王自稱普里士威拉加。(Prithvi Raja) 大君。與拉多爾族互爭北印度霸權。朱漢族戰勝諸國。略取特里等部。一時爲北印度共主。堪蘭王怒。誘高爾人入寇。希哈潑胡丁自將赴之。破特里及應尼爾。殺朱漢王。次年。破堪蘭。殺拉多爾王。徇西北印度諸部。皆下之。盡取印度河及蘇特奈(Sutlej) 河流域。喇諦苦特族諸部之不服者。走入印度河濱之沙漠。其遺族至今猶存。西人稱之曰拉介普他拿。(Rajputana) 次年。格亞士胡丁殂。希哈潑胡丁歸國即位。更名穆罕默德。遣大將拜喀提亞忒爾即(Bakhtiyar Khilji) 率師東征。一一九九年。克拔哈。(Behar) 恆河中流右岸都會在今東印度。一一〇三年。下三角州。征服孟加拉。盡取恆河流域。孟加拉王拉克什曼生(Lakshmanan) 東走俄里沙。(Orissa) 哥喀爾(Shokkar) 族不服。舉兵作亂。破拉賀里(Labore) 城。侵掠北印度。穆罕默德自將東征。一一〇六年。宋寧宗開禧二年。三月。次於印度河濱。夜中爲敵人所襲。敗死。兄子穆罕默德立。國勢漸衰。花刺子模屢侵掠其邊境。穆罕默德無力拒敵。稱臣納貢。以求免禍。在位七年。爲花刺子模黨人所弑。高爾朝亡。其阿富汗境內舊領土。皆爲花刺子模所有。

第三節 奴隸王朝之興亡

伽色尼、高爾、兩朝。雖爲西北印度共主。然其根據地皆在阿富汗境內。勢力範圍。伸張至印度內地。其情形與大月氏、嚙噠、相似。而享國之綿延。則遠不及焉。非實行建立突厥王國於印度者也。其實行建立突厥王國於印度內地者。則以奴隸王朝爲始。

奴隸王朝始祖。爲古他布丁。(Kutub-ud-din) 初爲高爾王朝大將。鎮守印度。一二〇六年。穆罕默德被刺。鎮守印度諸將皆據地自立。古他布丁亦自立於特里。盡取蘇里曼山以東賓都耶山以北各地。奄有印度大半。世以其嘗爲高爾王朝奴隸。故稱奴隸王朝。在位五年。以一二一〇年宋寧宗嘉殂。子亞蘭 (Alam) 立。庸懦無遠略。印度境內諸大將。皆其父故等夷。各據地以叛。諸大臣廢之。而立其父之養子亞耳泰石。(Alamsh) 擊諸將。皆破之。恢復恆河印度河流域。會蒙古帝國勃興。太祖特穆津自將征花刺子模。破之。盡取中央亞細亞及阿富汗俾路芝等地。花刺子模最後之王札蘭丁奔印度。蒙古兵沿加布爾河低地追之。破瑄不耳谷要塞。會天盛暑。蒙古兵皆北人。多疾疫。王遣兵扼印度河以拒之。蒙古兵乃還。

一二三六年。宋理宗端王殂。女拉吉雅 (Kajya) 立。精通回教經典。勤於爲政。能斷大事。國人畏服。上尊號曰蘇丹。吉雅。(Sultan Kajya) 女王寵幸阿比辛亞國 (Abyssinia) 出身之奴隸。諸將不悅。一二四〇年。宋理宗嘉廢之而立其弟。自此以後。王室漸衰。大權入於奴隸出身之宰相巴爾漢 (Balhan) 之手。蒙古人

時常南侵。地方鎮將亦多背叛。內憂外患。一時交迫。一二六五年。宋度宗咸淳元年。巴爾漢遂自立。嚴刑峻罰。以繩羣下。擊諸將。皆破之。多所屠滅。威名遠震。一時獨立君主稱臣納貢受其保護者。凡十五國。一二八六年。元世祖至元二年。巴爾漢殂。子基謀拜特 (Kei-Ko-lud) 卽位。在位二年。爲刺客所弑。部將介盧丁 (Jalal-ud-din) 殺王子而自立。是爲基爾吉 (Kijik) 朝。奴隸王朝亡。凡傳十主八十二年。一二〇六年至。

第五章 成吉思汗之西征與花剌子模之顛覆

第一節 奈曼之衰亡

夏金相繼衰微。東方已無大敵國。蒙古兵乃轉鋒西上。經略中亞。先是奈曼庫楚類汗奔西遼。乘其主卓勒古出獵。襲執之而據其位。別娶一妃。妃勸以從佛教。汗從之。諭民間奉佛。虐待天方教徒。迫令改教。橫征暴斂。戶監以卒。人民嗟怨。聞成吉思汗南侵。遂誘奇爾濟蘇土默特等部同舉兵。與默爾奇斯部餘衆結合。謀恢復故地。成吉思汗遣大將哲伯 (Tahai) 舊作哲別 由南道擊庫楚類汗。蘇布特 (Souboundai) 舊作速不台 由北道擊默爾奇斯部。同時並進。命長子卓齊特 (Djintai) 舊作朮赤 擊奇爾濟蘇等部。皆下之。因留駐其地。爲兩將後援。蘇布特追敵及於蟾河 今俄領中央亞細亞錫達利亞省之吹河。北盡殲其衆。哲伯先取天山西北西遼故地。庫楚類汗兵敗。退保天山南路。哲伯下令。命人民信教自由。西遼遺民大悅。到處迎降。庫楚類汗西奔。哲伯追至巴達克山 (Badakhan) 界。斬之。奈曼平。蔥嶺東西各地皆入於蒙古。遂與花剌子模接壤。

第二節 花刺子模全盛時代

先是花刺子模王喀喀施在位之時。利用薩拉森東帝國哈利發那昔爾名義。滅塞爾柱王朝。略取伊拉加吉姆 (Irac-djen) 省爲領土。建立大國。擁哈利發。號令天下。那昔爾心不平。密與高德王格亞士胡丁書。具言「花刺子模志在兼併。宜與西遼連合。南北夾攻。可以得志」云云。其後喀喀施殂。子阿拉哀丁穆罕默德在位。滅高爾王朝。檢故籍得書。大怒。發檄廢那昔爾。立阿力後裔西葉大拉爾穆龍 (Sevid ala-nhulonk) 爲哈利發。起兵納之。進至伊拉加吉姆。會長俄高爾模士 (Ogoulnoush) 迎降。那昔爾遣盜刺殺之。穆罕默德怒。自將進攻。法而斯 (Fars) 會長阿塔畢沙特 (Atabey Sa'd) 拒戰。敗績。被執。割二城請和。約定稱臣納貢。乃釋歸。阿特耳佩古 (Azerbaidjan) 會長阿塔畢鄂思伯克 (Atabey Fuzbe) 拒戰。敗績。請降。受約束。穆罕默德大兵長驅西下。那昔爾大懼。遣大臣士齊克布丁西威的 (Sheikh Schikab-ud-din Shiverdi) 請和。不許。進兵至伊西達不特 (Issetabad) 山。時方秋初。天忽變。大雨雪。人馬凍死者甚衆。前鋒敗沒。乃引還。至伊拉加吉姆分領土與諸子。以伊拉加吉姆省封長子屋肯哀丁 (Rokn-ud-din Goursaidin) 以克爾曼 (Kerman) 克斯齊 (Kesch) 模克蘭 (Mukran) 等省。封次子吉亞特哀丁 (Ghith-ud-din Tiz-Sehan) 以伽色尼拜密安 (Bamian) 高爾波斯特 (Bost) 等省。封三子只拉而哀丁。忙果必而體 (Djial-ud-din Mangoubiri) 即元史之札蘭丁 而立幼子鄂斯拉克沙 (Ozlag-Schak) 爲皇太子。以花刺子模哥刺森馬仍地蘭

(Mazunderan) 等省封之。身還布哈拉。國人皆竊議其私祿位於子。

皇太后土而堪哈敦 (Turan Khatoon) 本康里族 (Cancalis) 巴牙烏脫 (Bayavies) 部汗勤克石 (Djinksehi) 公主。與鄂斯拉克沙之生母同族。愛幼孫。王承母志。越次立之。康里部人多仕於王廷。屢立戰功。王倚其力以戡定諸國。有兵四十萬。突厥人及康里人居多數。皇太后權亦緣是等於王。皇太后懿旨。與王之詔書。同時並行於州郡。發生同等效力。州郡無所適從。惟調查發布日期之先後。以爲從違之標準。擇其最近者施行之。康里人性情殘忍。喜殺伐。每戰勝敵國。必屠戮其人民無算。被征服者怨之。諸王子所封之地。皆新被征服之州郡。對於王室。多懷惡感。王國領內之民族。雖同奉回教。而宗派不同。時常內訌。形勢如此。幅隕雖大。國本未固。一有外患。必現土崩瓦解形勢。徵之西遼往事。已成前車之鑒矣。

第三節 蒙古與花刺子模衝突之遠因 成吉思汗之大舉西上

是時天山西北西遼故地。已入蒙古。霍苻悉靖。行旅無阻。有花刺子模商人馬黑摩特 (Mahmoud) 布哈拉商阿里火者 (Ali-Khodja) 訛脫喇兒 (Orta) 一作鄂 托喇附商幼士石夫 (Yousouf) 同時還自東方。歸有成吉思汗詔命。致聘且修好於王。王怒其措辭太倨。欲不受。納馬黑摩特之諫。勉強受之。使三人復命。適又有商人還自東方。汗遣使人組織商隊。隨行購物。有衆四百五十人。皆輝和爾人。行至西爾河畔之訛脫喇兒城。主哈伊兒汗 (Tairikhan) 伊那兒只克 (Inaldjoue) 利其財。盡拘之。以間諜報於王。王命處以死刑。惟一人得脫。

歸報。成吉思汗驚怒且慚。誓雪仇恥。先遣突厥人波合拉 (Boghe) 偕二蒙古人。出使花刺子模。責以執送禍首。王不聽。殺波合拉。剽隨行二蒙古人鬚。釋歸以辱之。成吉思汗大怒。

宋寧宗嘉定十一年。成吉思汗十三年西曆紀元一二一八年成吉思汗大舉西征。命皇弟幹赤斤 (Tajikin) 留守。皇子卓齊特

(Djoutchi) 舊作尤赤察罕台 (Tahagatari) 舊作察台 闊鑿 (Tontou) 舊作窩圖類 拖雷從。會師

於雅爾達實河。輝和爾哈刺魯諸王皆以兵從。號六十萬。休兵於河畔者八閱月。次年秋。進兵。自雅爾達實河

上流。直南行。經別失八里。今新疆迪化 迤阿力麻里。今新疆伊犁 等處。迤邐而西南。遂至忽章河。今西 河畔。薄訛脫喇兒城。時

花刺子模王都於撒馬爾罕。城高守固。難遽下。布哈拉在其西。其舊都玉龍傑亦更在西北。汗乃分軍爲四。留

次子察罕台。以一軍攻訛脫喇兒城。命長子卓齊特將右軍。循河西北下。向甞的 (Djend) 略取忽章河下流

流域。阿刺黑 (Alac) 速客圖 (Sougton) 托海 (Togai) 三將將左軍。循河東南上。向白訥克特 (Benaket)

略取忽章河上流流域。自將中軍渡河。徑趨布哈拉。直擣其中堅。則新舊都交通路中斷。呼應不靈。先破布哈

拉。乃折而東。攻撒馬爾罕。其計劃如是。

第四節 布哈爾撒馬爾罕玉龍傑赤之陷落 穆罕默德之走死

初。卓齊特之西征奇爾濟蘇也。花刺子模王阿拉哀丁穆罕默德起兵救之。至海哩 (Gah) 哈迷池 (Cai-

mian) 兩河間。見屍骸狼籍。情狀極慘。始知奇爾濟蘇兵敗。蒙古兵已撤陣東旋。王自將追之。卓齊特遣使來

修好。以捕獲戰利品一部分奉贈。王不從。與蒙古兵大戰。移日。左軍潰。蒙古右軍與中軍合。直擣王之中軍。右軍司令王子札蘭丁。擊退蒙古左軍。以右軍來援。力戰至黃昏。蒙古兵始退。王知蒙古兵不可侮。不敢再追。至是聞蒙古兵大舉南下。極耐苦戰。益惶惑。遂委國而去。汗命哲伯、蘇布特、窮追之。戒以「遇敵衆則勿與戰。而待後軍。敵逃則極追勿釋。所過降者撫之。不降則攻下之。不易攻則舍去。勿久頓兵堅城。」

王之棄新都而去也。蒙古兵甫渡忽章河。識者勸王速徵花刺子模等處兵。結一大軍備戰。號召國人。同心敵愾。力扼阿母河。則外險雖失。猶有內險可守。王惑於「印度暑熱多山。敵不敢進」之說。欲赴伽色尼。行至中途。長子屋肯哀丁遣使來迎。云伊拉加吉姆有兵餉可以固守。王又變計從之。是時札蘭丁從行。請自爲元帥。總兵守阿母河。王斥其少不更事。不許。已而訛脫喇兒、布哈拉、及撒馬爾罕相繼陷落。蒙古兵渡阿母河。王大驚。亟遣哲伯、蘇布特率師泅渡河。尾追不少懈。輾轉俱抵裏海濱。王窮蹙。逃入海島。憂憤而殂。二將盡獲所遺珍寶。及王太后王妃以獻。王子札蘭丁自立爲王。還軍花刺子模省。諸將嫉札蘭丁英明。不願受其節制。奉其弟阿斯拉克沙作亂。札蘭丁奔尼沙不耳。

嘉定十三年。西曆紀元一蒙古兵進攻花刺子模。阿斯拉克沙出奔哥刺森。中途爲蒙古兵所襲。戰沒。札蘭丁

奔伽色尼。成吉思汗命長子卓齊特、次子察罕台、進攻玉龍傑赤。一作烏爾難赤 Kourant-
the Orantje or Drentje of守將庫馬爾(Khou-

bang)力戰。蒙古兵死者甚衆。卓齊特與察罕台不和。軍氣因而不振。成吉思汗怒。命三子諤格德依爲攻圍軍

司令長官。節制諸軍以代之。遂破其城。盡屠其衆。死者數十萬人。汗自將進攻德耳米特 (Termid) 在阿母

耳迷克之。屠其城。分兵征服巴達克山等地。命四子圖類。將兵進攻哥刺森。爲哲伯蘇布特後援。汗自引兵渡

阿母河而南。將進攻札蘭丁於伽色尼。班勒乾波 今阿富汗 城迎降。成吉思汗忌其富庶。恐爲後患。屠之。進至塔

里寒 (Talecan) 山。圍羅撒來特 (Nosaret Couch) 戰勝之 山之義要塞。克東約四百里。包圍七閱月。破之。屠其

衆。遂引大兵南下。

第五節 哥刺森伽色尼黑拉特 (Hera) 之陷落 札蘭丁之出奔

當是時。圖類兵已克哥刺森。破超西 (Tionch) 尼薩 (Nessa) 西比薛瓦 (Sebzewan) 默夫沙然 (Merv-sch-

shidian) 省內四大都會之一塞爾柱朝米利克沙藩 都即漢安息唐大食之木鹿城。今馬捏魯德。尼沙不耳。哥刺森首府等城。盡屠其衆。發薩拉森東帝

國訶論王陵。取其金寶。到處破壞城郭。焚燒閭里。屠戮人民。伊蘭高原最富庶之地。鞠爲茂草。波斯安息薩拉

森。歷代之精華。蕩然無遺。折而東。與成吉思汗合兵南下。察合台窩闊台。俱引兵來會。屠克多安 (Kerdouan)

城。遂越興都庫什山。圍拜米安 (Bamian) 城。察合台子莫圖根 (Moutougan) 中流矢卒。成吉思汗怒。屠其

城。

是時札蘭丁屯兵於普羅蘭 (Peronan) 之平野。與蒙古先鋒失吉忽忒忽 (Schiki Contoucon) 兵衝突。部

將阿刺克 (Arag) 力戰。大破蒙古兵。其同僚伊明米里克 (Emin Melik) 與之爭功。毆辱之。王畏伊明米

里克兵強。不敢正其罪。阿剌克怒。引兵去。諸將多怨叛。王兵勢漸衰。王不得已。急歸伽色尼。中途聞成吉思汗大兵來襲。王兵微將寡。度力不能勝。乃東南奔印度。成吉思汗自將追之。至申河河印度畔。大破其兵。王乘馬浮申河而遁。餘衆皆爲蒙古所殲滅。成吉思汗遣大將巴剌(Bala)十爾台(Toutai)渡河追王。自將循申河右岸。侵略印度西北境。巴剌等渡河陷拜亞(Biah)城。進圍毛利丹(Moulatan)要塞。會天氣暑溼。士卒多病。又不知王所在。乃大掠毛利丹、拉號耳(Lahour)法里海不耳(Ferehaour)米利克普耳(Melik-pour)等省而還。於是中西北三印度皆羅兵燹。嘉定十六年。西曆紀元一三三三年一班師歸途遣兵屠伽色尼及黑刺特二城。於是伽色尼省富庶地方。亦化爲荒野。置達嚙嚙齊(Daroussag)舊作達魯魯亦嶺華言掌印官監臨其地。餘民無幾。攻西俄丹(Siolan)城。不下。以天暑止進兵。留哲伯蘇布特二將征奇卜察克而還。初欲由印度道出西夏。行未數程。聞西夏叛。又道弗不可行。乃旋師。仍循來路而歸。宋理宗寶慶元年。西曆紀元一一五一年還至幹魯衆。計西征一役。前後八年。蒙古擴張之勢力範圍。西抵波斯。南至印度。亞洲一大部分。已歸其掌握矣。

第六章 哲伯蘇布特之西征與東歐諸國之降附

第一節 奇卜察克阿速奇加賽斯(Circassos)等部之陷落

奇卜察克(Kipchaks)譯作欽察者亦突厥民族中之游牧民族。在烏拉嶺西。裏海黑海北。占領歐洲東北部一大平原。與東羅馬、匈牙利、俄羅斯、保加利亞(Bulgaria)及康里等國接境。俄人稱之曰波羅錫(Polouts)平

原之民之意也。匈牙利人與羅馬人稱之曰高曼。(Commans)因高班(Couban)河而命名也。土耳其方音
b之發音混合其地即唐初突厥所屬之可薩部。初烏孫自元魏時西徙葱嶺。至唐中葉復自東而西。僭可薩部西走。
而據其故地。今裏海東濱有城名烏孫城烏孫之音轉爲烏錫。(Vai)他國稱之則皆曰奇卜察克。至是其會亦納
思。以納默爾奇斯會霍都召靈。汗乃命哲伯蘇布特二將北征。循裏海西以往。而大軍皆在裏海東南。聲氣不
相聯絡。汗乃命卓齊特分兵。駐屯鹹海裏海間。固南軍後路。且爲西師聲援。汗未學兵法而全暗合兵法
沿途破降諸小國。西北入谷兒只。(Georgia) 今東土耳其之喀爾悉克擊敗其衆。以其境內道尤險。退而東入失兒灣。
(Schivan) 今東土耳其之埃里溫破打耳班。(Derband) 譯義爲古門波斯於此築長城爲裏海西高加索山南通行之要道令失兒灣沙稱亟以嚮導
來。至則殺一人以徇。令不善導者視此。遂引兵繞越寬田吉思海。今裏海輾轉度大和嶺。今高加索山鑿石開道而北。
是時大和嶺西北有強國曰阿速。(Asos)阿速者。在今俄國東南境。背高加索山。面頓(Don)河。發源俄國東南
薩克斯南流入亞速海以阿速部得名。都蔑怯思城。今亞掃城在阿速海東北岸立國已多歷年所。先是鮮卑族居其地。後有粟特族自東
來奪之。鮮卑人半竄於歐北。爲羅馬所邀擊。殲焉。時復有部落曰耶仄爾。 即漢書奄音轉者。居裏海西。高加索山北
亦東來族類。而服屬於粟特。東漢時有哥德(Goths)族會亥耳曼。亦自東來。粟特族潰敗不復振。宋元嘉七
年。芬族會遏的刺(Atila)帥其族西徙。伐波斯。取其北部米頗地。進破哥德族。亥耳曼自殺。其族西竄歐洲。
獨耶仄爾部河山四塞。恃險久存。後稱愛蘭士。(Alans)阿速其轉音也。阿速西北當頓河濱。有部落曰奇加

賽斯 (Cirasces) 其人善馳驟。以突騎著。卽今俄領當科薩克斯省之可薩克兵是也。此兩部皆北方民族。慄悍善戰。至是蒙古兵躡太和嶺。侵入阿速境內。阿速與奇卜察克、奇加賽斯等部。合兵拒戰。蒙古兵少。又迫於險。乃以甘言誘奇卜察克使引退。乘勢出險。擊破阿速等部聯軍。進追奇卜察克兵。乘其不意。奮擊大破之。殺其酋長庫灘 (Coutan) 之子與弟。庫灘率餘衆北遁。二將遣使告捷於卓齊特。卓齊特分兵大半來助。遂以宋寧宗嘉定十五年西曆紀元一冬。乘窩兀河冰合。下阿斯達拉干 (Astrokhan) 在裏海西北岸城。遇庫灘兵。又敗之。遂分兵爲二路。復引而西。一追庫灘敗兵。過頓河。一至亞速海之東南。破奇加賽斯、阿速等部。遂自亞速海履冰以至黑海。入撒吉刺之地。今俄國克里米 Crimes 之森佛羅波爾 Senteropol 大掠而北。兩軍復合。庫灘遁入俄羅斯境。乞援於其婿加利智 (Galich) 公米士提士勞 (Mestislav)

第二節 俄羅斯諸王侯之敗沒

俄羅斯者。西北大國也。唐懿宗咸通三年。西曆紀元八六二年。始立國於白海南。後拓地益廣。南鄰黑海。北宋時。行封建制。諸侯王各以其地分畀子孫。裂爲七十國。日事內鬩。至是米士提士勞與威拉丁尼耳 (Vladimir) 兩公克尼斯 (Kniaz) 與多數小侯會商。允庫灘請。起聯軍出境迎敵。哲伯等聞之。遣使來告。蒙古惟討庫灘。與俄素無讐。必不相犯。俄以爲餌。已殺其使。引兵渡的尼博河 (Dnieper) 發源於俄國西南。境下流入黑海。二將見其勢盛。陽示怯退。以誘之。敵亟追十餘日。及諸阿里吉河。今入裏海東南隅。阿特列克河。時俄兵八萬二千。分屯南北。南軍爲基輔 (Kiev)

及查爾尼俄弗 (Cherniiov) 等部兵。北軍爲厄加得黎諾斯拉等部及奇卜察克兵。南軍先渡河。戰於鐵兒山。四史作孩耳桑。疑卽今庫善地。大敗。得渡河而脫者無幾。餘衆殘焉。北軍不知。蒙古軍猝至。圍之三日。誘使出。疾攻之。俘誠無算。獲其王大小密思思老。一基輔王年長故爲大。查爾尼俄弗王年幼爲小。檻致於卓齊特。殺之。是役俄亡六王七十侯。兵士十死其九。舉國大震。時列城皆無備。惟俟兵至乞降。幸蒙古軍不深入。僅西北抵諾佛哥羅 (Novgorod) 等城。大掠而還。捷聞。成吉思汗遂定四子分地。以現今俄領西比利亞 (Siberia) 西部俄羅斯 (Russia) 東部。封長子卓齊特。以中國土耳其 (Chinese Turkistan) 與俄羅斯土耳其 (Russian Turkistan) 封次子察罕台。以奈曼 (Naiman) 及基爾吉塞司 (Kirgisos) 故地。封三子譚格德依。以蒙古本國故地及女真方面之地。封四子圖類。宋寧宗嘉定十七年。四曆紀元一卓齊特引兵西就國。命哲伯蘇布特率師東旋。歸途乘勝。遂滅康里。

第三節 康里之破滅

康里者。古高車後。其居地近漢康居。直今鹹海北。而西及裏海。西與奇卜察克南與花刺子模接壤。花刺子模王阿拉哀丁穆罕默德母土而堪哈敦。本康里公主。多用族人爲將。前殺蒙古商人之訛脫刺兒城主哈伊兒汗。卽王母之弟也。康里與花刺子模接近。素跋扈於西亞。至是哲伯等乘勝。遂躡其部。康里本仍游牧舊俗。旣被兵。部落遂潰。地歸卓齊特。其部人有歸元朝者。入兵籍。後遂置康里衛。王族子孫仍授康里王爵。仕於朝。功

名文學多顯者。

第七章 蒙古之南侵與夏金之淪滅

第一節 金與西夏及宋之互訌

花刺子模衰亡。西亞大部分俱入於蒙古。成吉思汗乃轉鋒東下。經略西夏。夏自崇宗晚年。金太宗時代與金議和。八十餘年未嘗交兵。及爲蒙古所攻。求救於金。金不能爲出師。夏久怨之。遂侵金。取其西邊地。宋寧宗嘉定七年。復貽書於朝廷。請會師伐金。不報。

金既困於蒙古。復擾於夏。朝廷用真德秀議。罷其歲幣。金疆宇日蹙。謀伐夏。不果。欲取償於宋。嘉定十年。金宣統元年分道大舉南侵。朝廷亦下詔北伐。傳檄招諭中原官吏軍民。兩軍互有勝敗。而金則兵財大竭。十三年。金置九公府於河朔。謀藉以保障。然卒無濟。尋皆破滅。蒙古將穩呼哩定金地過半。十六年。西曆紀元一金宣宗殂。子守緒立。是爲哀宗。次年。遣使來請和。夏亦遣使修好於金。稱弟而不稱臣。各用本國年號。金遣使報之。遂及夏平。

第二節 夏之衰亡

夏雖與金和。然構難十年。精銳兩盡。宋理宗寶慶元年。成吉思汗還自西域。以夏納逃人。又不入質子。復伐之。取甘肅州。西涼府。及靈州。進次鹽州川。是時夏神宗已殂。子獻宗德旺卽位。次年。寶慶二年西曆紀元一二六年。以憂殂。從

子睨立。是爲末帝。成吉思汗留兵圍夏都。而自引兵略金地。行至六盤山。在今甘肅涇原道境構疾。殂於薩里川哈喇圖。今鄂爾多斯右翼前旗西南有哈柳圖河東南流合金河入之行宮。實年七十三歲稱尊號凡二十二年。夏主
斡出降。諸將遵汗遺命。殺之而後發喪歸。夏凡傳十二世。二百五十八年而亡。自元昊稱帝。凡十主。合二百一
年。時宋理宗寶慶三年。夏主睨二年。蒙古太祖二十二年。西曆紀元一二二七年也。

第三節 金之衰亡

初。成吉思汗預自知將殂。使召諤格德依圖類至。宣遺命曰。予爲爾曹創此基業。無論四方。自此之彼。皆有一
歲程。爾曹欲克敵得衆。必須衆志成城。乃獲永享。予殆將歿矣。歿後爾曹當奉諤格德依爲主。察罕臺雖不
在側。諒無違異。一言畢。麾使出。自率兵略宋地。至武階。宋四川制置使鄭損棄沔州。今漢中道略陽縣而遁。陽平白水
仙人三關。漢中四面之險以三關爲最。平關在漢中道寧羌縣東北。古陽安關地。六朝以後爲之。陽平非三關。西之險遂失。時金盡棄河北。山東。關陝。惟併力守河南。保潼關。東西二千餘里。立四行省。帥精兵二十萬以
守之。汗疾亟。謂左右曰。金精兵在潼關。據山阻河。難遽破。若假道於宋。下兵唐鄧。直擣大梁。潼關兵千里赴
援。億那能戰。破之必矣。一言訖。殂。第四子圖類監國。

越二年。宋理宗嘉泰二年諸王百官開庫魯秦大會。奉諤格德依爲蒙古大汗。是爲太宗。始立朝儀。皇族尊屬皆拜。頒
大札薩克。華言大法令也。禁擅殺。定算賦。繼父遺志。四年。復侵金。初。金降人李昌國言於圖類曰。金遷汗將二十年。

其所恃以安者。潼關黃河耳。若出寶雞以侵漢中。不一月可達唐鄧。大事集矣。一圖類然之。言於太宗。至是使綽布干來假道。至沔州。統制張宣殺之。太宗使圖類將兵南侵宋境。入大散關。破興元府。今漢中。中道南略地至西水縣。故城在今四川。破城寨百四十而還。四川軍民死者甚衆。折而東。入饒風關。在漢中道。石泉縣西。由金州而東。渡漢江。五年。蒙古將蘇布特圍汴。金關東西諸將完顏哈達、伊喇豐阿拉等。撤兵遠救。爲圖類兵所邀擊。殲焉。是年十二月。蒙古再遣使來議夾攻金。朝廷許之。金哀宗以汴京不能守。出奔河北。六年正月。攻衛州。爲蒙古兵所敗。走歸德。其臣富察同納作亂。幽哀宗於照碧堂。尋伏誅。汴京西面元帥崔立作亂。以城降蒙古。執后妃諸王送蒙古軍。哀宗走蔡州。遣使來乞糧。朝廷不與。京湖制置使史嵩之。使部將孟珙。率師會蒙古兵圍蔡州。次年正月。哀宗傳位於其宗室承麟。孟珙與蒙古連兵入蔡。哀宗自縊。承麟爲亂兵所殺。金亡。凡傳十帝。一百二十年。時宋理宗端平元年。金哀宗天興三年。蒙古太宗六年。西曆紀元一二三四年也。

次年。蒙古始建都城於和林。(Karakorum)

即今外蒙古賽音諾顏部右翼左末旗布兒罕山東北之哈喇尼敦。成吉思汗稱尊號之十五年始定都於此。周五里許。

以爲會同之所。

第八章 綽馬兒罕之西征與札蘭丁恢復策之失敗

初。花刺子模王札蘭丁之東遁也。沿途擊敗印度別部兵。聞蒙古軍來追。謀入特里。奴蘇王朝第三代君主阿爾泰姆西(Altamsh)發兵拒之。乃退入朱提。在今克什米爾西北。收集舊部落。兵勢漸振。西南行至信地。(Sindh)即今

南_部敗其兵。破數城。阿爾泰姆西大舉兵來援。札蘭丁見勢不敵。謀西歸。恢復舊業。會蒙古軍凱旋。乃留將守高爾。而自引兵。循喀喇庫穆大沙漠。西嚮克爾曼。時西遼故將薄拉克。嘗降花刺子模爲宣官者方殺克爾曼酋。略有其地。至是首先降附。遂入伊士巴漢。(Ispahan) 伊拉加吉姆、賀拉森、(Iovan) 馬仍地蘭、三省皆降。遂西攻薩拉森東帝國哈利發於報達。以報其致蒙古兵之仇。復北攻亞塞爾拜然。(Azerbaijan) 兩敗谷兒只兵。克其第弗利斯 (Tiflis) 都城。在高加索山南古拉不里河上流。流域屬東土耳其之第弗利斯省。會薄拉克已輸款蒙古。以「札蘭丁勢大宜亟除」爲請。札蘭丁方東伐木刺夷。(Muldahid) 在裏海南岸。蒙古兵驟至。與戰。大敗。蒙古兵亦死傷甚衆。又聞成吉思汗疾篤。乃亟退。棄虜獲。渡阿母河而去。札蘭丁逃匿。久之始出。谷兒只聞其新敗。糾合高加索山南北各部族。謀大舉復仇。阿速、奇卜察克、亞美尼亞、苦國。即新唐書在大食西突厥可薩部北之苦國。等部落皆來會。凡四萬人。札蘭丁以計離而敗之。遂與薩拉森東帝國之哈利發和。受封爲波斯可汗。又伐喀拉達格。破其城。其酋長糾埃及羅姆、Pam 摩蘇爾、(Mian) 諸部兵來拒戰。敗歸。甫欲議和。而蒙古兵又已奄至。

是時太祖已歿。太宗卽位。以西域久不定。二年。西曆紀元一三〇〇年。命大將綽兒馬罕。統三萬人西征。札蘭丁謀乞師於鄰國。不果。兵稍集而無食。新定諸部見其勢敗。皆殺守兵以應蒙古。札蘭丁出奔。蒙古兵逐於後。迂道以避。入山中爲怨家所刺死。花拉子模王朝亡。時宋理宗紹定四年。蒙古太宗三年。札蘭丁卽位後之第十一年。西曆紀元一二三一年也。

綽兒馬罕既滅札蘭丁。遂乘勝經略四鄰各部落。時花刺子模東境有克爾曼、黑勒特、諸部。西北有谷兒只、小亞美尼亞、羅蘇爾、格里士河、西羅姆、諸國。皆攻下。或招降之。城輸款。民納貢賦。又亞勒伯西、埃及、日耳、即安基督教部。時歐洲十字軍第五方修德帝腓特烈與埃及酋喀部主伯海門脫五世。即德國撒爾遜侯黑來降。別部之基督敎人亦納款輸賦。

克爾曼爲薄拉克所據。遂自立國。受薩拉森東帝國哈利發封冊。稱蘇丹。西域故稱西遼爲喀喇契丹。契丹以薄拉克爲西遼人。因亦謂爲黑丹太宗時遣子入朝而避卒。猶子忽都馬丁立。憲宗時。轄魯作錫里庫。元史作旭烈兀一作實喇兀西征。忽都馬丁迎降。黑勒特國。肇始於高爾。高爾前王格亞士胡丁。以洛撒巴格封其相臣弟。傳子會蒙古西征。高爾已亡。而洛撒巴格獨以險固得久存。自結於蒙古。其後嗣於憲宗初入朝。封以高爾故地。北及阿母河。東南至印度河。世爲西域東境附庸。屬伊兒汗國。享國百餘年。至帖木兒帝國勃興時始滅。

小亞美尼亞 (Little Armenia)。在亞美尼亞西南。加小字以別之。國。故奉基督教。其王海屯一世在位。會蒙古攻羅姆。羅姆王乞師。不應。蒙古既勝。遂納款。憲宗三年入朝。帝優遇之。居五十日。遣歸。取道撒馬爾罕以返。著有紀行日記。今猶存。

谷兒只故奉基督教。屢侵犯回敎人地。故札蘭丁伐之。太宗七八年。蒙古兵復侵入。其女主逃避。招之不歸。乃立其猶子之蓋夫弟孛子爲王。女主仰藥死。其子降於巴圖。定宗初皆入朝。乃析其國爲二。使其猶子主東境。子主西

境皆有王號。而東爲上國。

羅姆國在黑海南。本東羅馬國屬地。宋神宗元豐三年。塞爾柱朝王米利克沙弟蘇里曼沙 (Suliman Shak) 帥突厥人。烏古斯人八萬帳。自撒馬爾罕來奪其地。建都於可尼。仍東羅馬之名。其國曰羅姆。第八世王吉訴丁噠哥士拉 (Ghiath-ud din Kai Khosra) 嗣位。五載而蒙古兵至。戰敗。乃降。歲貢金錢布帛及馬若干。後二年殂。有子三人爭國。定宗令分國而治。憲宗初。一子入朝。道卒。二子猶交鬪不已。會轄魯西征至。迄以憲宗命。令分國爲二。自是世附蒙古。役爲外藩。

初。近馬魯有突厥人名喀伊。爲康里族。其酋曰伊特拉格羅耳 (Ertogru) 帥其衆四百時四十戶。避兵往亞美尼亞。後八年。蒙古兵踵至。復避往黑海南小亞細亞地。羅姆王使居於昂哥拉 (Angora) 與東羅馬鄰生齒既繁。其子曰鄂多曼 (Ottoman) 即鄂斯曼 雄武有大畧。遂率徒黨據東羅馬近境。於世祖至元三十年。曆九二年。自立爲國。是爲現今鄂斯曼土耳其帝國開基之主。

喀拉達格。部名。亦城名。在務魯木湖 (Urmia) 在裏海西高加索山南。今波斯亞塞爾拜然省東北隅。 其酋兼轄大馬士革 (Damascus) 當擊卻札蘭丁之兵。卒後。其妻入朝。太宗厚撫之。詔西域鎮帥。悉返其侵地。

初。太祖分地與諸子。獨遺花刺子模。如公家之產也者。故四子皆得遣官蒞治。以分賦稅。其後諸王橫索。馳使擾民。科則多不平準。鎮帥阿兒渾。於定宗憲宗即位之初。兩預會議。上陳其弊。定宗嘉之。諸王稍斂。憲宗即位。

命與從官集議以聞。乃議援摩訶末伊耳瓦亦所定阿母河北計丁出賦例。按貧富分則。禁外此一切科斂。毋聽諸王濫發勅令。報可。乃分花刺子模為四省。省官稱瑪里克。自是政事始漸具條理。

第九章 巴圖之西征與奇卜察克汗國之創立

第一節 不里阿耳之破滅

先是成吉思汗南征印度之時。命長子卓齊特。與大將哲伯蘇布特。西征裏海黑海以北地。成吉思汗班師。詔卓齊特來會途中。卓齊特以病辭不至。成吉思汗凱旋至斡魯朵。(Ongus)會卓齊特卒。年甫三十餘歲。有子十餘人。巴圖(Batu) 舊作拔都最英武。有大略。太宗既滅金。奇卜察克。俄羅斯。等部。猶時常反覆。太宗七年西紀元一二三五年。以巴圖為元帥。皇子庫裕克。(Quryaq) 舊作黃由 即定宗。合丹。皇姪莽寶扣。(Mangku) 舊作蒙哥圖 類子即憲宗鄂爾多巴圖兄。貝達爾。(Baidar) 察罕。皇子皇孫海都。(Daidu) 等從之。老將蘇布特為副元帥。領前鋒。帥師五十萬西征。次年。滅不里阿耳。Bugara 即布哈爾之音轉 西史之 Bukhara 又即 Bukhara 之音轉不里阿耳者。故吐火羅都城。縛噶國種人。本亞洲民族。後徙入歐洲東境。性獷悍。棲穹廬。業游牧。奉異教。在歐又分東西二部。東部居裏海北。烏拉嶺西。直窩瓦河東。喀馬河。(Kama) 在窩瓦河東北發源於烏拉山脈西南流入窩瓦河濱。其都城今名控噶爾。(Kumuk) 距喀山城二百五十里。成吉思汗西征時。哲伯蘇布特二將兵。曾躡其境。既降而復叛。至是蘇布特首入。毀其都城。悉平其部。於是不里阿耳東部入於蒙古。

西部源出於東。因歲飢而分徙。立國於黑海西。巴爾幹半島北。屢侵略東羅馬。帝國北境大遭荼毒。奔避失產者。無慮數萬人。西曆紀元一〇一八年。宋眞宗天禧二年。爲東羅馬所滅。遺族雜居於巴爾幹半島。有明中葉以後。東羅馬爲土耳其所滅。遺族隸於土耳其。西曆紀元一八七九年。清德宗光緒五年。俄土戰役告終。以柏林會議之結果。始復立爲自治州。奉戴德國聯邦中之巴丹不爾 (Batzenberg) 侯亞歷山大 (Alexander) 爲保加利亞大公。稱藩於土。卽今之保加利亞是也。

蘇布特既滅不里阿耳。次年。宋理宗嘉熙元年蒙古太宗九年西曆紀元一二三八年。遂破奇卜察克。其酋八赤蠻。亦納思子敗逃裏海島中。莽賽扣追擒之。其子拜都察克舉族迎降。東北濱窩瓦河諸部族咸誓服。海北底定。遂入俄羅斯。

第二節 俄羅斯諸部之陷落 攸利二世之戰死

俄前喪師於外。至是已逾十四載。境內無事。諸侯王惟事內鬪。不遑外禦。蒙古兵自東南侵入。遣使招安額里齊。舊作也烈贊 Mar 今俄屬熱列士諸侯。命獻上財產十分之一。諸侯拒之。蒙古兵進攻。屠其城。遂北陷墨斯科 (Moscow)

復東趨瓦拉的米爾 (Volimir) 都城。俄共主攸利高。卽伊二世。命二子留守。而自引兵北駐錫第河 (Sit Ri-

ve)。窩瓦河之支流。以待諸佛哥羅等部援兵。蒙古兵圍其都城。次年。破之。自此分軍爲數部。一軍北至錫第城。圍俄

大營。攸利二世戰死。全軍殲焉。復北趨諸佛哥羅。未至而退。轉而西南。一軍攻禿里思哥。今威德比斯科城堅守不下。

傷亡甚多。益軍往助。閏二月始克。屠其城。血流成渠。獲其王。投渠中溺死。一軍東南嚮窩瓦河。頓河下游行。敗

奇卜察克兵會長庫灘西北遁馬札兒。餘衆皆降。遂平 (Tiranses) 阿速等部。十一年。拔阿速之蔑怯思都城。分軍東渡窩瓦河。略不里阿耳北境。直至烏拉嶺西北地。少休士馬。乃謀南俄。十二年。攻克基輔等城。俄諸侯王陸續遁告急。南俄地略定。乃進規李烈兒馬札兒兩部。

第三節 佛雷斯達德 (Wahlsdorf) 之戰

李烈兒者。今之波蘭在俄國西方。時分四部。馬札兒者。今之匈牙利。在俄國西南。其酋長怯憐。貝拉一作克拉又作王伯刺治格連 (Zsigmond) 城。濱多瑙河。而常駐河東之佩斯 (Pest) 城。兩部互相依如輔車。馬札兒山險四塞。用兵甚難。巴圖乃議分軍爲五。自引大軍從南路攻馬札兒。命貝達爾海都等從北路攻李烈兒。十二年冬。貝達爾道前鋒掠李烈兒境。尋自將大隊至。十三年。戰敗敵軍。遂焚克拉科 (Cracow) 進取拉的波爾。李烈兒王北奔里格尼自 (Rigenitz) 與其兄細勒西亞 (Silvan) 侯顯理 (Henry) 合。集衆三萬。分五軍。第一軍爲乃捏迷思突厥人俄人舊稱日耳曼曰。即由救騎士團密西匿魯思即今德人是人團體聯軍第二軍、第三軍皆爲李烈兒人。第四軍亦乃捏迷思人。第五軍則顯理自統所部。戰於里格尼自城西北佛雷斯達德之野。乃捏迷思人先進。蒙古軍佯敗以誘之。旣離其後軍遠。乃以突騎圍攻。一軍盡沒。其後四軍來援。亦敗。顯理中矛墜馬死。蒙古兵以竿挑其首。徇下所部。敵耳凡九囊。又西南入波希米 (Bohemia) 境。折而東南行。與巴圖大軍聯合。

第四節 渾寧河之戰

巴圖之南下也。先遣英人是人爲本國所逐投巴圖軍故。怯憐不應。亦不設備。僅遣將守哈囉山。今奧屬喀爾巴所。陰伐木塞道。先是庫灘率四萬戶來奔。怯憐納之。至是民間以納降召兵相答。怯憐不得已。下庫灘於獄。

十三年。巴圖自將大軍。破山隘木道而入。怯憐下令集兵。甫三日。游騎已至佩斯城下。怯憐欲俟援師大集而後出戰。基督教士烏孤領以爲怯。率衆出禦。敗績。一軍盡沒。惟烏孤領脫歸。民間迫怯憐殺庫灘。怯憐不得已。從之。庫灘部衆散而之布加利亞國。

巴圖大軍既入馬札兒。蘇布特一軍亦自東南踰山陟險來會。怯憐集兵而出。巴圖引退。過潮寧河。今奧屬薩約河東。駐軍。三面環水。有險可扼。且林密足以自蔽。怯憐率大衆追至。見橋東有守兵。不能過。乃駐兵河西。以千人守橋界。環車爲營。懸盾於上。儼如壁壘。而設備甚怠。且無林木擁蔽。舉動瞭然。相持數日。巴圖見敵雖衆可乘。下令乘夜以一軍攻橋。一軍由下游潛渡。遂以敵逐守橋兵。凌晨渡河。下游軍亦渡而成列。環圍敵營。矢下如雨。相持至午。勝負未分。巴圖乃命開西南關使逸。而自後馳逐。敵衆土崩瓦解。死者甚衆。河水盡赤。怯憐西奔。巴圖及蘇布特大軍進至禿納河。即多瑙河。拔馬茶城。即佩斯城。餘軍亦深入克捷來會。巴圖休軍。分遣土人治各城。收賦餽軍。尋自將乘冰合渡河。西攻格連等城。皆未下。分軍西循奧境。直至地中海北威內薩(Venice)國界。其合丹一軍。初由馬札兒東南。摩爾達維亞境內間道。踰山入林。襲下魯丹城。選乃捏迷思人勇者六百爲嚮

導。破機拉幾亞等城。與巴圖大軍合。連兵渡河。復追怯憐。自格連至布達。不遇。聞已入與界。遁往南境。旋入地中海島。凶自後追之。所過城堡皆不攻。既至。則怯憐又自島乘舟北徙。乃引而東。大掠塞爾維亞境。餘軍仍駐河東。

時怯憐致書教皇及德帝。謂多瑙河北地。悉為蒙古所得。恐將侵入德境。適德帝與教皇方有兵事。不暇東救。歐洲全境。震駭不知所措。乃捏迷思諸部民。皆荷擔遠遁。會太宗討至軍。乃以龜瑪錦后稱制之元年。宋理宗二年西曆紀元一二四二年下令全軍東返。巴圖與合丹合軍而東。經塞爾維亞。保加利亞等國。多瑙河東諸軍。亦嚮東南而退。巴圖至高加索山北。討平奇卜察克叛者。次年。至窩瓦河。散遣諸軍。整治部地。建奇卜察克汗國於歐亞兩洲之交。定都薩萊。(Saray)統轄西亞東歐各地。

第十章 呼必賚之南征 後理之衰亡與吐蕃安南之降附

太祖太宗兩代。西亞東歐咸入版圖。獨青海、西藏、雲、貴、及印度支那半島地方。因道路險遠。與蒙古猶未接觸。太宗殂後。子定宗庫裕克。從子憲宗莽賚扣。相繼在位。憲宗即位之元年。命弟呼必賚圖類第四子。開府金蓮川。在口北道赤城縣獨石口北。金世宗納涼之地。地產黃花狀若芙蓉而小。故以為名。次年。分漢地封宗屬。呼必賚得關中及河南懷孟等地。尋使將兵擊後理。

第一節 後理之盛衰

後理自中宗正淳復國以後。以高泰明爲相國。執政柄。宋徽宗崇寧二年。使高泰運奉表入貢。求經籍藥書。大觀二年。正淳禪位爲僧。子和譽立。是爲憲宗。宣仁帝。

正和五年。封高泰明平國公。次年卒。高泰運代主國事。入貢於宋。詔授和譽雲南節度使。封大理國王。宣和元年。以高量成界泰姪爲相。號中國公。是時國家多難。諸王子內爭。三十七蠻部外叛。和譽鬱鬱不樂。在位三十九年。以宋高宗紹興十七年。禪位爲僧。子正興立。是爲景宗。正康帝。

正興卽位以後。高量成請老。姪壽貞、壽昌。相繼代主國事。稱中國公。正興在位二十五年。以宋孝宗乾道八年。禪位爲僧。子智興立。是爲宣宗。功極帝。

智興時代。鄯闐酋長李觀音得作亂。奪壽昌位。與其姪貞明。阿機復起兵。逐貞明。奉壽昌復位。貞明遂據鶴慶。自稱明國公。高妙音自白崖起兵。襲鄯闐。國多內亂。智興在位二十八年。以宋寧宗慶元六年。殂。子智廉立。是爲享天帝。

智廉卽位以後。遣使入貢於宋。求大藏經。在位五年。以開禧元年。殂。弟智祥立。是爲神宗。征三十七蠻部。降之。封高隆鄯闐王。以高泰祥爲相國。舉賢育才。時和年豐。稱治世焉。在位三十三年。以宋理宗嘉祥二年。禪位爲僧。子祥興立。是爲孝義帝。

淳祐四年。蒙古兵來侵。祥興遣將高禾迎戰。敗績。死之。十一年。祥興殂。子興智立。是爲天定賢王。次年。蒙古憲

宗使其弟呼必賚大舉來侵。以大將烏特哩哈達莫合台總諸軍事。分三道進。自臨洮。屬臨洮府。蓋由此取道。自洮岷而松潘。以達雲南也。經行山谷二千餘里。至金沙江。即古麗水。以產金沙故名。源出西番流運雲南。故麗江諸府境。南流至四川馬湖入大江。與智命高泰祥總兵守金沙江。與蒙古兵相持。蒙古兵乘革囊及筏潛濟江。摩莎蠻今騰越道北。故麗江府主。迎降。進薄大理城。泰祥回師拒戰。敗績。與智奔鄯闡。泰祥退屯統失邏。今騰越道姚安縣。募兵於三十七蠻部。未至而蒙古兵已長驅深入。泰祥被執不屈死。蒙古兵進破鄯闡。庫與智。後理亡。時宋理宗寶祐元年。蒙古憲宗三年。西曆紀元一二五三年也。後理自建國至是。共傳八世。一百五十七年。總計段氏大理後理二國。共傳二十二世。三百一十五年。

(一) 中宗正淳 十二年

(二) 憲宗和譽 三十九年

(三) 景宗正興 二十五年

後理世系表

段氏大理國表正帝正明之弟傳八世一百五十七年為蒙古所滅

(四) 宣宗智興

二十八年

(五) 享天帝智廉 五年

(六) 神宗智祥 三十三年

(七) 孝義帝禪興 十三年

(八) 天定賢王興智 二年

第二節 吐蕃之降附

大理既亡。雲南西北部皆入於蒙古。蒙古兵乃轉鋒西上。經略吐蕃。吐蕃自開國閱十四傳。至多里隆贊時。已

與佛教。厥後累葉崇奉推闡。佛教益盛。及棄隸踏贊爲贊普。娶唐金城公主。延中天竺僧巴特瑪撒巴巴等至其國。欲使驅崇。乃集國衆。從之受祕咒諸法。遂開後世刺麻華言無上教一派。自是其教日盛。勢凌國主。唐昭宗天復元年西曆紀元九〇一年朗達爾瑪嗣爲贊普。力裁抑之。爲教徒所弑。其後再傳。佛法復興。益加崇獎。刺麻勢愈熾。南宋理宗嘉熙年間。刺麻班第威令行於全國。至是蒙古兵至。其酋蘇固圖舊作唆懼而出降。兵威所加。鮮不款附。呼必賚遂班師。留烏特哩哈達攻諸夷之未附者。

先是有西域僧納摩舊作那摩者。本竺乾國人。與兄鄂托齊舊作騎俱學浮屠。仕於蒙古。定宗在位。嘗命鄂托齊佩金符。奉使省民瘼。憲宗即位。復尊禮納摩。令總天下釋教。鄂托齊亦貴寵用事。至是復有西僧帕克巴舊作八思巴者。本吐蕃薩斯嘉人。舊作薩斯迦。姓尼克袞氏。舊作桑。以其法佐國主。霸西海十餘世。時年十五。往謁呼必賚。與語大悅。日見親禮。及後即位。尊爲國師。統釋教。

第三節 西南諸蠻部之降附

呼必賚班師以後。烏特哩哈達自吐蕃進攻白蠻。烏蠻。鬼蠻。諸部。據唐書南蠻傳蠻有東西。西蠻謂之白蠻。大鬼主蠻俗好鬼。謂主祭者曰鬼主。故又謂之鬼蠻也。皆在今雲南滇中道境。所向風靡。羅羅斯。裸裸。及阿伯。俱蠻部民。兩國大懼。舉國以降。又乘勝攻下阿魯諸酋。西南夷悉平。得五城。八府。四郡。蠻部三十七。時宋理宗寶祐三年。蒙古憲宗五年。西曆紀元一二五五年也。


第四節 大越李氏之衰亡與安南陳氏之建國

西南夷降後。雲南全省及諸土司皆入於蒙古。蒙古兵乃轉鋒南下。經略交趾。交趾自李公蘊篡立以後。傳子德政。孫日尊。累世稱臣於宋。受冊封爲靜海軍節度使。安南都護。交趾郡王。宋神宗熙寧初。日尊擊破占城兵。虜其王。國勢驟張。始自稱皇帝。是爲聖宗。建國號曰大越。改元寶象。而仍稱臣於宋。熙寧五年。西曆紀元一〇七二年。日尊殂。子乾德立。是爲仁宗。八年。大舉兵寇嶺南。陷欽。廉。邕。等州。詔以郭逵爲招討使。趙禹副之。總兵八萬南征。大破其兵於富良江。在今法領印度支那北境。其上流卽雲南之文江。李仙江由普洱道流逕安南境。會白蠟歸化等江入海。取其廣源州。門州。思浪州。蘇茂州。梳榔縣等地。皆在今法領安南北境。乾德懼。請降。許之。自此以後。仍稱臣奉貢。時常在邊境互市。徽宗大觀初年。貢使至京。乞市書籍。上嘉其慕義。詔除禁書外。餘書許其市。宋室南遷以後。乾德臣節無改。紹興二年。西曆紀元一一三二年。乾德殂。從子陽煥立。是爲神宗。神宗殂後。傳子天祚。是爲英宗。宋孝宗淳熙元年。進封安南國王。英宗殂。傳子高宗。龍翰。孫惠宗。吳昌。吳昌無子。傳位於次女佛金。是爲昭聖女皇。佛金見陳日昷而悅之。納爲嬪。因禪位於日昷。李氏凡傳九世。二百十六年而亡。時宋理宗寶慶元年。大越昭聖女皇元年。西曆紀元一二二五年也。

陳日昷者。天長漁家子。從叔守度爲李氏殿前指揮使。昷八歲。因得入侍。卽位後。以佛金爲后。父承居攝。守度爲太師。統國政。是爲安南太宗。至是蒙古兵入境。遣使諭降。日昷不應。囚其使。蒙古兵進至洮江。卽今密真江。上流。交人戰敗。日昷走海島。蒙古得前所遣使於獄中。以破竹束縛入膚。比釋縛。一使死。蒙古人怒。屠其城。留九日。以

天氣暑溼。人馬多病。乃班師。復遣使招日暎。日暎見國都殘毀。大怒。執蒙古使。次年。傳位於其子光晟。是爲聖宗。始與蒙古議和。受封爲安南國王。約定三年一貢。烏特哩哈達班師。留兵鎮守雲南。時宋理宗寶祐六年。蒙古憲宗八年。西曆紀元一二五八年也。

大越世系表 李氏傳九世二百十六年禪於陳氏



第十一章 轉魯之西征與伊兒汗國之創立

第一節 西征之動機

先是巴爾西征以後。亞洲西北部咸入蒙古版圖。而西南部猶未盡服。太宗末年。駐守伽色尼等處之蒙古兵。逾申河攻印度。圍拉賀里城。特里王遣兵赴援。中途。兵士作亂。倒戈反向。拉賀里無援。城遂陷。蒙古兵亦旋返。自此以後。時常侵擾印度邊境。定宗即位之初。邊遠屬國。若俄羅斯。以至摩蘇爾等。或身來朝。或遣子弟入

賈。其以鄰國資格。派遣使臣。陪位裏事者。則有羅馬教皇。薩拉森帝國。哈利發。木刺夷。阿刺伯。各酋長。王會之盛。古所未有。定宗皆厚賜之。犒及從者。惟木刺夷使不見禮而遣歸。哈利發使則諭使歸告其主。曩遇蒙古人無禮。如不改。行且加兵。定宗在位僅三年而崩。西域出兵之事卒不果。憲宗即位。命皇弟轄魯(Chaluan-or Khulojnu) 舊作旭烈兀 類第五子爲元帥。總兵伐西域。大將綽勒們諾延 舊作抄 馬那顏郭侃等從。別遣大將薩里等征印度。克什米爾等部。受轄魯節制。薩里入敵境。大掠而還。印度西北部多入於蒙古。

第二節 木刺夷之破滅

木刺夷(Mulahida)者。亦回教徒。其議爲舍正入歧。蓋回教人相誓之辭。非國名也。回教自教主穆罕默德殞後。別派齋百數。於哈利發外。又別立阿力後裔爲伊曼(Inam) 亦教首之謂特權 勢稍遜於哈利發其後十葉教復歧爲伊士邁(Ismael)教。實爲木刺夷所自起。相傳北宋中葉以後。教徒相率至波斯地。分據海隅山隘。築堡以居。其會居於低廉(Dilan) 今裏海西南濱波 斯伊蘭部內山地其教規不禁飲酒。務蓄刺客。與有隙者。輒刺殺之。鄰國君相多被其害。成吉思汗西征。木刺夷遣使輸款。憲宗二年 宋理宗淳祐十二年 西曆紀元一二五二年詔以木刺夷凶悍無道。遣轄魯西征。以奈曼人奇塔特布哈爲前鋒。帥萬二千人先行。次年。至庫黑斯坦(Khistan) 舊名在克爾 曼奇正北下數堡。進至稽塞。 即今馬散地 爾部之算干西攻乞都卜 今悉 拉布山城險峻。堅守久不能下。越二年。轄魯帥郭侃等至木刺夷。其國壘道置毒水中。侃破其兵五萬。下一百二十八城。六年。進至乞都卜寨。遣侃等諸道並進。架礮攻之。守將卜者納失兒

降。復遣使往諭其酋兀魯兀乃算灘納款。兀魯兀乃遷延不應命。復西進。抵德馬文城。再招降。仍不至。乃分三道並進。逼其都城。兀魯兀乃延宕計窮。乃因卜者納失兒出降。其父阿力即西史阿力愛丁據西城不下。侃攻破之。走據東城。復攻破。殺之。得其藏貨甚夥。事定。盡屠其民。木刺夷凡傳七世。一百七十六年而亡。時宋理宗寶祐四年。蒙古憲宗六年。西曆紀元一二五六年也。

第三節 薩刺森東帝國之破滅

木刺夷既平。波斯全境皆入於蒙古。西域諸小國。前後降附者凡三十餘國。轄魯遂進兵西下。經略美索不達米亞。是時美索不達米亞地方。尙爲薩刺森東帝國所據。自哈利發那昔爾在位時代。屢與鄰國開釁。時常構兵。花刺子模亡後。帝國東境。漸與蒙古爲鄰。形勢日逼。那昔爾殂。再傳至亞爾模斯他錫姆。(Almustasim)蒙古兵屢侵邊境。至是轄魯以大兵西下。帝國財政總長謨牙代丁。本土葉教徒。怨亞爾模斯他錫姆虐待其同教。陰通蒙古。悉以虛實告。勸其進兵。並誣亞爾模斯他錫姆令裁兵以節餉。轄魯使人致書招降。亞爾模斯他錫姆不從。反大言以激怒之。欲殺使者以絕蒙古。大臣力諫。乃止。

轄魯得報。議進兵。亞爾模斯他錫姆問計於羣臣。模牙代丁勸以納賂行成。副宰相哀倍丁不從。議久之。始令集兵。謨牙代丁不迅籌餉。踰五月。兵始集。餉仍遷延不發。亞爾謨斯他錫姆復遣使往說蒙古軍。謂曩凡攻報達者。無不受天譴。歷引故事爲證。轄魯斥其妄。將自進征。薩刺森東邊守將迎降。適憲宗遣星者至軍。極言攻

報達不祥。將有天殃。而木刺夷降將卜者納失兒素仇哈利發。力白其誣。且引哈利發嘗見殺於人之事以折星者。轄魯遂決計深入。分軍爲三。一軍發羅姆經摩蘇爾。自西北進。一軍自東南羅耳今魯利斯丹進。轄魯自將中軍。自東境進。七年。西渡底格里士河。決河灌覆敵軍。遂抵報達城東。城分東西。跨大河。西城無壁壘。東城固之。以甃。河東軍圍其三門。河西軍沿河上下游。泊舟置礮。以防其逸。攻具畢備。遂進攻。破敵兵四十餘萬。克西城。進圍東城。六日而破。死者以數十萬計。亞爾模斯他錫姆以船走。有浮梁扼之。乃降。轄魯至其宮。令畢獻庫儲。復詰窖藏。目於井而出之。金寶充牣。搜其宮中。得婦女七百人。內監千人。遂招降吉西斯丹。今亞畢斯丹以氈裹亞爾模斯他錫姆置通衢。以騎蹴踏而殺之。東大食亡。時宋理宗寶祐六年。蒙古憲宗八年。希吉拉(Höglü)紀元六五六年。西曆紀元一二五八年也。阿拔斯朝凡傳三十七世。五百零九年而亡。

阿拔斯朝宗室阿卜而喀辛奔阿刺伯。旋至敍里亞。世祖中統初年。西曆紀元一二六〇年埃及王比拔而斯迎至國。立爲哈利發。受其册命。自稱蘇丹。以兵納之。東踰歐夫拉底士河。宗室哀而哈勤聚衆來會。與蒙古兵戰。敗績。阿卜而哈辛不知所終。哀而哈勤奔埃及。自稱哈利發。自此以後。累世爲埃及寓公。至有明中葉。始爲土耳其所滅。

第四節 敍里亞小亞細亞諸國之征服

轄魯既克報達。遂鼓行而西。行三千里。馬行二日至天房。敵將詐降。郭侃嚴爲備。敵果來襲。與戰。大破之。其酋降。

下其城一百八十五。

是時馬米路克 (Mameluks) 奴隸之義本蒙古種薩刺森人賥收之編爲護軍 人據埃及兼領敘里亞國勢方張轄魯進至大馬士

革與戰不利折而北經略小亞細亞破巴爾幹半島諸國聯軍約爲屬國尼加亞 (Nicaea) 之東羅馬朝廷遣

使來修好西歐耶教諸國皆來請和將聯兵以當回教諸國復命郭侃西渡海今英屬塞浦路斯 (Cyprus) 島 折而

東至石羅子國即今波斯失羅子城 以奇兵襲破敵其酋奧思即西史之台白利司部主鄂思伯克 Kharabe 阿塔卑即阿塔畢 Aty Bey 君稱也 降九年破兀

林克爾曼兩部約在今法爾西 Iran 游兵四萬其酋懼而降得城一百二十四南至克爾曼酋長忽都馬丁算灘降西域平

自西征至此凡七年拓境幾萬里後遂以所得地封轄魯號伊兒汗 (Ilkhan) 國定都低廉爲元室西南重

鎮。

是時亞洲全土除印度一部分及西伯利亞外皆入蒙古勢力範圍歐洲東北境一大部分亦入於蒙古蒙古

帝國之事業在世界政治史上有莫大關係顧在世界文化史上乃全無價值其結果幾等於零 (Zero) 由來

蒙古民族本無固有文化及征服異族後亦到處破壞絕無建設所經過之地方市街化爲焦土人民化爲蟲

沙多年繁盛之都會變爲荒涼之曠野自元以後中國文明驟然退化無復漢唐宋代之發達長安洛陽彰德

江寧開封成都等處遍地荒蕪有麥秀黍離之慨西方之報達尼尼微 (Nineveh) 馬的安 (Madians) 大馬

士革伽色尼撒馬爾罕等處亦徧罹兵燹埃及文明美索不達米亞文明阿剌伯文明亦掃地盡矣。

第十二章 蒙古東征以前後高麗內政之變化

第一節 權臣之跋扈

後高麗自建國以後。內憂外患。紛至沓來。外患則爲遼與金。內憂則權臣及武人是也。初睿宗之逝世也。仁宗尙幼。睿宗諸弟年長。頗有覬覦王位之意。后父李資謙仁宗外祖奉仁宗卽位。自爲中書令。專國政。納其女爲王妃。宗戚黨羽。徧布要地。誅竄大臣之不附己者。威權震於一時。王心不平。內侍祇候金榮等。與上將軍崔卓、吳卓。謀起兵誅之。率師入宮。殺其黨拓俊臣。俊臣之兄門下侍郎同平章事俊京。舉兵犯闕。殺金榮等。幽王於資謙第。資謙進毒謀弑王。王妃詐厥而覆之。得免。已而俊京與資謙漸生嫌隙。王諭俊京使圖資謙。執而流之靈光。今全羅南道俊京恃功驕橫。王數其罪而流之。大權復歸於王室。宋高宗紹興十六年。西曆紀元一四四六年。王殂。太子脫立。是爲毅宗。東宮侍讀鄭夔明。舊爲毅宗師。至是受遺詔輔政。夔明方嚴。王敬憚之。已而信讒。免夔明官。夔明憤慨仰藥死。宦者鄭誠用事。王信其言。恣意聲色。建離宮於大內之東。亭臺池榭。窮奢極麗。日夜與幸臣遊宴其中。賦詩飲酒。爲流連之樂。又崇奉佛教。大修寺觀。齋醮之費不貲。庫帑不足。佞幸之臣。暴斂民財。以補助之。學省直臣竄逐殆盡。羣臣希旨。多言祥瑞。迎合取容。般樂怠傲之空氣滿朝。文人學士。多風流放誕。以樂天知命自命。無復以國事爲意者。文學美術工藝。頗有進步。而政治之腐敗已極。於是反動力起。霹靂一聲。山岳震動。天翻地覆。生物絕滅。鄭仲夫李義方之亂起。衣冠之族。一網打盡。王之首領亦不保。王室威靈掃地。文

教亦頽廢矣。

第二節 武人之專橫

是時文人驕傲。輕蔑武士。王遊幸無常。武士隨行。飲食不以時至。往往饑凍而死。軍人憤懣不平。宋孝宗乾道六年。西曆紀元一七〇年。大將軍鄭仲夫。與散員李義方。李高等謀。因人心不平。作亂。盡殺朝廷文官。無貴賤皆死。執王遷於巨濟。慶尙南道。迎立王弟皓。是爲明宗。遣工部郎中庚應圭使金。以前王有疾禪位入告。金世宗疑之。遣詢問使完顏清往詰問。乾道九年。後高麗明宗三年。東北面兵馬使金甫當起兵討仲夫等。以張純錫、柳寅俊爲南路兵馬使。奉教宗復位。居慶州。安北都護府襲執甫當。送開京。義方鞠而殺之。甫當臨刑時。言文臣皆預謀起義。義方遂大殺朝臣。衣冠之族皆盡。復使將軍李義政攻慶州。破純錫等兵。執毅宗而弑之。投其尸於坤元寺之北澗。自此以後。武人日益跋扈。上自三京。東京南京西京。四都護府。安南安北。八鎮。廣忠清普南。之長官。下至郡縣館驛之末僚。皆爲所躪斷。當時朝臣。皆目不識丁之徒。民間有欲讀書識字者。皆就僧院習之。儒教糟粕。借佛教徒法力。維持一線光明於黑暗世界。世道人心。凋敝如此。名教綱常。掃地以盡。逆臣叛將。遂接踵而起矣。

已而西京留守趙位寵。起兵討仲夫等。傳檄東北境。岳嶺。今黃海道。以北四十餘城皆應之。義方以同平章事尹麟瞻爲大將。率師擊之。戰於岳嶺。敗績。位寵進逼開京。義方大怒。自將擊破之。乘勝窮追。至大同江邊。遇伏。敗績。復命尹麟瞻攻之。圍西京城久不拔。位寵食盡。遣使附於金以乞援。世宗不許。執其使送義方。麟瞻遂拔

西京殺位寵。西北四十餘城皆下。時宋孝宗淳熙二年。金世宗大定十五年。後高麗明宗五年。西曆紀元一七五五年也。

西京既平。義方日益恣橫。納其女爲太子妃。鵠斷政權。鄭仲夫之子篤嫉而殺之。仲夫自爲門下侍中。貪婪無厭。其十筭及其黨羽宋有仁等用事。賄賂公行。家僮門客。皆依勢爲奸。專恣日甚。將軍慶大升討斬之。奉大權歸於王室。王柔懦性成。溺於燕安。日以遊戲爲事。宦官盜弄國柄。政以賄成。政治之濁亂。甚於毅宗之時。王又深懼武臣。惟恐拂其意。史官文克謙修國史。直書毅宗被弒事蹟。上將軍崔世輔自由改竄之。李義敗以大逆不道之人。仍秉朝政。王因循不敢討。反優禮之。以買其歡心。將軍崔忠獻誅義敗。夷三族。盡戮其黨。與於是大權歸於崔氏。忠獻兇橫。多殺朝臣。宋寧宗慶元三年。西曆紀元一九七年。幽王於昌樂宮。迎立王弟暉。是爲神宗。忠獻與其弟忠粹爭權。殺之。自爲三重。大匡。守太尉。上柱國。專國政。賣官鬻爵。賄賂公行。自以亂暴。殺人多。恐變生肘腋。出入常以壯士自隨。選士卒之強有力者。直宿其家。號曰都房。宋寧宗嘉定四年。西曆紀元二〇四年。神宗殂。子諶立。是爲熙宗。忠獻自爲守太師。門下侍郎。同中書門下平章事。王嘉其擁立之功。待以不臣之禮。呼爲恩門相國。冊封晉康侯。忠獻宴冊使及諸王於私第。設備之盛。爲古來人臣家所未有。王徒擁虛位。事事受制於忠獻。起居動作。俱不得自由。外雖忍受。內實不堪。內侍王濬明知其情。謀伏僧兵以誅忠獻。事泄。被殺。宋寧宗嘉定四年。西曆紀元二〇一年。忠獻廢王。遷於江華島。放太子祉於仁川。迎立明宗之子貞。是爲康宗。越二年。

年。宋寧宗嘉泰六年四月。子昀即位。是爲高宗。

是時契丹遺族金山金始二王子來侵。忠獻易之不設備。敵勢日盛。到處蹂躪。忠獻擅權既久。專以荒淫爲務。不恤國政。自起家卒伍。驟秉政權。殺戮朝臣。荼毒百姓。立四王。廢二王。殘忍暴虐。無所不至。顧猶不敢公然謀大心。常自言熙宗之得保首領以沒。係己仁恕所致。冠履之倒置如此。吁。可怪矣。

忠獻子昀嗣。自爲吏兵二部尙書。參知政事。檢查忠獻生前所占領之公私田。各還附於其主。登庸塞土。以收人。置政房於私第。令百官至私第上政簿。羣臣奔走恐後。是時蒙古兵來侵。瑀倉王遷於江華島。瑀卒。子沈。自爲吏兵二部尙書。樞密院副使。尋進門下侍中。擅威福。羣臣有忤旨者輒戮之。沈卒。弟竑嗣。年少暗劣。疏斥賢士。登庸輕薄。大司成柳璈。將軍金仁俊。都領郎將林衍等。相與謀誅之。時宋理宗寶祐六年。後高麗高宗四十五年。西曆紀元一二五八年也。自忠獻擅國至是。傳四世。六十餘年而亡。政權復歸於王室。

次年。高宗昀。太子奭立。是爲元宗。以金仁俊爲侍中。封海陽侯。總朝政。仁俊恃功驕恣。家臣諸子。爭以聚斂爲事。人多怨之。樞密副使林衍與仁俊有隙。密與宦者崔璵謀。殺仁俊及其諸子。捕其黨皆殺之。衍復殺璵。自握政柄。尋與侍中李藏用謀。廢王遷於別宮。迎立王弟安慶公曄。適太子謙還自蒙古。中途聞變。走還蒙古告難。蒙古遣兵部侍郎黑的使高麗。責問廢立之事。林衍疑懼。不知所措。從黑的的勸。奉王復位。王將入朝於蒙古。衍恐王漏泄廢立之事。使其子惟幹從行以監王。會蒙古已知其情。遣使責問。衍聞之。憂懼而卒。王還自蒙古。將

還都舊京。衍子惟茂代父執政。不從。御史中丞洪文系等。諭三別抄。執惟茂誅之。中外大悅。三別抄者。左右別抄。及神義軍。掌巡行各處。詰姦除暴。崔瑀執政時。始置。優其餉糈。倚爲爪牙。自此以後。常爲權臣所利用。金仁俊。誅崔瑀。林衍殺仁俊。皆賴其力。及王還都舊京。三別抄頗懷疑貳。將軍裴仲孫。盧永禧等。率之據江華島以叛。王以金方慶爲追討使。與蒙古兵討破之。賊遁入珍島。屬全羅南道。又轉入濟州島。特險猖獗。久不服。卒爲方慶所殲滅。

自權臣專政以後。繼以武人擅權。一害甫去。一害又生。國王徒擁虛器者百五十年。至是武人政治。始從根本取消。而蒙古勢力已侵入內部。王室威靈不振。朝鮮半島之政治勢力。遂折入蒙古矣。

第十三章 蒙古之東征與後高麗之降附

第一節 契丹與東真之騷擾

先是蒙古兵起。金人疑契丹遺民有他志。下令契丹戶一。以女真戶二夾居。嚴防之。故遼宗室耶律留格不自安。以宋寧宗嘉定五年。西曆紀元一。遁至隆安。即黃龍府改名起兵抗金。聚衆至十餘萬。遣使附於蒙古。屢敗金兵。次年自立爲遼王。盡取遼東州郡。都咸平。在今奉天。入朝於蒙古。其將耶厮不據遼東叛。自稱遼帝。尋爲其下所殺。推其丞相乞奴監國。與行元帥鴉兒代統其衆。留哥以蒙古兵來討。乞奴兵敗。東渡鴨綠江。由北界今安進侵。忠州今忠清北道。溟州今江原道。轉掠咸鏡道。王京震駭。是時猛將勤卒。皆隸崔忠獻父子。王師羸弱不堪。

戰。兵馬使金就礪等率之拒敵。雖小有克捷。而敵勢日盛。會賊黨金山殺乞奴。自稱國王。統古復殺金山而自立。賊舍又殺之。亦自立。內訌屢起。會長屢易。而氣餒卒不少衰。

是時金遼東路宣撫使蒲鮮萬奴。爲蒙古所逼。東走朝鮮半島。據高麗北境。自號東真王。屢侵北邊。兵勢甚盛。耶律留哥以蒙古契丹兵歸討亂黨。行經後高麗北境。高麗人洪大宜詣軍降。蒙古元帥哈真遂與蒲鮮萬奴合兵擊賊舍。王遣元帥趙沖及金就礪等與聯合。圍賊舍於江東城。在今平安南道破之。賊舍自殺。餘黨皆降。王遣使奉牛酒犒師。稱臣奉貢於蒙古。時宋寧宗嘉定十一年。蒙古太祖十三年。後高麗高宗五年。西曆紀元一二一八年也。

第二節 薩里台之役

蒙古既代後高麗平契丹亂黨。遂徵重幣以充貢賦。後高麗疲於供應。宋理宗寶慶三年。蒙古太祖二十二年蒙古使臣舊作珠古舊作還自高麗。中途爲人所殺。蒙古疑爲高麗所爲。謀伐之。因時方有事於中國及西域。不果。紹定四年。蒙古太祖二十三年蒙古太宗命將軍薩里台舊作禮塔舊作與嗣遼王薛閣留哥子伐高麗。由北界進至王京。分兵侵略忠州清州。所過之處。無不殘滅。王遣使請和。厚贈土物。上表稱臣。蒙古置達嚕噶齊。監治其地。逾年。太宗遣皇子庫裕克及諸王按赤台等擊東真。滅之。於是朝鮮半島北境。折而入於蒙古。

第三節 也窟車羅大之役

已而崔瑀奉王幸江華島以避兵。盡殺蒙古所置之達噶齊七十二人。蒙古兵復來侵。王師屢敗。王不得已。以族子永寧公禕爲王子。質於蒙古。以乞和。蒙古遣使命王還都舊京。時崔瑀已卒。其子沆、誼相繼執政。不許。蒙古大將也廋車羅大等來侵。前後數次。殺戮人民無算。宋理宗寶祐六年。高麗將趙暉等。以和州咸鏡南道永興郡以北之地。叛降於蒙古。蒙古置雙城總管府於和州。以暉爲總管。屯重兵以戍之。壓迫高麗日甚。王不得已。使太子俎入朝於蒙古。毀江華城。宋理宗開慶元年。王薨。元宗卽位。還都舊京。上書於蒙古。請免侵擾。還俘。皆許之。王遣使入貢。又身自入朝以謝。尋改名植。林衍廢王。立安慶公湄。都統領崔坦等據西京五十餘城。附蒙古。世祖受之。改西京爲東寧府。畫慈悲嶺爲界。遣兵討衍。送王復國。以皇女下嫁王世子愷。宋度宗咸淳十年。西曆紀元一四七四年。王殂。愷立。更名昉。久之。復更名昉。是爲忠烈王。自是以後。高麗降爲蒙古屬國。代代受册封。事元純用藩臣禮。元常干預其內政焉。

第十四章 蒙古勃興之原因

自成吉思汗稱尊號以後。僅十九年。業舉今內外蒙古、滿洲、與中國本部黃河流域各省、新疆、亞洲中西北三部、暨歐洲東北部咸隸版圖。後嗣蒙業承床。幾混一全亞。旁躡歐非。至今歐人譚之。猶懷乎動容。其所繇奏此空前之偉績者。內部之原因有五。

一、蒙古國典。非經庫魯泰大會議所共推戴者。不得爲蒙古大汗。庫魯泰者。合宗室諸王、大將、及羣藩、邊遠

若成羅斯才庫谷兒只法而斯克轉才庫蘇爾之列會。若萬戶千戶百戶等而共合爲一大會。開議於東方鄂嫩克魯倫兩河源。成吉思汗肇基之地也。以其國家幅員廣大。非智勇兼備。能效法成吉思汗者。不可爲共主。故蒙古大汗。必選偉人。素歷全國輿望者。

二、蒙古人自幼卽事畋獵。嫻騎射。故騎兵精銳。大率人各畜馬三四匹以上。輪班休息馬力。終日馳騁而不勞頓。

三、騎兵忽促赴前敵時。飢餐羊馬之乳。渴不得水。則飲其血。如是者能撐持旬日。行不費糧。戰不反旆。故進行極速。所向無前。

四、蒙古兵制。典兵官視兵數多寡。爲爵秩崇卑。長萬夫者爲萬戶。千爲千戶。百爲百戶。皆直隸於大汗。於各萬戶千戶百戶中。選萬人充宿衛。爲大中軍。軍士則初有蒙古軍。皆本國人。有探馬赤軍。爲諸部族。其法。家有男子十五以上。七十以下。無衆寡盡僉爲兵。十人爲一牌。設牌頭。上馬以備戰鬪。下馬則屯聚牧養。孩幼稍長。又籍之。曰漸丁軍。萬戶千戶百戶多有封地。或世襲。所部民事皆凜焉。違卽治之。不須上請。故事。統一。而兵數亦無缺乏之虞。

五、蒙古起朔方。其俗不待蠶而衣。耕而食。無假農桑。惟事畜牧。牧事不必壯男。雖婦孺亦可承乏。故軍士雖出征。其家仍不免征徭。大都妻子代輸之。沙漠萬里。牧養蕃息。雖頻年用兵。而上供無闕。

外部之原因有四

一、中國方面。唐室衰微以後。內部分離爲數十小國。時常構兵。漢族疲於內訌。宋室勃興。雖統一中國本部。而內外蒙古及東三省爲遼所據。黃河流域上流爲夏所據。漢族與東胡民族西藏民族。各建立一大帝國。互訌者百餘年。南北西三民族俱疲於奔命。遼室衰亡以後。女真民族之金勃興。驅逐宋於揚子江流域。仍成三國對立形勢。互訌者又百餘年。三民族俱疲於奔命。鶴蚌相持。漁翁得利。蒙古兵一起。三國皆土崩瓦解。非蒙古人亡之。三國之自亡也。亞洲東部所以易於統一者。此爲最大原因。

二、西域及波斯方面。薩拉森帝國分裂以後。亞洲領土隸於阿拔斯朝。阿拔斯朝衰微。東方酋長多乘勢作亂。略取領土。稱王稱帝。泰黑耳朝、蘇法爾朝、薩曼拿朝、布葉朝、伽色尼朝、塞爾柱朝、高爾朝等。更起迭仆。維持勢力各數十年。至百餘年。塞爾柱朝衰微。東胡民族乘勢西下。建立西遼帝國。突厥別部之土耳其姆(Turkman)人。復建立花刺子模王國。與之對峙。西方之閃民族、伊蘭民族、與東方之突厥民族、東胡民族、互訌。更無餘力以禦外患。蒙古人侵畧西域。所以易於成功者。此爲最大原因。

三、東歐方面。俄國自祿列克(Tarbo)建國以後。尙未入歐洲列國國際關係範圍。祿列克王朝之相續。兄終弟及。以年之長幼爲序。長者承襲中央政府爲君主。幼者分封藩國爲諸侯。其結果。俄國國內生出無數小侯國。初猶以內政統一之必要。推尊年長者一人爲共主。節制諸藩。其後漸成尾大不掉之勢。

君主生前，即豫定死後之領土分配法，以免諸子之紛爭。於是愈分愈破碎，無一強有力者。故蒙古兵西征東歐，如入無人之境。

四、西歐方面。西歐自羅馬帝國衰亡以後，神聖羅馬皇帝與羅馬教皇爭權。十字軍東征之時，教皇權力達於極點。東征失敗以後，人民崇拜教皇心漸冷。各國王侯乘機提倡國粹主義 (Nationalism) 排斥皇帝詔書及教皇命令。自爲政治上及宗教上之主權者。權不集於中央，而分集於各國政府。歐洲中原政治上無中心點。再起十字軍，大非易易。蒙古兵西征歐洲，所以未遇大抵抗者，職此之由。

第十五章 元初之分國制度

蒙古自太祖開基。至世祖滅宋。入主中國。首尾甫七十四年。一二七〇六至七八年竟締造一曠世之大帝國。今案其開拓疆土之次序。列表於左。以供參考。

大 汗		其時代所征服之土地	
太祖特穆津	內外蒙古 秦山附近	滿洲	中國西北部 天山南北路 中亞阿母錫爾兩河流域 阿富汗 波斯東半部及高加
太宗誇格德依	中國中部	朝鮮	西伯利亞西南部 歐洲東北部
憲宗莽賽扣	中國西南部	西藏	法領越南 西亞細亞一帶 印度西北小部
世祖呼必賽	中國南部		

世祖初年。蒙古屬土。除北亞北部與南亞南部外。橫絕亞洲大陸。遠跨歐洲。宗室諸王。於此大帝國中。各有分地。其間尤大之國有四。

一、奇卜察克汗國。初太祖平西域東歸。定四子分地。以鹹海裏海北奇卜察克地。封長子卓齊特。其後巴圖西征還。提封益廓。使烏拉的米爾 (Vadimir) 王主俄北部。查爾尼俄弗 (Chernigov) 王主俄南部。建幹兒朶 (Ordous) 於窩瓦河下游。曰薩萊 (Sarai) 在今俄屬薩拉德夫省。每歲春。沿河東岸。北至保加利亞之幹兒朶。秋南駐薩萊。號爲阿爾泰幹兒朶。譯即金鞑帳殿。又建喀山城於河東。薩萊城於海北。撒吉刺地。使其子居之。以兄幹兒朶讓位於己。分以東方錫爾河北等地。復以弟昔班從征俄有功。使居幹兒朶牧地之北。以西至烏拉河。幹兒朶之帳殿色尙白。昔班尙青。以別於巴圖之金。其後俄人遂以分三家之後裔。有白帳青帳金帳汗之目。巴圖後王世爲總汗。其全國轄境。東至今葉尼賽曠野。西至今匈牙利多瑙河下流。南盡高加索山。北負喀拉海 (Kara Sea) 定都薩萊。

二、察罕臺汗國。初太祖以西遼故地封察罕臺。東界約至阿力麻里 (Almalik) 傳至篤來帖木兒。封地益廓。別失八里 (Bishbalik) 東南悉歸所轄。子孫嗣王。其全國轄境。西抵錫爾河。東接天山。都阿力麻里。三、窩格德依汗國。初太祖以愛密爾河 (Emil R.) 即今新疆塔爾巴哈臺 屬南百里之額米爾河流域界太宗。傳至定宗。爲太子潛邸湯沐邑。後子孫世守。全國轄境。大抵據按臺山麓。卽奈曼及奇爾濟蘇故地。今塔爾巴哈臺一帶。及俄

領西伯利亞西南部。都葉密里城。

四、伊兒汗國。初，太祖以和林舊地分與鬮類。蒙古源流幼子為鬮類守邊是也。西史謂蒙古俗父遺產幼子如家主後太祖崩遂監國所分部兵亦獨多。太祖部兵十二萬九千人鬮類得諸將帥大率舊部。憲宗世祖以是得承大統。

轄魯封西域。子孫世守。其全境東踰阿母河。北極三海間地。西抵斡里亞。阿剌伯。南盡波斯灣。

以上為蒙古四大汗國。皆太祖後裔。此外若伊蘇克依 (Yissagai Bahadour) 次子哈布圖哈薩爾 (Djontchi Qassar) 舊作尤赤哈薩 兒太祖次弟。力能裂人為二。滅奈曼時。戰最力。故太祖優賞之。命其後與皇子鈞禮。子伊遜克

(Yessouneouchi) 舊作也。生哥。鬮當世祖時。屢膺重任。統兵助討阿里克布克。享壽最高。分地在阿爾渾河。今黑

四部烏 爾厥河枯輪淖爾。今呼倫池海拉兒。今呼倫縣故海拉爾廳。在今額爾古納河源。近鄂齊錦後王封域。後閱再傳至勢格

都兒 (Sohinseou) 與納延同叛。為世祖所誅。分其軍。今內蒙古兩科爾沁、及札賚特、杜爾伯特、郭爾羅斯、四

子部落。茂明安、烏刺特、青海和碩特、九部皆其後。

三子哈準 (Gadjioin or Gadjiken) 太祖三弟。分地在東方。近長城女真地。又近伊奇喇斯部。哈蘭真。山名。近

界即今烏 哈那山。額刺特。解為沙陀。及兀兒古以河。即今烏拉圭河。在內蒙 珠穆沁左翼旗地。子按只歹 (Italdai) 舊作伊 兀兒古以河。

皆重之。遇大事必與商。後閱四傳至哈丹 (Gadan) 亦以與納延同叛。見誅。

四子特穆爾誇齊錦 (Ténuogon Urahnguen) 舊作鐵木哥特。赤斤太祖幼弟。人稱烏真諾顏。人之稱。太祖愛其幼弟。

延之上坐。其子亦令位己子上。分與軍五千。故部衆甚盛。分地在蒙古東北面。界外已無蒙古人。大率太祖諸

弟。惟彼分地最廣。轄軍最多。自今呼倫池以東。洶爾河今建溪南。嫩江東西。皆屬之。子塔察兒嗣。世祖召

宗王議事。皆預焉。常討敗阿里克布克。久襄軍政。壽甚高。後閱四傳。至納延。(Nayan)乃舊作顏與諸宗王結海

都同叛。世祖征之。或誅或赦。軍盡分析。其後人遂無復分地。今因蒙古翁牛特部乃其後。

五子伯勒格台。以獨爲異母弟故。序居末非最幼也。性溫慧而樸。偉幹多力。掌太祖克喀蘇魯克。華言野外牧場事。即本傳。與西史所謂掌從馬也。太祖

宴同族。或來盜。亦勒不兒。解爲馬。駟斫其臂。傷甚。伯勒格台願自言傷不至死。不可由已。致隙。太祖尤賢之。及後用

兵平諸部。無役不從。摧鋒陷陣。不避艱險。太祖嘗曰。『有伯勒格台之力。哈薩爾之射。此余之所以得天下也。』

其見稱如此。嘗賜以蒙古民三千戶。及廣寧路。今盛京遼瀋道北鎮縣。恩州二城。戶一萬一千六百三。以爲分地。又於幹

難怯智地。疑印鄂諾克。相傳有百。妻尤高。世祖平江南。加賜江西信州路及鉛山州二城。戶

一萬八千。薨。長子罕禿忽嗣。性剛猛知兵。從憲宗出征。多戰功。傳子霍歷極。以疾廢。世祖俾居恩州。以統其藩

人。武宗至大三年。薨。子塔出嗣。性謙厚好學。通經史。能卹民。封廣寧王。今內蒙古阿巴噶。阿巴哈納。二部。皆伯

勒格台後。

外此如太祖第六子闊列堅。及太宗以下諸帝子。皆各有分地。歲賜。又蒙古制。皇子公主。恩禮鈞。宗室駙馬。通

稱諸王。其後世祖入主中國。復大行封建。其一字王。金印。印額紐。額紐與金鏤。額紐。二字王。金印。印額紐。額紐及銀印。額紐。

則有安西、鎮南、雲南、白蘭、卽吐蕃所并之白蘭王名鎮南藏、外國降附。受王封者。又有高麗、緬甸、安南之屬。其自開國以來。累朝佐命諸功臣。亦皆分封爲萬戶、千戶、百戶。各轄有土地人民。以故幅隕極廣。藩屬孔多。控馭匪易。

世祖既有天下。凡滿洲、內外蒙古、中國本部、青海、西藏、及中央亞細亞、皆爲所領。高麗、交趾、亦爲所羈縻。又於名義上、統御伊兒汗等四大汗國。實握蒙古帝國之全權焉。世祖爲鎮撫藩屬計。乃建阿母河行省。以統葱嶺以西。置嶺北行省。以制杭愛山以北。開阿力麻里元帥府。以監天山北路。設別失八里元帥府。以治天山南路。設立遼陽及征東行省。以督滿洲及朝鮮。又於中央置中書省一。於內地置行中書省八。曰河南。曰陝西。曰四川。曰甘肅。曰雲南。曰浙江。曰江西。曰湖廣。治中國本部及番蠻分鎮藩服。其下有路一百八十五。府三十三。州三百五十九。軍四。安撫司十五。縣一千一百二十七。是爲蒙古全盛時代之疆域。

蒙古世系表一 成吉思汗以前

托本默爾根 (Douboun Bayan)


阿倫果幹 — 孛端察爾 — 巴噶哩台哈必齊 — 瑪哈多丹 — 海都

(Alon-Cova) (Bondandjar) (Bonca) (Mokha Todan) (Gaidou)

拜星呼 — 敦巴該

(Bai-Schengor) (Toumbagai)

蒙古世系表二 太祖後裔



太祖特穆津

一西伯利汗滅於俄

察罕台.....察罕台汗.....別失八里王.....

(莫吉兒汗)

土魯番蘇丹亡於明末
喀什噶爾汗滅於準噶爾

太宗諤格德依

定宗庫裕克.....庫春.....錫里瑪勒
合失.....海都.....察八兒

憲宗莽賽扣

默爾根

瑚圖克圖

世祖呼必賽.....元朝諸帝.....韃靼汗.....
察哈爾汗滅於清
內蒙古鄂爾多斯等十部

轄魯.....伊兒汗亡於帖木兒帝國

阿里克布克.....鎮南王脫歡
外蒙古四部

拖雷

蒙古世系表三 哈布圖哈薩爾後裔

哈布圖哈薩爾

也古 (Yeku) —— 阿兒哈孫 (Harassoun) —— 伊遜克 (Yessouncouh)
脫古 (Toucou)
伊遜克 (Yessouncouh)

愛每根 (Eingun)

勢格都兒 (Schingour) …… 內蒙古科爾沁等九部

蒙古世系表四 哈達後裔

哈達 —— 按只歹 (Itchidai) —— 察忽刺 (Djacaulan) —— 哈刺忽兒 (Claur) ——

哈丹 (Cadan) —— 勝格納哈兒 (Schikicour)

蒙古世系表五 特穆爾謬齊錦後裔

特穆爾謬齊錦 —— 禿格察兒諾延 (Togatchas Noyon) —— 乞 (Djibou) ——

哀楚兒 (Adjoul) —— 納延 (Nayan) …… 內蒙古翁牛特部

蒙古世系表六 伯勒格台後裔

伯勒格台 —— 罕禿忽 —— 霍歷極 —— 塔出 …… 內蒙古阿巴噶等二部

第十六章 元初之東西交通

初，太宗在位。慮奉使者率經民地。既稽時。復擾民。欲令各千戶分出夫馬。定立驛站。非急務均須乘驛馬。毋得

經民地。商諸察罕臺。察罕臺善之。允於所轄境內置驛。東接太宗所置者。西接巴圖所置者。太宗於是以此意布告諸王駙馬等。皆以爲便。始置守驛等戶。整治所排驛站。站各設夫二十。備置舖馬與使者廩餼羊馬及車牛。均著爲令。有關者沒其家財之半。實自謂嗣位後增四善政以此與滅金及無水處穿井合下立探馬亦事並言則其重要可知復分遣探馬亦駐守各城。

其葱嶺東西故西遼花刺子模等地。自太祖時已入版圖。閱數十年。漢土雜居。果穀被野。後歷朝遞有開拓。屬蕃直極南亞。跨東歐。彼此商販互通。行旅無阻。職此數端。遂令東西洋交通之局。嶄然一新。其自西徂東者。陸道從中亞出天山南路。或由西伯利亞南出天山北路。遠關其販途於和林及燕京。海道自波斯經印度達中國。福建之泉州福州諸港。稱世界最大商埠。外國人之來流寓者。殆以萬數。意大利人馬哥孛羅 (Marco Polo) 藏內薩人東游至燕謁元世祖世祖信用之在元二十餘年徧探東亞各地歸途航中國海波麻刺甲海峽達印度沿海入波斯灣而歸者有世界奇觀一書日本之名始傳於歐洲以爲金寶充初之國

阿非利加人伊綳巴達等。其遠遊我國。皆在是時。蒙古大汗重致遠人。一切色目。咸與登進。故阿刺伯及波斯之學者軍人。意大利。法蘭西之畫家職工等。來仕其朝者頗多。是以西方之天文。算學。砲術。皆得傳入中國。中國之羅盤鍼活板術等。亦於是時傳至西方。

是時歐洲之人。爲回教所轢。法蘭西。德意志。諸侯王等。方再興十字軍。與之盛兵相攻。耶蘇教徒。皆謀聯盟蒙古。以壓回教勢力。宋理宗淳祐五年。理宗二十一年四月羅馬教皇英諾森 (Innocent) 四世。遣柏朗嘉賓東謁定宗。越八年。理宗二十九年爲寶祐元紀元一二五三年。法蘭西王路易九世。亦使教徒羅柏魯東來聘問。朝憲宗於和林。

自蒙古建國以來。各教傳布。皆許自便。且以謀吞併回教各國故。不得不用遠交近攻策。於耶穌教國。不能不與修好。故蒙古大汗。於西土東覲。皆爲慰接。世祖既立。且遣使西謁教皇。請派教士來中國傳教。至元三十一年。四曆紀元一蒙迭哥爾維諾航海來華。世祖許建教會於燕京。爾後耶穌教徒。來者滋益多矣。已而元亡明興。東西交通中止。耶穌教乃廢絕云。

第十七章 元世祖東征以前日本政體之變化


自來國體與政體。截然劃爲兩途。中國國體。每隨政體爲轉移。主權者一有變更。國體常爲其附屬品。有不欲變而不得之勢。日本之國體。不與政體相混雜。主權者雖屢易。國體絕不因之而生搖動。此亦大陸民性喜變化。島國民性喜保守。一特徵也。茲述其事蹟如左。

第一節 皇權時代


一、草創時代 日本之爲國。獨立東海中。與地球各國均不相隣。自神武迄仲哀天皇。皆爲草創時代。當時人民朴野。未脫榛狉之俗。其勢力範圍。東不踰常陸。西不踰筑紫。較之當今日本全境。猶不及五分之一。本洲舊有土人之蝦夷。九州舊有土人之熊襲。時常猖獗。與大和民族相軋。神功皇后攝政。國勢驟張。西南奄有九州。壓服熊襲民族。越海侵略朝鮮半島。壓服三韓民族。自此以後。中國文化。經由新羅。百濟。間接輸入日本。大和民族逐漸開化。神功攝政六十九年殂。應神。二七〇至二七〇〇仁德。三一三至三一三九履中。四〇〇至四〇〇五反正。四〇六一至四〇六一

允恭、四一二至 安康、四五四至 雄略、四七九至 清寧、四八〇至 顯宗、四八五至 仁賢、四八八至 武烈、五〇六至 繼體、五〇七至 安閑、五三四至 宣化、五三九至 欽明、五四〇至 十五天皇相繼在位。皇別大臣蘇我氏、神別大連物部氏、大伴氏、皆以世臣輔政。欽明時代。佛教由中國輸入。大臣蘇我稻目崇奉之。大連物部尾與、中臣鎌子、極力排斥。說欽明焚佛寺。投其像於水火。自是與蘇我氏有隙。欽明殂。敏達天皇即位。稻目之子馬子、尾與之子守屋、鎌子之子勝海輔政。傾軋日甚。敏達在位十四年。五八五。殂。馬子與皇后炊屋姬謀。奉皇弟大兄即位。是為用明天星。在位二年。五八七。殂。守屋謀立皇弟穴穗部。馬子與皇子廢戶謀。殺穴穗部及守屋。滅物部氏之族。於是大權悉歸於蘇我氏。馬子奉皇弟泊瀨部即位。是為崇峻天皇。

物部氏系統表



大伴氏系統表



二、蘇我氏專政時代 崇峻惡馬子專權。與廢戶謀誅之。廢戶不聽。馬子懼。弑帝。奉敏達皇后炊屋姬即位。稱推古天皇。是為日本有史以來女主稱尊之始。推古係欽明皇女。與敏達為同父異母兄妹。而為敏達皇后。日本古來倫理大都如此。以現今眼光觀之。實屬不可思議。推古之母監鹽媛。本蘇我稻目之女。故馬子立之。推古即位以後。立廢戶為皇太子。攝政。大興佛教。以慈悲忍耐。化猛鷲慍悍之俗。馬子專權。推古守府。行祭則寡人之治。廢戶講經說法。粉飾昇平。定朝官之冠位。凡十二階。於是官制之等級粗備。定官曆。採用中國曆法。以千支紀年。又制憲法十七條。以垂訓戒。是為日本最古之法令。復遣使於隋以求佛經。是為中日正式國際交

通之始。

推古在位三十六年五九三至六二八。廢戶及馬子已先數年卒。馬子之子蝦夷奉敏達之孫田村即位。是為舒明天皇。舒明多病。不親政事。蝦夷負定策之功。專恣日甚。舒明在位十三年六二九至六四一。蝦夷奉皇后寶皇女稱帝。是為皇極天皇。蝦夷請老。子入鹿為大臣。輔政。驕恣甚於其父。大興土木。為其父與己身造壽藏。稱大陵小陵。僭用天子衣冠。第宅擬於宮闕。殺廢戶之子山背大兄。夷其子弟妃妾。兼併人民土地。以自肥殖。朝野嗟怨。皇極在位之第四年西曆紀元四五年。中臣鎌足與皇子中大兄密謀誅之。皇極因禪位於中大兄。中大兄與鎌足奉皇極之弟輕即位。是為孝德天皇。

蘇我氏系統表

彥太忍信命 孝元帝皇子

—— 屋主忍男武雄心命


—— 武內宿稱 踐行成務仲哀 應神四朝大臣

—— 羽田矢代 使百濟

—— 巨勢小柄

—— 蘇我石川 居河內始 稱蘇我氏 應中朝 大臣 征新 羅 高麗 稻目 宣化朝 大臣

—— 平郡木菟 覆中朝 大臣 眞鳥 維略情 應宗仁賢 有為武烈所亡 武烈五朝大臣 餘家表



三、大化革新時代 孝德即位以後。遷都於難波。今大阪。史稱之曰難波朝廷。立中大兄爲皇太子。廢大臣大連等官。設左右大臣及內大臣。充正宰相。以鎌足爲內大臣。輔政。鎌足慷慨有才略。以天下事爲己任。輸入唐室文化。大修國政。是年八月。下革新之制。派使臣於畿內六縣。校大小所領之人衆。新造戶籍。校定田畝。檢收從來臣連伴造國造等所有之人民土地園池水陸之利。使與百姓共之。悉收人民私有之兵器。納之國庫。又詔諸大寺。檢呈僧尼奴婢田畝之實數。九月。遣使諸國檢查戶口。禁止買賣土地。於是富者不能兼併。貧者不至匱乏。百姓大悅。尋下詔放免臣連伴造等私有之人民。收其私有土地爲國有。別賜食封或布帛以償之。於是人民始得爲自由之身。定畿內之境界。分郡爲三等。選國造之賢良者爲郡司。設關塞斥候防人。以保護諸國要塞。設驛馬傳馬。以便交通。制鈐契傳符。以爲官使往來之據。復改定田制。依戶籍計帳。立班田收授之法。男女生六歲。班給口分田。身沒。入官。取百分之三爲田租。改賦役之制。定調及傭役之法。以絹絲棉布魚鹽等土產爲調。布未爲庸役。參酌隋唐官制。定新官制爲十三階。始定年號曰大化。是爲日本有年號之始。史稱之爲大化革新時代。

四、近江朝廷時代。孝德在位十六年。六四五至六四四。姊皇極復位。稱齊明天皇。是爲女主重祚之始。皇太子中大兄。內大臣鎌足。執政。徙都於大和之飛鳥。東攻蝦夷。破之。擴張領土至下野。今木縣。越後。今新瀉縣。西援百濟。與唐室構兵。敗績。自此以後。壹意與唐修好。不敢復謀西侵。齊明復位七年。六五五至六六一。太子即位。是爲天智天

皇遷都於近江。今滋賀縣命內大臣鎌足與遣唐留學生玄理等同撰律令。於是大和朝廷始有成文法。史稱之曰近江朝廷令。始設學校。教育諸生。於是日本日益開化。

五、壬申之亂 天智即位以後。立皇弟大海人爲皇太弟。以皇子大友爲太政大臣。與鎌足同輔政。大友天性明悟。博通古今。有文武才幹。天智奇愛之。有廢立之意。大海人亦狡險。富於政治經驗。不甘久居人下。於是漸與天智有隙。天智四年。病篤。召皇太弟。囑以後事。太弟不應。請出家修道。乃剃髮。逃居吉野。舍人以下多從之。詔立大友爲皇太子。天智在位十年。六六二至六七一。殂。太子即位。是爲弘文天皇。是時鎌足已卒。主少國疑。朝無重臣。大海人舉兵吉野作亂。諸國司多叛應之。京師震駭。詔御史大夫蘇我果安、巨勢比等率師討大海人。王師敗績。弘文走山前。圍城寺附近。自殺。在位僅八閱月。年二十五歲。史稱之曰壬申之亂。

六、清見原朝廷之治 次年。大海人自立。是爲天武天皇。遷都於飛鳥清見原宮。變更大化以來革新之政。大率多復古制。改位號。增階級。定諸王以下之位爲十二階。諸臣之位爲四十八階。分天下姓氏爲八等。一曰真人。以賜皇別。二曰朝臣。三曰宿稱。以賜貴族。四曰忌寸。以賜中國朝鮮歸化人。五曰道師。以賜技藝之職。六曰臣。七曰連。皆舊貴族被貶黜者。八曰稻置。於是姓氏制粗備。定朝儀。廢拜跪及匍匐禮。行立禮。詔百官詳陳利國福民之術。遣使巡行天下。分諸國之境界。兼巡察國司郡司百姓之狀況。設兵政長官。以諸王充之。詔諸王以下。初位以上。人各畜兵飼馬。以備緩急徵調。又詔諸國習陣法。授近畿民以兵器。詔文武官習騎射。兵器皆

精利。有獄敗不適用，或人不習騎射者，親王以下，皆科以相當之罪。其練習通達者，雖犯死罪得減等。于是法嚴令行，兵勢日強。史稱之曰清見原朝廷之治。

七、奈良朝廷時代 天武在位十五年。六七二至六八六 廼皇后鸕野讚良天智第二皇女臨朝稱制。三年，皇太子草壁辛，遂自立。稱持統天皇。是爲日本第三女帝。在位十年。六八七至六九六 禪位於皇孫輕草壁之子。是爲文武天皇。尊持統爲太

上天皇。是爲日本有史以來太上皇之尊稱出現之始。顧乃加於女帝之上。殊覺稱謂不倫。先是大化革新以後，天智擬增修法典，未成而廼。天武繼之。至是復命知太政官事忍壁親王，與中臣鎌足子藤原不比等，等踵其業。共成令十一卷。律六卷。史稱之曰大寶律令。是爲日本中古時代最完備之法典。不比等以功擢右大臣。納其女爲皇后。是爲藤原氏握政權之始。復遷都平城。和即大建左京右京。定坊條之制。摹倣長安之制。規模宏壯。自此以後。至光明天皇。凡經過七代。七十五年。皆建都於此。史稱之曰奈良朝廷時代。

文武在位十一年。六九七至七〇七 廼母安倍稱制。是爲元明天皇。穗積親王與藤原不比等輔政。先是天武在位，詔川島忍壁兩皇子，與儒臣稗田阿禮等，纂修國史。文武在位，詔太安萬呂踵其業。至是告成功。凡三卷。定名曰古事記。用和漢混合文體。復詔紀清人，三宅藤麻呂等，作日本記。用漢文體。尋復纂修諸國風土記。是爲日本最古之歷史地理著作。

元明在位七年。七〇八至七一四 廼皇女冰高文武之姊即位。稱元正天皇。在位九年。七一五至七二三 禪位於文武之子。首。是謂

聖武天皇。是時藤原不比等已卒。贈太政大臣。謚文忠。攬其四子爲顯官。聲勢赫奕。復立其女安宿媛爲皇后。於是藤原氏之勢益盛。聖武篤信佛法。失政頗多。寵幸僧玄昉。大修塔寺。在位二十五年。七二四至七五八傳位於皇女阿閉。是爲孝謙天皇。


孝謙亦信佛法。秕政尤多。寵幸藤原不比等之孫仲麻呂。授紫微內相。主兵柄。在位十年。七四九至七五八傳位於天武之孫大炊。是爲淳仁天皇。仲麻呂日益用事。賜姓名曰惠美押勝。拜太師。敍正一位。數子皆爲顯官。權勢薰鑠。孝謙自稱太上皇。寵幸僧道鏡。縱其出入宮禁。醜聲漸播。淳仁固諫。孝謙不悅。會押勝以謀反誅。孝謙因誣淳仁與押勝通謀。廢之而自立。淳仁在位六年。七五九至七六四而廢。孝謙復位。稱稱德天皇。以道鏡爲太政大臣。專國政。尋進位法王。以其黨基真爲法參議。基真之師圓興爲法臣。法王之月俸準乘輿。法臣準大納言。法參議準參議。道鏡出入警蹕。乘鸞輿。服食擬於王者。政無大小無不與。基真恃勢暴橫。凌侮縉紳。道路畏之如虎。道鏡之弟淨人起布衣。八年而至從二位。大納言。道鏡好土木。多營佛寺。稱德亦奢靡無度。公私凋弊。國用匱乏。復殘刑以逞。虐殺無辜。人民嗟怨。奈良朝之政大衰。

稱德復位五年。七六五至七六九殂。天武之統絕。參議藤原百川與左大臣藤長手等謀。迎立天智之孫白壁。是爲光仁天皇。於是大統復歸於天智系。流道鏡等於遠方。皆卒於配所。除煩苛之政。以休養民力。罷冗官。裁冗費。置檢稅使。以檢查諸郡國會計。綱紀復張。

八、平安朝廷時代 光仁在位十二年^{七七〇至七八一}。自此以後。至明治二年。凡一千零七十六年間。皆都於此。其市街布置。頗倣長安。道路寬闊。整直。坊市皆規則不紊。宮城在市之北方。規模弘壯。尋以田村麻呂爲征夷大將軍。東攻蝦夷。大破之。於是日本領土。擴張至陸奥出羽。

桓武在位二十四年^{七八二至八〇五}。殂。子安殿即位。是爲平城天皇。寵幸尙侍藤原藥子及其兄仲成。讒殺皇弟伊豫。在位四年^{八〇六至八〇九}。以病傳位於皇弟神野。是爲嵯峨天皇。自稱太上

天皇。居平城之離宮。藥子日侍上皇左右。言無不從。遂勸重祚。已爲皇后。上皇漸惑其說。嵯峨知之。多稱疾不



視事。遂有遜位之意。因奉上神器。上皇不受。而藥子之謀益急。嵯峨元年九月。藥子矯上皇詔。遷都平城。人心洶洶。帝大怒。捕仲成下獄。宣布藥子罪狀。褫奪官位。逐之出宮。上皇怒。發兵與藥子同車。將赴東國。諸司及諸衛兵皆從。左馬頭藤原真雄等力諫。帝聞警。詔征夷大將軍田村麻呂。發兵塞美濃路。上皇知事不濟。還宮。雉髮爲僧。藥子仰藥死。廢皇太子高岳。上皇之子立皇弟大伴爲皇太子。高岳出家爲僧。法名真如。後入唐求佛法。遂赴印度。至羅越國爲虎所傷而卒。是爲日人入印度者之始。

先是太政官即內閣以太政大臣左右大臣爲長官。統攝庶政。以大納言輔之。其後復置中納言及參議。與聞政事。嵯峨元年。始置藏人所。設藏人頭二人。以四位之辨官及近衛中將各一人充之。侍於殿上。掌傳宣詔命。出納章奏之事。後遂專掌機密。復設別當一人爲其長官。常以左右大臣兼領之。於是朝廷大權。由太政官移於藏人所。復設檢非違使廳。兼掌糾彈。逮捕。起訴。裁判等事。置別當爲長官。威權甚重。其命令準詔書。稱爲廳宣。違反廳宣者。罪與違勅等。於是衛府。彈正臺。刑部省。京職之職權。皆入於檢非違使廳。大寶文武年號以來之官制漸紊。

嵯峨在位十四年。八一〇至八二四傳位於皇弟大伴。是爲淳和天皇。立嵯峨第二皇子正良爲皇太子。淳和在位十年。八三三至八四三傳位於正良。是爲仁明天皇。立淳和皇子恆貞爲皇太子。恆貞自以立不以序。恐有後禍。上表辭位。不許。

先是藤原氏自押勝、仲成相繼以謀反誅。勢力稍衰。不比等之玄孫冬嗣。器局溫雅。才兼文武。寬和容衆。有時望。自桓武時始用事。嵯峨時爲藏人頭。淳和時爲右大臣。仁明在東宮時。納其女順子爲妃。生長子道康。仁明卽位時。道康年已七歲。仁明七年。淳和上皇殂。九年。嵯峨上皇殂。彈正尹阿保平城天皇子希旨。上密書。譖春宮帶刀伴建岑等。欲奉太子赴東國作亂。仁明信之。廢太子恆貞。東宮官屬坐貶者數十人。立道康爲太子。以冬嗣子良房爲右大臣。輔政。於是藤原氏之勢益盛。帝性奢靡。後宮用財無度。由是府藏空虛。賦斂益急。

仁明在位十七年。八三〇至八五〇。太子道康卽位。是爲文德天皇。立良房女明子爲皇后。第四子惟仁爲太子。時年未滿一歲。后所生也。帝以其幼冲。欲立長子惟喬。憚良房不果。帝性聰察而多病。在位八年。八五一至八五八。禪位於太子。是爲清和天皇。年甫九歲。進良房太政大臣。攝行萬機。以其弟良相爲右大臣。同輔政。是爲藤原氏專政之始。尋納良房兄女高子於後宮。生皇子貞明。自此以後。攝政一職。爲藤原氏專有品。皇后一職。爲藤原氏女子專有品。皇太子一職。爲藤原氏外孫專有品。藤原氏代代代納女於後宮。立其所生者爲太子。藉外祖母舅之勢力。奉戴幼主。攝行國政。竊弄威福。於是皇室衰微。大權旁落矣。

第二節 藤原氏專政時代

良房攝政七年卒。以其子基經爲右大臣。輔政。清和在位十八年。八七六至八七九。傳位於皇子貞明。自稱太上天皇。年甫二十七歲。貞明卽位。是爲陽成天皇。年甫十歲。以基經爲太政大臣。攝政。陽成之母高子自來品行不修。

陽成少有母風。長而昏暴。起居無度。常以祈年祭之前日手殺人。基經深憂之。在位八年。八八四至。基經廢之。遷於二條院。迎立仁明帝第三皇子時康。稱光孝天皇。是爲日本有史以來人臣廢立君主之始。藤原氏之勢益張。光孝在位三年。八八五至。以病傳位於皇子定省。是爲宇多天皇。委政於基經。詔萬機巨細之事。皆關白太政大臣。關白之稱始此。自此以後。幼主在位。大臣攝政。及年長歸政。改名關白。爲藤原氏世職。基經卒。子時平爲大納言。輔政。帝惡藤原氏專橫。擢耆儒菅原道真權大納言。輔政。以分時平之權。宇多在位十年。八八七至。傳位於皇太子敦仁。是爲醍醐天皇。以時平道真爲左右大臣。輔政。時平年少氣銳。任情爲政。道真不能制。醍醐與宇多上皇密謀。欲委政於道真。道真固辭不受。時平忌道真。謂其有異志。出爲太宰權帥。卒於貶所。凡朝臣之不黨於藤原氏者皆坐貶。於是藤原氏益橫。

醍醐在位三十三年。八九〇至。皇太子寬明即位。是爲朱雀天皇。以時平弟忠平爲左大臣。輔政。是時平安京奠都已久。權臣勢家各自封殖。國用不給。豪華奢侈之風。流行於中上流社會。清和宇多二帝。皆以上皇資格。削髮爲僧。稱法皇。王公貴人多效法之。於是僧人之資格愈高。佛教愈隆。慈悲主義流行於社會。馴至流於寬縱。刑政廢弛。有罪者幸免。勤儉尚武之風掃地。軍人多輟業以嬉。地方豪猾往往兼併平民土地。國司郡司之威令不行。小民無告。多流離草澤。京師畿外。盜賊蜂起。殺守令。掠吏民。朝廷無力制之。有警輒令僧人誦經說法。期以佛力制服。

天慶二年。朱雀即位後第九年宗室平將門桓武之後舉兵下總今千葉縣北部作亂。陷上總今千葉縣南部常陸今茨城縣武藏今東京府等國。自稱新皇。伊豫今愛媛縣守宋宋之通判藤原純友舉兵南海國今四國中國道一帶。應之。掠四國中國。道一今山陽。府。岡縣朝廷震駭。次年。大舉兵征破之。將門純友相繼伏誅。史稱之曰天慶之亂。宗室平貞盛桓武後源經基清和之孫皆以戰功。拜鎮守府將軍。由是源平二氏之勢寢盛。

先是日本上古時代。宗室多留居京師。其後宗室漸多。乃分居郡國。大寶令施行以後。皇兄弟皇子孫稱親王。其外稱諸王。至五世。則降爲臣。賜姓列爲貴族。出身皆與以六位。隨才任使。以省封戶之費。國司郡司之初設也。在職每四年。或六年。例一遷代。其後往往重任。其子孫徙居郡國。大抵皆宗室貴戚。地位勢望。與平民不同。往往私有土地。號稱大名小名。蓄奴僕爲私兵。相與習弓馬。爭雄長。關東諸國今東海地方遼闊。遺利尤多。大名小名久居此地。蓄田園。長子孫。對於中央政府。將有半獨立之勢。至是經基貞盛。皆以功拜將軍。鎮守東方。由是武將之勢日盛。漸成封建之勢。

朱雀在位十六年。九三一至九四六傳位於皇弟成明。醍醐第十是爲村上天皇。進忠平位太政大臣。以其子實賴師輔爲左右大臣。同輔政。村上勵精圖治。而爲藤原氏所牽掣。不能有爲。皇太子憲平多病。上欲廢之。立其弟爲平。憚藤原氏不果。

村上在位二十一年。九四七至九六七殂。憲平即位。是爲冷泉天皇。時忠平已卒。實賴進位太政大臣。充關白。冷泉多

病。實賴專國政。廢爲平。立皇弟守平爲太弟。

冷泉在位二年。九七八至九七九傳位於守平。是爲圓融天皇。以師輔子伊尹爲太政大臣。攝政。三年。伊尹罷。弟兼通

爲太政大臣。充關白。兼通與弟兼家。名位相軋。各納女後宮。競爭權利。互相毀謗。貞元二年。圓融第兼通卒。臨

終。薦從弟賴忠爲太政大臣。充關白。以沮兼家。由是兄弟之間。交惡益甚。

圓融在位十五年。九七〇至九八四禪位於從子師貞。冷泉嫡子是爲花山天皇。立從弟懷仁。圓融嫡子爲太子。懷仁爲兼家外

孫。兼家欲奉之早即位。已握政權。乃使次子道兼。誘花山薙髮爲僧。在位僅二年。九八五至九八六懷仁遂即位。是爲

一條天皇。以兼家爲太政大臣。攝政。

兼家晚年。窮極奢侈。作居室於東三條。規模擬於清涼殿。兼家卒。長子道隆代爲關白。次子道兼常自謂有功

於父。大不平。居父喪。無戚容。宴飲遊戲如故。時人醜之。正歷四年。一條即位後第七年道隆疾篤。以子伊周攝行省事。越

二年。道隆卒。伊周自以爲已必代父職。已而朝廷以道兼爲關白。七日而卒。復以其弟道長爲右大臣。充文書

內覽。輔政。伊周大失望。詛呪朝廷。又與弟隆家。邀劫花山法皇。上大怒。左遷伊周爲太宰權帥。隆家出爲雲權

守。尋召還。復位。

是時伊周之妹定子爲中宮。道長之女彰子爲女御。皆在後宮。定子年長位尊。彰子恃父勢。不甘久居於下。乃

詔立定子爲皇后。彰子爲中宮。時年甫十三歲以調和之。自此以後。歷代君主。皆以立二后爲定例。定子先生皇子敦

康。伊周大喜。以爲將來必立爲太子。俄而彰子生皇子敦成。伊周大失望。復詛呪敦成。事覺。詔停朝參。俄復復位。於是法令日益廢弛。

一條在位二十五年。九八七至一〇一〇。從弟居貞。冷泉第二皇子即位。是爲三條天皇。三條患目疾。不能親臨朝會。道長屢

諷帝辭位。帝不得已。傳位於從子敦成。一條第二子。在位凡五年。一〇一〇一六。敦成即位。是爲後一條天皇。年甫九

歲。立三條皇子敦明爲太子。長於後一條十四歲。道長以左大臣攝政。尋以老辭位。以其子賴通爲內大臣。攝

政。三條法皇尋殂。道長白太后。廢太子敦明。立皇弟敦良。一條第三子。後一條彰子所生。爲太弟。道長英邁。有才略。工

詩歌。善射御。藉累世之權威。專國政三十餘年。女爲三朝皇后。子爲攝關。黜陟任心。朝臣無貴賤。皆夤緣惟恐

不及。道長好貨。賣官鬻爵。賄賂公行。田園遍天下。府庫充盈。富踰帝室。賴通在位。專恣尤甚於其父。由是上下

咨嗟。人心離怨。

長元元年。後一條十二年前。上總介平忠常反。陷安房。今千葉縣安房郡。朝廷發東海東山二道兵征之。越三年。不克。甲斐山今

縣守源賴信擊降之。於是武臣之勢日盛。源氏平氏藤原氏之宗人。散布郡國。割據土地。父子相繼。根深蒂固。

朝廷漸不能制。國司郡司多身居朝廷。遙領郡國。有鞭長莫及之勢。於是政柄下移。諸國土地人民。大抵歸武


人私有。朝廷命令。不能行於州郡。中央之勢日微。


後一條在位二十年。一〇一〇一七。至。弟敦良即位。是爲後朱雀天皇。進賴通位爲左大臣。充關白。後朱雀在位

九年。一〇四三至一〇四五至病篤。傳位於長子親仁。中宮藤原子。生賴通外孫。欲立次子尊仁。皇后禎子。生為其太子。賴通持異議。乃止。親仁即位。是為後冷泉天皇。賴通之弟能信密勸帝立尊仁。帝從之。立尊仁為皇太弟。以能信為太弟太傅。後冷泉在位二十三年間。一〇六八至一〇六九至皆以賴通執政。威權不少衰。

後冷泉殂。尊仁即位。是為後三條天皇。時賴通已卒。弟教通為左大臣。充關白。後三條剛健嚴明。博通古今。諸練世故。久居東宮。深惡藤原氏之擅權。又恨賴通之不臣。即位以後。痛裁抑之。親覽國政。乾綱一振。教通名為關白。備員而已。帝在位四年。一〇七二至一〇七九至傳位於皇子貞仁。將以上皇資格。於院中聽政。以奪攝政關白之權。尋殂。未果。然自是藤原氏之勢力不振。院宣之政。從此始矣。

藤原氏系統表





新著 東洋史 第三編 近古史

良 房 忠文公文德清和
兩朝太政大臣

基經 陽成光孝旨多三朝太政大臣
攝政關白准三宮昭宣公

仲平 朱雀朝左大臣
忠平 朱雀朝攝政關白
太政大臣真信公

溫子 宇多帝女御

隱子 醍醐帝皇后
朱雀村上母


良 相 文德朝右大臣

多美子 清和女御


順 子 仁明女御稱五
條后文德帝母

實賴 冷泉朝關白太
賴忠 圓融華山太政大臣
關白廉義公 遵子 圓融皇后無子

融朝攝政 政大臣
清慎公稱 小野公
伊尹 圓融朝攝政太
政大臣謙德公 懷子 冷泉女御
華山帝母



新著 東洋史 第三編 近古史



第三節 院政時代

藤原氏以內寵專政。代代擁立幼主。利用太后為傀儡。盜弄國柄。天皇幼冲。處於被動地位。有英主起。不甘受藤原氏愚弄。及生前先傳位於皇子。自己退處於太上皇地位。實行監督政策。以避權臣擅定策之勳。於是政府實權。由權臣之手。移入上皇之手。號稱院政。亦政治上一小革命也。茲述其事蹟如左。

初、貞仁之即位也。稱白河天皇。政出宸衷。不受權臣牽掣。在位十四年。一〇七三至八六。傳位於皇子善仁。是為堀河天皇。白河自為上皇。於院中聽政。置院司。以別當為長官。置判官代、主典代、殿上人、藏人、武者所、等官。官職與禁中相似。上皇詔令稱院宣。院宣之勢。在詔勅以上。自此以後。變為院政時代。大權皆入於上皇之手。天子拱手。關白備員而已。

白河剛決嚴明。而性好奢侈。又深信佛法。薙髮爲僧。稱法皇。屢幸諸寺。造佛像寶塔以萬數。親寫大藏經。嚴禁捕魚與鳥。祭祀皆用素饌。用財無度。民生凋弊。而寺產及豪族之莊園益盛。諸大寺多私養兵。時常爭鬪。與福延庵等寺尤甚。延歷寺僧兇暴。世稱之曰山法師。白河嘗歎曰。天下不從朕命者。唯鴨河之水。雙陸之采。與山法師而已。堀河在位二十一年。一〇八七至一〇八七。皇子宗仁即位。是爲鳥羽天皇。白河法皇仍聽政。鳥羽在位十六年。一一〇三至一一〇三。傳位於皇子顯仁。是爲崇德天皇。

崇德天治四年。崇德六年。白河法皇殂。年七十七歲。凡聽政四十三年。鳥羽上皇繼續聽政。鳥羽多內寵。女御藤原得子最幸。保延五年。崇德十年。生皇子體仁。生後三月。立爲崇德之太子。越二年。強崇德遜位。由是兩宮有隙。

崇德在位十八年。一一四二至一一四二。而內禪。體仁即位。是爲近衛天皇。年甫三歲。鳥羽出家。稱法皇。聽政如故。近衛在位十四年。一一五五至一一五五。年十七歲而殂。崇德上皇欲立其長子重仁。得子不聽。力勸鳥羽法皇立崇德同母弟雅仁。是爲後白河天皇。年三十一歲。令德無聞。朝野失望。保元元年。後白河鳥羽法皇殂。崇德上皇入臨。

侍臣稱遺詔不納。崇德大怒。密告左大臣賴長謀復位。賴長與前檢非違使源爲義及其子爲朝。右馬助平忠正等。奉崇德舉兵。後白河亦徵爲義之子下野今據水縣守義朝。忠正之侄安藝今廣島縣西部守清盛等入衛。擊破上皇兵。賴長中流矢卒。崇德薙髮。入仁和寺爲僧。後白河遷之於隱岐。島名在本洲西南。本海中屬山陰道。清盛親斬忠正。義朝亦弑爲義及其諸子。上皇黨羽坐死者七十餘人。處流刑者甚衆。史稱之曰保元之亂。皇室將門。爭權內訌。子弟

親弑父兄。朝廷反以爲功。不問其罪。倫常盡矣。焉能久乎。

後白河在位三年。一一五八至傳位於皇子守仁。是爲二條天皇。後白河稱上皇。在院中聽政。中納言藤原通

憲博學多才。練達事務。有寵於上皇。至是棄官爲僧。改號信西。在院中用事。權中納言藤原信賴有寵於上皇。

謀爲近衛大將。信西諫上皇而止。信賴怒。稱疾不朝。是時太宰大貳平清盛與信西爲姻家。權勢薰鑠。源義朝

時爲左馬頭。忌之。信賴遂與相結。平治元年。二條十二月。舉兵圍上皇於三條殿。縱火焚宮。死者甚衆。乃幽上

皇。遷帝於黑戶御所。自爲大臣大將。以義朝爲播磨今兵庫縣南今愛知部守。時清盛在熊野。聞變。舉兵西上。密遣使迎帝與

上皇至其營。擊叛軍。大破之。義朝走尾張。今愛知縣南今愛知部爲守將所殺。信賴伏誅。黨與死者甚衆。史稱之爲平治之亂。

二條帝悉於近衛之皇后。納之入宮。羣臣力諫。上皇亦以爲言。不聽。權大納言藤原經宗、參議檢非違使別當

藤原惟方、有寵。恃勢弄權。因勸帝親政。上皇聞之不悅。流二人於遠方。自此兩宮不協。政令出於二途。國事日

壞。

第四節 平氏專政時代

先是攝政關白之職出現。歷代設置如正官。政權皆歸之。於是三公等於虛設。後三條即位後。收政柄入皇室。裁抑攝關之權。自此以後。藤原賴通之子孫。雖代代襲充攝關。備員而已。後三條係三條皇女禎子內親王所生。與藤原氏無血族關係。即位以後。立後朱雀皇女馨子爲皇后。自此以後。皇后一職。爲皇女、皇族源氏女。與

藤原氏宗女之共有物。外戚與攝關分離爲二。藤原氏之勢力日衰。白河禪位以後。政權入於上皇。非院中人不得與聞政事。攝關一職。益成贅旒矣。

平氏者。本桓武天皇之後。貞盛以後。降爲武人家世不顯。貞盛之玄孫忠盛。自白河時始用事。歷事五朝。位至刑部卿。子清盛以保元平治之戰功。敍正三位。拜參議。尋敍從二位。累遷大納言。是爲武臣超拜公卿之始。二條在位七年。一一六五至。太子順仁即位。是爲六條天皇。年甫三歲。後白河上皇仍聽政。後白河第二皇子憲仁。係清盛內姊平滋子所生。清盛因勸後白河立爲六條太子。時年六歲。以叔父爲從子皇儲。以三歲之天皇。而有六歲之太子。亦前古所未聞也。

六條在位三年。一一六六至。傳位於憲仁。自稱太上天皇。時年甫五歲。稱新院。憲仁即位。是爲高倉天皇。後白河仍聽政。清盛恃上皇勢。頗專橫。後白河厭之。欲去之而未能。乃薙髮。稱法皇。清盛進位內大臣。敍從一位。尋拜太政大臣。復辭職。削髮爲僧。號淨海。建別業於攝津之福原。徙居之。而握政權如故。納其女德子爲高倉中宮。弟經盛教盛俱拜參議。賴盛權大納言。子重盛爲內大臣。宗盛爲近衛大將。知盛爲參議。重衡權近衛中將。凡一門爲公卿者十六人。國司郡司六十餘人。領有三十餘國。權傾人主。富逾帝室。驕奢貪暴。靡所不至。

治承元年。高倉第九。權大納言藤原成親。成經。檢非違使平康賴等。謀起兵誅之。後白河法皇亦與謀。事洩。清盛殺成親等。欲幽法皇。重盛力諫而止。於是後白河與清盛之嫌怨日深。重盛資性忠恪。沈毅有度量。中外屬望。

清盛專政。重盛屢諫爭。兇暴爲之少戢。三年。重盛卒。後白河法皇與關白基房謀。乘清盛不在京。沒收其所領。清盛怒。率兵入宮。免基房以下三十九人官。幽法皇於鳥羽宮。高倉不悅。乃議禪位。

高倉在位十二年。一一八〇一六九至。傳位於皇子言仁。是爲安德天皇。高倉之庶兄以仁。與前兵庫頭源賴政等。舉

兵討清盛。不克而死。是年八月。賴政之宗人賴朝起兵伊豆。今靜岡縣東部伊豆半島其從弟義仲起兵信濃。今長野縣討平氏。

關東豪傑多起兵應之。清盛以嫡孫維盛爲元帥。弟忠度。子知盛。副之。發東海東山二道兵擊賴朝。至富士川。

在今靜岡縣軍潰。維盛等遁歸。東海北陸二道源氏諸宗人各舉兵應賴朝。京都近傍延歷園城二寺僧徒亦舉兵

應之。清盛子清房率兵破園城寺。焚堂塔六百三十七宇。重衡亦以兵焚東大興福二寺。斬首二百餘級。僧徒

之勢稍緝。而外兵日盛。清盛意頗沮。

養和元年。安應第高倉上皇殂。清盛解後白河法皇之幽禁。奉之還宮。聽斷萬機。是年閏二月。清盛卒。次子宗

盛自爲內大臣。輔政。發兵分道擊諸源。皆敗績。壽永二年。安德第七月。義仲與其叔父行家。率東山北陸二道


兵。進屯延歷寺。後白河法皇潛幸其營。宗盛劫安德帝。舉族奔太宰府。後白河與義仲謀。立安德弟尊成爲帝。

是爲後鳥羽天皇。年甫四歲。後白河仍聽政。義仲恃功驕橫。與賴朝爭權有隙。自請總領平氏故地。又請發兵


討賴朝。後白河不得已。許之。賴朝使弟範賴義經擊義仲。義仲拒戰於宇治勢多。二地皆在今京都市東敗死。平氏乘源

氏內訌。復舉兵東上。築一谷城於攝津。今兵庫縣北境移安德居之。屯重兵以備戰。範賴義經既破義仲。乘勝進攻一

谷城。大破平氏兵。宗盛奉安德泛海奔屋島。在今四國香川縣高松市西北次年二月。義經以舟師襲屋島。大破之。宗盛泛海西奔。會範賴已襲取九州。屯兵於豐後。今九州大分縣絕其歸路。平氏還兵至壇浦。在今下關市東門司市北下關海峽內爲義經所追。大敗。清盛之妻二位尼。抱安德帝沈於海。教盛以下皆戰死。宗盛被執。平氏亡。時宋孝宗淳熙十二年。日本後鳥羽天皇文治元年。西曆紀元一一八五年也。平氏自清盛當國。至是凡二十餘年而族滅。大權皆入於源氏。平氏世系表



新著 東洋史 第三編 近古史



第五節 鎌倉幕府時代

初、源賴朝之起兵也。關東豪傑多附之。富士川之戰。擊敗平氏兵。欲乘勝直逼京師。部將千葉常胤等請移據鎌倉。略取常陸陸奥等國。先固根據地。然後大舉西上。從之。營幕府於鎌倉。以和田義盛為侍所別當。主兵柄。大江廣元為政所別當。握政柄。三善康信為問注所執事。掌刑罰。分國號令。皆由此出焉。是為鎌倉幕府之始。賴朝勇武有大略。而殘忍嫉妬。既滅平氏。嫉其弟義經功大。奪其兵。又與叔父行家不和。義經與行家連兵抗賴朝。賴朝擊破之。殺行家。義經走陸奥。依會長藤原秀衡。賴朝請於朝廷。置守護於諸國。置地頭於莊園。世家之私。以監督地方兵政財政。自為總地頭。握財政兵馬大權。徵諸國賦稅以供兵餉。自此以後。國司郡司及領家大地之權。皆入於守護地頭之手。鎌倉幕府漸成政治之中心點。總地頭執行宰相之事。政府大臣等於虛

設矣。

先是藤原氏自清衡以來。累世爲奧羽鎮守府將軍。領有當今宮城、岩手、山形、秋田、青森等五縣地。兵勢甚盛。清衡卒。傳子秀衡。以匿義經故。得罪賴朝。秀衡卒。子泰衡嗣。畏賴朝之威。斬義經。函首以獻。範賴不自安。尋爲賴朝所殺。賴朝嫉泰衡富強。將圖之。文治五年。後鳥羽六年。舉兵擊泰衡。大破之。泰衡走死。於是陸奧出羽皆入於賴朝勢力範圍之內。次年入朝京都。自爲權大納言。兼右近衛大將。賴朝不欲久居京都。尋解兩職。自爲十六國總追捕使。進號征夷大將軍。開府鎌倉。自此以後。世襲此職。握政權者百五十餘年。日本國內主權者之位。置一變。而卒不肯稱王稱帝。聊以自娛。累世將軍仍奉戴皇室爲共主。退居於臣子之列。自賴朝開此例後。足利尊氏、織田信長、豐臣秀吉、德川家康等皆踵其轍。島國英雄。只自命爲桓文。不願自居於操莽。就大陸人之眼光觀之。亦異事也。

賴朝在職十年卒。子賴家襲職。時年十八。母政子攝政。政子之父北條時政。爲源氏創業元勳。自賴朝以來。久握政柄。至是與其子義時。及大江廣元、三善康信、和田義盛、比企能員等十三人同輔政。事皆決於時政。將軍拱手仰成而已。

賴家在職四年。疾篤。時政與政子謀。稱賴朝遺命。解賴家職。分國爲二。以賴家之子一幡爲總守護。兼關東二十八國地頭。賴家之弟實朝爲關西三十八國地頭。賴家岳父比企能員聞之。大怒。與賴家密謀誅時政。謀洩。

時政殺能員。夷其族。并殺一幡。幽賴家於伊豆之修禪寺而弑之。立實朝爲將軍。自專國政。暴橫滋甚。惑於後妻牧氏之言。欲弑實朝。而立其壻平賀朝雅。事洩。政子與義時及諸將謀。黜時政。幽於伊豆之北條。殺牧氏及朝雅。於是大權悉歸於義時。

順德天皇建保元年。宋寧宗嘉定六年信濃人泉親衡奉賴家子千壽丸舉兵討義時。和田義盛之子義直、義重、姪胤長等。皆與其謀。事洩。被執。義盛請赦之。義時赦義直、義重。而胤胤長於陸奥。沒收其財產。義盛大怒。舉兵攻義時。義時擊殺之。夷其族。其餘黨復謀奉千壽丸舉兵京都。謀洩。千壽丸被執。自殺。義時自兼侍所別當。總兵柄。於是北條氏之勢日盛。

實朝資性溫雅。長於和歌。然大權不在握。孤立於上。爲權奸所制。嘗鬱鬱不樂。先是賴家被害時。其子公曉年甫四歲。後出家爲僧。補鶴岡八幡宮別當。憤其父慘死。謀殺實朝而代其位。義時復陰使人慫恿之。欲收漁人之利。順德天皇承久元年。宋寧宗嘉定十二年實朝拜右大臣。兼左近衛大將。行拜賀禮於鶴岡八幡宮。義時從實朝至樓門。詐稱疾不肯入。實朝既登樓。公曉自暗中躍出。刺殺之。義時使人捕殺公曉。源氏之正統絕。自賴盛至實朝。凡傳三世。二十七年而亡。史稱之曰鎌倉三代時代。


源氏世系表

清和天皇

—— 貞純親王

—— 經基

—— 滿仲



第六節 北條執權時代

實朝既死。幕府大權悉歸於北條氏。義時請於政子。迎賴朝妹之外玄孫藤原賴經於京都。立爲源氏後。襲征夷大將軍職。年甫二歲。義時利其幼弱而立之。自爲執權。握政柄。自此以後。政權入於陪臣之手。天皇拱手。攝關伴食。將軍仰成。冠履倒置。莫此爲甚。皇室貴族多不平。釀成承久之亂。於是陪臣之勢日張。皇室威靈愈不振矣。

先是後鳥羽天皇在位十五年。一一八九至一二一〇。傳位於皇子爲仁。是爲土御門天皇。自爲上皇。在院中聽政。而大

權已入於幕府。朝廷舉動。皆受制裁。上皇不平。密謀興復。鑄兵器。練武士。以爲制服關東之計。土御門在位十

二年。一一九〇至一一九二。傳位於皇弟守成。是爲順德天皇。後鳥羽上皇仍聽政。會北條氏滅源氏。上皇益不平。順德

在位十一年。一二一〇至一二二一。傳位於皇子懷成。是爲仲恭天皇。後鳥羽上皇仍聽政。承久三年。後鳥羽與順德密

謀舉兵討北條氏。土御門以時機不至。力諫不聽。是年五月。下院宣。削奪義時官爵。徵兵於諸國以討之。義時

使其弟時房。子泰時。朝時等。舉兵犯關。陷京都。遷後鳥羽於隱岐。山陰道土御門於土佐。今四國高知縣尋徙阿波。今

國總島縣。遷順德於佐渡。北陸道西小島。是後三上皇皆卒於配所。廢仲恭。立高倉天皇孫茂仁。是爲後堀河天皇。殺與謀

之公卿大臣數十人。沒收其領土三千餘所。以賞戰士。稱爲新補地頭。留時房。泰時等居京師。置府於六波羅

南北。屯重兵以監督朝廷。是後朝廷舉動。皆仰鎌倉鼻息。天皇廢立。胥出其手。史稱之曰承久之亂。

後堀河三年。義時爲其奴所刺而死。泰時代爲執權。握國政。泰時寬厚溫雅。識量過人。改其父所爲。事皇室及

將軍盡禮。持身節儉。勤於爲政。在職十八年。政平訟理。四條天皇仁治三年。宋理宗淳祐二年。泰時卒。孫經時襲職。越

四年卒。弟時賴襲職。是時將軍賴經在職已久。憤北條氏跋扈。常欲圖之。讓職於其子賴嗣。陰與時賴之從父

光時。及三浦光村等。謀誅時賴。事洩。時賴流光時於伊豆。殺光村夷其族。遷賴經於京都。廢賴嗣。迎立後嵯峨

皇子宗尊爲大將軍。自此以後。將軍一職。爲皇子所有。北條氏奉皇子爲傀儡。竊弄威福。日益恣橫。時賴留心

政事。得士民歡心。後深草天皇康元元年。宋皇宗寶 紹四年時賴卒。子時宗尚幼。叔父長時攝職。逾年卒。叔父政村攝職。龜山天皇文永三年。時宗就職。政村佐之。適值元室勃興。後高麗望風降附。東亞局面。將有統一於蒙古民族之勢。遣使渡海。諭日本入朝。時宗倔強不服。於是東征之役起。蒙古民族與大和民族之衝突。始出現於世界。倭寇之禍。從此始矣。

鎌倉將軍略譜

源賴朝義朝子初名兵衛佐小名鬼武者

在職九年年五十三

執權北條時政

源賴家賴朝子小名萬壽

在職五年年二十三

執權北條時政

源實朝賴家弟小名千幡

在職十七年年二十八

執權北條時政、義時、

藤原賴經道家子

在職十八年年三十九

執權義時、泰時、經時、時賴、時房、

藤原賴嗣賴經子

在職八年年十八

執權經時、時賴、重時、

宗尊親王後嵯峨帝皇子

在職十五年年三十三

執權時賴、重時、政村、長時、時宗、

惟康親王宗尊親王子

在職二十四年年六十二

執權時宗、義政、業時、貞時、宣時、

久明親王後深草帝皇子

在職二十年年五十五


執權貞時、宣時、師時、時村、宗宣、

守邦親王久明親王子


在職三十五年年三十三

執權貞時、高時、守時、師時、宗宣、顯時、時基、貞顯、

北條氏世系表



源賴朝與藤原賴經血統關係表



第十八章 元世祖之東征與倭寇之猖獗

第一節 黑的股弘之奉使

日本自宇多天皇時代。罷遣唐使。與中國斷絕交通。自此以後。經過五代兩宋。凡三百餘年。除去佞客僧徒私渡外。始終無正式國際關係。蒙古勃興以後。兵力所及。望風降附。歐亞兩洲民族。除最北最西一部分外。幾乎皆入其勢力範圍。獨日本一島國。巋然獨立於東海中。不肯低頭納款。蒙古人憾焉。世祖至元二年。宋度宗咸淳元年日宗禎六年西曆紀元一六六八年。使黑的股弘。介高麗致書於日本。語多威嚇。至耽羅。遇暴風。不至而還。四年。高麗元宗遣潘阜齋國書及元之國書使日本。至太宰府。留五月。候鎌倉幕府消息。不得要領而還。五年。世祖復遣黑的股弘。持書抵對馬島。日本拒而不納。僅執其二島民。一曰塔次郎。一曰彌次郎而還。世祖召見。待之以禮。諭以欲

其國來聘。並非逼迫。但欲耀名之意。六年。命高麗奉中書省牒。送還所執者。亦不報。

第二節 趙良弼之奉使

會趙良弼自請奉使。世祖憫其老。不許。固請。乃授祕書監以行。給兵三千衛送。良弼辭。獨與書狀官二十四人俱。七年。申命高麗送國信使。通好日本。期必達。舟至筑前今津島。在今福岡縣西北境博多灣西津吏望見使舟。舉刃相向。良弼登岸宣旨。今津守延入板屋。以兵環之。滅燭大譟。良弼凝然自若。天明。太宰府吏陳兵四山。問來狀。良弼數其不恭。仍諭以禮意。府吏求國書。良弼不與。越數日。復來求書。且曰。「我國自太宰府以東。上古使臣未有至者。今大朝使至。而不以國書見授。何以示信。」良弼折以隋唐故事。詰以何獨不見元使。復索書不已。詰難往復數四。至以兵脅。良弼終不與。但願錄本示之。舊唐書云日本素號知禮國王君臣寧肯沒為弗思之事如即發使與良弼偕來其或猶豫以至用兵夫誰所樂為王其審圖之。太宰府知不可屈。乃致副本於鎌倉。而遣彌四郎者入朝。世祖宴勞遣之。時日本傳聞蒙古強盛。頗懷疑懼。京都朝廷修禳兵法。太宰府送良弼於對馬。九年。良弼遣書狀官偕日本使二十六人先歸。謂「太宰府西守護所言。王京去此尚遠。願先遣人從奉使回報。」至京師。求見世祖。疑國主實使之。而詐云守護所。詔下廷議。皆以為然。謂彼懼我加兵。故發此輩伺吾強弱。乃屏不令入見。尋遣還。復命高麗再致書。令必通好。仍不報。十年。良弼還。具陳日本不恭狀。并及爵號州郡風俗土宜。世祖怒。用兵之意遂決。

第三節 錫都之役

十一年。使錫都等率師東征。高麗以兵助戰。尋復以忽敦洪茶邱爲總管。與高麗將金方慶等。以蒙古、漢高麗兵一萬五千。戰艦九百。發合浦。拔對馬。轉攻壹歧。陷之。遂及肥前沿海郡邑。舍舟登岸。騎而進。至今津佐原百道原赤阪諸地。還上舟。會矢將盡。又大風雨。多觸礁。遂還。

第四節 范文虎之役

十二年。復遣使杜世忠等齎書往。高麗導送達長門室津。在今下關西北沿日本海至太宰府。送之鎌倉。是時北條時宗執權。取鎖國主義。堅拒元使。至是復以書辭無禮。竟殺世忠等。會方有日本商人持金來中國易銅錢。世祖許之。建淮東宣慰司於揚州。命沿海官司通日本商舶。及聞世忠等見殺。復決計聲討。先遣周福等致書。暫緩師期。至則又見殺。是時宋室已亡。內地無警。至元十八年。日本後宇多天皇弘安四年。命錫都范文虎等帥師十五萬東征。一偕高麗兵發合浦。一發江南。兩軍會於壹歧。平戶。即元史之平遠。在今長崎縣西北境等處。錫都兵先至對馬。遂進攻壹歧。至太宰府。府告急於鎌倉。時宗議遷二上皇。後繼蟻。而徵兵守京。元兵所至。人竄匿。聞兒啼輒搜捕。至有先殺兒而遁者。戰於志賀島。今福岡縣博多灣北之半島。小獲利。遂進至宗像洋。今福岡縣宗像郡西北洋面。文虎兵適會。泊於能古志賀二島。時日本諸道兵皆會。而元兵之在筑肥間者。樓船蔽海。以鐵鎖聯舟爲營。列弩外向。日本船小。不能仰攻。輒敗沒。破聲震天。諸國洶洶。民有飢色。謠言四興。願元將多苦航海。議攻議退不相下。又不卽決。金方慶力主進攻說。不聽。遂移泊鷹島。即元史之五龍山。在今佐賀縣西北伊萬灣內。會復見颯。文虎氣餒。擇堅艦先走。尋風大作。艦多覆沒。諸將皆棄

軍歸。其在鷹島下者數十餘萬人。推張百戶爲主。方伐木造舟欲還。日本人來襲。多死。餘二三萬人。被虜至八角島。盡殺蒙古、高麗、漢人。而留新附軍。卽南謂爲唐人。不殺而奴之。是役。元全軍十五萬人。歸者不及五之一。文虎所帥江南軍十萬。歸者三人耳。諸將歸。尙掩飾敗狀。尋江南殘卒于閩等逃還。始言其實。高麗兵一萬。死者六七千餘。時宗仍令嚴海防。命九國軍番戍。明年寇高麗邊海。燒居室掠子女而去。王疇復發蒙古軍戍全州。且助兵艦百五十。備再舉。二十年。加疇征東行省左丞相。欲復發兵征進。詔各路拘水手。造船艦。民不勝苦。廷臣多諫止。不聽。

二十一年。遣王積翁與補陀卽浙江會稽道定海縣東之普陀山僧如智。航海使日本。舟人有不願遠行者。共謀殺積翁。使命終不達。會趙良弼言。日本俗很勇嗜殺。地多山水。得其人不可役。得其地不加富。不如勿擊。便世祖納之。又直西南用兵。無暇兼顧。乃下詔罷征日本。專事安南。自是元不復東窺。日本九州之邊民。遂乘隙侵略中國內地。倭寇之禍。遂與元代相終始矣。

第十九章 元世祖之南征與海南諸國之內屬

印度支那半島地方。唐時曾羈縻於中國。唐衰。復分離而獨立。蒙古憲宗在位時代。命世祖將兵南征。滅大理。降安南。一時勢力範圍。擴張至現今法領越南北部。世祖卽位以後。復命諸王桑阿克達爾、鎮南王託歡等分道南征。緬甸、交趾、占城、及南洋羣島諸國。皆陸續內屬。元室威靈。班及於海外矣。茲述其事蹟如左。

第一節 緬之征伐

緬。卽古西南夷之朱波。漢之掸國。唐之驃國。宋之緬。崇寧四年云緬與蒲甘。次年云蒲甘入貢。蓋舉其都城。今之英領緬甸與車里老邁等九宣慰是也。蒙古自滅大理。西南境直與緬接。時緬王都忙乃甸。卽今曼德勒城 Mandalay 明一司合稱西南十慰。武紀名阿羅漢。今阿刺干部 Arakan 在緬甸南境。緣馬耳他萬海隅。略暹國。振威於後印度。世祖至元八年。大理等處帥府遣人使緬。招諭其王內附。尋導其使來以聞。十年。詔遣使往諭。不應。十二年。金齒土司阿郭以事怨緬王。上言緬人之來。乃爲覘國。已願招成黨內附。且陳入緬有三路。一由天部。馬一由金齒境。俱會於緬之江頭城。願爲嚮導。十四年。緬人怨金齒千額總管阿禾內附。攻其地。欲立砦於騰越永昌間。時大理路蒙古萬戶忽都等。奉命伐永昌。西未降部族。駐南甸。阿禾告急。忽都等疾行赴援。與緬軍遇於汗干。蒙古軍僅七百人。緬衆約四五萬。象八百。馬萬匹。忽都下令。賊衆我寡。當先衝河北軍。乃分軍爲三隊。戰敗之。追擊。再敗之。破其十七砦。遂北轉戰三十餘里。敵衆及象馬自相蹂躪。死者無算。蒙古軍無一死者。尋雲南省復遣尼雅斯拉鼎。率蒙古纍燹等軍征緬。至江頭。疑卽今八莫城 Tamu 在騰越道西南。緣雅魯藏布江。招降土戶凡三萬五千二百。以天熱還師。具言可擊狀。十九年。遂遣諸王桑阿克達爾。督諸軍往擊之。次年。分道攻破江頭城。二十二年。緬王遣使乞降。不果。二十三年。益兵進征。拔太公城。次年。至忙乃甸。會緬王庶子作亂。幽王世子及大臣等。元使亦遇害。大兵進破蒲甘。緬王南竄白古。復汎海至錫蘭。大兵死者七千餘。以糧盡班師。緬王始還其國都請降。乃定歲

貢方物。於甘緬城置邦牙宣慰司。以兵戍之。於是自今西覽東南。至散處阿撒母 (Assam) 在緬甸西北 接東印度。境

金齒諸夷。及暹國。 古扶南 今暹羅皆相繼入貢。成宗大德元年。册封緬酋的立普哇拿阿迪提牙爲緬國王。賜銀印。

第二節 占城安南之征伐

占城。今法領印度支那中國交趾地。唐以前爲林邑國。卽秦象郡之林邑縣。 今爲廣和城 亦曰街莊。漢改林邑爲象林縣。

屬日南郡。漢末。邑人區連。乘中原喪亂。殺縣令。稱林邑王。是爲林邑建國之始。後世或入貢。或自帝其國。中國

未嘗羈縻之。晉初。區氏嗣絕。外孫范熊繼立。林邑遂世爲范氏。劉宋文帝元嘉中。交州刺史檀和之等擊破之。

隋文帝仁壽末年。驩州道總管劉方攻克其地。分爲蕩、農、沖、三州。尋改爲比景、海陰、林邑、三郡。隋亂。故王范梵

志復王其地。唐太宗貞觀中。范氏嗣絕。肅宗至德中。國人立范氏戚諸葛地。更號環王。憲宗元和初。入寇驩愛

等州。安南都護張丹擊破之。遂棄林邑。南徙於占。號占城國。 今之平順城卽後阮福 映所封之棧奈是也。周世宗顯德中。及兩宋。常

遣使入貢中國。受封册。所統州大小三十八。通不盈三萬家。宋孝宗淳熙中。襲破真臘。 今柬埔寨及 法領下交趾。寧宗慶元

中。真臘大舉復讎。俘殺幾盡。更立真臘人爲王。遂爲真臘屬國。元初。臣於安南。世祖至元十五年。索多以江南

已平。遣人至占城招撫。還言其王有內附意。詔遣使册封爲占城郡王。諭使入朝。十七年。其王表貢請降。十九

年。命索多卽其地立省以撫治之。王子補時負固弗率。凡使臣經其國皆見執。世祖怒。命索多討之。破其城。王

子遁入山谷。遣其臣寶脫秃花陽納款以緩師。而潛殺元使皇甫傑等百餘人。索多等久乃覺其詐。遣兵攻之。

轉戰至木城下。阻隘不敢近。敵兵旁截歸路。軍殊死戰。得出。遂引還。世祖怒占城叛服不常。詔封皇子託歡爲鎮南王。與左丞李恆。往會索多兵進擊。復以安南與通謀。令軍行。假道於其國。且徵助兵糧。

初。安南聖宗光昺之請降也。元詔諭以六事。一王親朝。二質子弟。三編民數。四出軍役。五納賦稅。六置達嚙噶齊以監臨其地。又索流寓回鶻。責光昺受詔不拜。及待元使不以王人禮諸罪。光昺於元要索皆不應。表請罷本國達嚙噶齊。元亦不許。且促踐前六事倍急。

至元十四年。光昺卒。子日烜嗣。元又責以不請命自立。趣使親朝。日烜累表陳情。詔諭以「如不自覲。則積金以代爾身。兩珠以代爾目。副以賢士方技子弟工匠各二。以代爾士民。不然。修爾城。整爾軍。以待我師。」職此諸端。兩國故積有嫌。至是復徵助軍糧。日烜仍拒親朝及助軍。但允稍供糧於境上。

二十一年。瓊州上言。交趾通謀占城。遣兵船爲應援。日烜書辯。不省。元兵壓境。日烜言其國至占城。水陸非便。遣兵分道拒守。託歡屢移書假道。不納。益修兵船。爲迎敵計。託歡乘間縛檣爲橋。渡富良江。與日烜大戰。破之。索多軍亦自占城來會。自入其境。大小七戰。亡地二千餘里。王宮四所。先是日烜於十六年。已禪位於太子吟。是爲仁宗。自爲太上皇。至是父子奔清化。其弟益稷率所屬來降。然交兵雖敗。而勢猶盛。適盛夏淋漓。軍中疫作。死傷者衆。占城竟不可達。乃謀引兵還。交趾上相陳光啓等率諸路兵追襲。軍潰。李恆戰死。託歡等走。索多軍相去二百餘里。猶未之知。兩趨脫歡營。交人邀諸乾滿江。富良江別流力戰而死。

二十四年。復詔託歡。與右丞程鵬飛。參知政事樊楫等。督諸軍擊安南。分兵三道。水陸並進。凡十七戰。皆捷。遂深入其境。日烜再棄城入海。託歡追之。會天氣暑溼。將士多疾疫。不能進。諸蠻復叛。所得險隘皆失守。遂謀引還。日烜復集散兵守東關。在安南北境。退託歡歸路。諸軍且戰且行。日數十合。賊據險竊發毒矢。樊楫與右丞相阿巴齊戰死。託歡走還。日烜尋遣使來朝。進金人自代以贖罪。二十七年。日烜卒。子日煇即遣使來貢。三十年。日煇禪位於太子焯。是爲英宗。即元史之陳日煇。其後朝貢不絕。占城王已先於二十一年。遣其孫奉表歸款。至是乃俱罷兵。

第三節 海外諸番國之征伐

海外諸番國。惟馬八兒。Malor 今南印度麻打拉薩 Madras 之屬部馬拉巴爾 Malabar。與俱藍。Couzin 即宋史之注盞明史之小葛爾今馬拉巴爾北境之加那拉部。足以綱領諸國。而俱藍又爲馬八兒後障。比餘國最大。至元間。索多招諭諸番。占城馬八兒。俱奉表稱藩。惟俱藍諸國未下。十六年。遣使招俱藍。次年。至其國。國王附進降表。約來歲入貢。再遣使往招諭。十八年。自泉州入海。行抵僧伽那即羅山。即羅山。阻風乏糧。乃先往馬八兒國。欲假陸路以達俱藍。其國宰相二人。私輸款於元使。十九年。使抵俱藍國。王拜受詔。遣其臣入貢。時也里可溫及木速蠻等會。皆在其國。聞元使至。相率來告。願朝貢。蘇木達今蘇門答臘國亦因之乞降。使還。復說下數小國。至二十三年。來朝貢者國凡十。時諸國多奉回教。王號算彈。人名亦多襲大食之遺。

世祖撫有四夷。其出師海外諸番者。惟瓜哇 (Java) 之役爲大。瓜哇卽古闍婆國。劉宋文帝元嘉中。始與中國通。其後復絕。至宋太宗淳化中。其王木羅茶遣使來朝貢。徽宗大觀中。復入貢。元初。與瓜哇通使。往來修好。後其王慧元使之面。使還。世祖怒。二十九年。遣史弼等將兵三萬。舟千艘。討之。師會於泉州。自後渚啓行。三十年。至柯欄山。今巴當島在瓜哇西北。梁羅洲西蘇門答臘東。議方略。進至吉利門。瓜哇正北。瓜哇海中。及杜並足。瓜哇島北岸。分軍下岸。水陸並進。水軍自杜並足由戎牙路。今馬都拉小島於麻喏巴歇。今馬溜浮梁前進。赴八節澗。尺灘馬步軍。自杜並足陸行。會瓜哇國王爲隣境葛郎國所攻殺。其壻土罕必闍耶舉國降。遣人來迎。大軍會於八節澗。澗上接杜馬班。今蘇拉巴雅在瓜哇東北。王府。下通菴奔大海。乃瓜哇咽喉必爭之地。又其謀臣希寧官。沿河泊舟。觀望成敗。屢招諭不降。諸將於澗邊設營。留兵守河津。而率水陸軍並進。希寧官懼。棄船宵遁。獲鬼頭大船百餘艘。留重兵鎮澗及海口。大軍方進。土罕必闍耶遣使來告急求救。軍進至麻哈巴歇。屢敗葛郎兵。旋分軍三道伐葛郎。水軍汭流而上。一軍由東進。一軍由西進。土兵繼其後。與葛郎兵十餘萬交戰。自卯至未。連三戰。敵敗奔潰。擁入河死者數萬人。殺五千餘人。葛郎國王入內城拒守。元軍圍之。且招降。是夕。國王哈只葛當出降。撫諭令還。旣而土罕必闍耶潛叛去。留軍拒戰。元將遇害者數人。軍士死者三千餘人。弼等力戰禦之。得還。遂并取哈只葛當妻子宮屬百餘人。及地圖戶籍。所上金字表以還。時亦一再遣使招諭瑠求。卽隋之流求。今日本沖繩縣。卒以言語不通。不得要領。僅掠其生口百數十人而返。然元自是國威播於南洋焉。

第五期 漢族勢力恢復時代

第一章 宗室諸王之構兵與蒙古大帝國之瓦解

中國自古以來。相傳治國之大法有二。一曰父子相繼主義。所以泯宗室之紛爭。一曰中央集權主義。所以杜強藩之跋扈。凡此者。皆歷代英主。經過幾許艱難閱歷。始決定之方針。從之者吉。違之者凶。莫或易之者也。獨蒙古建國規模則異。是蒙古國勢偉大。非一世英雄。有統御全國之能力者。不足以爲共主。乃創爲庫魯泰大會議。由宗室諸王大臣與諸藩。聯合選立君主。於是父子相繼之制度破壞。蒙古幅員遼闊。種族龐雜。非廣建羣藩。厚其勢力。不足以制服異族。乃建立四大汗國。統轄歐亞各民族。於是中央集權之制度亦破壞。其始也。太宗定宗相繼嗣位。宗室輯睦。尙無間言。及定宗崩。錫哩瑪勒與憲宗爭位。而內亂一作。憲宗崩。阿里克布克與世祖爭位。而內亂再作。於是海都以諤格德依汗國勢力。闕於北。都幹以察罕漢汗國勢力。闕於西。諸王納延與哈丹勢格都兒等。闕於東。與世祖爭大汗位置。奇卜察克汗國君主忙哥帖木兒 (Mangu Timur) 伊兒汗國君主阿八哈。復從而交闕於其間。世祖竭全國兵力。與之角逐於外蒙古。僅得蕩平納延哈丹勢格都兒等兵。而海都都幹竟不服。及成宗嗣位。海都之子徹伯爾。與都幹相繼歸命。諤格德依汗國旋爲王師所滅。然西方三大汗國。自是不服中央命令。互相構兵。又時與大汗國衝突。中央自成宗逝世以後。歷代君主。多爲權臣所擁立。丞相專權。天子守府。忙於內亂。更無餘力以經略域外。於是蒙古大帝國遂瓦解。復成列國對立。

之形勢矣。茲述其事蹟如左。

第一節 蒙古內亂之遠因

初，太宗之在位也。以孫錫哩瑪勒太宗第四子庫春子魯作失烈門爲嗣。太宗在位十三年。以宋理宗淳祐元年西曆紀元一

病酒而殞。第六后蕭瑪錦魯作乃氏奉遺詔。稱制於和林。皇子庫裕克得囚間。倉猝自歐洲來奔喪。后欲立爲

太宗嗣。特巴圖來會議。而巴圖托病。屢愆行期。后臨朝之四年。乃集諸王百官。開庫魯泰大會議。立庫裕克。淳

祐六年西曆紀元一。庫裕克即位。是爲定宗。在位三年。以淳祐八年西曆紀元一。殞。后烏拉海額錫魯作翰兀

抱皇姪錫哩瑪勒聽政。凡太宗子孫。多主張遷太宗遺詔。立錫哩瑪勒爲大汗。諸王大臣不從。後二三年。諸王

巴圖。大將烏特哩哈達魯作兀其合。台蘇布特子等。一再開庫魯泰大會議。巴圖首建議推戴莽賽扣。衆皆聽之。淳祐十一

年西曆紀元一。東西諸王將。其推莽賽扣卽大汗位。是爲憲宗。

憲宗卽位以後。錫哩瑪勒及諸弟心不平。憲宗誅其黨與。殺定宗后及其用事大臣。禁錮錫哩瑪勒於摩多齊。

在和林門北。魯作沒脫赤。分遷太宗系統諸王於各邊。定其封地。太宗舊部軍。別擇親王將之。以防其擁衆爲亂。遣使詣察

罕臺。審地及曠地。察究違命諸臣。凡附太宗後者皆逮究。復遣兵巡察奇爾濟蘇等處。頒便宜事於國中。罷不

急之役。凡諸王大臣濫發牌印詔旨。宣命盡收之。自此以後。蒙古內政始歸一。然而分離之端兆於此矣。

第二節 阿里克布克之亂

宋理宗寶祐五年。憲宗七年憲宗與世祖率師分道南侵宋。命少弟阿里克布克舊作阿里不哥居守和林。以阿拉克岱爾輔之。越二年。憲宗殂於軍。世祖引兵北還。諸王哈丹、穆格、塔齊爾俱會於開平。在今察哈爾東北道獨石縣東北。輜輳自西域遣使勸進。惟阿里克布克不至。廉希憲等力言：「先發制人。後發人制。逆順安危。間不容髮。宜早定大計。」世祖然之。遂不及待庫魯泰大會議。遽自立爲蒙古大汗。阿拉克岱爾及六盤守將等密謀推戴阿里克布克。世祖使廉希憲宣撫陝西以制之。次年。阿里克布克稱帝於和林。憲宗諸子及察罕臺系諸王皆附之。世祖遣伊遜克太祖次子將兵挫其前鋒。尋自將征之。時阿拉克岱爾等關隴之軍。已爲廉希憲所破。阿里克布克駐謙謙州。今克穆克穆齊克西史謂阿里克布克夏居阿爾泰冬居奇爾濟蘇所轄境即其母湯沐地寬廣三日程近阿爾泰河懼兵力不敵。遣使約歸款。世祖允之。遂自和林還京。留伊遜克駐防。次年。阿里克布克襲敗伊遜克兵。復據和林。進兵至漠南。世祖復自將征之。戰於寶默圖諾爾。在今獨石口外敗卻其衆。阿里克布克北遁。王師不窮追。越十日。阿里克布克回軍再戰。不克。旋北遁。尋與察罕臺嗣王阿魯忽貝達爾子克布克阿魯忽子所立。構兵。所部羣非議其同室操戈。棄之他適。阿里克布克無兵無饒。無援。形勢日蹙。至元元年。與憲宗諸子及諸謀臣來歸。世祖皆宥之。但誅其謀臣等。然其黨海都仍據地稱兵。屢徵不至。遂釀宗藩之亂。蒙古大帝國之分裂。從此始矣。

第三節 海都之亂錫勒濟之亂與納延之亂

一、海都之亂 海都者。和碩舊作碩合失王子。太宗諸孫也。太祖征西夏。和碩生。西夏爲河西地。蒙古稱河西音如和

碩。神爲合申以命名。志武功也。和碩早卒。太宗痛之。自此蒙古諱言河西。惟稱唐古特。西夏立國始唐時。曾賜國號。碩爲圖伯特今西人稱西藏族爲圖伯特族本此。憲宗二年。定太宗後王分地。遷海都於海押立。在今阿拉套嶺西北巴勒喀什湖東南北接阿爾泰山西支。海

都自以太宗嫡系。不獲嗣大位爲憾。而憲宗奪太宗後王兵柄。志不得逞。憲宗六年。斷事官石天麟使北邊。海

都竊留之。不使歸。世祖初。附阿里克布克。攻宗王察罕臺汗阿魯忽。察罕臺孫爲所敗。及阿里克布克降。仍自恃路

遠。朝使屢徵。皆以馬瘦道遠爲辭。不應召。世祖推恩諸王。亦賜以金帛。並以蔡州分隸之。而海都有異志。區區

歲賜分地非所慕。又權略過人。善於籠絡。卓齊特後王如伯勒克等咸與善。太宗分地在愛密爾河者。亦多屬

之。其南境與察罕臺汗國接壤。至元三年。阿魯忽薨。世祖遣八拉克察罕臺孫歸國嗣位。欲藉其力以制海都。八

拉克與海都戰於錫爾河。敗其兵。掠人畜無算。宗王奇卜察克汗忙哥帖木兒巴圖孫助海都兵。回攻而勝。八拉

克退至河南。脅布哈爾撒馬爾罕民戶助軍實。備再戰。會有爲之和解者。乃罷兵。而布哈爾等地。海都亦得分

其歲入。八拉克西攻伊兒汗汗阿八哈。精魯長子海都亦助以兵。七年。八拉克戰敗歸。旋殂。閱再傳皆短祚。海都軼

立八拉克子都幹。舊作爲哇得其助。於是窩闊臺系統與察罕臺系統聯合爲一。與元室抗。海都之勢始劇矣。

二、錫喇勒濟之亂。先是海都叛迹漸著。廷議致討。世祖謂宜懷之以德。遣使詣海都。海都悅其辯。厚贈之。又

詣忙哥帖木兒處計事。忙哥允爲外應。襲海都。後忙哥兵果至。海都禦之。而八拉克又至。乃乞和於忙哥。忙哥

罷兵。且助以軍五萬。合敗八拉克。海都由是無西顧憂。復與八拉克之子都幹和。於是奇卜察克察罕臺窩闊

臺三汗國聯爲一系。以與元室抗。至元十二年。海都都幹以十二萬衆。圍高昌。即輝和爾王火赤哈兒的斤於火州

城。久之始解。於是救追海都八拉克金銀符。次年。命丞相安圖。輔皇子北平王諾摩罕。備邊於阿力麻里。諸王

錫喇勒濟。舊作昔里吉脫脫木兒。舊作托克木兒等咸從。先遣使諭海都。令罷兵來朝。海都聽命退軍。而安圖軍已克火

和火。即宗王忽魯大王都曲。盡獲其輜重。海都地隣火和。懼安圖乘勝侵略。乃遣使者歸。以安圖之事上聞。明非已罪。

十四年。脫脫木兒等合謀。夜劫諾摩罕。并執安圖。遣使通好於海都。海都弗納。諸王叛者相屬。西書謂太宗後

子後裔世祖命巴延北征。遇其衆。遏於鄂爾坤河。夾水而陣。相持既久。俟其懈。麾軍爲兩翼。擊破之。錫喇勒濟

奔雅爾達實河。脫脫木兒奔奇爾濟蘇。巴延襲奪其輜重。錫喇勒濟不能援。脫脫木兒以爲怨。遂附於撒里蠻。

憲宗子裕撒哈實子者。斡木忽兒。阿里克子來從。不聽。與之戰。脫脫木兒敗遁。被執。見殺。撒里蠻失助。錫喇勒濟奪其兵。拘

而致諸奇卜察克汗。中途遇其舊部。奪取返攻。錫喇勒濟衆叛。被執。併執斡木忽兒。將獻諸朝。東經納延地。納

延受斡木忽兒賂。邀劫之。僅以錫喇勒濟來獻。世祖賜撒里蠻以地及軍。而流錫喇勒濟於海島。斡木忽兒旋

詣海都。後亦來朝。

三、納延之亂。二十一年。奇卜察克都指揮使圖圖爾哈克。舊作土土哈奇卜察子拜都察克子等。謀知海都虛實。破其精兵。海

都敗走。得所俘掠軍民。會石天麟語海都以宗親恩義。及臣子逆順禍福之理。海都悔悟。乃遣天麟與諾摩罕

安圖等皆歸。明年。海都復犯邊。圖圖爾哈等共禦之。二十四年。納延。舊作乃顏孫。齊錦四世孫。反於遼東。蓋由海諸王

哈丹。哈津四世孫勢格都兒。哈布圖哈薩爾四世孫等應之。約海都相犄角。海都亦允助兵。世祖恐其聯合。先遣使撫安諸王

納恰等。解其謀。令巴延於和林阻遏海都。而親征納延。自江南行海運至遼河以轉饒。軍疾行。二十五日卽至

其境。分蒙古及漢軍爲二。漢軍以李庭董士選統之。及遼河。納延黨擁衆十萬進逼。世祖親麾諸軍圍之。納延

以軍環衛爲營。堅壁不出。王師三十營。間以漢軍步隊。皆執長矛大刀。軍進退時。與騎卒共乘一馬。及敵則下

騎先進。世祖乘輿。駕四象。輿有戰臺。置中軍旗鼓。或獻計。彼衆我寡。當以疑退之。於是世祖張蓋據胡牀坐。進

酒。敵按兵觀之。不敢進。李庭引壯士十餘人。抱火礮夜入其陣。礮發。敵潰。遂命蒙古漢軍並進。敵軍飛矢及乘

輿前。士選等出步卒橫擊之。戰自辰至午。納延敗走。追獲誅之。帝還京。詔皇孫特穆爾太子精吉木第三子即成宗撫諸軍。

留討哈丹等。

四、海都之猖獗及其薨逝 二十五年。海都都幹迭犯邊。特穆爾鎮金山。屢遣將擊卻之。次年。海都兵至和林。

宣慰使奇卜等叛應之。北鄙大震。世祖親征。皇孫晉玉太子精吉木長子瑪拉木長子與海都戰於杭海。今外蒙古杭愛山失利。被

圍。圖圖爾哈引勁卒陷陣。翼王出。二十九年。諸王穆爾特穆爾叛從海都。巴延敗諸海斯圖嶺。會有譖。巴延與

海都通者。詔授皇孫特穆爾以皇太子寶。撫軍徵巴延還。未發而海都兵復至。巴延欲誘使深入成擒。且戰且

行。七日。諸將固請速戰。還軍擊敗之。海都遂脫去。

是年秋。圖圖爾哈略地至金山。獲海都之戶三千餘。進攻奇爾濟蘇。三十年。師次謙河。踏冰行數日。始至其境。

盡收其五部之衆屯兵守之。海都引兵至。復敗之。擒其將。

成宗元貞初年。海都犯西番界。大德元年。圖圖爾哈之子綽和爾寤作牀北征。踰金山。屢大挫海都軍。是時寧

遠王庫克楚世祖第八子總兵北邊。怠於備禦。三年。成宗命兄子海桑成宗兄達爾瑪巴即軍中代之。軍至金山。奈

曼特部落降。五年。海都都幹大入。兵越金山而南。止於鐵堅古山。今外蒙古札薩克圖汗部右翼後末之區。山因地因高以自保。八月。

海桑與戰於迭怯里古。今底們赤魯海都軍潰。越二日。海都悉衆來。大戰於合刺合塔。今哈喇阿山王師失利。海桑親

出陣力戰。悉援諸軍而出。明日。復戰。軍分五隊。海都乘之。海桑揮軍力戰。突出敵陣後。乃返。綽和爾與都幹相

持於兀兒禿。今阿勒台嶺以精銳馳其陣奮擊。殺都幹兵幾盡。阿什射都幹中膝。號哭遁去。海都雖勝。不能獨留。亦

引軍歸。旋殂。

五、都幹徹伯爾之內訌與謬格德依汗國之淪滅 先是至元二十七年。海都遣兵助伊爾汗國叛將景赤尼

佛魯慈。援呼羅珊。一作賽刺森後乃敗退。於是伊兒汗國與之爲敵。奇卜察克汗國白帳汗鄂爾多魯孫那延。與族

人貴烈克戰。海都都幹助貴烈克。於是那延亦與爲敵。凡十五戰。那延勢不支。時成宗已立。乃遣使入朝。乞王

師與伊兒汗國。三面合攻海都等。成宗將允之。擬大舉親征。爲太后所阻。乃謝以徐議。至是海都殂。或欲立其

子烏魯斯。都幹以已得國由於徹伯爾。亦海都子故援立之。大德七年。均遣使請息兵。詔報使。命置驛以俟其來。八

年。九年。兩使復踵來。各賜銀幣。尋都幹與徹伯爾。以子弟構讐。遽失歡。十年。戰於忽訛徹馬爾罕中路。徹伯爾

敗。再戰。都幹敗。乃議和。將成。徹伯爾部乘多散處。都幹乘其不備。遂躡所轄地。時海桑亦臨金山。追烏魯斯。獲其妻孥輜重。抵雅爾達實河。受穆爾特穆爾諸王降。盡俘徹伯爾家屬營帳。元史曰亦察兒傳云掩取其部人凡兩部十餘萬口餘衆悉潰。徹伯爾僅以三百人奔都幹。窩闊臺汗國亡。海桑駐冬金山。降王禿曲滅復叛。與戰。敗之。自海都倡亂。東西諸王。案蒙古先定東土故太祖諸弟多封於東至太宗以下子孫則多封於西故阿禿曲侯多效尤不靖。垂五十年。至是北邊始悉平。乃處諸降人於金山之陽。而王師屯田於山北。

是年都幹殂。子寬閑立。未二歲而殂。宗王達里忽繼立。都幹次子怯伯乘其飲宴。刺之死。徹伯爾乃與禿曲滅等合攻怯伯。爲所敗。不敢復留。武宗至大三年。遂來朝。禿曲滅行至中途。爲怯伯人所殺。

初世祖以海都叛。詔積其分地五戶絲爲幣。俟其來降賜之。至是徹伯爾來朝。武宗命備述其故以與之。使知愧。設宴大廷。康里脫脫卽席陳西北諸藩始終離合之由。去逆效順之義。且告祀太廟。達里忽既見殺。國人立都幹長子也。先不花。盡併海都故地。謗格德依汗國於是全亡。地悉入於察罕臺汗國。徹伯爾無所歸。遂羈留於中國。仁宗延祐二年。封汝寧王。閱再傳至孫忽剌台。爲泰定帝太子起兵拒文宗。兵敗。不知所終。

第四節 奇卜察克汗國之向背及其對於歐洲諸國之關係

奇卜察克汗國始祖巴圖。自太宗末年建國。盡取歐洲東北部。憲宗二年。西曆紀元一復遣將深入孛烈兒。大掠而歸。三年。憲宗遣使括俄羅斯戶口。六年。西曆紀元一巴圖遣長子掃里答(Sagay)入朝。比至。聞巴圖別。

憲宗令西歸嗣位。道卒。更立烏拉赤。(Ulaqin) 數里答子或謂巴圖子 尙幼。令巴圖元妃輔以聽政。未數月。亦殂。七年。

令巴圖弟伯勒克嗣位。並以其國屢易主。慮屬部有變。特簡親臣出鎮俄羅斯。伯勒克於憲宗初元。將兵衛從。

有翊戴功。比卽位。信天方教。常集教士於鄂爾多。講論教律教理。太祖裔入天方教者。自伯勒克始。始遣官查

閱俄羅斯戶口。計丁出賦。城鎮民數及千若萬者。設官一。而以八思哈 爲蒙古理民主稅之官 三總其事。田賦十取一。牲

畜百取一。教士獨免。諾弗哥羅城不服。他城亦然。幾釀大變。俄王亞歷山大知不可抗。極力鎮撫其民。復自入

謁請罪。伯勒克拘留之。旋病歿。厄加得黎諾斯拉王達尼爾逐蒙古官。併同族地。蒙古將來征。按兵不攻。諱使

歸順。而助攻立陶宛部。(Lithuania) 達尼爾畏威聽命。遣弟從行。征服立陶宛族。次年。諸王諾埃 卓齊特曾孫

等伐孛烈兒。達尼爾之子弟復從征。至克拉科。憲宗崩。阿里克布克僭號。立察罕臺孫阿魯忽嗣汗位。以爲己

助。伯勒克附世祖。不從叛。阿里克布克令阿魯忽備禦西兵。旣而自相戰爭。復議和。而阿魯忽爲伯勒克所敗。

未幾。阿里克布克歸朝。伯勒克軍亦罷。

轄魯旣平報達。 達最後之哈利發亞爾模斯他錫姆。屠戮回教徒無算。卓齊特後王從征至西域者。或以罪誅。

或猝病歿。伯勒克疑爲轄魯所害。令諾埃將兵問罪。戰於打爾班。先敗後勝。埃及王比拔而斯與轄魯有兵怨。

知伯勒克回教。思引爲援。世祖中統三年。發使贈以哈利發家乘。並貽書請勿擾克羅馬。 初東羅馬數爲伯勒克部兵所侵。埃及使

至阻不聽行。比拔而斯 者歸述云。比以白氈製飾以綢緞。再具書代爲請。乃放行渡黑海。經東羅馬境以達。 伯勒克僂禮遣歸。 者歸述云。比以白氈製飾以綢緞。再具書代爲請。乃放行渡黑海。經東羅馬境以達。

使至埃及。致書謂己昆弟四人皆入教。願合約以攻轄魯。比拔而斯優禮款接。復書致幣。並可蘭經纏頭布一方。由麥加禮拜堂取至。以伯勒克不能親詣。遣人代行。故持此以贈。至元元年。復馳書請勿犯東羅馬邊界。二年。西曆紀元一 諸埃南侵伊兒汗國。傷目而退。伯勒克率大軍繼至。相持於庫爾河。(Kur River) 今在特爾士高加宋。今在 諸埃南侵伊兒汗國。傷目而退。伯勒克率大軍繼至。相持於庫爾河。(Kur River) 今在

忙哥帖木兒既立。與海都約和。連兵抗拒王師。諸埃自擅於古爾斯克、河勒爾等地。娶東羅馬王密給爾八世之私生女。助之輔立西不里阿耳王。敗其兵。殺僧立者。忙哥帖木兒亦與東羅馬修好。凡三遣使詣其都。即君 丁 俄羅斯諸王互相讒害。里伯斯克王潛熱列士王嘗天方教。忙哥帖木兒怒。拘王迫其改教。王不從。又因素與蒙古官不睦。遂見殺。里伯斯克王子復潛熱列士王子於諸埃。至元十五年。諸埃引兵擾熱列士地。是年。阿速叛。遣兵往征。烏拉的米爾王狄米得里一世之弟從軍。平其亂。十七年。厄加得黎諾斯拉王。從蒙軍入孛烈兒攻城。爲其別部酋所敗。

十八年。西曆紀元一 忙哥帖木兒殂。弟脫脫蒙哥(Tuda Mangu)立。狄米得里一世爲其弟所讒。十九年。脫脫蒙哥與其弟以一軍。令擾其境。直至諸佛哥羅。狄米得里逃依諸埃。諸埃與脫脫蒙哥不睦。二十年。仍立狄米得里爲王。招致古爾斯克、河勒爾王來從。不聽。諸埃怒。發兵擾其境。明斯克等處王亦不附。諸埃殺之。據其地。以蒙古兵四千。助東羅馬王平北境亂。軍歸。敗不里阿耳境內他族。

二十二年。西曆紀元一脫脫蒙哥諸猶子禿拉布哈 (Tula bughā) 等廢脫脫蒙哥而據其位。西史謂四人共主國事是年冬。發兵侵馬札兒。直至多瑙河。會雪消水漲道濘。敗歸。次年。復入孛烈兒。凡無城堡地悉被掠。會軍中疫作。乃返。忙哥帖木兒第五子托克托。(Toktu) 率衆侵入打耳班。(Darband) 攻伊兒汗國。軍鋒甚利。而國中忌之。乃退軍避他所。潛引諾垓爲援。諾垓設筵招禿拉布哈等至。伏兵殺之。奉托克托卽位。時元世祖至元二十七年。西曆紀元一也。

諾垓既輸立托克托。繼又不聽。旋卒。諸子爭王位內訌。又與托克托構兵。境內紛擾無寧宇。俄列邦王訴其首邦烏拉的米爾王狄米得里一世之過。三十一年。托克托遣兵往討。狄米得里避而之。諾弗哥羅。是年卒。其叔父彌海勒二世立。

先是海都都幹倡亂。西道不通。自忙哥帖木兒後。諸王自擅於遠。不復承奉朝廷。海都卒。其子徹伯爾與都幹皆歸命。托克托首先效順。武宗至大元年。遣使於托克托。自是以後。奇卜察克歷代君主。皆服從元廷。命令

第五節 察罕臺汗國之向背

察罕臺汗國始祖察罕臺。於太宗崩後數月亦殂。孫合剌旭烈忽監國。定宗以傳孫不傳子爲非。令察罕臺子也速蒙哥嗣位。也速蒙哥性嗜飲。事皆決於其妃。憲宗立。命合剌旭烈忽殺也速蒙哥。代其位。旭烈忽奉命行。未至而卒。旭烈忽之妃倭耳干納。行憲宗命。殺也速蒙哥。自監國者九載。中統元年。西曆紀元一阿里克布克

僭號。始立阿魯忽以代之。使爲己援。而徵求無藝。阿魯忽怯於供應。悔從逆。殺其使。將歸命於朝。三年。阿里克布克遣將擊之。戰於布拉城及塞里木淖爾。敗沒。阿魯忽特勝輕敵。還駐伊犁河濱城中。散遣其兵。未幾。敵第二軍繼至。入自鐵門。破阿力麻里城。阿魯忽敗退。踰天山。南至和闐。喀什噶爾。阿里克布克亦至阿力麻里駐冬。阿魯忽復退至撒馬爾罕。阿里克布克久掠阿魯忽之地。戶口逃亡。餽糧無出。又病瘦。部下將士以其多殺阿魯忽之衆。皆蒙古人。自戕同類。羣議其非。多棄之他適。阿里克布克失衆。慮阿魯忽乘弱來攻。乃使倭耳干納借馬思忽惕往議和。阿魯忽娶倭耳干納。任用馬思忽惕。治布哈拉、撒馬爾罕等地。收其財賦。軍勢復振。海都初附阿里克布克攻阿魯忽。爲所敗。及阿里克布克等入朝。王大臣議免其死。世祖命付轄魯、伯勒克、阿魯忽、三王審議以聞。二王皆議亦爲是。阿魯忽則謂己之立非由朝命。未便置詞云。

至元三年。阿魯忽殂。察罕臺曾孫八拉克嗣位。七年。八拉克殂。海都輔立其子都幹。與之聯兵內犯。大爲元廷患。其詳已見於第三節。茲從略。

第六節 伊兒汗國之向背及其對於西方諸國之關係

一、阿八哈之嗣位。伊兒汗國始祖轄魯。自憲宗末年建國。爲元室西南強藩。世祖至元二年。西曆紀元一轄魯殂。長子阿八哈(Abaqa)少從西征。親軍事。有戰功。轄魯受封。令轄東境三部。至是聞訃來奔喪。掌轄魯鄂爾多之首領大臣。曰伊而喀。會諸大將。議遵遺命立新君。阿八哈遜於弟。衆不可。復欲俟朝命。衆以「道阻期

遠。君位不可久虛」爲辭。勸進再三。乃卽位於察罕淖爾。地近哈馬丹 Hamadan 察罕蒙古卽位禮。羣臣從新君朝口。皆解帶置於項。向日九叩首。新君入帳登座。羣臣朝賀如初禮。案元祕史太祖嘗向日將繫帶挂於項上。知當日繫帶。阿八哈自以未奉册命。不敢遽登座。設小座於下以受朝。分遣諸臣掌機務財賦。諸子弟轄諸屬部。古禮儀。

定都於第弗利斯。(Irbil) 在高加索山南。庫爾河上流。冬夏別駐。夏駐阿拉拉特。埃里溫西南山昔耶庫。波斯語謂黑山在伊

駐埃里溫。或報達。或楚喀圖。近哈馬丹

二、阿八哈與奇卜察克汗國之衝突。次年。諾塔將奇卜察克兵。侵至打耳班。在高加索山東麓海西岸。沿黑海裏海間鐵路線。伊兒

汗國邊將與戰於亞拉斯河。(Aras River) 在庫爾河南下。流入庫爾河。無勝負。諾塔傷目而退。阿八哈自至。聞奇卜察克

汗伯勒克親帥大軍南來。乃退渡庫爾河。撤河梁以守。兩軍隔河相持十五日。伯勒克思改道自谷兒只。(Gö-

Orta) 在高加索山脈西境。境進兵。會病卒。軍亦罷。阿八哈遂於庫爾河北特爾斯高加索地。築邊牆。使蒙古及木速而

蠻人邏守。

埃及王比拔而斯 (Rihars) 知阿八哈初嗣位。又北有奇卜察克之難。不遑遠略。乃發兵攻巴勒士登 (La-

lesina) 基督教徒。奪其境內瀕海數地。至元三年。侵小亞美尼亞。亞王海屯一世乞援於阿八哈。援兵未至。

王子立盞已兵敗被擒。比援兵至。敵兵已退。海屯與埃及議和。贖子歸國。旋以老傳位於立盞。時阿八哈東鄰

有警。聽其行成。

三、阿八哈與察罕臺汗國之衝突。是年。察罕臺汗阿魯忽殂。其妃倭耳干納立。謨拔來克沙。前王合剌旭烈忽子時八拉克在朝。世祖命歸國輔治。八拉克返國後。廢謨拔來克沙而自立。與海都戰。旣而修好。思讓阿母河南呼羅珊部以益已封。海都與阿八哈不遇。亟贊成之。五年冬。遣馬素特爲使。陽謂西域故公家地。太祖四子裔皆得分。陰則探道路。闕軍情。旣至。阿八哈厚款之。贈以太祖御服。出示歲計簿籍。明無餘財。馬素特旣得簿籍。不辭而去。先沿途留騎以待。易馬疾馳。阿八哈遣兵追之。及諸河。則已在舟中矣。馬素特旣返。八拉克遂起兵攻伊兒汗國。海都遣兵助之。太宗定宗察罕臺諸孫畢從。分軍爲四。渡阿母河。括境內馬備戰騎。括民間牛。取皮製盾。先遣使來伊兒汗王庭。告以伽色尼及印度河東居中之地。皆應屬已。祖察罕臺。速以相讓。守將不允。八拉克遂自將渡河進軍。會宗王有受舊部餽馬者。用以分贈諸王。因校良劣。起釁忿爭。或引去。八拉克屢勝呼羅珊等處守兵。召黑勒特酋長來謁。許以呼羅珊益封。令毋助阿八哈。且籍呼羅珊富戶姓名以獻。七年。阿八哈自亞塞爾拜然即今波斯西北省名進兵。會世祖遣使赴伊兒汗國王庭。中途爲八拉克所獲。乘間逸去。遇阿八哈大軍。以敵情告。阿八哈自將大軍至徒思。在巴達克山遣使往與八拉克議和。許割伽色尼、克爾曼兩部。八拉克諸將。或謂可以許和。或謂「軍入敵境。宜乘勝進。奈何自沮。阿八哈西鄙多事。必不自至。言自至者安。」或又謂「旣欲和。何必渡河。」議論紛紜。莫衷一是。八拉克乃遣謀往偵。阿八哈大營。覘其果親至與否。邏者獲之。阿八哈欲將計就計。令人僞爲急遞。諱諜入營。謂北兵已過打耳班。卽倉皇傳令。拔營而西。盡棄輜重。殺諜而故。

縱其一自駐兵平原待戰。謀逸者以所見聞歸報。八拉克自將大軍追擊。見阿八哈惟餘空營。委棄輜重甚多。益信爲實。復前行。將出山。突遇阿八哈大隊。分左右中三軍。法爾西、羅耳兵皆從。八拉克軍奮力進戰。阿八哈左軍將敗。老將某見事急。下騎墜坐。慶兵再接。諸軍氣益奮。乃大勝。八拉克墜馬。援他騎而上。始得脫。潰兵渡阿母河。不能成列。至布哈爾。僅餘五千人。以墜馬受傷。乘肩輿入城。海都所遣來助諸宗王多叛去。八拉克復集兵三萬與戰。殺之。使其弟往告海都。海都拘之。自將兵來攻。會八拉克殂。乃引還。時世祖至元七年。西曆紀元一二七〇年也。

阿八哈既勝。仍留將駐守呼羅珊。自引軍西行。至低籠。遇土人行刺。應即木刺夷人羅耳王下馬亟救。得免。益封羅耳旁境及吉西斯坦地以旌其功。是年冬。世祖使命至。錫以冠服。冊封爲汗。阿八哈至是重行即位禮。奇卜察克汗忙哥帖木兒亦遣使來賀。八拉克殂後。其子都幹等與阿魯忽二子合兵攻海都。躡阿母河北地。數戰而數敗。阿八哈諸臣謂「彼之爭。我之利也。然必有一勝。勝者併其衆。禍必及我。宜先擾其地。勿使生聚。」乃遣兩軍。一渡阿母河而北。一自呼羅珊循阿母河而西。擾烏爾根赤 (Urghandj) 基發 (Kiva) 地。至元九年間。河北一軍入布哈爾。焚掠七日。虜民五萬以歸。阿魯忽二子帥兵來追。奪還所俘之半。阿母河北居民益不聊生。後數年。馬素特復來治。始復業焉。

四、阿八哈與埃及之衝突。先是巴勒士登基督教徒爲埃及所攻。數年。兵不解。乞援於伊兒汗國。阿八哈令

駐羅姆將薩馬曼爾帥兵萬人攻埃及以救之。至元八年入敘里亞。抵亞勒伯。埃及守兵皆遁。比拔而斯聞警。自將由大馬士革 (Damascus) 來援。蒙古兵始退。埃及兵取汗曼城而歸。次年蒙古兵又奪汗曼。毀其城。俘其民。當薩馬曼爾起師時。比拔而斯欲與蒙古和。遣使來謁阿八哈。使者無意中偶泄「忙哥帖木兒屢約合兵來攻」語。阿八哈聞之。勃然離座。越日遣歸。和議不成而兵起。九年遣使至大馬色。要比拔而斯自來議和。比拔而斯亦要阿八哈自往以答之。是年冬。蒙古攻貝希斯尼。比拔而斯自將來援。以馬駝負舟。舟可分可合。既至歐夫拉底斯河。步卒乘舟。騎兵泅水。敗守河蒙兵。殺其將。攻城軍乃退。十一年。令阿刺伯人往擾蒙古界。至埃比耳。在麻蘇耳境城。先是至元五年。比拔而斯與小亞美尼亞約。息兵十載。及是方七載。遽以不遵約納貢。及多築城堡事相責。廢前約。次年。入小亞爾美尼亞。分兵赴貝希斯尼。牽制蒙古援兵。大掠而去。是年冬。蒙古將復攻貝希斯尼。以天寒糧乏。退兵。

先是羅姆兩王分治。始共一相。繼各自置相。東王相號配而幹迺。猶言宰相發西王嘗通使埃及事。蒙古監治官以聞。轄魯令殺之。西王逃入東羅馬。時東羅馬方與伊兒汗國修好。以公主妻轄魯。轄魯受之而拘之於別城。未幾。奇卜察克汗伯勒克與不里阿耳人控東羅馬。過巴爾罕山。入其城。黎西王而去。伯勒克殂。忙哥帖木兒封之於撒吉刺之地。東王獨主羅姆全境。而權歸配而幹迺。王如守府。積不能平。配而幹迺復賄結蒙古官。誣王謀叛。既得覆命。宴王於私第。以弓收縊之死。立王幼子。年甫四歲。嗣位。至九年。國中貴臣欲背蒙從埃。與配而

幹迺謀。配而幹迺亦通埃。而陽助蒙。泄其謀。貴臣多逃入埃。以國中虛實告。勸王發兵攻羅姆。至元十四年。比拔而斯兵至亞勒伯。分兵赴歐夫拉底斯河阻援兵。自將兵入羅姆。先敗蒙古小隊。繼遇大軍。凡十一隊。每隊二千人。統以二將。配而幹迺亦以兵從。比拔而斯躬冒矢石督戰。大破蒙古兵。殺其二將。蒙兵死者幾七千。埃兵亦陣亡無算。遂破羅姆。收下各城。配而幹迺奉其王逃避。遣使詣埃及軍賀捷。比拔而斯令歸國治事。以畏蒙古不敢遽應。比拔而斯亦畏蒙古不敢久留。卽班師。羅姆旁近小部曰阿喀蠻。疑即昂哥拉之土耳其人案大德三年土耳其酋阿斯曼始略可尼之伊土米爾據以建國亦叛蒙。冒埃幟。以擾羅姆都城可尼。偵阿八哈將至。乃退。阿八哈聞敗。自將起兵援之。比至戰地。埃及兵已先一月去。阿八哈見積尸如山。大哭。嘗配而幹迺不多出兵以助。怒羅人從埃。大殺掠。大臣力諫乃止。令王弟留掌羅姆兵。歸途經一堡。堡長出謁。請容一言。曰：「汗所讐者埃。今多俘羅民何也。」阿八哈大慚。責諸將不善導已。盡返所俘。旣聞配而幹迺陰結埃及。乃數以三罪一警至不承報一戰而一敗後不即來謁而戮之。遣重臣往羅。整飭庶事。

比拔而斯凱旋至大馬士革。病殂。其長子嗣立。至元十六年。被廢。大將開拉溫奇卜察克人蒙古掠實入欲自立。恐衆不服。立其次子甫七齡。遍樹黨與。旋廢王自立。次年。蒙古兵乘埃內亂。破亞勒伯。下其三城。大掠而去。十八年。阿八哈命弟莽孤帖木兒（Mansu Timur）帥師大舉西侵。谷兒只小亞美尼亞兵皆從。與開拉溫戰於哈馬。賢木斯中界。埃人詐降。臨陣刺莽孤帖木兒墜馬受傷。軍亂。敵兵乘之遂敗。時蒙古右軍已敗埃左軍。追至

賢木斯城下。駐待後繼。久不至。偵知中左軍皆潰。亦亟退。埃兵遂於後。軍渡歐夫拉底斯河。多溺斃。或避入沙漠。亦飢渴死。阿八哈自將爲後繼。破河濱數堡。未渡河而前軍敗。遂退。大恚憤。十九年。歸至哈馬丹。遇暴疾而殂。

阿八哈在位時代。提倡文化。法律、歷算、輿地、音樂家。一時輩出。人才稱盛。境內頗治。又以與東羅馬公主密結爾結婚。故善遇基督教人。與教皇及英法等國。數通使命。

以上所舉史實。蒙古諸宗王或與大汗戰。或自相構兵。同室操戈。紛擾如此。自此以後。大汗及諸汗國。內亂復相繼。於是蒙古大帝國遂瓦解。漸瀕於淪滅之域矣。

第二章 元室之衰亡與韃靼衛拉特之內訌

由來蒙古民族。長於戰爭。短於政治。有元之初。皇族皆英武。以之創業雖有餘。以之守成常不足。此亦天然力與遺傳性有以致之。非一朝一夕所能變更者也。世祖英明。猶不能弭內亂。在位三十餘年。疲於兵役。成宗以後。帝位絕續。恆啟紛爭。權臣因之。藉擁戴功。盜弄國柄。重以順帝之荒淫懦弱。寵幸喇嘛。專擅威福。橫征暴斂。租稅繁重。又濫發紙幣。紊亂財政。復值水旱飢饉頻仍。小民困窮無告。乃鋌而走險。以爲最後抵抗政府之手段。於是漢族革命軍遂起。有元帝室。奔避塞北。復返其洪荒草昧之狀態矣。

第一節 韃靼衛拉特之起原

韃靼衛拉特雖同出於蒙古。而其系統各異。有明初年。二族互訐於北方。成祖用從橫擗闔策。操縱於其間。使之互相牽掣。不爲明室邊患。宣德以後。衛拉特驟強。併吞韃靼。統一漠北。南下與中國爲敵。釀成土木之變。天順以後。衛拉特驟衰。韃靼勢復盛。略取黃河套爲根據地。侵略中國邊境。爲明室患者百有餘年。至隆慶年間。諸達就撫。韃靼始少衰。然明室勢力亦不振。滿洲勃興於東方。併吞漠南漠北。漢族勢力與蒙古族勢力同歸於盡。中國本部及內外蒙古。統一於滿洲勢力之下。漠南漠北復爲一家矣。茲述其事蹟如左。

一、韃靼之起原。先是明太祖初元。征虜大將軍徐達北征。入大都。今北京元順帝走開平。次年。副將軍常遇春

克開平。順帝走和林。逾年。殂於應昌。今內蒙古克什克騰旗遊達里泊近篋子阿裕錫哩達喇。蓋作愛猷是爲昭宗。是年。左副

將軍李文忠克應昌。虜元皇子密迪哩巴拉。蓋作賈的及后妃諸王官屬數百人。昭宗走和林。以大將軍庫庫特

穆爾帖木兒。蓋作鐵摩爲丞相。屢進兵南向。侵略明室邊境。謀恢復中原。不克。洪武八年。庫庫特穆爾卒。十一年。昭

宗殂。子特古斯特穆爾。蓋作脫古立。二十一年。征虜大將軍藍玉襲特古斯特穆爾於捕魚兒海。在今克什克

里十大破之。獲其次子迪保努。蓋作地保奴及妃主以下男女七萬人。馬牛駝羊十五萬匹。特古斯特穆爾北遁。將依

丞相耀珠於和林。行至闐拉河。爲叛將伊遜岱爾所襲。衆遂散。獨與十六騎俱。耀珠來迎。欲共往依庫庫特穆

爾。與前係會大雪。不得發。伊遜岱爾兵猝至。遂遇害。子恩克卓哩克圖立。二十五年。殂。弟額勒伯克尼古塔

蘇克齊立。建文元年。爲衛拉特酋長烏格齊哈什哈所弑。子琨特穆爾帖木兒立。四年。殂。有郭勒齊力赤。蓋作赤者。

篡立。去帝號。稱可汗。去國號。稱韃靼。於是元入塞以來所漸漬濡染之中國聲名文物。一切皆蕩然無餘。復返其游牧民族態度。郭勒齊兵強。南侵明。西攻衛拉特。一時統一漠北。明成祖起兵北平。遣使與郭勒齊聯和。其國公趙岡噶根等率衆助戰。並厚加犒賜。及成祖即位。屢遣使致書。賜之銀幣。並及其知院阿噶台。舊作阿名烏格。庫勒庫爲元太祖弟哈布圖。後裔阿薩特之子。以巴圖丞相命之。實筐拾獲取實筐之意。改名曰阿噶克台。時郭勒齊與衛拉特相仇殺。數往來塞下。救邊將各嚴兵備之。永樂三年。阿魯台別部倉索和爾等。先後來歸。未幾。阿噶台殺郭勒齊。而迎琨特穆爾汗之弟布尼雅錫哩。舊作水。雅失里於別失八里。立爲可汗。即特穆爾汗。成祖以書諭和不聽。遣給事中那驥往使。見殺。帝怒。七年。遣征虜大將軍邱福等五將軍。均靖難功臣。將精騎十萬北討。時韃靼君臣已爲衛拉特所襲破。徙居臚胸河。即河。大兵渡河。輒伴敗以誘敵。福銳意乘之。敗死。全軍盡沒。事聞。帝益怒。念諸將無可任者。遂決意親征。八年。自將衆五十萬。出塞。至臚胸河。更其名曰飲馬。布尼雅錫哩聞之懼。遼阿噶台俱西。不從。衆潰散。君臣始各爲部。君西奔。臣北走。帝追及布尼雅錫哩於鄂諾河。麾兵奮擊。大敗之。布尼雅錫哩盡棄所有。以七騎遁。遂移師征阿噶台。度飛雲壑。一統志明成祖北征度漠驛站自呼倫池。返開平。有飛雲壑諸處。阿噶台乞降。帝察其詐。命諸將嚴陣以待。已而阿噶台果悉衆來犯。自率千騎當中堅。帝自將精騎衝擊。矢下如雨。阿噶台墜馬。遂大奔。追奔百餘里。殲其後隊。遂班師。布尼雅錫哩走依衛拉特。旋殂。子德勒伯克汗立。阿噶台遣使來貢馬。納之。十一年。封爲和寧王。以阿噶台來。經告衛拉特。屬哈木特。其主布尼雅錫哩請發兵討賊。願率所部爲前鋒。故有是命。案蒙古源流。謂勒哲依特穆爾汗蓋善終。而明史以爲見殺。殆實錄據阿噶台所誣告。而書修史者遂誤採之。自是以後。

阿嚕台羈縻於中國。

二、衛拉特之起原。衛拉特舊作瓦剌者亦蒙古部落。在韃靼西。元亡。其強臣孟克特穆爾帖木兒據之。成祖起

兵北平。與之通和。已而孟克卒。衆分爲二。其渠曰瑪哈木特。舊作瑪哈木。元臣孛術赤子。現今四衛拉特

中華噶爾社爾伯特爾部之祖曰太平。曰巴圖博囉。舊作把禿孛羅成祖即位。遣使往告。屢加諭賜。六年。遣使來貢馬。仍請封。次年。詔

封瑪哈木特爲順寧王。太平爲賢義王。巴圖博囉爲安樂王。自是歲一朝貢。十二年。瑪哈木特擁兵飲馬河。揚

言襲阿嚕台。實將入犯。成祖聞警。親征。大破其三部衆於和拉和錫袞。舊作忽爾忽失。溫在和林東斬王子十餘人。部將衆

數千級。追奔度兩高山。至圖拉河。敵皆遁。次年。遣使卑詞謝罪。貢馬。受之。十四年。阿嚕台敗衛拉特。來獻捷。瑪

哈木特尋卒。奉使者歸。言拒命概由彼一人。彼既卒。餘二王皆可撫。因復遣使往勞二王。十六年。瑪哈木特子

托歡即蒙古源流遣使來朝。請襲爵。受封册。及賜祭。自是復奉貢。

三、韃靼衛拉特之衝突。韃靼德勒伯克汗。卒於永樂十三年。厥後曠十餘年無主。宣德元年。科爾沁在喜峯

八百七十里亦哈布圖哈薩爾後裔烏濟錦諾延之子阿岱台吉。擁有蒙古餘衆。自立爲汗。哈爾古楚克特古思特穆爾第三子。遺腹子阿

寨。與其母及阿嚕台。往依之。阿岱汗勢驍張。西征四衛拉特。敗托歡兵而還。

韃靼衛拉特既互相衝突。各欲結好於明。借明之勢力。以驅除異己者。明成祖用雙方離間策。抑強助弱。常使

漠北二大勢力平均。以收互相牽掣之效。先是阿嚕台爲衛拉特所敗。窮蹙來附。數年。生聚蕃富。浸桀驁。拘朝

使。寇與和。今察哈爾與和道與和縣永樂二十年。成祖再親征出塞。阿噶台懼。北遁。帝曰：「阿噶台悖逆。特有烏梁海。」遂移師征之。大捷。次年。復出塞。聞阿噶台爲衛拉特所破。部落潰散。乃駐軍。會別部王子來降。遂班師。二十二年。再舉深入。不見敵。有疾而還。仁宗初年。阿噶台來貢。納之時。阿噶台數敗於衛拉特。其屬先後來歸。勢日益蹙。乃率其屬東走烏梁海。駐牧遼塞。宣宗宣德九年。阿噶台徙居穆納山。舊作母納山。在今烏喇特旗西。爲托歡所襲殺。其子誇博爾齊延。舊作阿只休。等來歸。阿岱汗亦爲托歡所迫。竄額濟納。在外蒙古。今烏喇特旗西。而數擾邊。朝廷遣將追擊。大破之。阿岱汗遠遁。尋爲托歡所殺。托歡既殺阿噶台。遣使來獻捷。且請獻玉璽。勅溫慰而卻之。仍加厚賜。

第二節 烏梁海朵顏三衛之起原

烏梁海。舊作兀良哈。者。故元大寧路迤北境。洪武初。元遼王、惠寧王、朵顏元帥府內附。已數爲韃靼所抄。乃卽其地分置三衛於潢河北。曰泰寧。今土默特阿魯科爾沁等部地。曰朵顏。今喀喇沁、熱河、遼寧等部地。曰福餘。今科爾沁、郭爾羅斯等部地。俾部長各領其衆。互爲聲援。朵顏地險兵強。勢力雄厚。時大寧衛北。尙有全寧衛。全寧衛北。始爲三衛。邊外諸衛。總隸北平行都司。大寧特行都司所治地。終洪武世。未嘗內徙。建文初年。靖難兵起。成祖誘執寧王權。乃選烏梁海三千人爲奇兵。從戰。數有功。及天下既定。遂割大寧近三衛地以與之。自是洪武中所築諸城盡廢。北邊失一重鎮。宣德三年。宣宗巡邊。敗烏梁海之衆於寬河。在今喀喇沁左翼旗。是爲中國與三衛衝突之始。正統初

年。額森居漠北。喀喇沁等部俱屬之。復誘脅朵顏諸衛。窺伺塞下。九年。英宗遣將分道討三衛。稍有斬獲。俱無大功。而諸將並膺封賞。其後逸邊者多以斬擊邀功。由是三衛積怨。遂導衛拉特入寇。景泰元年。三衛乞居大寧廣城。不許。令近邊二百里外駐牧。始更徙而南。然邊外甌脫地尙遠。後至天順末。形勢日蹙。邊牆以外。視爲敵國。大寧始盡爲三衛所有。宣府遼東。聲援日隔。嘉靖十一年。巡撫王大用欲通朵顏。與厚賂。城其霧靈山。在馬關關外。遼化縣境。不果。及萬曆以後。諸酋分部散居。莫能自振。乃折而東。合於滿洲。遂爲殘蘄之本云。

第三節 韃靼之中衰與衛拉特之強盛

先是永樂初年。蒙古族雖內屬。顧分韃靼衛拉特兩部。東西對峙。相仇殺不已。明成祖兩利而俱存之。使之互相牽掣。以收漁人之利。宣德年間。衛拉特會長托歡。襲殺韃靼會長阿噶台於穆納山。復殺賢義安樂二王。盡有其衆。欲自稱可汗。衆不可。乃共立托克托布哈。舊作脫不花以先所併阿噶台之衆歸之。自爲丞相。居漠北。正統四年。殂。子額森也先立。舊作脫不花稱太師淮王。於是北部皆服屬額森。托克托布哈徒擁虛名。不復能相制。君臣並遣使入貢。朝廷亦兩答之。來使漸增至二千餘人。率桀驁不奉法。滋索甚奢。額森饒勇略。攻破哈密。執王及王母。既而歸之。又結婚沙州赤斤蒙古諸衛。破烏梁海。脅朝鮮。邊將知其必爲寇。屢疏聞。是時太監王振專國。不以爲意。十一年。額森攻烏梁海。遣使抵大同乞糧。並請見守備太監。朝廷敕守監毋見。毋與糧。頃之。其部衆有來歸者。言額森謀入寇。托克托布哈止之。不聽。復約諸番共背中國。詔遣使詰問。不報。

自正統初年以來。衛拉特遣使入貢。王振以藻飾太平爲名。賞資金帛無算。凡所請乞無不與。及是貢使漸增至三千。多虛類以冒餼。振怒其詐。令禮部按實予之。所請又僅得五分之一。額森大愧怒。十四年。遂誘脅諸番分道大舉入寇。振欲專權邀功。挾帝親征。王師潰於土木。在今口北道上。儘來縣西。振以下皆死。額森進寇京師。兵部尙書于謙統諸軍拒卻之。次年。額森請和。帝始得歸。

是時衛拉特君臣鼎立。額森專國。兵最多。托克托布哈雖爲汗。兵較少。阿拉知院兵又少。三人外親內疏。其合衆南犯。利多歸額森。而害則均受。英宗被執以後。托克托布哈遣使入貢於中國。時景帝在位。從尙書胡濙王直等議。厚賞賜以間之。

托克托布哈娶額森姊。生子。額森欲立之。托克托布哈以額森專權。積有嫌。靳不許。額森疑其與中國通。將害已。遂治兵相攻。托克托布哈敗走。明景帝景泰三年。額森追弑之。遂乘勝迫脅諸蕃。東及建州烏梁海。西及赤斤哈密諸衛。自立爲大元特克紳大可汗。虐使烏梁海三衛。僞徙其部落於黃河穆納山等地。三衛不能堪。其酋相繼亡歸中國。額森恃強。日益驕橫。荒於酒色。景泰六年。阿拉知院攻殺之。明人謂之韃靼部摩倫汗。拉。奪額森母妻並其玉璽。額森諸子。宋李罕六傳至額森生子二長。博羅納哈勒爲杜爾。伯特部祖次額斯墨特達爾漢。諸顏爲準噶爾部祖。住居晶河。原作于弟。姪等往依哈密。自是衛拉特遺衆。部屬分散。其後世次不可考。數傳至博汗生子曰烏林台。巴丹大師遂統部。落是爲準噶爾之始。又天順中。衛拉特阿失帖木兒入貢。明以統部。

爲額森孫。例厚賞之。

第四節 哈密土魯番之交涉

去嘉峪關千六百里有哈密。故漢伊吾盧地。元末以威武王納古里鎮之。卒弟恩克特穆爾嗣。洪武中明太祖既定輝和爾地。置安定等衛以信哈密。恩克特穆爾懼將納款。成祖卽位遣使招諭。遂入貢。詔封忠順王。自是世爲明西藩。後衛拉特日強。哈密爲所侵。役屬之。

哈密西有土魯番。輝和爾族據之。元時設萬戶府以統其衆。明成祖永樂四年遣官使別失八里。道其地。以綵幣賜之。其萬戶賽因帖木兒遣使入貢。六年其國番僧亦來朝。成祖卽加封號。厚賚之。二十年其會與哈密僧賈。會爲別失八里王所逐。走投京師。成祖憫之。命爲都督僉事。遣還故土。會德中國。仁宗洪熙。宣宗宣德。初元。再來朝。朝廷待之甚厚。

先是土魯番介居于闐。別失八里諸大國間。勢甚微弱。後侵掠火州。柳城。皆爲所并。其會遂僭稱王。明憲宗成化五年。其會阿里自稱蘇丹。於是土魯番愈強。而哈密以無主削弱。阿里乘之。遂思兼并。

哈密忠順王再傳爲索羅帖木兒。天順末年。被弑。無子。王母弩溫答失力署國事。成化二年。詔以把塔木兒爲右都督。守哈密。把塔木兒卒。子罕慎嗣。九年。阿里乘虛襲破哈密城。虜王母及金印。分兵守之而去。罕慎奔苦峪城。朝廷命高陽伯李文。右通政劉文。往經略。無功而還。厥後旋復旋失。土魯番迭據哈密。孝宗宏治中。其會阿哈瑪特僭稱汗。侵沙州。迨罕東諸衛附己。十七年。阿哈瑪特卒。長子莽蘇爾立。狡桀踰其父。正德嘉靖年間。

遂併哈密且寇甘肅自是哈密不可復。西方邊禍日急。

第五節 韃靼之復興與內外蒙古諸部之創立

一、阿岱汗以後之內亂。先是阿岱汗爲衛拉特王脫歡所弑。特古思特穆爾之曾孫岱總自立爲汗。特古思

第三子哈爾古楚克都古楞特穆爾鴻台吉之孫阿乘台吉之子即明所謂小王子明景帝景泰三年爲郭爾羅斯旗名在今吉林扶餘縣境內松花江四岸部長徹卜登所

弑。子蒙古勒克特青吉斯立。明謂之馬旋爲多倫土默特旗名在今熱河特別區域朝陽凌源阜新縣境內部長多郭朗台吉所害。岱

總初娶徹卜登女生子摩倫。至是摩倫嗣立。額森死後。摩倫與摩里海毛里孩等皆雄視部中。韃靼勢復熾。

摩倫旋又爲摩里海所弑。英宗天順七年。岱總弟滿都古勒立。成化三年。殂。統緒又絕。先是阿寨岱總汗之子

阿噶巴爾濟生哈爾固楚克。額森塔也。哈爾固楚克生巴延蒙克。明謂之伯巴延蒙克生巴圖蒙克。成化六年。

年七歲立。號達延汗。明譯爲大元大可汗乃達延之訛即明史正嘉以後所稱小王子者爲元太祖十五世孫。

二、達延汗之富強。初。韃靼雖控衛拉特。顯汗王迭相仇殺。多內訌。國勢不能大振。及達延汗立。有雄略。承積

衰之後。諸部角立。躬留漠北。用兵平定諸部。收左右翼三萬衆。於太祖之八百室即太祖前即位。稱汗號。

先是英宗天順六年。摩里海等獲明邊人爲導。入據河套。東西七三面臨黃河故漢朔方郡後魏統萬鎮地自

勝外土平衍敵來一騎不能離明初守之爲久居計。自是韃靼顯居內。而明兵反屯外。朝廷遣將禦之。無功。憲宗成化年間。諸酋相

雄長。結元裔們都埒舊作滿居套中。稱汗。即鄂爾多斯之滿伽嘉色達舊作札爲太師。伊巴里台吉先後屢大

舉深入寇邊。九年。總督延綏軍務王越乘敵精銳西出。襲擊其老弱於紅鹽池。在今陝西榆林道西。北與寧夏道接界。大破之。焚其廬帳。復遂擊於韋州。在今甘肅寧夏道靈武縣西南。們都塔等敗歸。妻孥畜產已蕩盡。相顧悲哭去。自是不復居套。間盜邊。不敢大入。亦數遣使通貢。西陲得少息肩。

孝宗宏治元年。達延汗上書請和。朝廷方務優容。許之。自是與巴延蒙可王等屢入貢。漸往來套中。出沒爲寇。十三年。與別部和碩連兵深入。轉掠延綏。寧夏。數千里。旋復以十萬騎分道入。散掠固原寧夏境。關中震動。自是迭擾。薊遼宣大秦隴無寧歲。

世宗嘉靖年間。達延汗老壽富強。多畜貨貝。稍厭兵。乃挈其曾孫達賽遜駐幕宣府塞外。後復徙帳於遼。此徙幕東方之始。達賽遜卒。子圖們即明所謂土蠻立。號札薩克圖汗。達延汗諸子圖魯博囉特、巴爾蘇博囉特、阿爾楚博囉特、鄂齊爾博囉特等。亦由瀚海南徙近塞。所分諸部落。即今內蒙古札薩克散漢奈曼巴林札魯特克什克圖烏珠穆沁浩齊特蘇尼特鄂爾多斯九旗在西北邊者甚衆。而曰濟農。明史謂之吉囊。即袁克圖。墨爾根。曰諳達。明史謂之俺答。即阿勒坦汗。者。據河套。雄黠喜兵。爲諸部長。達延汗

在位七十四年。以嘉靖二十二年。年八十歲。長子圖魯博囉特先卒。孫博迪阿拉克立。二十六年。子達賽遜庫登。明史謂之打來孫。立。

三、鄂爾多斯旗及喀爾喀諸部之起原。初。達延汗以次子烏魯斯博囉特爲右翼三萬人濟農。譯爲郡王。們都塔。伽嘉色凌慈之。遂治兵相攻。殺烏魯斯。達延汗怒。遣將帥左翼三萬人往討。鄂爾多斯兵或死或降。餘皆驅至

青海。受降於柴達木河上。們都埒見殺。伽嘉色凌走哈密。亦爲土人所殺。達延汗遂令第三子巴爾蘇博囉特。爲管領右翼三萬人濟農。卒。長子袞弼哩克圖墨爾根。立爲濟農。號車臣汗。是爲鄂爾多斯。有子九。分牧而處。今鄂爾多斯七札薩克皆其裔。服屬於察哈爾。即明史之插漢兒。譯言近也。以所居地在遼東口外近長城故。次子諳達。據十二土默特部而居。領左翼三萬衆。尤強於諸部。惟達延汗季子格埒森札札賚爾理台吉。留漠北故土。號所部曰喀爾喀。分左右翼。有三汗。曰土謝圖汗。車臣汗。札薩克圖汗。

四、諳達之強盛。濟農旣入居河套。其勢力範圍西抵賀蘭山。嘉靖間。諳達亦據豐州灘。築城架屋以居。謂之

拜姓。即明史之板升時。自豐州入套。相率爲明邊患。濟農尋卒。其子朗台吉等散處河西。勢分。諳達獨盛。歲數擾邊。二

十三年。博迪阿拉克汗自萬全右衛入犯。至完縣。京師戒嚴。次年。復一再入寇。二十五年夏。諳達使詣大同求

貢。邊卒殺之。秋。復來請。邊將疏聞。朝廷不許。諳達怒。遂以十萬騎深入轉掠。西自環慶。東至錦義。皆被兵。三邊

總制曾銑率兵擣敵巢於馬梁山。在榆林道後。敵始退。銑倡議復河套。帝許之。旣而聽大學士嚴嵩讒。殺銑。二十九

年。諳達傳箭諸部。大舉自古北口破邊牆而入。薄都城。大掠而還。自此以後。連年南侵。邊人大困。三十二年。諳

達用兵併四衛拉特。勢日張。穆宗隆慶年間。諳達年漸高。又崇拜佛教。忌殺生。始就撫。封順義王。名所居城曰

歸化。已而套部濟農諾延喇。其弼哩克圖墨爾根子。亦就撫。朝廷授以官。由是西陲無警。而東部圖們札薩克圖汗。數

擁衆寇遼東。總兵李成梁拒之。雖戰比有功。而遼左逐漸虛耗。倭寇乘之。大舉攻朝鮮。幾亡其國。明廷竭全力

禦之。卒歸無效。遂起邊人輕視之念。滿洲之禍。從此始矣。

第三章 察罕臺汗國之衰微與帖木兒帝國之創立

方明太祖勃興於東方。憑藉長淮流域爲根據地。滅陳友諒。平張士誠。降方國珍。併吞中國內地各省。驅逐蒙古於漠北。統一東亞時。帖木兒亦勃興於西方。憑藉阿母河流域爲根據地。平察罕臺汗國內亂。滅伊兒汗。破奇卜察克汗。略印度。摧土耳其。併吞西方各國。統一中亞西亞。漢民族與蒙古民族。同時各產出一大帝國。東西對峙。其形勢與漢初之匈奴相似。而幅隕之廣大過之。與唐初之大食相似。而地勢之逼近過之。其全盛時代。勢力範圍。直抵葱嶺以東。與明室之哈密相距伊邇。東西兩大帝國。陸上之勢力範圍。將有臥榻之側不容他人鼾睡之勢。假令此兩大英雄。統率兩大民族。以干戈相見於疆場。將逐鹿中原。未知鹿死誰手。東洋民族史。政治史。戰爭史。外交史上。將演出非常熱鬧之活劇。獨惜明太祖於克復東亞後。取持盈保泰主義。大殺功臣。以爲子孫萬年基業計。無暇恢復中亞以西漢唐舊境。帖木兒亦於平定察罕臺汗國內亂後。南征西伐。靡有寧日。及明太祖崩。旋亦長逝。無暇恢復蒙古全盛時代舊領土。遂使兩雄對壘。兩民族決戰之機。失之交臂。東洋史上。虎跳龍擊之活劇。有煙銷雲斂之觀。讀史者。殊嫌寂寞矣。然事機爲天運所湊合。時勢非人力所造成。天不欲使神州大陸。再蹂躪於慄悍殘忍之蒙古人。而故留此四萬里錦繡河山。爲漢民族苟延殘喘。喘粉飾昇平之地。乃故斬此區區之數年壽考。不以與蓋世英雄帖木兒。此固蒙古民族之不幸。抑亦漢民族洪福之

所致也。茲述其事蹟如左。

第一節 察罕臺汗國之末路

有元自成吉思汗殂後。僅閱五十年。而蒙古大帝國告成。又閱九十餘年。而大汗國淪滅。謬格德依汗國先已廢絕。亞洲東北兩面。蒙古民族之威靈掃地。獨奇卜察克察罕臺伊兒汗三汗國。猶維持勢力於中亞細亞。先是元武宗至大初年。察罕臺汗也先不花。一作額森布哈併有海都故地。國勢驟張。封其弟古特魯克火者於阿母河南。印度河西。與呼羅珊爲鄰。古特魯克火者卒。其子烏特火者立。族兄帖木兒古爾干與之爭國。仁宗皇慶二年。遣使請降於伊兒汗合兒班答。(Uljayu) 阿魯渾次子請救兵。合兒班答遣宗王敏干將呼羅珊兵往援之。烏特火者不能禦。渡阿母河。歸見也先不花。請兵復仇。時也先不花方與元師戰於天山。敗績。會朝使自伊兒汗國還京。齎合兒班答所呈之表及方物。經過察罕臺境。也先不花拘使者。殺之。及其從者七十人。復引兵禦元師。不勝。仁宗延祐元年。宗王綽和爾敗其兵於亦忒海迷失。在今伊斯色克庫里湖。南臨阿忒八河。故布魯特游牧地。今併入俄屬七河省。二年。又敗其將於撒馬爾罕。追出其境。至鐵門關。遇其大軍於察赤。又敗之。土耳其斯坦地多爲王師所蹂躪。也先不得志於東。乃思逞於西。是年。遣宗王葛伯克、烏特火者、亞索伏兒、帥兵渡阿母河。與伊兒汗國邊將戰。敗之。擾呼羅珊。凡四閱月。嗣因糧乏。又以王師已至伊斯色克庫里故。旋軍。葛伯克謔「亞索伏兒奉天方教。陰附合兒班答。雖得呼羅珊而不能守。」也先不花信以爲然。命將率師往逮捕。亞索伏兒拒戰。敗之。慮大軍


至力不敵。遣使乞降於合兒班答長子不賽因。(Abusaid) 不賽因遣使請命於父。允之。並遣將帥兩軍渡河。爲亞索伏兒聲援。黑勒特王基亞代丁 (Ghiat-ud-din) 亦以兵從。次年。也先不花南擊亞索伏兒。不賽因援軍大至。敗也先不花兵。遂掠布哈爾。撒馬爾罕。忒耳迷。民戶以歸。編置希部而分地授耕。亞索伏兒入朝於合兒班答。合兒班答令駐屯巴達克山。(Badakshan) 堪達哈爾。(Kandahar) 兩山之中。察罕臺汗國自經此鉅瘡。勢浸不振。也先不花殂後。僅四十年間。凡易十五汗。大都昏暴。政教間迭起紛爭。國勢瓦解。錫爾河南諸部酋長。漸謀據地自王。傳至赤因帖木兒。察罕臺九世孫國內益亂。葱嶺東西中分爲二。各自立汗。互相競爭。元順帝至正十九年。西曆紀元一三五九年。一月。祖伯部長獨格耳克帖木兒即東部汗位。自將大軍西征。克撒馬爾罕。畧取阿母河流域。西部諸酋長皆降。尋以東部有警。班師。留子以利亞斯科地亞鎮守撒馬兒罕。統轄葱嶺以西諸部。是時中亞以西各國。久經變亂。羣雄割據。四海鼎沸。民有倒懸之戚。蓋世英雄帖木兒乃沈幾觀變。乘釁起兵。創立第二蒙古大帝國矣。

第二節 帖木兒幼年事蹟

帖木兒者。(Timur) 轉號 Tamer-lan 者 Timur-leak 之轉音。故蒙古疏族。以順帝元統元年。西曆紀元一三三三年。降生於柯提附近之碣石 (Kesk) 地方。少於明太祖者五歲。幼即明敏勇決。置身顛沛中以養成膽識。性尤好兵。嘗仿成吉思汗遺法。以編置軍隊。稍長。嗣父爲柯提南。一作喀忒。在花刺子模東。距今基發城六十餘里。附近酋長。獨格耳克帖木兒西征。帖

木兒首先降附。從戰有功。獨格耳克班師。留子以利亞斯科地亞鎮守中亞。以帖木兒爲其參謀。帖木兒與以利亞斯議不協。走花刺子模。募兵擊之。會獨格耳克殂。以利亞斯東歸即位。帖木兒乘釁恢復舊地。起兵與以利亞斯戰。大破之。數年。遂逐月祖伯族。盡取阿母。錫爾。兩河流域。乃開庫魯魯大會議。奉都幹後裔爲汗。尋復廢之而自立。定都撒馬爾罕。據察罕臺汗國舊地。建立帝國。年甫三十七歲。時元順帝遜國。後二年。明太祖洪武二年。西曆紀元一三六九年也。

察合台世系表 據市村東洋史要轉載
之ドイロン氏蒙古史



ウルクエムル—ヤスフアウル—(二十四)カゾン

(十二)寛ガシヤウク閣イヌヘンアカ—某—(二十一)フミド—(二十三)モハマメツド

(十三)也先不花—(二十二)アリスルタン(窩闊台之後)

(十四)グユベル—(二十五)ダニシメンヂイ(窩闊台之後)

(十五)イシテルクダイ—ドウレヂ—(三十)カビルシア

(十六)ドレチムル

(十七)タルマシレン

ヂアガマ—(十八)プザン—(十九)ヂンクシ

アプガン—(二十)イスフンチムル—(二十七)チムルラア

スルガト—(二十六)ビアンクリ

イミルコヂア—(二十八)クルクチムル—(二十九)エリアスコヂア

第四章 帖木兒之勢力擴張與伊兒汗國之淪滅

第一節 喀什噶爾與花刺子模之降附

帖木兒有大志。欲陟成吉思汗之迹。以混一宇內。既定阿母、錫爾、兩河流域。遂乘勝東下。踰葱嶺。與察罕臺東部汗克則爾和卓斯^{即以利亞}之弟。和親。悉定察罕臺故地。遂西征花刺子模。自此以後。察罕臺汗東國。改稱喀什噶爾汗。隸於帖木兒帝國。

花刺子模故隸奇卜察克汗國版圖。乘其國多內亂。漸具獨立之勢。帖木兒擊破降之。遂乘伊兒汗國之衰。侵入呼羅珊。

第二節 伊兒汗國歷代之內亂

一、布哈之廢立。初。阿八哈 (Abulca) 之逝世也。異母弟台古塔爾 (Ahmed Tagudar Khan) 即位。忘阿八哈長子阿魯渾 (Urghun) 命羅耳王約索甫沙 (Joseph Shah) 發兵助攻之。約索甫沙感阿八哈舊恩。不欲攻其子。未幾。兵亦罷。時有大臣名布哈者。起家下僚。漸貴用事。台古塔爾頗信任之。而布哈陰歸心阿魯渾。至元二十一年。起兵作亂。從者響應。弒台古塔爾。奉阿魯渾即位。阿魯渾以布哈爲相。累賜黃金等。身以酬其功。令長子合贊 (Shazan) 鎮守東方。統轄呼羅珊、馬散地蘭 (Mazandaran) 等地。以大將景赤尼佛魯慈輔之。凡大臣之黨於前王者。皆見殺。約索甫沙來賀即位。歸國。旋病卒。長子額弗拉西阿白嗣位。次子仕於

朝。世祖使命至。封阿魯渾爲汗。亦封布哈爲丞相。赦九死罪。阿魯渾乃行卽位禮。凡赦令必由布哈加印而後行。庶事得專決。布哈有治才而性嚴。諸將多與不睦。屢以直諫忤阿魯渾意。或譖其有異謀。布哈疑懼。二十六年。遂密與其黨謀廢立。結谷兒只 (Georgia) 王爲外援。其黨發其事。阿魯渾大怒。捕布哈及其黨。悉誅之。谷兒只東部王以同謀亦死。令西部王瓦世當二世 (Wakhang II) 兼主東西國事。於是谷兒只復合爲一。

二、景赤尼佛魯慈之叛。是時景赤尼佛魯慈輔合贊鎮守東方。自以與布哈同功一體。懼禍及身。詭言閭兵防河。去合贊他適。陰結黨羽。襲擊合贊行帳於徒思。合贊適他出。未被獲。聞警急往。馬散地蘭。擒宗王之與通謀者。檻致於阿魯渾。殺之。進擊景赤尼佛魯慈。不克。先是是年春。奇卜察克兵自打耳班南侵。阿魯渾自將拒之。行至中途。前鋒將已退敵。遂還。聞景赤尼佛魯慈作亂。慮合贊兵少。遣將移兵助討。景赤尼佛魯慈知勢不敵。引兵遠遁。由沙漠繞行東北。經巴達克山。至土耳其斯坦。附於海都。合贊追之不及。以糧乏。遣援軍西返。自駐邊界以防海都。海都既得景赤尼佛魯慈兵。遂遣其子阿部干莽。將兵三萬人。與景赤尼佛魯慈連兵南侵。合贊駐兵徒思。以衆寡不敵。引退。於是景赤尼佛魯慈等大擾呼羅珊境。阿魯渾大發兵擊之。景赤尼佛魯慈遁去。阿魯渾軍亦罷。二十八年。阿魯渾病篤。諸將來視疾。至宮門。不得入。諸將怒。殺用事臣數人。阿魯渾旋殂。生平酷好丹汞。東方術士趨之如鶩。

三、合贊貝杜之爭國。阿魯渾殂後。弟格司海都 (Gashatu) 貝杜 (Baidu) 相繼嗣位。成宗元貞元年。合贊

起兵西下。與貝杜爭國。師至第弗利斯。諸王蘇凱等率衆迎降。貝杜遠遁。合贊既入都城。諭民相輯睦。大臣毋陵害其下。下令毀佛寺及基督猶太各教堂。合贊故奉佛。及與貝杜爭國。始改從天方教。且詆異教以收衆心。尋小亞美尼亞王海屯來朝。卑詞厚幣。請無毀基督教堂。合贊允之。改令國中專毀像教祠宇。基督猶太教堂得不廢。復遣尼佛魯慈等搜捕貝杜黨與及阿魯渾病中爲亂之諸將。誅責有差。

四、蘇凱之亂。是年冬。合贊卽位。去汗號。改稱蘇丹。論翊戴功。拜尼佛魯慈爲大將。位諸臣右。賜券書。尼佛魯慈建議。凡誥命必稱上帝及摩訶末名。印璽改圓式。定百官爵秩。悉從之。察罕臺汗都幹海都子徹伯爾。知伊兒汗國有內亂。合兵侵呼羅珊。合贊遣宗王蘇凱。與尼佛魯慈率師拒之。時帑竭餉絀。預徵次年賦以給軍。蘇凱自以轄魯孫。於序當立。與其黨謀襲殺尼佛魯慈。廢合贊。謀洩。尼佛魯慈空營設伏。伺其至。大破之。蘇凱敗逃。追殺之。叛軍復推阿爾思蘭(Arslan) 哈布圖哈薩爾後爲主。謀攻第弗利斯城。合贊聞變。慮禁兵少。且習變。乃陽出獵。部勒將士行及中途。突下令。命迎擊叛衆。初戰不利。會援兵二千人至。遂擊斬阿爾思蘭。盡降其衆。時元成宗元貞二年。西曆紀元一二九六年也。

五、尼佛魯慈之叛。是時禍起宗藩。誅夷狼籍。一月之中。凡誅親藩五。叛臣三十人。事定之後。尼佛魯慈始帥師至呼羅珊。敵已飽掠。渡阿母河而去。報達鎮將故附貝杜。懼誅。乘亂率所部衛拉特兵叛投埃及。

是時埃王開特博噶在位。開特博噶者。本蒙古人。轄魯西征時。埃及人拒戰於賢木斯。轄魯兵敗。開在軍中。年

尙幼。爲埃人所虜。埃及將開拉溫愛而撫育之。至元三十年。埃及蘇丹阿式阿甫沙拉哀丁喀里兒被弒。開特博噶時爲大將。討殺亂黨。立開拉溫第三子那錫爾。(Wasir) 年甫九歲。次年冬。遂廢之而自立。至是收撫報達鎮將及其黨。並加擢用。

羅姆鎮將亦以其同黨伏誅。舉兵反。合贊遣將討平之。以大羅耳王不助軍餉。殺之而立其弟。小羅耳王爲同族所殺。合贊執弒王自立者廢之。更立他人爲王。

尼佛魯慈怙功驕蹇。合贊意頗厭之。初。尼佛魯慈助合贊爭位時。慮兵力不足。介報達商人致書埃及國王。依附教誼。乞援兵。比答書至。合贊已得國。尼佛魯慈令記室點竄埃及答書。乃以上呈。至是事覺。或劾其通敵欺罔。時尼佛魯慈將兵在外。自知寵衰。遣私人入朝。偵探消息。其人詣合贊自首。與時相共設計構陷尼佛魯慈。誣以通敵引寇諸罪。盡誅其家屬。大德元年。尼佛魯慈舉兵反。合贊遣將討之。尼佛魯慈兵甚衆。而將校不願從逆。散去大半。軍心搖動。遂潰。尼佛魯慈以數百騎遁入黑勒特。黑勒特王法克哀丁爲尼所輔立。納之。大兵追至。圍其城。投書城中。令縛獻尼佛魯慈。王出書示尼。尼益德王。或說尼執王。用其兵以退敵。尼不從。王聞之大駭。遽給尼出。遂爲大兵所擒。及其子弟皆伏誅。尼父阿兒渾。自憲宗二年受命鎮西域。有子九人。多尙主。一門鼎盛。至是族滅。

合贊既誅尼佛魯慈。下令易服色。以布纏首。廢冠制。駐冬於埃里溫。聞谷兒只有內亂。遣將往平之。立瓦世當

三世。大德二年。遣使入貢於元。且以金錢十萬市中國貨物。使至。成宗優禮之。留四年。始遣歸。溫詔報賜甚厚。憲宗朝。有分賜轄魯位下絲帛。儲庫中久。至是遣使頒致。與來使偕行。

六、羅姆鎮將及黑勒特王之叛。先是羅姆鎮將之叛。合贊疑羅姆王馬蘇特 (Mansur) 與通。廢之而立阿雷哀丁 (Alai-ud-din) 至是駐羅姆帥復殺副帥以叛。合贊遣兵討之。次年。擊敗其兵。叛將逃入埃及。復引埃兵來犯。擒斬之。

黑勒特王以縛獻叛犯功。受券書章服之賞。既而有異志。不納貢賦。招集羣盜爲兵。使出劫掠。合贊命弟合兒班答往討。相持半月餘。兩軍傷亡甚多。城中教士出爲排解。納金錢十萬的那以乞和。兵乃罷。

羅姆王阿雷哀丁立四年。復立馬蘇特。越四年卒。自是羅姆不復立王。以蒙古官分治之。羅姆故富饒地。自蒙古兵將需索殘削。民不聊生。突厥遺族自太祖太宗時避兵至羅姆西境。擁衆據地。有元之季。日以盛強。號鄂托曼 (Ottoman) 厥後吞併諸國。滅東羅馬。是爲現今土耳其帝國之基礎。

第三節 合贊與埃及之競爭

一、埃及之內亂與亞美尼亞之內亂。埃及開特博噶在位以拉勤爲相。成宗元貞二年。西曆紀元一
開特博噶而自立。以寵奴爲相。欲傳以位。慮大臣不服。漸以事罷黜諸大將。擢用己黨。次年。命大將伯克大石擊亞美尼亞。率師出境以遠之。

先是亞美尼亞王海屯二世。入朝於合贊。還。以事偕其弟托洛斯赴東羅馬。次弟生拔脫。乘兄不在。自立爲主。斷辭欺合贊。受冊封。婚王族女。海屯歸國。不得入。將赴愬於合贊。合贊信生拔脫先入之讒。執海屯。矐一目。殺托洛斯。其弟君士坦丁乘埃及之警。囚生拔脫而自立。請成於埃及。伯克大石不許。下其城堡十一處。會埃及內亂。諸將奇卜察克等。皆爲奴相所讒構。奔合贊。國中親軍忿譟。統將殺拉動及奴相。更立他魯。伯克大石聞警。乃退兵。擊滅亂黨。迎立那錫爾。時年十四歲矣。

二、俄倫特河之戰。奇卜察克等奔伊兒汗國。合贊待以殊禮。賞賽駢蕃。思用其力以謀埃及。兵犯邊。合贊定議親征。下令徵兵。十丁抽五。贖六月糧。成宗大德二年秋。發第弗利斯。是年冬。次歐夫拉底斯河邊。留兵萬人守後路。騎卒九萬。以庫特魯克沙。謨雷。爲前鋒。所過之處。秋毫無犯。軍士偶縱馬食麥田。合贊下令曰。「馬不可以食人食。犯者斬。」諸軍肅然。過亞勒伯及哈馬。皆舍而不攻。前至薩刺買。聞埃及已至賢木斯。那錫爾自將。時蒙軍遠征疾馳。馬多斃。將士甚恐。合贊令曰。「埃及親軍驍勇善戰。特馬良。利衝突。今我以步隊當之。勝騎戰也。」自薩刺買進軍。距敵百里而止。西曆紀元一二九九年即大次日。進至俄倫特期河。忽憶是日爲禮拜三日。教禮不應戰。乃駐軍。而埃及兵猝至。急帥中軍迎戰。調後軍張兩翼禦之。戰少挫。合贊引中軍退。埃及逐之。馳一時許。陣復接。蒙軍力戰。埃及軍潰。別軍援之。殊死戰。復出鐵騎五百。短刀奮斫。直衝中堅。蒙古兵士多傷。合贊令兵士以強弩攢射之。馬返奔。亦傷埃及兵。庫特魯克沙帥右翼鳴角以進。埃及人誤以爲合贊軍。

併力攻之。右翼敗。死者近五千。庫特魯克沙率餘騎奔中軍。合贊麾左翼猛進。中軍繼之。以弓箭手萬人居前。矢下如雨。埃前鋒旁翼先後潰。中軍亦不支。蒙軍乘之。遂大潰。遣甲仗滿地。追至賢木斯。薄暮駐營。遣謨雷帥五千人窮追之。是役。合贊以堅忍轉敗爲功。而右翼之敗。適成餌敵之計。羅姆守將偕亞美尼亞王海屯二世。帥五千人來會。軍勢益張。時亞美尼亞人以圖讖之說。廢君士坦丁。復立海屯。故海屯帥兵請自效。賢木斯城乞降。發其庫藏。分資將士。進至大馬士革。城民迎降。越日。蒙官入城。宣讀合贊諭。謂我來誅亂臣。衛天方教。禁兵士入城擾民。而民亦無得陵異教。其各安堵如故。尋合贊自至城中。訪諸勝蹟。令衛士守一門而閉其餘。雖從官亦不得擅入。民益感德。輸金饒百萬餉軍。顧埃將仍堅守內堡不下。諭降不從。諸將請攻。合贊恐傷民命。不許。亞美尼亞兵怨埃人刺骨。破開薩甲耶城。焚掠成墟。蒙古別隊亦焚毀大巴里亞等城。謨雷追敵。遇輒攻殺之。至喀羅忒城。不及。乃還。時天漸暑。東鄙復有兵警。合贊乃留奇卜察克等三降將。分轄大馬士革。亞勒伯。諸省。及地方破里等城。命庫特魯克沙統兵鎮守。斂里亞全境。四年春。自將大兵東返。庫特魯克沙攻大馬士革內堡。半月不能下。亦去。以軍事委謨雷。

三、大馬士革之役。初。合贊招降斂里亞全境。諸城知蒙軍不能久駐。埃兵旦夕必復出。故拒命者多。那錫爾歸國。補軍額。繕器械。開台贊已去。亟出兵。手書招三降將回故國。於是奇卜察克等皆叛歸埃。謨雷亦棄斂里亞。全軍東返。據有其地僅百日。

合贊既歸。勸精圖治。廣建築。多行卹民善政。是年秋。復攻敘里亞。次年春。以阻雨班師。乃遣使如埃。請棄怨修好。埃答書。願和而詞不屈。六年。奇卜察克汗托克托遣使來。請埃里溫。亞塞爾拜然。兩省地。合贊不許。

是年秋。復攻敘里亞。令謨雷赫馬厲兵以待。復遣使如埃。要以稱藩納幣。埃答書不允。且餽軍器。示能用武。合贊怒。拘其使。七年。令庫謨二將與出班等帥五萬衆深入。自駐歐夫拉底斯河東以待。師及哈馬。越大馬士革而南。與埃大隊遇。庫特魯克沙敗其右軍。謨雷帥衆追之。尋敵中左軍齊至。庫蔑不支。出班等亟來援。始免於敗。薄暮止戰。屯山上。埃兵屯山下。軍勢甚盛。謨雷懼。詰朝戰不利。夜引所部退。埃有俘卒脫歸。言蒙軍中缺水病渴可乘。日出。蒙兵鼓勇下山。埃兵力遏之。殊死戰。至午。蒙兵稍卻。埃兵圍之。空其一面。留蒙兵出路。於是谷兒只兵先潰。諸軍亦相繼潰。望河而奔。有陷淖者。埃兵追於後。次日及之。蒙兵以馬疲不能行。多棄械就死。又或爲嚮導所紿。噶死沙漠。庫特魯克沙歸謁。合贊陳敗狀。合贊遂歸。失律諸將各坐罪有差。雖出班殿後有功。膺面焚。猶不免杖。

是年秋。如第弗利斯。蒐簡軍實。圖再舉。遣使至英法諸國。請發兵至敘里亞。復耶穌墓。時東羅馬國以突厥遺族侵犯其境。請援兵。許以王女爲婚。合贊允俟埃及事畢。卽往救之。次年夏。構疾殂。年三十四。遺命傳位於弟合兒班答。

合贊性沈毅果斷。有治才。良法美意。施諸實政者。班班可考。爲蒙古建國西域以來。僅見之賢主。東羅馬人於

其薨。尤痛惜之。謂苟天假之年。羅姆地必能底定。土耳其國必不能興云。

第四節 合兒班答之對外交涉

一、合兒班答之初政。合兒班答時出鎮呼羅珊。聞訃。帥諸將西行。至第弗利斯。卽位。圖人多稱爲鄂爾采圖。

(Ujain) 卽東洋史之鄂勒哲圖鄂爾采圖。言吉祥以其生時逢吉兆故名。 蘇丹。元成宗與都幹、徹伯爾、皆遣使以悔禍息兵來告。奇卜察

克汗托克托亦遣使來賀卽位。合兒班答釋前王合贊所拘之埃及使禮而歸之。並遣使偕往約和。九年。徹

克爾曼會沙喝奇汗。蘇納兒喀特迷失之子。大德七年受合贊封嗣其族兄穆罕默德沙之位入朝。以其方命不時納貢。留弗遣。收其地歸蒙官轄

治。西遼國人在西域者。至是位絕。復建新城名蘇丹尼牙。卽元史之孫丹尼牙。牙譯義爲治。所今名蘇耳塔納巴德。在科美音西北二百里。王宮教

堂。規制闕麗。徙都之。

二、義蘭境內諸部之征服。初。新都之北。義蘭境內。有小部。負海面山。長僅百八十里。而分十二部。各有土酋

主治。阻山負險。自爲一國。不甚受約束。都幹旣薨。其後王寬闊遣使來告喪。因語及義蘭之地。義蘭國至今負

固。未能討定。都幹諸王深以爲笑。合兒班答驗其言。遣將分帥三軍。自將一軍。四道並進。擊破土酋兵。諸部皆

降。定歲貢額。惟一部乞降。統軍將拒之。仍進兵殺掠。敵據險。殊死戰。數將皆戰沒。繼遣將往征。始平其衆。

三、黑勒特之役。黑勒特會法克哀丁。彘會因事見伐。師不得志。輸餼行成而罷。至是又不自來朝。十年。遣呼

羅瓏統將丹尼世門擊之。命交還逃人。並輸三載貢賦。法克哀丁不應。丹尼世門進兵斷其糧道。法克哀丁不得已。乃乞盟。誓以城讓蒙兵。身率部下移屯他所。丹尼世門入外城。內城仍爲敵將摩訶末所守。堅不可攻。丹尼世門遣使告法克哀丁。「不入內城。無以覆君命。爲汝代乞赦罪。」法克哀丁乃諭摩訶末。使開門相延。約無得多攜從卒。丹尼世門先遣其子偕他將入。摩訶末以盛筵款接。比丹入。伏發門閉。父子皆遇害。是年秋。合兒班答遣將往攻之。次年春。進戰不利。築長圍困之。法克哀丁旋病沒。城內糧盡。餓殍相望。摩訶末力竭始降。次年夏。獻俘於朝。行後。遣人追殺之於途。法克哀丁弟基亞代丁 (Ginat-rudin) 先爲質子。合兒班答自義蘭凱旋至新都。聞黑勒特事定。乃命基亞代丁嗣位。

四、對埃及之交涉。初。埃及數擾亞美尼亞。合贊以蒙兵千人助戍。大德八年。埃兵入境。殺掠甚衆。次年。復至。敗衄而去。死亡數千人。亞美尼亞王海屯二世致書亞勒伯守將。請納歲貢罷兵。埃人允之。是年。海屯讓位於姪立益四世。身入基督教堂爲僧。十年。合兒班答以妻父亦憐真爲羅姆鎮帥。其將壁拉爾古屯亞美尼亞境上。十二年。立益與亦憐真同入覲。壁拉爾古聞立益訴已過。又以其既事蒙。復貢埃。遂擅殺之。亦憐真奏劾其罪。合兒班答誅壁拉爾古。立海屯季弟鄂金爲王。

是時羅姆西境鄂托曼國寢盛。擾東羅馬屬地。東羅馬王密給爾安多路侏孤二世。思藉蒙古之力。平定其衆。

以女瑪里亞妻合兒班答。蒙古人稱之曰脫司配那哈屯。譯義爲公主至大四年。合兒班答自素尼教改奉十葉教。皇慶元年。宗王科爾迷夫。譯義爲諸孫謀反於羅姆。討平之。併其四子皆伏誅。建新城於報達之東。適值埃及內亂。其大將數人來奔。於是對埃及交涉復起。

先是埃及王那錫爾以權歸將帥。不樂居位。遜國他適。親軍大將撒耳柯恩(Circass)人比拔而斯(Pybars)自立。號謨雜費爾蘇丹。國人不服。殺比拔而斯。迎那錫爾歸國。亞勒伯統將等懼不爲那錫爾所容。帥騎卒千人來奔。合兒班答命官授地。待以優禮。欲乘隙攻敘里亞。是年冬。出師。衆號十萬。谷兒只兵從焉。渡歐夫拉底斯河。攻哈列比堡。逾月不下。遂班師。二年。以長子阿布賽(Ahsari)出鎮呼羅珊。時年九歲。呼羅珊夙爲儲君分封之地。故未及其長。卽開藩府。

五、對奇卜察克之交涉。先是奇卜察克汗、國王族巴拔。避禍帥萬人來奔。仁宗延祐二年。以兵往擾花刺子模之地。拔其城。俘民五萬以歸。察罕臺將亞索伏兒聞之。自忽氈引兵疾馳。截其歸路。盡奪俘掠。時奇卜察克汗爲月思別。遣宗王來詰。謂「若巴拔所爲。請君討之。若由君命。則請以兵相見。」合兒班答謝以不知。云「稱兵犯境。非由己命。」殺巴拔父子。禮其使而遣之。

先是阿刺伯麥加城。爲教主摩阿末墓所。摩訶末之婿阿釐裔世爲之酋。傳至倭邁宰特。弟兄爭位。埃及以兵


助爭者。倭邁幸特以合兒班答奉十葉教。有同教誼。延祐三年來奔。且乞援。合兒班答遣將帥千人。衛以還國。四年春。行至巴索拉。爲伯都音即阿剌伯土人夜攻。全軍皆沒。倭邁幸特與所遣將僅以身免。逾年。倭酋始復國。

第五節 伊兒汗國之末路

合兒班答御衆以寬。好酒色致疾。以延祐五年殂。年三十六歲。子阿布賽立。年甫十二歲。國中諸貴族漸覩汗令。奇卜察克屢侵其北境。國威愈挫。順帝至元元年。阿布賽立無子。轄魯之弟阿里克布克遠孫阿白Ögüçkain Khan以旁支入繼。呼羅珊、羅姆、諸鎮帥。漸謀據地自擅。全國幾瓦解。至正五年。阿思克六阿居汗位。第弗利斯大疫。姑遷國都於報達。再傳至轄魯遠孫阿回司。據報達。克復呼羅珊。傳子阿米得。呼羅珊民苦其暴虐。潛歸心帖木兒。明太祖洪武十三年。帖木兒克花刺子模。遂攻呼羅珊。破之。十九年。復征伊兒汗國。侵波斯。破其國都蘇丹尼牙及報達。畧亞美尼亞諸部。至底格里斯河濱。悉取其地。阿米得出奔。伊兒汗國遂屬帖木兒。永樂三年。帖木兒殂。阿米得返國。八年。帖木兒第四子沙魯哈(Shah Rukh)復攻波斯。克之。阿米得敗死。轄魯之裔遂絕。伊兒汗自宋理宗寶祐六年建國。凡傳十五世。一百五十四年西曆紀元一二五〇年而亡。伊蘭高原之地皆入於帖木兒帝國。

伊兒汗世系表據市村東洋史要轉載


拖雷



(七)ムハンマド(旭烈忽之後) (十)トガチルム(朮赤之後) (七)ノレマン(旭烈忽之後)

新著 東洋史 第三編 近古史

Note I. Genealogy of the Ilkhans 伊兒汗世系表



Howarth's History of the Mongols Part III. Page 280

第五章 帖木兒之西侵與奇卜察克汗國之瓦解

第一節 奇卜察克汗國之盛世

一、月思別 (Uzbeg Khan) 對元廷之交際。帖木兒既併察罕臺、伊兒汗、兩汗國。遂與奇卜察克汗國接境。於是兩國復起衝突。先是奇卜察克汗托克托 (Toktu Khan) 殂於仁宗皇慶元年。忙哥帖木兒孫月思別將嗣位。諸將以其奉天方教爲嫌。有異議。謀乘宴會時殺之。或於席間以目示意。月思別託故離席。詢知有變。卽覓驍馳去。引兵捕諸將。皆誅之。延祐元年。遣使以襲位告於元廷。英宗至治三年。再遣使入朝。泰定帝三年。元廷報使。賜月思別及怯列罕疑係察罕、阿布賽等三部各有差。文宗至順元年。遣諸王分使月思別及燕只吉疑亦係察罕、阿布賽等。順帝至元元年。月思別遣使入朝。初。卓齊特位下。有舊賜平陽晉州永州分地歲賦中統鈔二千四百錠。久未頒給。京師亦無所領府治。二年。遣使來求歲賜。以賑給軍站。許之。三年。復遣使朝貢。中書省議置總管府印。正三品。五年。始頒給之。

二、月思別對俄屬國之交涉。初。烏拉的米爾王狄米得里一世殂。叔父彌海勒二世卽位。墨斯科王優利太卽星三世。冀得首邦之位。托克托以彌海勒年長當立。不允其請。及月思別立。優利娶其妹。孔察喀公主。遂其蒙古將連兵侵烏拉的米爾。彌海勒退屯的威爾。優利追擊之。兵敗。其妃及蒙古將多被虜。繼知爲奇卜察克公主。禮而遣歸。公主道卒。優利乃以彌海勒燒殺公主來訴。月思別怒。召彌海勒至。數其罪。將加刑。繼察其誣。釋

不治。會有高加索山之行。未卽令歸國。優利賄結左右。矯命殺彌海勒而受封焉。當在延祐五年前 其後彌海勒子

狄米得里成立。訴父之冤。月思別召優利入朝。使與面質。優利至。狄米得里一見怒發。拔刀殺之。以擅殺論抵。而封其弟亞歷山大爲的威爾王。以雪其父冤。其後的威爾民變。戕殺蒙官。亞歷山大不能治。遁至北斯哥

弗城。月思別遣兵代平內亂。召使入朝。不至。遂命墨斯科王。宜萬一世 (Yan) 往討。亞歷山大復出奔。旋來歸請罪。時宜萬志在兼併。忌亞歷山大之得民心。不利己。因進讒。歷指其叛逆。遂見殺。俄西北境立陶宛公國

寔強盛。月思別不能制。俄諸王自白色里二世以後常受制於立陶宛

帝至元六年。月思別殂。在位頗有聲。嘗與埃及蘇丹和親。又與東羅馬及歐洲諸國交通。傳其文化。時意大。威內薩 (Venice) 人。來奇卜察克汗國經商者最盛。阿速海濱實當日歐亞互市之要區云。

三、札尼別 (Janibeg Khan) 之設施。月思別殂後。子札尼別立。能紹述先烈。用兵於馬札兒、孛烈兒兩部。

至正十三年。獻撒吉刺。察赤。密昔爾。弓刀鎖子甲。及青白西馬各二匹於元朝。報賜鈔二百錠。伊兒汗國自

阿自立後。內亂遽起。國土分裂。第弗利斯之民。皆避亂北往奇卜察克。有方教士謁札尼別。痛陳劫掠之慘。民人之困。以同教之誼。勸往平亂。十五年。札尼別引兵入亞塞爾拜然。殺叛將。據第弗利斯。令其子畢兒譚伯

克 (Berdibeg Khizan) 留守而自歸。

第二節 奇卜察克汗國之末路

一、奇卜察克之內亂。通計月思別、札尼別、兩朝。實爲奇卜察克汗國極盛之世。元順帝至正十六年。札尼別舉兒諾伯克北歸嗣位。未幾。亦殂。自此國內亂。諸王爭位。自相殘害。順帝末年。黑海之北。有克里米 (Crimea) 部。昔班弟脫哈帖木兒之後窩瓦河濱有喀山部 (Kazan Rh.) 裏海之北。有阿斯達拉干部 (Astrakhan) 與薩萊城之王。爭雄並峙。鄂爾多斯之後藍黨。一稱月祖伯汗及克里米、三汗之後。金黨汗正統已絕。汗位如弈棋。自札尼別殂後。未二十年。凡易十五汗。至明洪武十二年。薩萊王馬邁。與俄墨斯科王狄米得里二世。戰於頓河東。大敗。勢頓衰。先是白黨汗烏魯斯一旦得勢。遂克里米汗托克塔米失。(Toktamish)托克塔米失。走依帖木兒。帖木兒發兵援之。九年。擊破白黨汗。遂爲奇卜察克總汗。攻滅諸王。馬邁遁去。爲人所殺。十五年。托克塔米失背帖木兒。侵奪帖木兒帝國領土。高加索山迤南地。二十七年。帖木兒帥兵來攻。與托克塔米失戰於烏拉嶺下之托波兒。大破之。二十八年。復來攻。沿窩瓦河。西入俄羅斯。略墨斯科及亞速海濱。兵鋒所向。焚掠一空。托克塔米失東奔烏拉嶺。爲族人薩提伯克所殺。薩萊阿斯達拉干兩地。皆被蹂躪。蒙古將也列哥輔立烏魯斯之子庫特洛克。帖木兒復援立薩提伯克使之。旋又廢薩提伯克。而立庫特洛克之子博拉特伯克。明惠帝建文二年。帖木兒又攻墨斯科。大掠而還。明成祖永樂八年。博拉特伯克復圍墨斯科。不克而退。諸宗王乘其兵入俄境。奪其國。自是擾攘不定。干戈無虛歲。阿斯達拉干併於薩萊。惟喀山、克里米、如故。克里米王與俄最親。嘗助俄伐其同宗。

二、俄國諸侯之復興。初，奇卜察克盛時，俄諸侯王皆爲屬國，奉冠帶，祠春秋，常則輸賦，變則徵兵，襲位與外交，未經稟命，均不得輒擅。約束之苛，積難忍受。至是，乘奇卜察克汗國國勢之衰，漸謀獨立。諾弗哥羅、墨斯科、的威爾、哥斯得羅馬、諸侯勃興。明英宗天順六年四曆紀元一四六二年，墨斯科王白色里四世卒，子宜萬三世立。勢日張。八年，敗蒙古兵於喀山。明憲宗成化十四年，薩萊王阿赫邁特伐宜萬，兩軍於倭喀、烏格拉、二河窩瓦河之支河交綏而退。明孝宗宏治十四年，克里米王受俄指使，滅薩萊。王國亡。阿斯達拉干仍自立國。明世宗嘉靖三十一年，俄王宜萬四世滅喀山，乘勝遂滅阿斯達拉干。明穆宗隆慶五年，克里米王以兩部皆滅爲憾，糾土耳其兵長驅入俄，破墨斯科，屠殺官民八十餘萬人，毀其城而去。先是烏拉嶺東，有失必兒之地，卓齊特後王建國於求綿城。其建國於錫爾河濱者，號庫程汗。見國理深異城錄，求綿作圖敏。伊萬四世收撫黑海科薩克部，用其部人月馬克爲將。明神宗萬曆八年，月馬克帥八百五十人踰烏拉嶺，進至鄂畢河畔。次年，遂征服失必兒。宜萬遣僧徒傳教其地。蒙古後裔之在西者略盡。惟克里米部傳國最久。土耳其常保護之。清高宗乾隆三十六年，俄后喀德璘二世 (Catherine II) 遣將取其地。後三年，俄士議和，仍返其地。四十八年，始爲俄所併。今惟布哈拉 (Bukhara) 基華 (Chirva) 兩部主，仍爲卓齊特子昔班之後。

奇卜察克汗世系表 據元史卓齊特本傳及四書訂補

(一)卓齊特

鄂爾多
白蓋汗

大鄂爾多汗
阿斯達拉干涉

(五)伯勒克

(三)撒里答

(四)烏拉赤

(二)巴圖

(六)忙哥帖木兒

巴圖子托
托罕之子

(九)托克托 (十)月思別 (十一)札尼別

(七)脫脫蒙哥

(十二)畢兒諦伯克

(八)禿拉布哈
即元處
之伯忽

脫哈帖木兒

克里米汗

喀山汗


昔班

蓋蓋汗


布哈爾汗
基發汗
失必兒汗
庫程汗

台幹爾 塔塔兒 諾孩

欽察世系表 據市村東洋史要綱載
之ドノン氏蒙古史



The Descendants of Batu Khan 拔都世系表



In the above table I have only inserted those names which occur in the text. A more detailed genealogy, as given by Rashid etc., is appended to Von Hammer's Golden Horde.

第六章 帖木兒之南征與印度圖格拉克(Tughlak)王朝之顛覆

第一節 帖木兒南征以前印度形勢之變化

「基爾吉 (Khitai) 王朝之興亡。托克塔米失之東遁也。奇卜察克汗國勢不復振。西方無警。帖木兒乃轉

鋒南下。侵略印度。印度自屢被蒙古兵後。特里奴隸王朝之勢頓衰。元世祖至元二十五年。西曆紀元一部將只拉兒哀丁(Gulal-ud-din) 高爾朝 疏族乘勢篡立。是為基爾吉王朝。只拉兒哀丁猶子阿老丁(Ala-ud-din) 繞勇略。至元二十六年。蒙古兵來侵。阿老丁擊破之。復征服西北中三印度。三十一年。復越賓都耶(Vindhya) 山脈。遠侵南印度。尋弒王而自立。蒙古兵復來侵。阿老丁擊退之。復使其奴隸官者馬利略法爾(Malik Kafur) 率師南征。略取東南兩印度。阿老丁部下多突厥蒙古及阿富汗族僱兵。體魄偉大。勤苦耐勞。遠在印度人以上。故能士馬精強。所向克捷。元武宗至大四年。西曆紀元一蒙古傭兵作亂。阿老丁殲其衆。死者萬五千人。沒入其家族為奴婢。其後蒙古兵屢入寇。奔札比(Punjab) 鎮將喀亞士哀丁(Chigas-ud-din) 拒卻之。使阿老丁無北顧憂。元仁宗延祐元年。西曆紀元一阿老丁為澄法爾(Kafur) 所毒而殞。大將古士盧汗(Khusru-Khan) 殺澄法爾。立模巴里克(Mubarik) 為王。模巴里克荒淫無度。古士盧復弒之而自立。古士盧本印度教徒。後改宗回教。延祐七年。西曆紀元一為部下兵士所弒。基爾吉王朝亡。凡傳四主三十三年。一一二八至 一三二〇

二、圖格拉克王朝之盛衰。古士盧死後。亂兵奉吉耶蘇丁(Chiyas-ud-din) 為主。是為圖格拉克王朝。吉耶蘇丁者。本突厥民族。以奴隸起家。漸擢至奔札比總督。拒蒙古兵有功。至是被戴為王。建新都於特里之東。定名圖格拉克布特。(Tughlakabad) 適值蒙古兵復來侵。輸金求免。吉耶蘇丁殞。子摩訶末(Muhama-

man)即位。摩訶末英武。長於用兵。願性情猛烈。時或流於兇暴。以故士民不附。摩訶末有大志。即位以後。大舉兵攻波斯。中途饑缺。軍士譁潰。倒戈反嚮。復發兵十萬侵中國。於喜馬拉雅山幾獲全軍。國庫窮乏。乃鑄銅幣。俾與民間銀幣。齊價並行。外國商人來互市者。皆不肯受銅幣。商務由是遂衰。所有銅幣。祇供納稅之用。其幣遂中於國家。惟於南印度頗關疆宇。初即位時。五印度諸王相率款附。國勢甚盛。第摩訶末篤信天方教。與諸土王及臣民均不相洽。恆用外來之天方教人居政府。復徵重稅。有增至十倍二十倍者。且爲獵人之暴舉。設大園場一。編平民實其以故臣民益不服。各省叛者蠡起。此撲彼熾。摩訶末南北征討。疲於奔命。元順帝至正十一年。西曆紀元一三五一年殂於軍。子菲爾盧司沙 (Firuz Shah) 即位。革除摩訶末時代虐政。起種種公共事業。鑿池築堰。以便農夫灌溉。設隊商之驛舍。以便行旅。建立禮拜堂學校及病院。以便一般黎庶。復開鑿運河。以便交通。生平善政。不可枚舉。願以身體孱弱。骨肉之間多隱患。其治不能久。回教徒及印度土人相繼叛亂。傳數世。至最後之王馬哈木 (Mahmud) 彌魯特 (Meerut) 叛而獨立。國分爲二。回教徒亂兵與土著叛民。雲擾響應。圖格拉克王朝國威凌夷。勢岌岌不可終日。

第二節 特里之戰

當是時。帖木兒方雄踞中亞。滅伊兒汗國。破奇卜察克汗國。兵鋒英銳。所向無敵。聞印度內亂。率兵九萬二千進征。以右翼三萬騎先發。堪達喀爾 (Kandahar) 規取彌魯特。左翼三萬騎。亦繼發布哈爾。渡印度河襲拉

賀里。自將兵三萬二千。以明太祖洪武三十一年。西曆紀元一發撒馬爾罕。架浮橋。渡阿母河。進踰巴巴山。趣興都庫什。欲出敵不意。冒險而前。會夏日山雪消融。馬不能進。於是晝間停行。俟夜熱減雪凝。自乘糧命人縋曳而下。全軍畢隨。遂下抵山麓。易馬。驅入加非利斯坦。(Kafirsitan)突擊之。土人強半見屠。自是取間道。由喀布爾渡印度河。

時右翼兵圍彌魯特已六閱月。城兵不勝飢困。而降。而朱木拿河 (Jumna River) 在彌魯特西特里東以久雨漲溢。右翼兵芻糞皆腐。馬悉倒斃。至是聞帖木兒大軍至。引兵來會。帖木兒給馬補之。尋左翼軍亦至。仍分三隊。大軍由直道。兩翼由間道。均向特里。先攻下其附近各著名都府。乃集諸將會議方略。屯糧械輜重於近地。然後合圍。收俘虜十萬。悉殲之。明惠帝建文元年。達特里都城。渡朱木拿河西而陣。蒙古駐營於四圍掘濠。復置柵。繫以樹皮草莖。縛牛足臥於地上以固柵本。更駢列千盾。戒出入。然後始張毳幕。

特里王麻訶末出騎兵萬人。步兵四萬人。翼以象陣。以厚革被象身。禦鋒鏑。飾傅毒利刃於其牙端。設樓櫓於其背。弓礮手乘馬。兵士立象隊間。雜投火器。挽強弩。蒙古兵有畏卻者。帖木兒曉以此無足驚畏。特象陣耳。因籌破之之策。下令如左。

一、象突前時。宜揮鐵抓斫其足。

二、欲擾亂象隊。宜縛銳木。或引火樹脂。於野兕一云駝之角及背。嚮敵陣驅之。

三、軍中宜發矢石。及施刀槍斫刺。務竭力以中象鼻爲主。

此令一下。士氣百倍。摩訶末軍分左右中三隊。列象陣於前。帖木兒分軍爲二。自將一軍。先於側面進薄。兩軍奮鬪。勝負未決。特里將引兵直衝蒙陣。帖木兒一子陣亡。俄蒙兵聚擊象隊。傷其口鼻。象吼突狂奔。反蹙己軍。特里陣大亂。帖木兒下令進擊。復突入象陣。殲其強半。特里軍大敗走。尾追至特里城下。摩訶末乘夜遁去。都人不戰而降。蒙古縱兵大掠。

特里既降。舉國無敢抗顏行者。帖木兒循恆河。繞喜馬拉雅山南麓回軍。途中惟事殺掠蹂躪。無復有對壘之事。適聞土耳其族鄂托曼帝巴牙即 (Bajazet) 乘虛侵其國境。屬地復有叛者。乃急急北歸。留大將幾儒爾汗鎮奔札比。經略印度。摩訶末聞蒙兵退還都。表面上仍爲印度共主。而事勢上特里帝國已成瓦解。各都市多具半獨立之勢。明成祖永樂十年。西曆紀元一四一二年。摩訶末殂。有大臣名度刺者。順衆望卽位。幾儒爾汗乘釁滅之。遂以帖木兒帝國名義統治其國。

第七章 帖木兒之西征與土耳其之敗北

鄂托曼土耳其 (Ottoman Turks) 者。本突厥一小部落。舊居阿爾泰山麓。西曆紀元一二二五年。宋理宗慶元年。其酋長蘇利曼 (Suleiman) 爲蒙古人所驅。率領部族五萬人。移居亞美尼亞。其子伊川格羅耳 (Ertugrul) 臣事塞爾柱土耳其 (Seljuk Turks) 移居小亞細亞之昂哥拉 (Angora) 附近。伊川格羅耳卒。子

鄂斯曼一三二八至一三二六代領其衆。蓋食東羅馬之小亞細亞領土。勢力日張。始建國自稱皇帝。是爲現今土耳其帝國之始。鄂斯曼殂。子烏爾真 (Urchan) 一三三二至一三三六立。遂取尼加 (Nicaea) 併吞東羅馬之亞洲領土。全部。制定憲法。整理制度。設常備軍。以整頓武備。國勢日盛。烏爾真殂。子模拉特 (Murad) 一三六一至一三六九立。略取斯雷西亞 (Thracia) 莫都亞得里亞堡 (Adrianople) 以逼東羅馬。又征服塞爾維亞 (Serbia) 保加利亞。諸小國。包圍東羅馬四面。塞爾維亞、波斯尼亞 (Bosnia) 亞爾巴尼亞 (Albania) 等部。起聯軍抗拒。模拉特自將擊破之。帝亦中傷。沒於陣。子巴牙即立。征服馬其頓 (Macedonia) 希臘各地。又取愛琴 (Aegean) 海羣島。東羅馬水陸交通要道皆斷絕。國勢益危。西歐諸國震駭。德法兩國武士組織十字軍東征。推匈牙利王西吉司門 (Sigismund) 爲元帥。率之援東羅馬。一三九六年。明太祖洪武二十九年巴牙即自將逆戰於尼哥坡利 (Nikopolis) 大破其兵。乘勝圍君士坦丁堡城。東羅馬危急。遣間使僉渡亞洲。求救於帖木兒。帖木兒聞警。邊自印度歸。先長驅定屬地之亂。遂入敘里亞。破埃及兵。取大馬士革等城。遂移兵入小亞細亞。襲土耳其背面。巴牙即聞警。邊撤君士坦丁堡圍。率師三十萬。還救根本。明惠帝建文四年。西曆紀元一四〇二年與帖木兒兵二十萬。大戰於昂哥拉。敗績。被執。檻致撒馬爾罕。愧忿而卒。土耳其之勢中衰。帖木兒遂悉定小亞細亞全土。而東羅馬與土耳其餘衆。分扼守博斯破魯斯 (Bosphorus) 黑勒斯奔 (Hellespont) 兩海峽。帖木兒兵終

不得至歐洲而還。

帖木兒嘗言力征經營。猶將基戲。卽帖木兒所自創史稱其膽智及練軍用人之方略。傑出古今。成吉思汗後一人而已。又帖木兒之覘人國。恆假通商之便。諜知其風俗人情。其接外人。恩卹靡不至。當入覲時。輒詢以外國君主相對待之政策。設答詞有不實不盡者。則簡專使以討究之。其算無遺策。匪直名將。亦一大政治家也。

第八章 帖木兒對明室之外交

初。帖木兒之起兵也。取遠交近攻策。修好於明。以弭東顧之憂。明太祖洪武二十年。率先諸國。遣使朝貢於明。明亦報賜甚厚。自是頻歲入貢。元時。回回徧天下。及是。居甘肅者尙多。詔守臣悉遣之。於是歸撤馬爾罕者千數百人。二十七年。貢馬二百。上表。太祖嘉其有文。次年。命給事中傅安等齎璽書幣帛報之。安至其國。被留。朝貢亦絕。尋令人導安徧歷諸國數萬里。以誇示其國廣大。至永樂三年。安等尙未還。時蒙古特古斯特穆爾汗殂於圖拉河畔。部落漸擲。蒙古王族之來投帖木兒者踵相接。帖木兒亦既平定四方。聞明室內亂。成祖與惠帝構兵。以爲有機可乘。將大舉伐明。復元室舊業。以混一宇內。於是。以恢復及傳教爲名。大修兵備。率師二十餘萬東征。明成祖聞之。敕甘肅總兵官朱晟儆備。帖木兒渡錫爾河。至訛答刺。(Otrar)病殂。年七十一。時明成祖永樂三年。西曆紀元一四〇五年也。其生平所手定地。西抵地中海。東至葱嶺與恆河。南盡波斯灣。北及俄羅斯中部。一代雄圖。莫與比倫。

第九章 帖木兒帝國之衰亡與西方之瓦解

自來北方民族。性情慍悍。有破壞之能力。無建設之能力。有大英雄起。率之四處經略。雖可縱橫一時。及其人既亡。則其國亦不能存在。蓋人類社會之競爭。須視國民全體程度如何。以爲優勝劣敗之標準。徒恃奉戴一二英雄爲首領。事實上不能持久。此北方民族盛衰興亡之慣例。而帖木兒帝國亦莫能自外者也。茲述其事蹟如左。

帖木兒殂後。嗣立者無大英雄。諸子相爭。國內分裂。明成祖永樂五年。西曆紀元一四〇七年。帖木兒孫哈里(Khaliji)嗣位。遣使送傅安等還朝。且貢方物。成祖厚款來使。報使祭賽。明年。聞黑勒特王沙合魯(Shah Rukh)。帖木兒季子

與哈里構兵。遣使齋敕諭解之。使臣徧詣西域諸國。賜之幣帛。諭令入朝。諸酋長咸喜。各遣使借黑勒特使臣入貢。自是諸國並至。皆序黑勒特於首。

其後沙魯哈卒。平定內亂。君臨中亞。是爲帖木兒帝國第二次一統時代。顧其勢不能久。明英宗正統初年。按史正統四年英宗自書諭撒馬爾罕王兀魯伯曲烈干。其子兀魯伯曲烈干(Ulugh Beg)在位。右文而孱。國內復亂。於是帖木兒玄孫

阿布賽見明史與天順中之一作月部鐵魯鐵魯母鐵魯一人乞援於月祖伯即別部。

初。巴圖之爲奇卜察克汗也。分封其兄弟爲白帳、藍帳、克里米、三汗。分領阿速海至鄂畢河之地。藍帳汗本居烏拉爾河以東。西曆紀元一三五七年。元順帝時奇卜察克汗札尼別殂。內亂迭起。藍帳汗乘機占領裏海北岸。稱

月祖伯汗及帖木兒殂。月祖伯部益乘勢南下。蠶食中亞。至是其部長阿布魯庫發兵助阿布賽靖內難。復王中亞。時明景帝景泰三年。西曆紀元一四五二年也。阿布魯庫後復擊破衛拉特部。勢益強。遂爲異日月祖伯族。據中亞之張本。

阿布賽即位後。四征不庭。大啟疆宇。東際天山。西臨報達。南盡波斯灣。北濱錫爾河。是爲帖木兒帝國第三次一統時代。顧其勢愈不能久。明憲宗成化三年。四曆紀元一四六七年。阿布賽西征波斯西境突厥酋長哈山布。(Hasan Beg)。敗沒。國遂瓦解。帖木兒苗裔各據一方。疲於內鬪。當是時。月祖伯部酋長阿布魯庫已殂。其孫昔班。(Shayban)。在位。屢乘隙南下。侵略帝國邊境。明孝宗弘治十三年。四曆紀元一五〇〇年。遂大破帝國兵。陷撒馬爾罕。據有中亞。帖木兒帝國發祥地。入於外人之手。諸王分據一方。各自爲部。不成其爲國家矣。

第十章 波斯西格索比王朝之勃興與基華布哈爾之建國

伊蘭高原地方。爲東西競爭之中心點。太古之時。伊蘭民族據之。建立極大之帝國。是爲古代波斯。波期衰亡。伊蘭高原入於希臘民族之手。隸屬敘里亞王國。尋爲達克。(Dak)。民族所據。建立安息王國。安息衰亡。伊蘭民族恢復勢力。建立波斯王國。是爲薩桑王朝。後爲大食所滅。於是伊蘭高原入於回教勢力範圍之內。薩拉森帝國衰亡。伊蘭高原迭爲突厥蒙古人所據。太古文明民族。夷爲北方黃色人種阜隸。直至帖木兒帝國衰微。波斯始復分離而獨立。然其中心點。實爲回教徒之薩拉森帝國苗裔。非復太古伊蘭民族之舊矣。茲述

其事蹟如左。

第一節 西格索比王朝之勃興

先是突厥酋長哈山布既破阿布賽。遂據波斯。沒後。諸子爭位。國內亂。先是薩拉森族。有西格索比哀丁者。與帖木兒同時。生有至德。世人神明奉之。其後裔曰奇齊克伊士邁哀耳。(Shah Ismail) 爲哈山布外孫。興望屬焉。明孝宗宏治十五年。西曆紀元一五〇二年。遂創立西格索比王朝。統一波斯。

先是回教祖穆罕默德在世。曾謂其門徒。火教之異派有七十。猶太教有七十一。天主耶穌教有七十二。已教將來殆必至七十三。然其沒後。異派數且踰百。大抵論上帝。論神魂。意見略歧。喧呶即起。未大異也。其顯然樹幟相攻者。則以教主之位故。奧瑪耶 (Omaya) 朝哈利發。素薄待其下。阿刺伯人猶未忘穆罕默德教澤。而爲別派攘竊。益疾視阿馬族。自阿力被戕。其次子忽辛 (Husain) 復失位。教人多以爲不平。雖已有哈利發。仍別立伊曼。(Imam) 亦教首之謂。持不如哈利發之權勢。不必爲阿力後。勿令他族攬越。謂阿力靈魂。一脈相傳。集於伊曼之體。穿鑿其說者。謂上帝之靈。亦式憑之。而其位益不可變易。阿力後第五世伊曼札非而沙體。(Jafar as Sadiq) 已定其長子伊士邁哀耳嗣位。繼以其嗜酒。背教規。黜之。立其次子爲嗣。十葉教人異議又起。謂教主之位。帝鑒在茲。非可朝令夕改。乃奉伊士邁哀耳之子爲教主。是爲伊士邁哀耳之教。曰伊士邁哀耳蓋以教名爲國名也。奇齊克回語小也。此小伊士邁哀耳。或即前伊士邁哀耳之後。與素尼教恆相讎。泊奇齊克伊士邁哀耳王波斯。乃定十葉教爲國教。

第二節 基華之建國

月祖伯族蘅奉素尼教。以爭教故。屢南下侵波斯。略取呼羅珊及花刺子模。尋奇齊克伊思馬哀耳與土耳其爭西亞地。花刺子模之月祖伯族猶布魯斯 (Ulbas) 遂乘機自立。以明武宗正德十年。西曆紀元一五一五年。創建基華汗國。

第三節 布哈拉之建國

先是帖木兒六世孫即阿布賽之孫巴拜爾 (Balban) 以明孝宗宏治七年。西曆紀元一四九四年。年十二歲。嗣其父拔汗那國 (Ferghana) 王位。居錫爾河上。後屢侵四隣。多著奇績。謀復祖業。尋借波斯援。驅昔班於河外。克復中亞。其地居民故亦奉素尼教。不樂巴拜爾與波斯厚。往往思亂。昔班之姪烏巴拉 (Ubaydullah) 率月祖伯部之衆。復乘釁來侵。奪布哈拉。建汗國。

第十一章 巴拜爾之南征與蒙兀爾 (Mughals) 帝國之創立

第一節 巴拜爾之建國

巴拜爾既敗。絕意北爭。退居阿富汗境。宏治十五年。西曆紀元一五〇二年。略喀布爾 (Kabul) 而據之。養精畜銳者凡二十二年。直至明世宗嘉靖五年。西曆紀元一五二六年。然後規取印度。是時印度幾儒爾汗已殂。子孫世襲。明景帝景泰元年。西曆紀元一四五〇年。傳國於阿富汗人毘路利路提。是爲路提

(Lodi) 王朝。其後三世極暴虐。國勢大衰。國中謀獨立者踵相接。奔札比總督度刺路提至喀布爾。見巴拜爾。勸使入印。重興帝國。於是巴拜爾始謀侵印度。明世宗嘉靖五年。破特里。滅路提王朝。復征服鄰近之拉提善特族。定穆里坦 (Mulkān) 巴哈爾 (Bahawalpur) 等地。自阿母河抵恆河下游。皆爲所屬。遂即印度帝位。都特里。是爲蒙兀爾帝國。

第二節 弗馬暗之中衰及其復國

嘉靖九年。西曆紀元一五三〇年。巴拜爾殂。子弗馬暗 (Humayun) 立。以弟迦牟蘭 (Kamran) 爲喀布爾。堪達喀爾。及奔札比西境總督。時印度王侯咸謀畔。其中屈露多即今奔札比庫爾魯魯。王最強大。且得葡萄牙人賣火器爲援。弗馬暗親征。破走之。尋阿富汗人蓋前代侵入印度度留居者希爾 (Sher-shah) 復畔。據印度。弗馬暗擊之。屢敗走。奔札比迦牟蘭拒弗納。乃由印度輾轉涉沙漠。投波斯乞援。時嘉靖中葉也。

波斯王奇齊克伊思馬哀耳。以嘉靖二年殂。子達馬斯立。至是助以騎兵萬四千。弗馬暗率之歸。先破迦牟蘭。悉取所屬地。三十四年。西曆紀元一五五五年。遂入印度。時希爾已前卒。閱再傳。國多內訌。弗馬暗一戰破之。遂復國。尋殂。子亞格伯 (Akbar) 也。編子立。

第三節 亞格伯之內治

亞格伯即位時。年纔十四。其國境尙不及今英屬奔札比一省地。大將俾爾蘭汗者。土耳其人。佐弗馬暗恢復

舊業。有大功。至是以宰相攝政。尊爲尙父。原作汗魯魯猶言王父也。其後亞格伯奪其權。俾爾蘭汗忿而爲亂。亞格伯擊擒之。宥其罪。祿之終身。亞格伯英明。有大略。達治體。以不世出之才識。施非常之改革。悉平定北中兩印度。尋侵入南印度。征服客貫。天方教諸國。置爲行省。招撫土著。溫都教諸國。使爲屬藩。又與拉提善特族諸王候通婚媿。使爲天方教徒所蔑視之溫都教徒。得與天方教徒平等。確定長治久安計。以收攬人心。乃得藉其力以擴張領土。遂成統一之業。尋遷都於亞加拉。(Agra) 在德里印度農夫納稅。故借選鄉長之手。頗妨於民。亞格伯革其弊。履畝定稅。以丈量起算。約稅三之一。命直接納諸方司。於法廷訟獄。則置天方溫都兩裁判事。使折中持平。鞠判。庶政一新。輿情悅服。農工興盛。國以富強。

亞格伯主信教自由。嘗集諸教大師會講於前。末年自創一新教。名伊羅匪。譯言聖神。大校以天道爲本。原以太陽爲現象。時葡人已殖民於臥亞。(Noa) 在西印度南沿海岸。亞格伯貽書葡王。延宣教師。明神宗萬曆二十三年。西曆紀元一

武沙比爾等始來印度。

萬曆三十三年。西曆紀元一六〇五年。亞格伯殂。在位五十一年。年六十三。朝野哀悼。其在位時。歲入至一億四千萬元。

世稱其兼兵家、法家、宗教家之長。爲蒙兀爾朝第一英主。

第四節 亞格伯之外征

初。濱地亞山南德干之地。有阿富汗人撒發爾。建伯曼尼朝。後分爲五國。皆奉天方教。其中惟亞瑪那加國

(Ahmadnagar) 最強大。德干之南。有特刺威大 (Dravida) 族。本印度最古之土著。遞經阿利安以下外來諸族之侵逼。漸徙而南。遂建維耶那加國 (Vijaynagar) 於南印度。奉溫都教。恆與天方教諸國爲讐。嘉靖四十四年。與亞瑪那加國戰。大敗。國勢驟衰。亞瑪那加遂獨稱雄於賓都耶山脈以南。

亞格伯之用兵於南印度。實始於萬曆十四年。西曆紀元一五八六年。是時亞瑪那加女主姜皮皮 (Shand Bibi) 在

位。有才略。國之南境。有阿皮西尼亞人。與波斯人世讐。女主委曲居間。使解仇修好。糾合諸天方教國。起聯軍。

併力以禦亞格伯。自此以後。十二年間。蒙兀爾帝國南下之勢。爲其所阻。萬曆二十三年。亞格伯太子將兵侵

亞瑪那加。失利。二十七年。亞格伯自將攻破其城。未及留戍。旋即引還。其後女主爲部下所弑。亞瑪那加仍不

下。亞格伯歿後。其子薩釐。時尊稱之爲耶罕奇朝。Chang 譯即天下勝主。孫沙耶罕 (Shah Jahan) 曾孫奧蘭賽 (Aurangzeb)

洊經三世。力征經營。始征服南印度諸天方教國。奄有五印度。顧是時蒙兀爾帝國已萌衰徵。明毅宗崇禎六

年。西曆紀元一六三三年。亞瑪那加國故地。有麻刺他 (Malhatta) 人倡亂。爲後此顛覆蒙古朝之張本。

第十二章 後高麗之衰亡與後朝鮮之建國

第一節 後高麗中葉以後對元室之關係

一、忠烈忠宣之父子不和。後高麗自忠烈王在位。尙元世祖公主。拜征東行省左丞相。屢與元連兵伐日本。不克。元世祖至元二十四年。諸王納延作亂。世祖自將討平之。其餘黨哈丹侵入高麗。破鐵嶺。在江原咸鏡。二道之間。陷

揚根。京畿王避兵奔江華島。求救於元。元遣那蠻夕大王及薛闌干等討哈丹。與高麗連兵擊破之。哈丹遁走。

已而元世祖崩。征東計劃中止。忠烈王遣使於元。爲世子諱。元公主所生請婚。元成宗以皇兄晉王噶瑪拉

舊作甘麻刺元世祖長孫太子精吉本長子女布達實哩。舊作寶塔實儂公主妻之。王及王妃世子入朝於元。獻成宗、太后、與晉王、白馬各

八十一匹。以極莊嚴之式。行親迎禮。王歸國後。王妃旋逝。王世子受巫蠱之嫌。東宮宦官宮婢坐死者數十人。

由是父子之間。漸成嫌隙。王鬱鬱不樂。遂請於元。傳位世子。是爲忠宣王。

忠宣王卽位後。更改舊章。不遵朝命。元廷不悅。成宗大德二年。召忠宣王入朝。命忠烈王復位。是時忠烈王年

漸高。性格漸改。狎暱羣小。耽於宴樂。不憂政事。元使哈散還自高麗。具奏其事。朝議復設征東行省。命闍里吉

思爲平章政事以佐之。闍里吉思至鎮。招權納賄。予奪任情。高麗人民不悅。尋以事黜。是時忠宣王羈留燕京。

充宿衛。僉人吳祁、石天補、宋璘等。乘間離間王父子。左中贊洪子藩等起兵清君側。執吳祁。送於元。王仍不悛。

阻忠宣王歸國。又欲使布達實哩公主改嫁瑞興侯璵。元使刑部尚書塔察兒來諭旨。塔察兒遂囚宋璘等。王

入朝於元。寓居忠宣王府。適值元成宗崩。忠宣王與皇姪阿裕爾巴里巴特喇。舊作愛育黎拔力八達合謀立武宗。以功

封濟陽王。阿裕爾里巴特喇奉詔遷王於慶壽寺。誅瑞興侯璵及羣小。悉罷王之親信大臣。而以忠宣王之人

代之。王拱手不能制。次年。元武宗至大元年忠烈王三十四年。王歸國。旋殂。忠宣王亦歸國嗣位。更名璋。

王久居元廷。有才略。熟諳朝廷掌故。習於蒙古風俗。元廷頗信任之。與聞政事。卽位以後。仍時常往來於燕京。

元武宗崩。仁宗即位。詔王歸國。王不悅。傳位於王子燾。是爲忠肅王。立姪延安君壽爲其世子。身留燕京。元廷不許。加以上王之尊號。遣歸國。王歸國後。耽於逸樂。開萬僧會。飯百八萬僧。自作功德十餘條。命百官上箋稱賀。尋復入朝燕京。構萬卷堂於王府。召李齊賢住府。招致文人學士。閣復、姚燧、趙孟頫、虞集等。考究書史。以自娛樂。

二、蒙古文化輸入朝鮮之影響。當是時。高麗爲元保護國。往來頻繁。元之文化。逐漸輸入半島。白頤正嘗留學於元。治程朱之學。歸國後傳於李齊賢、朴忠佐等。禹倬精於程氏易傳。教授生徒。以宋儒性理。忠肅王嘗遣博士柳衍赴江南。購經籍一萬八百卷。元仁宗亦以宋祕閣藏書四千三百七十一冊下賜。於是高麗文化。蒸蒸日上。高麗舊制。王族結婚。限於近親。其中若光宗之大穆后、德宗之敬成后、文宗之仁平后等。皆以王之姊妹。册爲皇后。對外諱爲異姓。實則同胞。至忠宣王在位。始奉元廷旨。擇名門十五家。與王室通婚姻。禁止宗親擅娶同姓。忠烈王妃爲元世祖之女。實生忠宣王。忠宣王妃爲晉王曠瑪拉女。實生忠肅王。自此以後。代代皆娶元室公主爲妃。其由名門選入者。只爲妾媵。王妃挾母家勢力。欺陵王室。王不敢較。蒙古風俗輸入宮廷。自王以下。多辮髮。襲胡服。王子命名。多用蒙古語。羣臣百姓。爭相摹倣。蒙古文字與元代之通俗漢文。流行於朝鮮半島。有風靡全國之概。高麗舊制。宮廷不用刑人。有幼而爲狗傷其勢者。供使役於宮廷。忠宣王妃愛之。獻於元廷。頗受恩寵。人皆歆慕。爭自宮以求進。其後高麗刑人。給事元宮掖。擅威福者甚多。若伯顏禿古思。

方臣祐、李大順、高龍普等。其尤著者也。伯顏禿古思事元仁宗於藩邸。佞險多不法。忠宣王深嫉之。禿古思知之。欲中傷王。仁宗遇王厚。不得其便。仁宗崩。英宗即位。特們德爾舊作鐵木造兒用事。禿古思屢譖王。特們德爾遂詔以學佛爲名。流王於吐蕃撒思吉。地名在西藏崔誠之、李齊賢等。百方請願。始詔量移王於朶思麻。亦在西藏留吐蕃四年。至泰定帝即位。始遇赦而歸。殁於燕京王府。

三、柳清臣之譖。當忠宣王之羈留吐蕃也。忠肅王入朝於元。以贊成事權漢功等。自王以來。招權納賄。奏請流竄遠島。漢功等怨王。上書於元。謀廢王立藩王。柳清臣等復上書。請立征東行省。罷高麗國號。比內地。元廷不許。清臣復譖王於元廷。奏王旨。聾啞。不親政事。元使平章政事買驢來親察。買驢知其誣。爲王辯白。由是其譖不行。王憂讒畏譏。獨居深殿。常鬱鬱不樂。元文宗至順元年。忠肅王十七年傳位於世子禎。是爲忠惠王。忠惠王即位後。耽於遊畋。不親政事。在位一年餘。元廷廢之。命忠肅王復位。忠肅王復位後。親信嬖幸。不恤國事。在位八年。以元順帝至元五年殂。忠惠王復位。

四、曹頤之亂。先是忠惠王爲世子時。入朝於元。與元丞相雅克特穆爾舊作帖木兒善。太保巴延舊作伯顏惡雅克特穆爾弄權。遇王無禮。雅克特穆爾卒。巴延當國。適值忠肅王薨。忠惠王遣使元廷。求襲位。巴延留王使不遣。政丞曹頤作亂。舉兵圍王宮。敗死。國內頗騷擾。元遣斷事官頭麟。逮王還燕京訊問。巴延陰黨曹頤。會巴延以罪誅。王事得白。歸國嗣位。王荒淫暴虐。信任羣小。或上書元廷。請立征東行省以安百姓。元廷以頒郊赦之。

詔爲名。遣大卿朶赤使高麗。王朝服郊迎。朶赤急縛王。以一馬載之。馳歸燕京。以檻車流之揭陽。縣名今屬潮循道行至岳陽。縣名今屬武陵道屬岳州府而殂。國人無哀之者。王子忠穆王昕。忠定王昺。皆以幼冲。相繼嗣位。母后專政。外戚擅權。朝政日亂。忠定王狂惑無道。元廷廢之。而立忠惠王之母弟顥。是爲恭愍王。

第二節 後高麗末年對元室之關係

一、印璫之西征。當是時元政日衰。豪傑蜂起。中原鼎沸。順帝至正十四年。恭愍王三年。右丞相託克脫脫討張士誠於高郵。今江蘇淮揚道高郵縣即故高郵州。恭愍王命政丞柳澀。廉悌臣等。率師二千人從征。顧王之本心。頗不願服從元室。朝臣奇轍。盧頤。權謙之徒。皆以聯姻帝室。故挾元之威。陵轢本國。至正十六年。恭愍王五年。遂謀叛。事覺。王收捕轍等。悉誅之。廢征東行省理問所。停元年號。復舊官制。以印璫姜仲卿爲西北面兵馬使。柳仁雨爲東北面兵馬使。分道北伐。

先是後高麗元宗在位。都統領崔坦等。據西京五十餘城。附蒙古。世祖受之。改西京爲東寧府。劃慈悲嶺爲界。於是蒙古勢力範圍。擴張至咸鏡平安二道。忠烈王時代。元罷東寧府。遷其治所於遼陽。還附西北諸城於高麗。以鴨綠江爲界。至是印璫等引兵渡鴨綠江。破婆娑府。今奉天九連城在東遼道安東縣附近柳仁雨破雙城。今吉林濱江道雙城縣板嶺。即摩天嶺以南八州五鎮皆下。自高宗以來。九十九年間沒入蒙古之地。至是皆恢復。元廷使斷事官撒迪罕來詰責。王殺印璫以自解。顧對於占領之地。則以恢復舊疆爲辭。不肯還附。

二、關先生之入寇。當是時，元勢益衰。流賊蜂起。蹂躪河南北諸郡。及內蒙古諸部。擾及遼東。兵鋒所及。後高麗北部亦被其禍。先至正十一年。潁州人劉福通起兵作亂。奉韓林兒爲主。略取河南南部。稱宋帝。號紅巾賊。至正十七年。使其將關先生、破頭潘、沙劉等寇晉冀。山西冀寧道十八年六月。陷遼州。遂大掠塞外諸郡。是年十二月。破上都。焚宮闕。次年。恭愍王八年使其將毛居敬渡鴨綠江。破義州、靜州。進陷西京。西北面元帥安祐上將軍李芳實等懷卻之。至正二十一年。恭愍王十年關先生復偕潘誠、沙劉等。合衆十餘萬。大舉南下。破岳嶺。即悲嶺之柵長驅而進。形勢危急。王避亂南下。奉太后出開京。奔福州。慶尙北道安東郡遂趨尙州。慶尙北道關先生兵破開京。大肆屠掠。進陷原州。江原道總兵官鄭世雲督諸將安祐、李芳實、金得培等圍開京。大破賊兵。斬關先生、沙劉等。收復開京。平章金鏞妬世雲及安祐功。矯詔使安祐殺世雲。復歸罪於安祐及芳實得培。并殺之。王不知其奸。下教罪狀安祐等。人民嗟怨。

三、崔滯金鏞之亂。先是崔滯。元史作崔特穆爾得罪奔元。詔事丞相綽思戩。舊作棚宦者布木布哈。舊作朴不花以金鏞

爲內應。謀廢王。立忠宣王庶子德興君。元史作塔思帖穆爾至正十三年。恭愍王十二年王由尙州還京。次於城南興王寺之行宮。金鏞遣其黨圍行宮。謀大逆。宦者安都亦代王死。王僅以身免。會密直使崔瑩副使禹禪率兵至。討賊。平之。王不悟金鏞之奸。猶欲赦其罪。大護軍林堅味固請。乃誅之。

當是時。元廷已立德興君爲王。使崔滯奉之。率兵萬人。渡鴨綠江。攻義州。王使崔瑩安遇慶等擊破之。已而綽

思戡布木布哈相繼以罪竄逐。元廷知王無罪。復王位。執崔濡送於王。誅之。自是以後。元廷益衰。至正二十八年。恭愍王明兵克燕京。元順帝北走。高麗始得免蒙古之壓制。

第三節 洪倫之弑逆 辛禍之襲位

恭愍王初卽位時。頗勵精圖治。其後王妃魯國公主以難產殞。王哀慟喪志。委政於妖僧辛曉。誅竄勳賢。大興土木。人民嗟怨。又髮無子。使洪倫韓安等。與後宮諸妃嬪通以求嗣。已而宦者崔萬生密奏「益妃王氏與洪倫通有娠。」王大喜。欲殺倫以滅口。并欲殺萬生。萬生大懼。其夜與倫等密謀。乘王大醉而弑之。時明太祖洪武七年。恭愍王二十三年也。

先是王委政辛曉。深信任之。屢幸其家。曉嘗私婢般者。有娠。屬伴僧能祐送之母家。生男。名之曰牟尼奴。能祐收養於己家。數月而死。能祐恐曉見責。竊取他人之子貌相類者以代之。經一年餘。曉收養於家。般亦不自知其非己子。王無嗣子。常戲求之。一日。王微行至曉家。曉指其兒曰。「願爲殿下養子。以嗣王後。」王笑而不答。然心默許之。其後曉跋扈日甚。恐王不平。遂謀大逆。事洩。被誅。王召牟尼奴入宮。養於明德太后。恭愍王之母洪氏屬守門下侍中李仁任。欲立爲太子。以太后不從。未果。已而賜牟尼奴名禡。封江寧府院大君。命政堂文學白文寶傅之。稱爲故宮人韓氏所出。至是王被弑。太后率禡入內。召宰相發喪舉哀。議立新君。太后及侍中慶復與欲立宗親。李仁任欲立禡。議論不決。永寧君瑜密直王安德等。希仁任旨。請立禡。禡遂卽位。時年十歲。

第四節 後高麗末年對明室之關係

當是時、元順帝北狩。次於開平。尋奔應昌。內蒙古捕魚兒海近傍明太祖兵入燕京。統一中國。即皇帝位。恭愍王與元絕。

修好於明。順帝崩。昭宗即位。以庫庫特穆爾帖木兒為相。居和林。明太祖洪武十一年。辛禱四年。昭宗崩。子特古

斯特穆爾帖木兒即位。保守外蒙古。與明室構兵。史稱之曰北元。

恭愍王之被弑也。或謂李仁任曰。『國君不以壽終。宰相當其罪。明帝若問先王死因。公將何辭以對。不如修

好於元。』仁任然之。適值明使禮部主事林密、奉敕大使蔡斌、至高麗。高麗遣同知密直司事金義、護送馬五

百匹。隨使者入貢。仁任乃遣安師琦、密諭金義。殺明使於開州站。又與百官連名。上書北元中書省。請修好

如故。左代言林樸、典校令朴尙衷、典儀副令鄭道傳等。不肯署名。已而北元遣使報聘。李仁任池齋慶福與等。

議遣使迎之。三司左尹金九容、典理總郎李崇仁、及鄭道傳等。上書力爭。復興仁任等怒。流道傳於會津。羅南

州。羅南成均大司成鄭夢周、判典校寺朴尙衷、亦上書力爭。獻納李籛。正言全伯英等。復上疏。彈劾仁任齋等。仁

任怒。下籛伯英獄。盡竄之遠方。一時名士。凡反對仁任者皆被逐。明太祖洪武十年。元昭宗宣光七年北元

遣使。冊封王為開府儀同三司、征東行省左丞相、高麗國王。自是以後。復用北元年號。尋遣使與北元密商。欲

連兵攻明之定遼衛。明遼東治所

初、明使之被殺也。鄭夢周、朴尙衷、請速遣使如明。告哀修好。李仁任從之。使判宗簿寺崔源如明告喪。且請諡

及承襲已而夢周尙衷相繼竄逐。朝臣主張聯北元者衆。乃遣李之富如定遼衛。陽以修好爲名。陰窺明之邊備。至是與北元密謀。欲聯兵侵定遼衛。以朝議多動搖。未果。次年辛禡四年洪武十一年三月。復遣使入朝於明。請諡及承襲。明太祖賜以手書。責問殺使者之罪。且命如先王約。納歲貢。始允其請。王遣使如遼東。謝殺使臣之罪。願以明所要索歲幣之數大鉅。未能如約。自後年年遣使入貢。多被謝絕。洪武十七年十年遣鄭夢周入朝於明。賀聖節。且請諡及承襲。夢周奏對稱旨。明廷允之。越二年。復遣夢周入朝於明。始得減輕歲貢之數。其後有自遼東逃來者。告於都堂。謂明帝將求處女。秀才。宦官。及牛馬於高麗。都堂大以爲戚。

當是時。高麗竭全國力以事明。猶不能滿其意。屢以難題相責備。門下侍中崔瑩大憤慨。主張用武力解決。顧猶遣鄭夢周趙琳等。相繼入朝於明。至遼東。皆不得入而還。未幾。鐵嶺衛問題復起。先是有元時代。鐵嶺以北隸中國。東隸高麗。至是明廷主張鐵嶺以北以東之地皆隸中國。洪武二十一年辛禡十四年明遼東都司渡鴨綠江。張榜謂「鐵嶺以北以東以西之地。舊爲開原所管。凡居留其地之軍人漢人女真韃靼高麗人等。皆應屬於遼東」云云。麗廷大感。崔瑩乃倡議。攻定遼衛以制明。羣臣皆難之。王不聽。

第五節 後高麗末年對日本之關係

一、倭寇 屠掠。是時日本內亂種作。南北朝對峙。戰爭無已。鎮西流民招集徒黨。屢侵掠高麗及中國沿海。明史統名之曰倭寇。恭愍王之時。其禍最劇。幾乎無歲不有。至正二十六年恭愍王十五年日本後村上天皇正平二十一年前典儀

令金逸持元中書省牒至日本。請行禁止。日本大將軍足利義詮。答以「九州海賊所爲。日廷不與聞。」不報。自是以後。倭寇益盛。

辛禡之初卽位也。倭人藤原經光率衆來降。居之順天在全羅南道。燕岐在忠清南道。官給資糧。已而麗廷畏其跋扈。命

全羅道元帥金先致誘誅之。謀洩。經光率其黨浮海而遁。自此以後。倭人大怒。每一入寇。焚掠極慘。屠戮及於

嬰孩。全羅楊廣今京畿道慶尙等道濱海州郡。皆被其害。每歲入寇。至多或至數十次。每次屠掠之區域及人民。大

小衆寡不定。大抵批瑕蹈虛。乘釁而入。人自爲戰。無統一之元帥。以屠掠爲目的。不主張攻城略地。不占據土

地。今日所得者。明日或棄之。遇偏師則戰。遇大兵則遁。其行逕頗似明末流寇及今之馬賊。不過流寇及馬賊。

俱以馬爲搬運機關。倭寇則以船爲搬運機關耳。後高麗兵弱將寡。屢戰屢北。東西南三面沿海州郡。大遭屠

掠。有應接不暇之勢。判三司事崔瑩請自將出征。王以其老。難之。瑩固請行。乃詔以瑩爲大將。督諸將討倭。戰

比有功。倭寇航海而遁。觀後高麗無備之處。復乘隙侵掠。其勢愈熾。麗廷無奈。乃倡議遷都內地。未果。復遣

判典客寺事羅興儒。安吉祥。前大司成鄭夢周等。前後出使日本。要求禁止倭寇。顧是時日本內部。方南北分

裂。疲於戰爭。無暇出兵。代爲征討。麗廷以羸兵弱卒。當慄悍勁疾。出沒無常之虜。疲於奔命。洪武十三年辛禡六年。

朝議以李成桂爲楊廣全羅慶尙道都巡察使。督邊安烈。王福命。禹仁烈等討倭。大破之於荒山在今全羅北道雲峯郡。

洪武十六年辛禡九年。海道元帥鄭地復破之於南海縣慶尙。倭寇北竄。侵掠江原咸鏡等道。江原道體覆使鄭承

可。前政堂南佐時、咸鏡道元帥沈德符、洪徽等相繼敗北。東方騷然。洪武十八年。辛稱十一年。麗廷以李成桂爲東北面都元帥，擊倭寇，大破之。倭人復南竄，侵掠慶尙全羅等道。鄭地上書請自將海軍攻對馬、壹歧、兩島，以斷倭寇後路，不果行。

二、李仁任池菴之專擅。當是時，後高麗內部日益腐敗，軍政不修。元帥之數甚多，號令不一，將校怯懦，無國家觀念，兵卒羸弱，多烏合之衆。倭寇東西蹂躪，如入無人之境。僅崔瑩鄭地李成桂等，能力拒之。然從根本上薄平，一時不能作到。辛稱年幼即位，李仁任池菴林堅味等輔政，競以聲色導之。日漸習於奢侈，明德太后殂後。辛稱六年。宮廷無復忌憚，日以遊畋爲事，出入里巷，虜掠民家婦女，淫虐無所不至。左司議白君寧、守侍中崔瑩等屢諫不聽。李仁任挾援立之功，與池菴專擅威福，賣官鬻爵，賄賂公行，附和者拔擢，反對者貶黜。崔瑩雖爲宰相，正外之時尚多。慶復與清潔自守，不能有所作爲。於是大權悉歸仁任、菴，二人互相比附，狼狽爲奸，晚更有隙。仁任以誹謗朝政爲口實，流竄菴黨與，菴懼，謀奉王殺仁任。菴洩，林堅味執菴，下巡軍獄，并其黨金允升等二十餘人皆伏誅。堅味與廉興邦黨於仁任，專國政。王與崔瑩及李成桂密謀，下興邦於巡軍獄，捕堅味，誅之。免仁任官，安置京山府。慶尙北道星州。逮捕其黨羽及宗族下獄，拷掠極慘，皆死於獄中。李成桂力請從寬，不必株連，崔瑩不聽。

三、財政之困難。當是時，後高麗久隸蒙古，每年朝覲餽遺，爲額至鉅。元廷誅求無厭，財力逐漸不支。權臣橫

奪民田。以圖私利。跨州連郡。標山川爲界限。募農民或令原有地主耕種。每年收租稅。或至再三。又往往有同一田地。而所有主至兩三人。各自派人徵稅。又無一定額數。民困於誅求。無處投訴。公田之額。逐漸減少。政府人民。俱陷於窮境。沿海州郡。屢遭倭寇焚掠。耕種愆期。收穫失宜。不能不免除租稅。漕運不通。地方未穀。不能以時輸入京師。國庫空竭。百官薪俸。不能以時給。加以內供軍旅。外奉明廷。需款甚多。不得不增加惡稅以求足數。財政紊亂。達於其極。時局如此。非有英明果斷之主。不足以圖補救。辛禍昏弱。羣臣泄沓。僅有一崔瑩。差可謂錚錚佼佼。顧猶剛復自是。挑釁大敵。大勢如此。後高麗之運命。概可知矣。

第六節 李成桂之篡

當是時。鐵嶺問題已起。崔瑩主張用武力解決。辛禍從之。以瑩爲八道都統使。留京師。曹敏修、李成桂爲左右軍都統使。督諸軍攻遼東。諸軍旣渡鴨綠江。成桂與諸將謀。率師復回。力陳不可開釁大邦。請黜崔瑩。王不聽。成桂與諸將圍開京。執瑩。流之高峯縣。今京畿道交河郡廢王。遷之江華島。時明太祖洪武二十一年。後高麗辛禍十四年。西曆紀元一三八八年也。

辛禍旣廢。曹敏修與李仁任有舊。倡議立仁任外兄李琳女謹妃李氏所生之子昌。時年九歲。李成桂欲專權。嗾諫官彈劾敏修。以兵力廢之。免其官。流竄遠方。禁錮仁任子孫。殺崔瑩。遷廢王辛禍於驪興。今京畿道驪州辛禍憂憤。密謀殺成桂。成桂遷之江陵。復與羣臣謀。奉定妃恭愍王妃安氏教。廢昌。放之江華島。迎神宗之遠孫定昌君瑤入

卽位。是爲恭讓王。廢曹敏修爲庶人。殺辛禡父子。時明太祖洪武二十二年。後高麗辛禡十五年。西曆紀元一三八九年也。

嘗是時。後高麗朋黨之禍最劇。羣臣各有黨羽。互相排擊。上疏論時弊。議政治者甚多。大抵假公濟私。陽以糾彈爲名。陰行排擠之實。獄禍蔓延。將相大臣。或流或殺者不可勝計。王本爲權臣所擁立。毫無權勢。拱手仰成。李成桂專國政。創立三軍都統制府。統中外之軍政。以裴克廉爲中軍總制使。趙浚爲左軍總制使。鄭道傳爲右軍總制使。主兵柄。自爲都總制使。以總其成。於是大權皆歸成桂之手。其黨鄭道傳、南閔、趙浚、尹紹宗等。密謀推戴。守門下侍中鄭夢周以忠義自詡。密謀誅成桂。謀洩。被殺。王室忠臣僂長壽、李茂、禹玄寶等數十人皆被竄逐。守門下侍中裴克廉等。奉定妃教。廢王。遷於原州。江原道迎李成桂入卽位。是爲後朝鮮太祖。後高麗亡。時明太祖洪武二十五年。後高麗恭讓王四年。後朝鮮太祖元年。西曆紀元一三九二年也。後高麗自建國至是。凡傳王氏三十二王。四百四十二年。辛氏二王。十五年。共四百五十七年而亡。朝鮮半島主權。自此入於李氏矣。

第十三章 安南陳氏之衰亡與黎氏之建國

第一節 安南之盛世

安南陳氏。自太宗日暎建國以後。歷聖宗光暉。仁宗昉。英宗煜。累世皆英主。內政修明。元世祖屢遣大兵攻之。

不克。英宗時。文化大爲進步。對於元室。表面上雖稱臣納貢。然內政絕不受其干涉。元仁宗皇慶二年。所部人再犯廣西邊。頗焚掠。詔俟其使至。諭飭之。延祐元年。西曆紀元一三二九年。英宗傳位於子壽。是爲明宗。疑即元煊。自是及至治之末。疆場寧謐。貢獻不絕。元明宗天曆二年。西曆紀元一三二九年。明宗傳位於子旺。是爲憲宗。疑即元陳。日順帝至正元年。西曆紀元一三三五年。憲宗弟。諱立。是爲裕宗。疑即明史之陳日煊。會元亡明興。詔使招諭。明太祖洪武二年。西曆紀元一三六九年。裕宗遣使來貢。詔封爲安南王。册使至。裕宗已殂。兄昱養子楊日禮立。日禮。僞人楊姜子裕宗無之。陳日禮受詔封。次年。明宗第三子頤。即明史之陳日禮。自立。是爲藝宗。遣使入貢。朝廷見署表非日禮名。詰得其實。詔卻之。藝宗復朝貢謝罪。並請封。乃命以前王印視事。五年。西曆紀元一三七二年。藝宗讓位於弟燾。即明史之陳七年。叔明自稱年老。乞命弟燾攝政。從之。燾使請貢期。詔二年一貢。十年。西曆紀元一三七七年。燾侵占城。敗沒。弟燾代立。萬國史綱目謂其記事多疎略。不及明史之詳晰。故從明史。

第二節 黎季犛之篡

煒及即位。與廣西思明土官互訴侵犯。朝廷移檄數責。懼謝罪。其國相黎季犛。故經略使黎國聖之子。竊柄。二十一年。西曆紀元一三八八年。廢煒。弑之。立藝宗子日煨主國事。仍假煒名入貢。朝廷不知而納之。越數年始覺。詔絕其使。季犛懼。數入貢。乃受之。二十八年。明龍州土司叛。遣將討之。諭季犛先後輸米凡三萬石餉軍。次年。季犛告前王叔明之計。朝廷諭季犛還所侵思明總管府屬五縣地。執不從。明惠帝建文元年。西曆紀元一三九九年。季犛弑日煨。立其子

顯。又弑顯。立其弟安。方在襁褓中。復弑之。大殺陳氏宗族而自立。更姓名爲胡一元。名其子查曰胡查。自謂出舜裔胡公後。國號大虞。尋自稱太上皇。傳位查。朝廷不知也。成祖既立。遣官以卽位往諭。查自署權理安南國事。遣使來貢。詭言陳氏嗣絕。已爲衆所推。乞賜封爵。遂詔封查。查遣使謝恩。然帝其國中自若。思明所屬數州鎮。爲所侵奪。詔令退還。不聽。占城亦訴其侵掠。詔令修好。查陽奉命。侵掠如故。且授印章。逼爲屬。又邀奪朝廷賜物。成祖惡之。方遣官切責。而安南舊臣裴伯者詣闕告難。語極忠憤。帝得奏感動。命所司周以衣食。會老媪送陳天平旃弟。至。請兵復讐。詞尤哀摯。帝益感動。始悔封查之誤。遣使詰責。令具篡殺之實以聞。查復遣使謝罪。請迎天平歸。奉爲主。時雲南寧遠州復訴查。侵奪七寨。掠其塔女。查許退還寧遠及前思明地。帝不虞其詐。許之。永樂四年。以兵納天平。至芹站。在今法領越南諒山府雞陵關南。查伏兵邀殺天平。帝大怒。決計討之。遣西平侯沐晟。新城侯張輔。帥十八將軍分道進。輔出廣西。晟出雲南。大破安南兵。次年。擒季犛及查。檻送京師。安南平時。永樂五年。西曆紀元一四〇七年也。

第三節 簡定與陳季犛之亂

安南既平。朝廷求陳氏後不得。乃置交趾布政使司。設府十七。直隸州五。衛十二。以刑部尙書黃福掌交趾布政使司事。次年。輔等班師。上交趾地圖。東西一千七百六十里。南北二千八百里。人民五百二十萬。時朝廷所遣官吏。務以寬厚輯新造。而蠻人初被征服。數相驚恐。安南藝宗次子即明史所謂陳氏故官簡定者。爲簡定帝。先降。將遣詣


京。復逸去。與化州土酋等謀恢復。遂建國號曰大越。出沒又安化州山中。大軍還。張輔與晟協剿。顧自稱上皇。立陳季擴本蠻人。後爲帝。輔進師討破之。獲顧。惟季擴遁去。帝召輔還。留晟討季擴。大敗之。季擴乞降。帝命爲交趾布政使。不受。剽掠如故。詔遣輔會晟討之。交人苦中國拘束。又數爲吏卒擾。往往起附賊。旋服旋叛。輔至申軍令。斬逆節度者以徇。將士惕息。無敢不用令者。連大敗敵。破其象陣。進抵其巢。禽磔亂黨。季擴走老鴿。追破其三關。在老鴿東南。與交趾接界。遂縛季擴及其孥。送京師斬之。交趾復平。十三年。輔班師還。旋復出鎮討平餘寇。輔凡四至交趾。規畫甚備。交人所畏。惟輔。十四年。召輔還。


第四節 大越黎氏之建國

張輔還京以後。詔豐城侯李彬代鎮交趾。會中官馬騏以探辦至。大索境內珠寶。人情擾亂。桀黠者鼓煽之。大軍甫還。即並起爲寇。彬發兵討平之。交趾屬清化府。巡檢黎利者。故安南清華州藍山人。初事陳氏爲金吾將軍。見其主懦弱。知國將亂。晦迹習韜略。延智士。招流民。大兵南征。迎降。授巡檢。常快快不樂。十六年。利與其黨復乘機作亂。縱兵四掠。參政侯保馮貴戰死。成祖以賊久未平。十八年。命將助討。後羣寇悉破滅。惟利竄老鴿。檄其酋發所部兵捕之。不獲。仁宗卽位。召黃福還。賊益劇。鎮守中官請授利清化知府。從之。利得敕。仍無降意。寇掠不已。宣宗宣德元年。遣成山侯王通安遠侯柳升相繼討之。通兵敗績。陰許利和。升師次倒馬坡。在難陵。復遇伏死。諸軍盡沒。通益懼。更啗利和。教以詭立陳嵩爲陳氏後。以嵩表至。遽與盟。引兵還。宣宗省表。

心知其詐。欲藉此息兵。張輔力主進討。自期以一年擒賊。吏部尚書蹇義等贊之。而大學士楊士奇等。知帝厭兵。力言許利便。遂赦利罪。罷兵。悉召官吏軍民北還。得還者八萬六千餘人。其為利所獲及拘留者不計其數。三年。四曆紀元一。利遂稱帝。國號大越。是為大越太祖。建東西二都。分十三道。旋詭言異物故。屢乞封。六年。詔命利權署國事。自是安南內屬。世執藩臣禮。置百官。設學校。以經義詩賦二科取士。彬彬有華風焉。

安南陳氏世系表 傳十四世一百八十年為明所滅





第十四章 占城之衰亡與安南之分裂

第一節 黎氏之初政

安南黎氏自太祖開國。稱大越皇帝。明宣宗宣德八年。四曆紀元一。殂。子元龍明史作麟立。是為太宗。明英宗正統元年。詔封為安南國王。太宗在位九年。以正統七年。四曆紀元一。殂。子邦基明史作潛立。是為仁宗。在位十七年。以明英宗天順三年。四曆紀元一。為庶兄諒山王琮所弑。琮自立。侵老撾宣慰使司。敗歸。宗室黎壽域等討殺琮。奉太宗第四子瀨原名思誠即位。是為聖宗。聖宗英明。有武略。安南故與占城接壤。世仇。遂乘占城之衰。大舉攻克。

之。尋降老撾。大啓疆宇。

第二節 占城之興亡

占城自昔與真臘接壤。世爲仇敵。時相戰爭。及安南來攻。真臘亦乘釁進侵其境。占城南北受敵。勢力日衰。先是宋孝宗時。占城以舟師襲真臘。迫其都。寧宗時。真臘大舉兵伐占城。以復仇。虜其王。屠其民。占城遂亡。其地悉歸真臘。因改真臘曰占臘。有元初年。占城復獨立。元世祖建占城爲行省。其王不從。世祖遣兵攻破之。終不能有其地。明太祖洪武初年。占城王阿答阿遣使入貢。詔封爲占城國王。洪武二十三年。西曆紀元一三九〇年大臣關勝弒王自立。次年入貢。太祖惡其悖逆。卻之。成祖永樂元年。西曆紀元一四〇三年其王占巴的賴奉金葉朝貢。且告安南侵掠。請降敕戒諭。成祖許之。嗣後朝貢不絕。有明中葉。尸耐人槃羅茶悅。弒其王賁田而奪其國。傳弟茶全。爲人淫暴。人民怨叛。茶全求援於明。入侵安南。安南聖宗自將攻破占城。執茶全。殺之。遂據其地。改爲交南州。占城亡。時明憲宗成化七年。西曆紀元一四七一年也。尋立前王孫齋亞麻弗庵爲王。以國南邊地與之。自是以後。民物蕭條。夷爲安南保護國矣。

第三節 莫登庸之亂

聖宗在位三十八年。以明孝宗宏治十一年。西曆紀元一四九八年一殂。子憲宗暉立。在位七年殂。子肅宗濬立。在位一年。弟威穆帝璿。明史作璿立。在位五年。國內亂。外戚阮种用事。以明武宗正德四年。逼璿自殺。國人黎廣等討殺种。

立聖宗之孫澄。明史作明是爲襄翼帝。帝多行不義。國人惡之。在位八年。以正德十一年。爲部將鄭爲鏞所弒。迎

立聖宗曾孫椅。作讓是爲昭宗。昭宗寵幸莫登庸。任爲大將。莫登庸者。宜陽古齊人。幼以漁爲業。及長。有勇

力。歷仕黎氏三朝。位至太師。封安興王。陰結朋黨。謀篡弒。昭宗卽位以後第七年。明世宗嘉靖元年西曆紀元一三二二年登庸作

亂。夜率兵圍王宮。昭宗聞警。微服間行。出奔清華。登庸立王弟椿。明史作應是爲恭帝。在位五年。登庸弒之而自立。

黎氏中絕。時明世宗嘉靖六年。西曆紀元一五二七年也。

昭宗之走清華也。其舊臣不服莫氏者。各據險阻。爲之聲援。登庸自將攻清華。昭宗走老撾。嘉靖九年。西曆紀元一五

三○憂憤而殞。衆復立其子寧。號曰世孫。是爲莊宗。有兵三千人。登庸屢攻之。不能克。莊宗結國人爲內應。自

將討登庸。大破之。登庸走海陽。莊宗歸國。起鄭綬爲大將。攻海陽。登庸堅守不下。別選兵萬人。間行襲國都。莊

宗錯愕。復奔清華。鄭綬兵潰。莊宗復奔老撾。遣使間道告難於明。世宗命咸寧侯仇鸞爲征夷副將軍。充總兵

官。兵部尙書毛伯溫參贊軍務。往征之。大兵至桂遼。登庸懼。請降。詣鎮南關大營。稽首謝罪。請奉正朔。修職貢。

詔降安南爲都統使司。以登庸爲都統使。分其部下十三路爲十三宣撫司。各設宣撫司正佐職官。襲替黜陟。

俱聽登庸總理。通隸廣西布政使司。歲頒正朔。三歲一貢。於是安南北部中部入於莫氏。而安南南部清華。義

安。順化。廣安四道。仍奉莊宗爲君主。不受莫氏節制。時明世宗嘉靖二十年。西曆紀元一五四一年也。

第十五章 緬甸暹羅之對峙

第一節 緬甸之坐大

驛國自宋以來始謂之緬。(Mien)國於伊拉瓦底(Irawadi)江上流。都蒲甘(Pagan)後併阿羅漢(Ara-kan)白古(Ten)勢漸盛。元世祖征之。緬王降。後改爲土司。明時爲緬甸宣慰使。都阿瓦(Ava)與老撾諸土司并隸雲南。明世宗嘉靖初年。孟養木邦曾攻殺緬甸酋莽紀歲。分有其地。紀歲子瑞體南奔洞吾。瑞體勇武有英略。時南洋之航路已開。葡萄牙人之自印度至者日夥。瑞體儲之爲近衛兵。尋以計侵據大古刺。遂復緬甸。又北併木邦所分之孟密宣撫司。進掠孟養。東侵車里老摺八百之境。隆慶中。木邦曾附於緬。而孟密所分之蠻莫宣附司亦附焉。萬曆七年。緬盡據孟養地。十一年。復據木邦地。遂僭強於西南。瑞體死。子應襄嗣。漸侵入雲南邊內諸土司。又爲貝葉書與中國。自稱西南金樓白象王。十二年。入寇。窺永昌騰越諸處。陷順寧。時迤西諸部皆叛。以兵助緬。進逼姚關。在甸轉土州北接順寧界勢甚盛。朝廷遣騰衝遊擊劉綎。巡撫都御史陳用賓。先後擊破之。由是不敢內犯。惟雄長諸部如故。

古刺者。明永樂初內附之夷部也。又名擺古。其地西南瀕海。東接暹羅。成祖置大古刺宣慰司。與底馬撒、靖定、平緬、木邦、孟養、緬甸、八百、車里、老撾、九宣慰司。並稱西南十慰。其隔在緬甸之南。去中國最遠者。惟古刺與底馬撒。在古刺東南實馬來海峽西北隅。地後底馬撒爲緬甸所滅。惟古刺盛強。世與緬敵。嘉靖中。爲莽瑞體所併。尋復自立。隆慶中。瑞體又求婚於暹羅。不得。愆怒。大發兵攻破其國。國王自縊。虜其世子及明所賜印以歸。自是暹羅亦爲緬

甸所制。

第二節 暹羅之勃興

暹羅者。故隋唐時代赤土國。後分爲暹與羅斛二國。元時暹常入貢。及順帝至元十年。羅斛強。其王波羅吉貝 (Thra Rama Tuhodi) 併有暹地。遂稱暹羅斛國。子孫相承。都湄南河濱之猶地亞 (Ajuthra) 是爲暹羅第一王朝。洪武二年。詔使招諭。四年。其王參列昭毘牙遣使表貢。尋國人以王懦而不武。推其伯父參列寶毘邪囉囉哆囉祿主國事。入貢益勤。且獻本國地圖。其世子蘇門邦王昭祿羣膺亦遣使上箋於皇太子。貢方物。十年。昭祿羣膺承父命來朝。太祖喜。命官齎詔及印賜之。文曰暹羅王之印。並賜世子衣幣及道里費。自是其國遵朝命。始稱暹羅。比年一貢。或一年兩貢。英宗正統以後。或數年一貢云。後爲緬甸所擊破。即明史所謂其鄰國東蠻牛者是王次子字羅那里 (Thra Nareh) 嗣位。奉表請印。予之。嗣王勵志復仇。明神宗萬曆間。敵兵復至。王整兵奮擊。大破之。殺其子。餘衆宵遁。暹羅由是雄於海上。移兵攻破真臘。降其王。從此歲歲用兵。遂翦諸國。編爲暹羅所困。勢頓衰。然近緬諸部。仍服屬之。終明世不能復。二十年。日本破朝鮮。暹羅請潛師直擣日本。牽其後。兵部尚書石星議從之。粵督蕭彥持不可。乃已。厥後奉貢不替。其國周千里。俗勁悍。習水戰。王瑣里人。官分十等。自王庶民。事皆決於婦。婦人志量實出男子。上國有三寶廟。祝明中官鄧和云。

第十六章 豐臣秀吉西侵以前日本內政之變化

元世祖東征之役。直接雖無結果。而間接所得之結果有二。其一則日本以小敵大。得意外之效果。於是志得意滿。藐視中國與高麗。其無業遊民。相率以侵略鄰國爲事。是爲倭寇之起因。其二則北條氏竭全國之兵力。以防禦西海。相持至數十年。日本經濟界大受影響。政府人民俱陷於窮地。怨謗之中心點。萃於幕府。志士乘之。以尊王討幕爲名。羣起攻擊北條氏。是爲北條氏衰亡之遠因。倭寇之事蹟。俟下章述之。茲先述北條氏衰亡事蹟。

第一節 皇室兩統之迭立

北條氏自時政以來。利用大將軍爲傀儡。盜弄國柄。天皇孤立於上。拱手仰成。諸大臣多不平。激而成承久之亂。自此以後。大權皆入於幕府。皇室等於贅旒。北條氏猶以爲未足。乃利用持明院大覺寺兩統之爭。創爲迭立之說。使之互相牽掣。以減殺其對幕府之實力。自此以後。皇室之廢立。胥仰北條氏鼻息。冠履之倒置如此。可哀也已。茲述其事蹟如左。

先是四條天皇殂。無嗣。攝政藤原道家欲立其外孫忠成。執權北條泰時。以忠成爲順德上皇子。順德與開承久之亂。不許。而立土御門上皇第四皇子邦仁。是爲後嵯峨天皇。北條氏專國政。帝拱手仰成而已。在位四年。以宋理宗淳祐六年。西曆紀元一傳位於皇子久仁。是爲後深草天皇。後深草在位十三年。以宋理宗開慶元年。西曆紀元一傳位於皇弟恆仁。是爲龜山天皇。

後嵯峨上皇在院中聽政二十六年。臨終。遺詔龜山系世世承大統。而以長講堂領一百八十所。授後深草系爲子孫湯沐邑。後深草上皇不平。龜山在位十五年。以宋度宗咸淳十年。西曆紀元一傳位於皇子世仁。是爲後宇多天皇。龜山自爲上皇。在院中聽政。後深草益不平。乃私以己意。訴於鎌倉幕府執權北條時宗。時宗乃倡議。立後深草皇子熙仁爲後宇多太子。

後宇多在位十三年。以元世祖至元二十四年。西曆紀元一傳位於熙仁。是爲伏見天皇。立皇子胤仁爲太子。龜山上皇不平。後伏見在位十一年。以元成宗大德三年。西曆紀元一傳位於胤仁。是爲後伏見天皇。後宇多上皇益不平。遣使鎌倉。責備執權違背先帝遺詔。時北條時宗已卒。子貞時襲職。乃倡議。後深草龜山兩統。各以十年爲限。更迭爲帝。後伏見在位三年。以元成宗大德五年。西曆紀元一傳位於後宇多長子邦治。是爲後二條天皇。在位六年。以元武宗至大元年。西曆紀元一殂。伏見第二皇子富仁卽位。是爲花園天皇。在位十一年。以元仁宗延祐五年。傳位於後宇多第二皇子尊治。是爲後醍醐天皇。

是時兩統代立。世稱後深草系爲持明院統。龜山系爲大覺寺統。持明院統襲位之時。兼領長講堂領。私產極爲豐富。大覺寺統遜位之後。私產絕無。生活頗爲困難。大覺寺統不平。執權貞時操縱於其間。利用兩統之競爭。以鞏固幕府之勢力。貞時卒。子高時襲位。年幼不能蒞政。家臣長崎圓喜、秋田時顯、協心輔佐之。內政粗理。高時長而暴戾。耽於遊畋。喜聲色。圓喜之子高資乘機蠱惑之。專擅威福。尋高時以病罷聽政。以族人守時代

爲執權。適值陸奧會長安藤季長與族人爭權。訴於幕府。高資雙方取賄賂。而不爲之辨曲直。武人憤怒解體。各處會長多叛北條氏。一世英雄楠木正成新田義貞之徒。遂乘釁起兵。興復帝室矣。

第二節 建武之中興與北條氏之顛覆

北條氏祖護持明院統。創爲兩統迭立之說。使皇室互相牽掣。自以爲無患矣。而意外所得之結果。則大覺寺統多不平。激而成建武之難是也。茲述其事蹟如左。

後醍醐以壯年卽位。天資英邁。常慨然於皇室之衰。有恢復先烈之志。見北條氏政亂。以爲有機可乘。親政以後。置記錄所。親聽訴訟。又使中納言日野資朝右少辨藤原俊基等。微行赴畿內及東國西國。視察地利風俗。且招致勤王之武士。旣而事露。北條高時怒。流資朝於佐渡。幽俊基於鎌倉。遂議廢立。後醍醐作誓書以自明。僅乃得免。

後醍醐之初卽位也。立後二條皇子邦良爲太子。邦良卒後。後醍醐欲立皇子護良。高時不聽。而立後伏見皇子量仁。後醍醐怒。以護良爲延歷寺座主。稱大塔宮。以與僧人聯絡。召僧圓觀文觀等入禁中。咒詛高時。謀洩。高時捕圓觀等下獄。流之遠方。復謀廢立。元文帝至順二年後醍醐元弘元年四月。舉兵犯闕。後醍醐奔奈良。復奔笠置。山名在奈良西北。高時立量仁爲帝。是爲光嚴天皇。復遣兵陷笠置。次年元弘二年。遷後醍醐於隱岐。

是時。楠木正成起兵河內。今大阪府北部。倡義討北條氏。皇子護良走大和。以皇子令徵天下兵勤王。於是四方勤王

之師蜂起。次年元弘三年春。後醍醐由隱岐偷渡海。奔伯耆。今山陰道鳥取縣南部。伯耆人名和長年。奉後醍醐幸船上山。在伯起義兵。下詔諸國。徵兵討北條氏。北條氏部將足利高氏來降。與播磨今山陽道兵庫縣南部。守將赤松則村聯兵攻京都。破六波羅府。誅北條氏黨與。源氏後裔新田義貞起兵上野。今羣馬縣。率其族人攻入鎌倉。北條高時戰敗。舉族自殺。最後之將軍守邦後深草皇孫。明親王子。薙髮爲僧。北條氏亡。時元順帝元統元年。日本後醍醐天皇元弘三年。西曆紀元一三三三年也。鎌倉幕府自源賴朝開國至是。凡一百五十餘年而亡。大權復歸於皇室。稱爲建武中興時代。

第三節 足利尊氏之背叛與南北朝之分立

一、後醍醐還京後之設施。鎌倉幕府平後。後醍醐還京。廢光嚴。罷黜其用事大臣。沒收北條氏財產。設雜訴決斷所。置評定員。以裁決土地訴訟。置武者所。以新田氏爲頭人。掌宿衛兵。外官任公卿時。則稱國司。任武士時。則稱守護。國司兼掌軍政。守護兼掌民政。以參議北畠顯家爲陸奥今青森縣守。奉皇子義良。出鎮陸奥。出羽今秋田縣。以皇子成良爲上野太守。出鎮鎌倉。足利高氏之弟直義爲相模川今神奈川縣守。以輔之。皇子尊良出鎮太宰府。大友貞宗。少貳賴向。島津貞久等。分屯豐後今大分縣。筑前今福岡縣。薩摩今鹿兒島縣。等。地以輔之。凡所設施。俱以統一爲目的。而以文武不分途爲方法。願當時大權下移已久。至是初出於朝廷。無貴無賤。皆集於京師。出文書證券。求所領之安堵。紛爭不已。諸將士驕橫。無功者貪賞。橫奪朝臣封邑。以爲己領。朝廷不能制。舉國

騷擾。北條氏之遺族。與持明院統黨之公卿。號召不平之徒。嘯集於郡國。姦雄足利高氏乘之。竊據鎌倉以叛帝室。王師敗績。天皇出狩。持明院統與之聯合。復據尊位。於是南北分離。戰禍復起矣。

二、足利尊氏之叛。初、源爲義之被殺也。其從弟義重義家之孫之子徙居上野今羣馬縣。稱賴田氏。義重之弟義康居下野今據水縣。足利莊稱足利氏。足利氏與北條氏爲姻戚。北條執權時代。足利氏頗有勢力。新田氏

雖源氏嫡系。勢力反在其下。足利高氏自以門閥名望。俱在北條氏之右。不願久居其下。見北條高時政令紊亂。陰欲圖之。適四方勤王兵起。兩六波羅府來乞援。高時遣高氏率兵救之。高氏乘釁。遂倒戈破六波羅府。事定之後。論功行賞。授正三位。任參議。留居京師。仍賜名曰尊氏。命其弟直義出鎮鎌倉。尊氏自以身爲源氏

系統。希望自爲征夷大將軍。恢復幕府舊業。時皇子護良爲征夷大將軍。留居京師。有威望。尊氏嫉之。新田義貞功高。主兵柄。亦爲尊氏所嫉。護良與義貞。亦知尊氏飛揚跋扈。有不臣之志。陰欲圖之。元順帝元統二年。醜後

建武元年。護良密下令。徵諸國兵。尊氏知將不利於己。結帝寵姬藤原氏。譖護良謀反。後醍醐怒執護良。幽之鎌倉。命足利直義監守之。時北條高時之子時行。以恢復祖業爲名。舉兵反於信濃。今長野縣。將攻鎌倉。直義不能拒。

遂殺護良。棄鎌倉。劫皇子成良西走。朝廷聞警。議派大將出征。尊氏請行。且謂「關東道路遼遠。軍中之事。一一仰敕裁。恐將立不用力。願假征夷大將軍號。充關東八國管領。便宜行事。」上不許。而拜尊氏爲征東將

軍。充八國管領。尊氏快快。不辭而行。武人之不平者多從之。與直義合兵。擊敗時行。平定關東。遂據鎌倉。自稱

征夷大將軍。遣其將上杉憲房襲據上野。奪義貞之根據地。上知尊氏有異志。詔尊氏還京。尊氏辭不奉詔。次年^{建武}二年十月。遂以誅新田義貞爲名。舉兵反。朝廷聞警。下詔削尊氏官。以皇子尊良爲東國管領。新田義貞副之。大發兵討尊氏。義貞率水師由海道進。擊敗尊氏偏師。尊良率陸師由山路進。爲尊氏所敗。諸將多降。官軍潰。義貞收散卒。扼山路以拒尊氏。尊氏遣部將分赴諸道。號召不平之徒。舉兵抗帝室。山陰山陽南海之豪族。多蜂起以應賊軍。後醍醐大驚。急召義貞還救京師。尊氏遂尾官軍而西上。次年^{後醍醐延元}元年正月。陷京師。後醍醐奔延歷寺。陸奥守北畠顯家舉兵勤王。與新田義貞楠木正成名和長年等。連兵破尊氏。復京師。迎天皇還御。尊氏與直義奔九州。大友貞宗少貳賴向等叛降於尊氏。尊氏之勢復振。是年五月。率兵東上。尊氏由水路直義由陸路。分道犯京師。詔楠木正成拒戰於湊川。以衆寡不敵。力戰而死。新田義貞亦敗於兵庫。京師復陷。後醍醐復奔延歷寺。尊氏再入京師。立光嚴廢帝之弟豐仁爲主。是爲光明天皇。後醍醐不平。陽與委蛇。陰圖脫走之花山院。復倡兩統迭立之議。立皇子成良爲光明之皇太子。以安上皇心。後醍醐不平。陽與委蛇。陰圖脫走。是年十二月。脫身奔吉野。諸將楠木正行^{正成}子和田正朝等來迎。遂復位。自此以後。日本分爲兩國。吉野稱南朝。京都稱北朝。日從事於戰爭。三島之間復騷然矣。

第四節 室町幕府之統一與南朝恢復策之失敗

自來昇平之世尙文。劇亂之世尙武。日本自平氏專政以後。大權移於武人者已久。源氏繼之。開府鎌倉。集全

國之權於幕府。而以武人掌之。當時地方諸侯。皆源氏附屬品。知有幕府。不知有朝廷。武人自成一系。對於皇室。感情異常冷淡。政治上不容朝廷大臣有活動之餘地。建武中興以後。幕府大權。驟然移於朝廷。皇族貴戚。乘時得位。公卿大臣。驟操政柄。政治上之經驗不足。一時措施。未能盡善。二百年來專擅威福之武人。由政治界退避三舍。其中大多數不無缺望。楠木正成新田義貞之徒。雖以忠勇爲皇室所倚賴。而不甚爲武人系所附和。姦雄足利尊氏。因人心不平。倡議恢復幕府。自爲首領。操縱武人系。以抵抗皇室。名分上雖逆。事勢上反順。楠木新田。一世英雄。以之倒幕府。雖有餘。以之抗足利。則不足。建武中興事業。遂如曇花一現。轉瞬即逝。自此以後。政權復入於武人之手。皇室聲靈不振者垂六百年。直至明治初年。政權始復歸於皇室。然不旋踵而立憲。皇室尊嚴雖如故。而實權則有今昔不同之感矣。嗚呼。百年之寇。全國之柄。得之艱難。失之造次。可勝歎哉。茲述其事蹟如左。

一、新田義貞之戰沒。初、足利尊氏之二次陷京師也。新田義貞奉皇太子恆良及其弟尊良走越前。今福井縣尊良使其將足利高經攻之。義貞使其子義顯。奉恆良尊良守金崎城。在敦賀郡金崎之柳頭。而自收兵於杣山。以圖恢復。元年。元順帝至元三年。後醍醐延元二年。三月。城陷。尊良及義顯自殺。恆良被執。送京師。與其弟成良皆爲尊氏所殺。次年閏七月。義貞收散兵。攻高經於越前足羽。兵敗。自殺。於是新田氏之勢衰。次年。元順帝至元五年。後醍醐延元四年。後醍醐殞於吉野。太子義良即位。是爲後村上天皇。

二、南朝之恢復策。初，後醍醐之走吉野也。以皇子宗良爲征東將軍。前大納言北畠親房顯家副之。赴伊勢。今三重縣以招徠東國。皇子懷良爲征西將軍。菊池武重及其弟武敏副之。經略九州。郡國豪傑不服足利氏者。多割據土地。遙應官軍。足利尊氏使其子義詮鎮鎌倉。以上杉謙信爲執權以佐之。經略東國。陸奧守北畠顯家引兵攻義詮。大破之。遂復鎌倉。進破尊氏將高師泰師冬兵於美濃之青野原。遂入伊勢。轉戰至大和。尊氏大舉兵攻之。顯家兵敗。走河內。轉戰至和泉今大阪府南部之堺浦。死之。朝廷以顯家之弟顯信爲鎮守府將軍。與其父親房出鎮常陸。今茨城縣經略東國。屢破足利氏兵。尊氏使其將高師冬大舉兵攻之。親房苦戰堅守六年。卒以乘寡不敵。爲師冬所破。走還吉野。於是北畠氏之勢亦衰。惟楠木氏之勢猶盛。楠木正行及其弟正儀等。率其宗兵。守護吉野行宮。足利氏部將細川顯時山名時氏等屢攻之。皆爲正行所敗。元順帝至正八年。後村上尊氏使其將高師直師泰等。大舉兵攻河內。以絕楠木氏之根據地。正行及弟正時。率宗兵拒戰於四條畷。在吉野大破賊兵。卒以乘寡不敵。力戰而死。於是楠木氏之勢亦不振。師直進逼吉野。燒行宮。後村上奔穴太。在吉野南朝之勢頓衰。適值足利氏兄弟不和。時起內訌。南朝乘隙。進兵恢復。復得延數十年之運命。亦幸事也。

三、足利氏之內訌。初，足利尊氏之舉兵也。弟直義之功多。尊氏自爲征夷大將軍。委政於直義。設政所於直義邸。裁決內外庶政。威權甚重。尊氏之將高師直有寵。屢立戰功。頗專恣。直義惡之。使其養子直冬尊氏之庶長子爲中國山陰山陽二道總探題。謀內外相援以去師直。師直聞警。大懼。舉兵圍大將軍府。尊氏與之和。罷直義政柄。召義

詮於鎌倉。使代直義。又命中國將士攻直冬。直冬遂舉兵叛尊氏。元順帝至正十年。後村上正師直及其弟師泰。將奉尊氏以討直冬。謀先殺直義。直義懼。走降南朝。後村上使將兵攻京師。足利氏之將多降於直義。尊氏懼。與直義和。殺師直師泰以謝。直義復降於北朝。尊氏仍使執國政。而內情不相善。直義不自安。走越前。遂赴鎌倉。舉兵叛尊氏。尊氏欲自將攻之。以京都空虛。恐南朝來襲。乃遣使乞降於南朝。請天皇還幸。後村上陽許之。尊氏留義詮居守。自引兵東下。擊直義。破斬之。時北朝光明天皇已傳位於太子興仁。是爲崇光天皇。後村上進次男山。在今東京都市東。使大將楠木正儀。正行襲京都。義銓敗走。復收散兵襲男山。後村上兵敗。還賀名生。即穴執崇光及其太子直仁以歸。北朝無主。義銓乃立光嚴之子彌仁。是爲後光嚴天皇。

又越七年。至正十八年正平十三年。尊氏卒。義銓襲職。其將細川清氏與佐木道譽爭權。走降南朝。屢攻京都。道譽又與足利高經不和。譖之於義銓。請發兵討之。足利氏內訌時常不絕。南朝藉以延長運命。屢乘足利氏內亂。攻京都。又利用降將兵力。破北朝兵。其勢稍振。九州之菊池氏。奉懷良親王爲帥。屢破足利黨少貳大友等兵。而東方之新田氏。北畠氏。勢力俱不振。勤王黨遂漸解體。

元順帝至正二十七年。後村上正平二十二年。義銓卒。子義滿襲職。年幼不能親政。家臣細川賴之爲管領以佐之。賴之忠於義滿。盡心調和諸將。次年。後村上殞。子寬成即位。是爲長慶天皇。楠木正儀與其宗人。不和。降於北朝。南朝之勢愈衰。

長慶在位五年。以明太祖洪武六年。傳位於皇弟熙成。是爲後龜山天皇。足利義滿年長。聰明有度量。諸將敬憚。襲職之初。以今川貞世爲九州探題。經略西海。破菊池氏兵。復遣山名氏清經略畿內。破南朝兵。南朝之勢愈衰。義滿乘機。遣使與南朝議和。復倡兩統迭立之說。後龜山不得已。許之。是時北朝之後光嚴已退位。其子後圓融。孫後小松。相繼在位。義滿迎後龜山還京。以禪讓式。授神器於後小松。而尊後龜山爲上皇。南朝亡。時明太祖洪武二十五年。後龜山元中九年。後小松明德三年。西曆紀元一三九二年也。日本自南北朝分立。南朝傳四代。北朝傳五代。凡五十七年而合併。三島復歸於一統。自是以後。足利氏開府室町。總持國柄者幾二百年。史稱之曰室町幕府時代。

第五節 室町幕府之衰亡與羣雄之割據

足利氏以臣叛君。在歷代幕府中最爲背逆。其部將及其子弟尤而效之。稱兵作亂。習爲故常。故叛逆之流行。爲足利氏一代特色。室町幕府之瓦解。此其最大原因。足利氏在職凡五代二百餘年。日疲其兵力財力。以消弭內亂。而卒無補於大局。蓋上有好者。下必有甚焉。非強制力所能挽回也。茲述其事蹟如左。

一、足利義滿之驕奢。初。足利尊氏之在職也。弟直義。子直冬。部將高師直。師泰。相繼稱兵。義詮時代。部將細川清氏。佐佐木道譽。足利高經。復相繼起內訌。足利氏統一事業。因而延宕者數十年。義滿在職。從弟鎌倉管領足利氏滿尊氏第二子。基氏第二子。復謀作亂。義滿以遊富士山爲名。自將親軍至駿河縣今靜岡北部以沮其謀。部將山名氏清

有戰功。據有山陰山陽道十一國。舉兵作亂。義滿擊破之。削其十國以封諸將。於是諸將皆畏服。南北統一以後。義滿逐漸驕縱。明太祖洪武二十六年。後小松明 德四年傳職於子義持。自爲太政大臣。開府室町。設三管領以掌內政。設四職以掌軍政。其餘諸職。多仿鎌倉幕府故事。晚年辭職。削髮爲僧。法名道義。遊行比叡山。仿天皇巡幸之制。好土木。多置別莊。亭臺池館。無一不華麗。民力爲之彫弊。明惠帝建文元年。後小松應 永六年部將大內義弘。據和泉之堺浦以叛。諸將多應之。義滿擊斬義弘。事僅得已。明成祖永樂六年。義滿卒。義持親政。未幾。復有鎌倉之亂。

二、鎌倉之亂。初、足利尊氏之開府室町也。以次子基氏爲關東管領。開府鎌倉。部將上杉憲顯佐之。總統重兵。以爲東方藩屏。基氏卒。子氏滿嗣。憲顯之子能憲。猶子朝宗。佐之。氏滿有異志。大將軍義滿知其謀。自將東巡以沮之。氏滿乃已。氏滿卒。子滿兼嗣。大內義弘之叛。滿兼遙與之通謀。議東西進兵。夾攻京都。義滿以足利莊賜之事。僅得已。滿兼卒。子持氏襲職。部將上杉氏憲。朝宗 子與上杉憲基。憲顯 曾孫爭權不睦。持氏陰袒憲基。氏憲不平。永樂十五年。應永二年 十四年舉兵作亂。襲破持氏。將軍義持遣兵討殺氏憲。而仍用其子。持氏不平。永樂二十一年。義持傳職於子義量。越二年。義量卒。義持復親政。又越三年。義持卒。管領畠山滿家等。迎立義持之弟僧義圓。改名義教。持氏謀襲位。不得。心不平。陰謀舉兵犯京師。執事上杉憲實力諫。持氏怒。欲殺之。憲實走上野。義教以上杉氏憲子持房爲大將。率師東下。大破持氏兵。殺持氏。持氏二子安王春王走日光山。復圖

恢復。關東諸將蜂起。應之。義教使上杉清方擊破其兵。捕斬安王春王。某氏之統絕。上杉氏專總東國之政。

三、小倉宮之舉義。初、南北朝之合併也。有兩統迭立之約。其後後龜山上皇皇子卒不得立。後小松皇子躬

仁。僅十二歲而受禪。是爲稱光天皇。稱光在位十五年而殂。無子。將軍義教復迎立崇光曾孫彥仁。是爲後花

園天皇。南朝之遺臣多憤懣不平。奉後龜山第二皇子小倉宮謀恢復。不克而死。未幾。復有赤松氏之亂。

四、嘉吉之變。初、赤松則村有大功於幕府。尊氏封以攝津播磨皆在今兵庫縣因幡今鳥取縣美作今岡山縣備前今

山縣東五國。子孫世襲。至是則村之曾孫滿祐與其從子貞村爭權。義教袒護貞村。滿祐怒。謀殺義教。明英宗

正統六年後花園嘉吉元年。饗義教於己邸。酒酣而殺之。遂據播磨以叛。幕府管領細川持之等。立義教之子義勝。年

僅八歲。遣兵討滿祐。斬之。赤松氏亡。史稱之曰嘉吉之變。

五、關東兩管領之傾軋。義勝在職二年而夭。弟義政襲職。年甫八歲。管領畠山持國輔政。鎌倉自持氏死後。

關東無主。國人猶思慕持氏。明英宗正統十四年後花園寶德元年。越後守護上杉房定。請於幕府。奉持氏遺子成氏

爲關東管領。鎮鎌倉。上杉憲實不自安。棄官爲僧。幕府使其少子憲忠襲職。與上杉顯房同爲關東執事。輔政。

部將長尾景仲、太田資清、用事。結城成朝、里見義實、有怨於上杉氏。成氏寵任之。憲忠不自安。景仲遂勸憲忠

廢成氏而自立。憲忠不聽。明景帝景泰四年後花園享德二年。景仲資清作亂。襲成氏。成氏敗走江之島。幕府下令和

解之。次年。成氏用義實議。殺憲忠。將軍義政怒。命駿河守護今川範忠討成氏。成氏敗走古河。武藏今東京府

相模川今神奈川縣上總下總俱今千葉縣諸將皆附之。義政以澀川義鏡爲關東探題。大發兵討成氏。義鏡以關東無主。

請於幕府。奉義政弟政知爲關東管領。時鎌倉已懼兵燹。乃徙居伊豆之堀越。以與古河抗。自此以後。關東大亂。諸將各據城邑。日以攻伐爲事。

六、應仁之亂。義政在職日久。耽於宴樂。夫人藤原富子貪婪好貨。賄賂公行。家臣植黨擅權。政局愈亂。明英

宗天順八年。後花園寬正五年後花園傳位於皇子成仁。是爲後土御門天皇。義政亦立其弟義視爲家督相續人。府

子世以細川勝元爲其執事。輔政。次年。富子生子義尚。囑於山名持豐。使立爲主。持豐欲與勝元爭權。許之。明

憲宗成化三年。後土御門應仁元年勝元下令徵兵諸國。謀攻持豐。來會者十六萬人。持豐亦宣布勝元罪狀。下令徵兵

諸國。來會者十一萬人。兩軍戰於京都城內。縱火焚燒市街。大內及公卿第宅府庫名刹大社。悉爲灰燼。歷代

書籍寶物。皆付焚如。持豐迎義政至其軍。奉以爲主。勝元亦劫天皇上皇幸其營。以抵制之。兩軍混戰。前後十

一年。京都名城化爲焦土。史稱之曰應仁之亂。已而持豐勝元相繼卒。義視走美濃。諸將始各罷兵歸國。自

此以後。幕府威嚴掃地。諸國之守護地頭。各自乘機擴張領土。抑留租賦。以從事於爭戰。室町幕府。漸呈瓦解

之勢矣。

義政晚年日益奢侈。國用窮乏。明憲宗成化九年。後土御門文明五年讓職於子義尚。義尚幼而好學。有撥亂之志。未成

功而卒。無子。義政與義視和立其子義植爲後。襲將軍職。管領畠山政長細川政元勝元等輔政。政長與其從

子義豐構兵。義植左祖政長。政元怒。迎政知子義澄於伊豆。立以爲將軍。攻義植。破之。義植走越前。政長自殺。自此以後。政權入於政元之手。義澄充位而已。

七、室町幕府之末_衰。當是時。政權下移已久。御料地之租稅。多不能以時納。皇室貧困。不能自給。公卿領地。多被武人橫奪。幕府猶照常徵收其租稅。貴族多窮於衣食。流落四方作寓公。後土御門在位二十六年。以明孝宗弘治十三年殂。費用不給。無力營大葬禮。後柏原天皇卽位。亦無力行卽位禮。幕府亦因內亂。地方租稅不能上供。無力資助。宮中府中。俱陷於困地。前將軍義植舉兵入近江。今滋賀縣謀復職。爲義澄所敗。走周防。今山口縣東部。依守護大內義興。義興奉義植入京師。廢義澄。義植復職。以義興爲管領。輔政十一年。政平認理。朝廷粗安。已而義興就國。細川高國輔政。義植與之有隙。走淡路。高國迎義澄之子義晴。立爲將軍。已而高國爲其宗人晴元所殺。晴元自專國政。與其家臣三好範長相攻。義晴助晴元討範長。不克。憂憤而卒。子義暉襲職。與範長構和。晴元棄官爲僧。範長代秉國政。已而範長有病。其臣松永久秀用事。於是室町幕府主權。由足利氏移於細川氏。又由細川氏移於三好氏。復由三好氏移於松永氏。家臣與家主代與。有每况愈下之勢。時局如此。幕府威嚴掃地以盡。草野英雄。乘時並起。割據土地。互相吞併。日本全國。復化爲羣雄角逐之場矣。


第六節 織田氏之勃興與豐臣氏之一統

已而織田氏勃興。近畿各國漸入於織田氏。織田氏者。室町幕府管領斯波氏之家臣。舊居尾張。今愛知縣南部信秀

之時。斯波氏衰。遂代有其國。信秀之子信長。英武有大略。年十六。嗣父位。明世宗嘉靖三十九年。正親町永祿三年。駿河縣今靜岡北部守護今川義元。與三河縣今愛知北部守護德川家康。聯兵來侵。信長大破其兵於桶峽。斬義元。與家康和。遂乘豐取美濃。今岐阜縣東部。威震諸國。

信長父子素有勤王之志。正親町天皇密賜以詔書。使平定全國之亂。信長大喜。乃用結婚政策。與近江今滋賀縣國主淺井長政、甲斐今山梨縣國主武田晴信。連合。密謀上洛。嘉靖四十四年。永祿八年。松永久秀弑將軍義暉。而立其從弟義榮。義暉弟義昭走近江。信長迎義昭為主。率師入京都。時義榮已卒。松永久秀以下諸將皆降。遂定攝津今兵庫縣河內府今大阪北部伊勢。重今三重縣義昭忌信長威名謀去之。信長怒。逐義昭。室町幕府亡。時明神宗萬曆元年。日本正親町天正元年。西曆紀元一五七三年也。室町幕府自足利尊氏創業。凡傳十五代。二百三十五年而亡。中央政權入於織田氏。

足利氏世系表



足利將軍略譜

尊氏初名高氏

義詮寶徳院


義滿稱北山殿
鹿苑院

新著 東洋史 第三編 近古史

在職二十五年 年五十四
在職十年 年三十八
在職二十七年 年五十一

執事 高師直仁木頼章
執事 細川清氏斯波義將
管領 細川頼之、頼元、斯波義將、義重、畠山基國

三百十一



義持 義實嫡後重就職
勝定院

在職二十九年 年四十二

管領 斯波義重、義淳、畠山滿家、細川滿元、

義量 長得院

在職三年 年十九

義持執政中

義教 初名義圓又名義宣
善廣院

在職十四年 年四十八

管領 畠山滿家、斯波義淳、細川持之、

義勝 廣雲院

在職二年 年十

管領 細川持之、畠山持國、

義政 稱東山殿慈照院
義尚嫡後再就職

在職三十一年 年五十六

管領 畠山持國、政長、細川勝元、政元、斯波義廉、

義尚 初名義熙
常徳院

在職十六年 年二十五

義政執政中

義桓 初名義村義尹
惠林院義澄嫡後再就職

在職十八年 年五十八

管領 畠山政長、大内義興、

義澄 初名義通
法住院

在職十六年 年三十二

管領 細川政元、多多良義典、細川澄元、

義晴 萬松院

在職二十五年 年四十四

管領 細川高國、細川晴元、

義陣 初名義藤
光源院

在職十六年 年三十三

執政 三好長慶

義宗

在職一年 年三十一

執政 松永久秀

義昭 初覺隆
靈陽院

在職五年 年六十一

執政 織田信長

信長既廢義昭。遂起兵併吞越前今福、近江今福、阿波今四國、德島、縣等國。時叡山僧徒暴橫。擅養軍人。時與諸侯聯合。抵抗政府。信長遣兵勦平之。焚叡山。僧徒皆死。近畿略定。朝廷進信長從二位右大臣兼右大將。築城於近江。以

爲根據地。拱衛京都。已復略定東海東山北陸三道南部。及山陰山陽南海三道北部諸國。約有日本全國之半。是爲織田氏全盛時代。

足利義昭之被逐也。走備後。縣今廣島。依毛利輝元。時毛利氏富強。甲於中國。信長使其將羽柴秀吉鎮播磨。兵今南都。經略中國。以岡毛利氏。尋復自將南征。道出京都。宿於本能寺。部將明智秀秀作亂。襲本能寺。信長及

其長子信忠皆自殺。時明神宗萬曆十年。日本正親町天正十年。西曆紀元一五八二年也。

是時羽柴秀吉圍高松城。與毛利氏相持甚急。聞警。急與毛利氏和。兼程回京都。與信長三子。信孝。部將丹羽長秀。池田信輝等。連兵討光秀。誅之。立信忠長子秀信爲信長後。年甫三歲。使信長次子信雄佐之。信孝欲自立。秀吉不聽。信孝怒。乃與信長故將瀧川一益。柴田勝家等謀。連兵攻秀吉。秀吉奉信雄擊破其兵。殺信孝。勝家自殺。一益降。織田氏舊將無敢抗顏行者。秀吉乃築大阪城爲根據地。自專國政。威權反出秀信上。信雄不悅。與德川家康連兵攻之。戰於長久平。秀吉兵不利。乃與信雄家康和。復招降南海諸國。還京都。自爲內大臣。充關白。尋進太政大臣。賜姓豐臣氏。進兵經略九州諸部。皆下之。西南皆平。復征關東及奧羽諸部。皆下之。移德川家康於江戶。鎮守關東八州。東北皆平。乃議進兵經略朝鮮。

第十七章 倭寇與朝鮮之役

中國外患。古來皆在西北方。周之戎狄。漢之羌胡。晉之五胡。唐之突厥回紇吐蕃。宋之遼金西夏。明之韃靼瓦

刺。舉凡直接足以爲禍於中國者。大抵皆西北民族。而東南民族不與焉。蓋中國西北皆陸地。東南皆海洋。上右交通機關未發達時。陸上之交通易。海上之交通難。東南民族之不足爲我患者。亦天然力有以限制之。非人力真能預防也。隋唐之交。中國與日本曾起國際交涉。衝突之結果。中國戰勝。日人遠避。是非惟唐初兵力足以懾服遠人。抑以日本正當帝政末年。持盈保泰。一切取保守主義。不願擾大國之怒之所致也。平源競爭時代。日本武人擅權。民風丕變。漸趨重侵略主義。然競爭之中心點。皆在日本內地。對於中國。未遑計及。至北條氏末年。元世祖東征之役起。中國以獅子搏兔而不勝。日本以螳臂當車而不敗。於是日人自尊之念。與輕我之心。同時勃發。釀成三百年倭寇之患。倭寇二字。爲日本出身之英雄。或大盜。侵略中國及朝鮮沿海地方者之總名稱。故廣義之倭寇。則新羅時代之神功皇后。有明中葉之豐臣秀吉。中日戰爭時代之明治天皇。皆可包納於其中。狹義之倭寇。則皆日本無賴游民之所爲。不必一定含有政治上多大意味也。由來倭寇之起源地。在日本九州及山陰山陽二道。其根據地在壹歧、對馬、兩島。其侵略所及地方。北自朝鮮八道。遼東山東兩半島。及直隸之渤海灣沿岸起。南至江蘇、浙江、福建、廣東、及安南之沿岸止。其發生時代。在有元初年。後高麗末年。即日本北條氏執權時代。其終止時代。在有明中葉。後朝鮮初年。即日本豐臣氏當國時代。前後繼續三百餘年。蹂躪十數行省。爲中國朝鮮一大患。後高麗之衰亡。實間接受其影響。至豐臣秀吉當國。遂大舉兵西侵。幾乎併吞朝鮮。明室竭全國之力以抵禦之。幸而秀吉逝世。日人罷兵。朝鮮僅存。而中國實力。已暴露於

天下。遂起滿洲覬覦之漸。然則明室之亡。雖謂發軔於朝鮮之役可也。茲述其事蹟如左。

第一節 倭寇之猖獗

自元世祖用兵日本。日本禁不與中國通商。海舶往來。皆好利細民。久之流爲海寇。後五十餘年。日本分南北兩朝。互相構兵。及南朝敗。其遣臣越海掠高麗沿岸。時謂之倭寇。九州諸邊民漸附和之。其勢轉盛。高麗屢遣使日本乞禁。亦自嚴海防。然其侵掠仍不已。

明初。倭屢寇瀨海州縣。洪武三年。太祖遣使往諭其王良懷。實卽南朝之征西將軍良懷親王。良懷遣僧奉表入貢。未幾。寇掠

如故。帝遣使責讓之。良懷不奉詔。已又遣僧祖來奉表稱臣。且貢方物。帝甚嘉之。念其俗佞佛。可以西方教

誘也。遣僧祖闡等至。爲其國演教。國人頗崇奉之。而良懷傲慢無禮。拘之二年。始放還。洪武七年。遣總兵官

吳禎等。總江陰四衛軍出海。致琉球大洋。獲倭兵船。獻俘京師。二十年。復命信國公湯和築瀨海城防倭。尋足

利義滿統一南北朝。承苦兵之後。瀨海諸侯國。咸欲通商中國及朝鮮。以救財政之困難。緣是與朝鮮國交頗

密。倭寇浸止。惠帝建文二年。義滿遣使入貢。自稱日本國王源道義。永樂元年。始達。成祖厚禮之。二年。對馬

壹歧諸島賊。掠濱海居民。因諭義滿捕之。三年。義滿發兵盡殲其衆。繫其魁二十人以獻。且修貢。成祖益嘉與

遣使賜以九章冕服。及錢鈔錦綺加等。而還其人令自治。使者至寧波。盡置其人於甌。蒸殺之。四年。又遣使

肅敕褒嘉厚賚。封其國山爲壽安鎮國之山。御製碑文立其上。六年。其子義持遣使來告哀。朝廷再遣使祭

購。則義滿諷曰恭獻。封義持日本國王。時海上復以倭警告。朝廷諭義持勦捕。義持遣使謝恩。尋獻所獲海寇。朝廷遣使報聘。義持不禮焉。自是以後。倭寇愈熾。其後義教當國。復稱臣奉貢。願寇掠仍不絕。未幾。足利氏衰。倭寇復出沒黃海及東海間。日本政府與明廷及朝鮮之交通中斷。而其邊陲之諸侯。咸各自通於明廷。傾信符勒合。盛營貿易。沿海諸省勢豪。與貴官相結。屢給日本商民。購物不給值。商民怨對。自世宗嘉靖二十六年以後。復結隊侵掠沿海諸省。其國無賴。來者日衆。奸民之缺望者。復往投之。勢益猖獗。揚子江下流流域諸府州積受其患。朝廷屢遣右副都御史朱執、王忬、兵部尚書張經、戶部侍郎楊宜等。督江浙福建等省兵討之。倭人南北馳驟。勝則豕突。敗則鼠竄。官軍疲於奔命。而卒無成效。四十二年。倭寇以全力侵掠福建沿海。總兵官俞大猷、副總兵戚繼光等。擊破之於平海衛。今福建廈門道前田縣即故興化府患始寢息。然餘寇猶據臺灣。時時出沒海上。閩廣一帶巨寇蠶賊。無不引倭爲援。屢犯浙閩粵東。至神宗萬曆中仍不已。其所以猖獗之原因如左。

第一、日本自南北分裂以後。人民習於戰爭。邊境流氓。時常以侵略鄰國爲事。日本政府。政令不出於一途。故取締極難。且亦不以取締爲務。及南朝亡後。南朝武士。不願臣服足利氏。相率流爲倭寇。故倭寇之勢日盛。

第二、自元世祖東征失敗以後。日人藐視中國之心頓生。至於高麗。更卑之爲無足道。自負心與欺人心同時勃發。故日以侵略爲事。

第三、日本人借通商爲口實。與中國及朝鮮競錙銖。顧通商之利雖厚。不若虜掠之利尤厚。故一面通商。一面虜掠。爲利心所驅使。日從事於倭寇。

第二節 後朝鮮初年之內政

一、太祖之家禍。後朝鮮自太祖篡位以後。用鄭道傳議。盡殺後高麗王室子孫。遣使通好於明。明太祖命仍古號曰朝鮮。故稱之曰後朝鮮。復遣使修好於日本。請求禁止倭寇。日本大將軍足利義滿。優禮使者。遣歸而不爲之禁止。太祖明決寬厚。善容衆議。卽位之初。舉賢良。求直言。定科舉考課之法。遷都漢陽。建孔廟。又命鄭道傳等。撰經國元典。續典。太祖有子八人。芳雨、芳果、芳毅、芳幹、芳遠、芳衍、皆元妃韓氏出。芳蕃、芳碩、繼室康氏出。宰相裴克廉、鄭道傳、南閔等逢迎康氏意。請立芳碩爲世子。忌諸王子年長。謀去之。芳遠豪邁勇敢。有威名。佐太祖成大業。有功。尤爲道傳等所忌。太祖寢疾。道傳等入宮。召諸王子。謀殺之。芳遠以兵入宮。誅道傳。閔并殺芳蕃、芳碩。立芳果爲太子。太祖在位七年。以明太祖洪武三十一年。傳位於芳果。是爲定宗。

定宗卽位。尊太祖爲上王。知中樞朴苞。討鄭道傳。有大功而賞不及。不悅。陰勸芳幹舉兵殺芳遠。芳遠復攻朴苞。殺之。流芳幹於遠方。定宗爲人謹直仁儉。以芳遠有大功。不願久居人下。兄弟之情。重久遠之。在位二年。以明惠帝建文二年。傳位於芳遠。芳遠卽位。是爲太宗。

二、太宗世宗之治。太宗初年。內政修明。焚讖緯之書。下奴婢解放之令。禁止佛教。適活版術由中國輸入。故

印刷業發達。文化頗進步。太宗在位十八年。以明成祖永樂十六年。傳位於第三子禎。是爲世宗。太宗猶以上王名義預政。屢興冤獄。屠戮大臣。失政頗多。

永樂二十年。世宗太宗殂。世宗始親政。寬厚恭儉。早朝晏退。敦睦九族。優禮儒臣。御經筵。講經史。盛暑祁寒不懈。三十年如一日。性勤敏好學。讀書過目不忘。以故人材輩出。國內太平。後朝鮮國基牢固。實始於此時。自太祖時。已建成均館。使貴戚子弟就學。又興寶文閣。以整理書籍。至是復設集賢館。聚文人學士。從事編纂。故文化日盛。復怒倭寇跋扈。遣李從茂率舟師五百艘。攻宗貞茂於對馬島。以絕倭寇後路。遇颶風。無功而還。失亡頗多。世宗乃遣使修好於足利義持。復與對馬島主宗氏和。與以貿易勘合章。許其通商。於是倭寇之禍稍息。適值瓦剌猖獗。屢侵明室北鄙。英宗親征。兵潰於土木。爲敵所虜。遼東屬下之建州衛。亦爲女真所陷。朝鮮北部被兵。世宗遣將北伐。爲明室應援。戰比有功。明廷嘉之。世宗在位三十二年。以明景帝景泰元年殂。世子瑠卽位。是爲文宗。

三、世祖之篡。文宗在位二年而殂。世子弘曄卽位。是爲端宗。年甫十二歲。領議政皇甫仁、右議政金宗瑞等輔政。王叔父首陽大君瑠作亂。殺仁等。自爲領議政。專國。端宗在位三年。以景泰六年。爲瑠所篡。瑠是立。自爲世祖。

世祖以篡逆得國。失德頗多。顧天性豪邁。長於射御。深諳兵法。置五衛都總府。以改良軍政。前會寧府使李施

愛以吉州叛。咸興以北州郡。爭殺守令以應之。聲勢浩大。世祖遣將討平之。李滿住據建州衛以叛。明復遣兵代明討平之。武功赫然。復留心政治。慎刑獄。改官制。暇則講學論道。文化異常發達。世祖在位十三年。殂。子暉卽位。是爲睿宗。在位一年。殂。兄子世祖長子 暉之子 婁卽位。是爲成宗。

四、成宗之治 成宗天性聰明好學。經史百家。星曆鐘律。無一不通。射御書畫亦極其妙。留心風化。重治民之官。親耕藉田。王妃親蠶。屢幸大學。作尊經閣。設養賢庫。開弘文館。搜求遺籍。優禮儒臣。容納直言。以故士風丕變。半島英俊輩出。境內稱治。王之晚年。爲政失之過寬。法令稍弛。賄賂之風漸行。又自以爲太平已久。日與宗室諸侯燕樂。人民漸流於奢侈。王在位二十五年。以明孝宗弘治七年。殂。長子愷立。是爲燕山君。

五、燕山君之虐 燕山君淫虐不好學。前後兩次。以微嫌大殺儒臣。史稱之曰戊午之禍。甲子之禍。賢臣斥逐殆盡。內豎金子猿等用事。設妓樂於諸道。以備巡幸之用。又置探青使。採紅駿使等官。徵求美女。良馬。廢成均館。撤移祖廟。以爲遊戲之所。罷弘文館。司諫院。廢經筵。設司僕寺。掌樂院。以供娛樂。在位十一年。淫虐無所不至。明武宗正德元年。前吏曹參判成希顏。知中樞朴文宗。吏判柳順汀等密謀。以太妃尹氏之教。廢王。遷之喬桐島。在江華島西北迎王弟晉城大君懌卽位。是爲中宗。

六、中宗之弊政 中宗革前代弊政。設賢良科。登庸人材。頒給學田。振興文學。王親耕。妃親蠶。崇節儉。謹祭祀。定上下之禮。改衣服之制。稱爲中興之主。顧王性柔懦。易受蒙蔽。卽位之初。以微嫌廢妃慎氏。卽位以後十四

年。信禮曹判書南袞都總管沈貞之讒。殺太司憲趙光祖。竄逐領議政鄭光弼以下賢臣數十人。史稱之曰己卯之禍。中年以後。佞臣沈貞、李沆、金克愾用事。時人稱爲辛卯三奸。己而克愾死。貞沆誅。佞臣金安老、許沆、蔡無擇用事。屢興大獄。時人稱爲丁酉三凶。王之晚年。參判尹安仁說文定王后尹氏。請於王。誅三凶。王大悔悟。召還流人。登庸道逸。在位三十九年。以明世宗嘉靖二十三年殂。長子嶠卽位。是爲仁宗。

七、尹元衡之專橫。仁宗在位八月而殂。弟暄卽位。是爲明宗。年甫十二歲。母文定王后尹氏垂簾聽政。后弟尹元衡當國。是爲外戚用事之始。仁宗之母章敬王后尹氏之弟尹任。與元衡不相善。各結朋黨。互相傾軋。時人稱曰大尹小尹。已而元衡與其黨譖尹任有異志。流之遠方。賜死。諸王名士連坐者百餘人。王心知其冤而不能救。元衡專國二十餘年。至文定王后薨。始免官。放歸田里。明宗在位二十二年。以明穆宗隆慶元年殂。領議政李浚慶。奉王妃沈氏之教。迎立王弟德興君昭中宗第七子。第三子昞卽位。是爲宣祖。

第三節 後朝鮮初年之外患

一、野人。宣祖卽位以後。追復尹任等官。流竄尹元衡黨與。登庸李混、李弘。講學論治。輿論翕然。願綱紀久弛。一時未易振作。加以太祖以武人得國。不願大將主兵柄。利用假武修文政策。以爲長治久安之計。世宗以後。文學日益發達。武力日益廢弛。全國中上流社會。競趨於行政一途。釀成排擠之風。演出朋黨之禍。國力日益疲弊。外患遂乘虛而入。當時外患。南有倭寇。北有野人。野人者。建州衛人。女真遺族。卽前清發祥之舊部落也。

先是成宗十年。鮮廷奉明命往征之。無功而還。自此以後。野人時常寇邊。歷中宗、明宗。禍患時常不絕。宣祖初年。野人酋長尼陽介。出沒六鎮。王假以官祿招徠之。明神宗萬曆十一年。宣祖十六年。尼陽介怒邊將禮薄。復犯邊。陷慶源府。鮮廷大發兵征之。時昇平日久。士民不習兵革。聞出征。皆痛哭。軍心惶惑。已而穩城府使申稷率兵赴援。擊野人。大破之。進渡豆滿江。掩襲其部落而還。野人之禍稍息。然寇掠仍不絕。

二、倭寇。倭寇自世宗以後。其禍漸稀。其後見朝鮮武力廢弛。遂復乘勢侵掠。自燕山君末年。始擾全羅道。殺守令。奪貢船。王遣使至對馬。要求宗氏禁止之。宗氏不能制。明武宗正德五年。中宗五年。釜山僉使李友曾。以罪

鞭居留釜山之對馬島人。居留之倭戶大怒。引宗氏兵入寇。陷釜山。殺李友曾。大掠齊浦。在洛東江口。熊川。在釜山

萊山。在釜山而還。鮮廷遣兵追之。不及。自此以後。對馬島人時常入寇。東南騷然。足利義植、義昭在職時代。兩次遣

使如朝鮮。議照舊通商。鮮廷鑒於前禍。不敢許。四國九州豪族。陰爲倭寇應援。其勢轉盛。東亞沿岸一帶。無不

被其禍。朝鮮尤甚。宣祖在位日久。漸沈溺酒色。李弼沒後。朝無直臣。當局者惟事逢迎。仁嬪金氏寵冠後宮。

言無不從。領議政李山海與金氏之兄公諒結表裏用事。民心解體。思亂者衆。或走遼東。或投日本。適值豐臣

秀吉勃興。統一三島。聞朝鮮國政亂。以爲有機可乘。遂大舉兵西伐。釀成中日兩國之衝突。自此以後。後朝鮮

之勢日衰。日本之勢日盛矣。

第四節 豐臣秀吉西侵之役

先是織田信長當國。秀吉曾建議伐朝鮮。欲取道朝鮮。以侵中國。時日本內地。戎馬倥傯。尙未遑也。至是遣宗義智使朝鮮。促其入貢。且使爲伐明之嚮導。不從。又脅琉球使供糧。琉球懼。報之明廷。明廷下詔諮問朝鮮。朝鮮惟辨嚮導之誣。尙不知其謀已。明神宗萬曆二十年。宣祖二十五年秀吉大起兵侵朝鮮。師凡十三萬七千餘人。水師九千餘人。以加藤清正。小西行長爲先鋒。將舟師數百艘。由對馬島渡海。破釜山。乘勝長驅。行長一軍。自慶尙涉忠清。直逼京畿。渡臨津江。清新一軍。自慶尙貫京畿江原。直抵咸鏡北道。時朝鮮承平日久。兵不習戰。日兵猝至。望風奔潰。宣祖棄王城。奔平壤。令次子瑋攝國事。已復走義州。願內屬。時日兵已入王京。八道幾盡沒。且暮且渡鴨綠江。請援之使。絡繹於道。朝廷以朝鮮爲國藩蔽。在所必爭。出師援之。而日兵業抵平壤。朝鮮君臣益急。出避愛州。遊擊史儒等。帥師至平壤。戰死。副總兵祖承訓。統兵渡鴨綠江赴援。兵敗。僅以身免。中朝震動。乃詔兵部右侍郎宋應昌。經略備倭軍務。李如松爲防海禦倭總兵官。提督東征軍務。先後率兵數萬援朝鮮。兵部尙書石星計無所出。議遣人偵敵。於是嘉興人沈惟敬應募。入日軍議和。行長在平壤。與惟敬約。期十五日待報。如松兵渡江。會朝鮮降人爲日軍耳目者。爲本國所縛。以故行長不知大軍至。如松以諸軍急薄平壤。遂克其城。行長渡大同江遁。已而李如柏。如松弟復開城。慶通今京所失四道並復。大軍旣連勝。有輕敵心。朝鮮人有以「敵已棄王京遁」告者。如松信之。將輕騎趨碧蹄館。在漢城西猝遇日將小早川隆景立花宗茂等大隊。圍之數重。幾不免。大軍喪失甚多。乃退駐開城。於是封貢議復起。二十二年。秀吉遣小西如安。本行長之弟。有寵。冒姓

爲飛驒守明史作小西飛以其自號小西飛驒守故入朝。定封貢議。二十四年。朝命楊方亨等充封使。偕惟敬往。日兵退守釜山。明使詣伏見。晤秀吉。冊文不當意。秀吉怒。逐使者。下令復發兵。以小早川秀秋爲帥。督清正行長等。再犯朝鮮。抵釜山。列皆聯艦。爲久據計。惟敬狡諂。售欺中日。弊中朝鮮。中外交惡之。逮問。尋伏誅。和議乃絕。日軍進入全羅。破南原。據全州。犯慶尙。偕王京。二十六年。大兵圍清正於蔚山。秀秋等分道赴援。與清正等內外合擊。經略楊鎬狼狽先奔。諸軍無主。大潰。日軍斬獲甚衆。其後諸將分道進擊。輒不利。會秀吉卒。遺令罷兵。釜山軍先引回。清正等亦各收軍入海。諸將追擊之。互戰各有勝負。日軍卒敗。脫歸。宣祖始還京。明廷仍留兵戍之。後三年。乃盡撤。時明神宗萬曆二十六年。日本後陽成慶長三年。後朝鮮宣祖三十一年。西曆紀元一五九八年也。自軍興至此。凡七年。明喪師數十萬。糜餉數百萬。中國與朝鮮迄無勝算。日本亦困甚。至秀吉卒。禍始熄。

第十八章 明代之東西交通

明代之東西交通。約分爲兩時期。明之初年。國力充盈。屢遣使臣經略南洋。一時馬來半島南洋羣島諸國皆來入貢。是爲東方西漸時代。及明晚年。國勢衰微。無力對外。西洋諸國。新發見好望角。西葡荷英接踵東下。經略殖民地與通商埠。於是印度中國日本及南洋羣島。無一不有西人足跡。是爲西力東漸時代。茲述其事蹟如左。

第一節 鄭和之遠征

先是成祖即位。疑惠帝亡命海外。屢命中官蹤跡之。銜命異域者紛紛四出。如使烏斯藏者有侯顯。使爪哇蘇門答臘者有馬彬。使暹羅者有李輿。使滿刺加、柯枝、今南印度馬拉巴諸國者有尹慶。而其中以鄭和爲尤著。和以永樂三年多齎金帛。造大船凡六十有二。帥海軍三萬七千餘人。由蘇州劉家港。汎海至福建。達占城。以次徧歷南洋。明史原諸國宣威德。頒詔給賜。不服則以兵懼之。諸國咸聽命。及和還朝。皆遣使隨入朝貢。成祖大喜。未幾復命和往徧賚諸國。由是來朝者益衆。和先後凡七奉使。三擒番王。初使擒番港酋陳祖義。番港敵亞列若奈兒及其妻子。最後蘇門答臘王子蘇幹利謀殺其王井欲殺和。和率兵討擒之。勳業之盛。爲古來宦官所未有。而諸番利中國貨物。益經營互市。往來不絕。故當時有三保太監下西洋之說。後至宣德初元。棄交趾。中國兵威雖稍詘。遠夷朝貢多不至。而南洋之交通如故。奉命海表者莫不盛稱和以誇示外番云。

梁任公飲冰室全集。有祖國航海大家鄭和傳一篇。推測鄭和經歷之事蹟頗詳。茲節錄於左。以供參考。

鄭和。雲南人。世所稱三保太監者也。初。事明成祖於燕邸。從起兵有功。累擢太監。成祖之在位。當西紀千四百三年至千四百二十四年。正葡萄牙王子亨利獎勵航海時代。亨利生一三九四年卒一四六三年而西史所稱新紀元之過渡也。成祖以雄才大略。承高帝之後。天下初定。國力大充。乃思揚威德於域外。此其與漢孝武唐太宗之時代正相類。成祖既北定韃靼。耀兵於烏梁海以西。西關烏斯藏。以法號羈縻其酋。南截越南。夷爲郡縣。陸運之盛。幾追漢唐。乃更進而樹威於海國。鄭和之業。其主動者。實絕世英主明成祖其人。

舊史稱成祖疑惠帝亡海外。欲蹤跡之。且欲耀兵異域。示中國富強。於是有命和航海之舉。但其動機安屬。勿具論。吾徵諸史文。於鄭君首途之前。有深當注意者二事。

一曰。其目的在通歐西也。本傳云。命和及其儕王景弘等通使西洋。又云。俗傳三保太監下西洋。爲明初盛舉。據此則此行本志。非南渡而西征也。蓋自馬哥孛羅入仕以來。歐人讀其書而知中國有文明。始汲汲謀東航。此印度新航路之所由發見也。彼此皆未克達最終之目的地。而今日東西通道之鍵鑰。實胎孕於是。

二曰。航海利器之發達也。本傳云。造大船。修四十四丈。廣十八丈者六十二。容士卒二萬七千八百餘人。吾讀此文。而歎我大國民之氣魄。洵非他族所能幾也。考現在世界最大商船。稱美國大北公司之「彌奈梭達」今年始開航日本濠和全權小村氏乘之以赴美者也。長六百三十英尺。廣七十三英尺。全世界色然驚之。謂大莫與京矣。英尺當我工部尺九寸八五七七。明尺當今工部尺。尺有一寸一二。然則鄭和所乘船。其袤殆與彌奈梭達等。

其幅則倍彼有餘。以今日之美國。僅能造如彌奈梭達者二。以當時之中國。幾能造彌奈梭達者六十二。雖曰專制君主有萬能力。而國民氣象之偉大。亦真不可思議矣。其時蒸氣機關。未經發明。乃能運用如此龐碩之艤。凌越萬里。則駕駛術亦必有過人者。

哥倫布航海凡四次。彼頓廓航海凡五次。而鄭和航海則七次。今表其年代。

(首途時)

(迴航時)

(西紀)

(所歷地)

第一次 永樂三年六月 永樂五年九月 一四〇五……七年 起蘇州經福建過占城達三佛齊

第二次 永樂六年九月 永樂九年六月 一四〇八……一一年 至印度錫蘭島

第三次 永樂十年七月 永樂十三年七月 一四一二……一五年 歷蘇門答臘滿刺加等十九國

第四次 永樂十四年冬 永樂十七年七月 一四一三……一九年

第五次 永樂十九年春 永樂二十年八月 一四二一……二二年

第六次 永樂二十三年正月 永樂二十三年 月 一四二四……年

第七次 宣德五年六月 宣德八年七月 一四三〇……三三年 至忽魯謨斯等十七國

據右表所示。則鄭和爲海上生活者垂三十年。殆無歲不在驚濤駭浪之中。其間稍自息肩者。則成祖崩殂後六年間耳。迨宣宗中葉。復舉壯圖。開地最遠。而和亦既老矣。其經略海外之事實。史文闕如。不能具詳。但紀其俘三佛齊王。錫蘭王。定蘇門答臘之亂。其武功之偉。可見一斑。又史言自和死後。凡將命海表者。莫不盛稱和以誇外番。此則張博望之在西域。何以加諸。其時紀行之作有二書。

(一) 瀛涯勝覽 馬歡著 永樂十四年出版 紀載十九國

(一) 星槎勝覽 費信著 正統元年出版 紀載四十國

馬費二氏皆回教徒。以能解阿剌伯語言。被命爲通譯。故紀行文皆成於其手。馬著出版先。故國名少而紀載較詳。費著出版後。故國名多而紀載微簡。今參考兩書。釋以今地。以稽當時聲威之所被焉。

(一) 馬來半島以東諸國 凡十五

(二) 滿刺加諸國 凡四

(三) 蘇門答臘諸國 凡七

(四) 印度諸國 凡六

(五) 阿剌伯諸國 凡五

(六) 阿非利加諸國 凡三

(一) 馬來半島以東諸國

(1) 占城。(Chanto or Champo) 漢林邑地。唐時或稱占不勞。改稱占婆。今越南下交趾部西貢市所在地。其時爲一獨立國。不屬交趾。

(2) 靈山。星槎所記云。與占城山地連接。其地今難確指。西人腓立氏謂今之伽南港。(Can-nanh) 格蘭尼威氏謂爲今之那的里加山。(Nirouan) 未知孰是。要之在下交趾也。

(3) 眞臘。(Amboja) 今之柬埔寨。爲法蘭西保護國者也。當時其國領有暹羅之一部分。西與我雲南接壤。

(4) 崑崙。(Pulo Candore) 下交趾極南之一島。如我國之有瓊州島。然至今越南人仍呼爲崑崙山。西人則稱蒲盧康得羅。蓋馬哥孛羅紀行之舊名云。馬來語之蒲盧。卽 (Pulau) (島) 之義也。今法人往往竄越國事犯於此。

(5) 賓童龍國。(Cape Padaron) 今柬埔寨海岸之一岬角也。

(6) 暹羅國。(Siam) 自明。

(7) 彭坑。(Panang) 星槎云。在暹羅之西。卽今馬來半島之南端。瀕東海岸與新加坡接壤者也。

(8) 東西竺。(Singapore) 明史外國傳。柔佛條下云。「柔佛近彭亨。永樂中。鄭和遍歷西洋。無柔佛名。或言和曾經東西竺山。今此山正在其地。疑卽東西竺。」今案柔佛卽今之新加坡。在馬來半島之極南端。當時名以東西竺者。殆猶哥倫布命北美新地爲西印度羣島歟。

(9) 龍牙門。(Strait of Lingga) 馬來半島與蘇門答臘島中間之一小島。在海峽間。今大學堂審定地圖所稱龍加島者是也。

(10) 交爛山。(Billion Island) 大學地圖所稱比利敦島者也。在爪哇海中。位蘇門答臘島與婆羅洲

之交。元時史弼征瓜哇。曾駐兵焉。

(11) 假馬里丁 (Carimata Island) 大學堂地圖所稱卡里馬塔羣島是也。在婆羅洲之西南。與蘇

門答臘相對。元史史弼傳有假里馬答其位置正如星
樣所記星樣之馬里可決爲里馬之譌

(12) 麻逸凍 (Pulo Rintang) 星樣記。在交爛山之西南洋海中。其地今難確指。格蘭尼威氏以巽

他羣島中之邊丹當之。今從焉。

(13) 瓜哇 (Java) 自明。

(14) 重迦羅 (Madura) 大學堂地圖所稱馬都拉島者是也。在瓜哇海中。與蘇拉巴雅港相對。

(15) 吉里地悶 其地今難確指。星樣云。在重迦羅之東。產檀香。按佛理嶼一名檀香嶼 (Sandalwood)

或當屬此地。其地在瓜哇海與班達海之間也。

(二) 滿刺加諸國。

(1) 滿刺加國 (Malacca) 今官書或稱麻刺甲。爲英屬地。在馬來半島南端西岸。

(2) 亞魯 (Aru Islands) 大學堂地圖譯爲亞羅。在蘇門答臘島北岸。臨滿刺加海峽。

(3) 九州山 (Pulo Sambhon) 滿刺加海峽中九島嶼。九州之名。乃譯義而非譯音。馬來語之 (Pa-

lo) 此云島也。其 (Sambhon) 此云九也。

(三)蘇門答臘諸國。

(1) 舊港亦名淳淋邦。(Palembang) 明史稱三佛齊。六朝時稱干陀利。今荷屬蘇門答臘島之東北部一大都會。大學堂地圖所譯爲巴鄰旁者是也。

(2) 蘇門答臘國(Sumatra) 今以爲全島總名。但據瀛涯星槎所記。則僅爲其島西部之專名。卽今之亞珍(Achin) 一隅之地也。

(3) 南淳里(Lamri) 其地今難確指。馬哥孛羅紀行有廉淳里國者。當卽其地。蓋蘇門答臘島之西北部。亞珍之西鄰也。(Lam) 譯南。蓋廈門音。

(4) 那孤兒。一名花面王國。其地今難確指。殆亞珍之一部。

(5) 黎氏。其地今難確指。殆亞珍之一部。

(6) 龍涎嶼(Pulo way) 距亞珍東北十三里。一小島也。

(7) 翠藍嶼(Andaman Island) 大學堂地圖所稱安達曼羣島是也。由馬來半島航印度。此其中站。今爲印度屬地。隸英版圖。瀛涯記其地在大海中。山有三四。星槎記在龍嶼西北五晝夜程。其必爲安達無疑。翠藍者。狀風景以命名。非譯音也。

(四)印度諸國。

(1) 榜葛刺 (Bengal) 卽通行官書所譯之孟加拉。今印度首府加拉吉大所在地也。

(2) 柯枝 (Cochin) 大學堂地圖作可陳。此譯柯者。廈門音也。其地在印度半島之西南端。臨阿刺伯海。

(3) 大小葛蘭 (Quilon) 大學堂地圖作固蘭。星槎記其地與都樵欄相近。都樵欄卽 (Fortvander-
um) 亦印度第二等大都會也。

(4) 古里國 (Calicut) 瀛涯記其位置云。西瀕海。南距柯枝國。北距狼奴兒國。遠東七百里許。距坎巴夷。案柯枝卽可陳坎巴夷。卽 (Carnaby) 大學堂地圖譯康木拜 然則其地必之哥里卡德。孟買省瀕海一小都會也。

(5) 錫蘭 (Ceylon) 印度南端之大島。古稱獅子國。今西航必經之地。

(6) 溜山洋國 (Maldivé Island) 大學堂地圖譯爲麻代父羣島。錫蘭島西偏南之多數珊瑚島也。

瀛涯言有八大溜。星槎言有三萬八千小溜。其爲無數小嶼甚明。與馬哥孛羅紀行麻代父條下記事
正同。

(五) 阿刺伯諸國。

(1) 佐香兒 星槎 祖法兒 譯 (Djiffer) 阿刺伯海南岸一市。

(2) 阿丹國 (Aden) 舊譯雅典。亦譯亞丁。阿刺伯最南端一半島。西航必經之要津也。今爲英屬地。屬印度孟買省行政區域。

(3) 忽魯謨斯 (Hormuz or Ormuz) 波斯灣內三大島之一。今爲波斯領土。

(4) 天方 (Arabia or Mecca) 卽阿刺伯。亦名麥加。

(5) 刺撒 其地今難確指。蓋在米梭必達米亞附近。

(六) 阿非利加沿岸諸國。

(1) 木骨都來 (Magadexa or Magadoxo) 大學堂地圖所譯馬加多朔者是也。在阿非利加東海岸。臨印度洋。

(2) 卜刺哇 (Pawa) 大學堂地圖譯巴拉瓦。在木骨都東迤南。

(3) 竹步 (Juba) 大學堂地圖譯周巴。在卜刺哇迤南。

以上所列凡四十國。皆見於瀛涯勝覽。星槎勝覽者。今略推定其航路線如下。

(一) 航中國南海。至印度支那半島之南端。西貢

(二) 航暹羅灣。即曼谷之東岸。至曼谷。今暹京

(三) 航暹羅灣西岸。循馬來半島。南下至新加坡。

(四) 繞航蘇門答臘島一周。

(五) 繞航瓜哇羣島一周。

(六) 航孟加拉灣。經安達曼羣島。至東印度。加拉吉大

(七) 循孟加拉灣東岸。南航至錫蘭。繞錫蘭島一周。

(八) 循阿刺伯海東岸。北航至西印度。孟買

(九) 由孟買循波斯灣東岸。北航至泰格里士河河口。今土屬小亞細亞

(十) 循波斯灣西岸。南航復沿阿刺伯海西岸一周。至亞丁。

(十一) 越亞丁灣。循紅海東岸。北航至麥加。

(十二) 循紅海西岸。南航出亞丁灣。復循阿非利加東部海岸。南航經摩森比克海峽。亦作莫三鼻給海峽掠馬達加斯加島之南端迴航。

此鄭和航路之大略也。據上所列。似詳於西而略於東。其足跡未及馬來西亞羣島之半。而瓜哇海以東。未嘗至焉。然考明史外國傳雞籠條下。言「鄭和惡其人家貽一銅鈴。」是臺灣島和所曾履也。又文萊條下。言「鄭和往使。有閩人從焉。因留居。後人因據其國而王之。」是婆羅洲和所曾履也。西洋朝貢典錄。稱「呂宋於永樂八年。隨中官鄭和來朝。」是非力賓(Philippine Is)羣島亦和所曾履也。瀛涯星槎皆不能記。

載者。殆馬費二氏。皆以能操阿剌伯語。從事通譯。其在馬來半島以西。爲阿剌伯語通行地。故二氏能紀之。其以東則無取於二子之載筆歟。準此以試。則亞細亞之海岸線。和所經行者。十而八九焉。噫。盛哉。

第二節 歐力之東漸

自蒙古跨有歐亞以後。東西交通滋繁。黑海沿岸。克里米。君士坦丁。等地。皆爲重要商埠。有元末年。阿多曼帝國興。握黑海鎖鑰。欲往東洋者。須別覓新航路。加以蒙古朝東遊諸海客。競談中國與印度之富饒。及日本之多金寶。歐人聞之。多爲之神往。及羅盤針創行。適當黑闇時代之終。歐人脫千餘年之壓制。冒險敢爲。氣竊一世。乃相攜以薄遊東洋。就中以國境傳海。人習操舟。先諸國著鞭者。聿推葡西荷英四國。

一、葡萄牙。值明成宏年間。葡王約翰(John)二世在位。盛獎航業。憲宗成化二十二年。葡人地亞士(Bartolomeu Diaz)始達阿非利加洲南端。越大浪山(Cabo Tormentos)更名爲好望角(Cape of Good Hope)弘治十年。約翰一世殂。子以馬弩利(Emmanuel)二世嗣立。次年。其臣達伽瑪(Vasco da Gama)遂繞好望角。踰印度洋。抵南印度之馬拉巴爾。達伽瑪歸報。十三年。復遣伽布拉耳(Cabra)等繼往。始闢殖民地於印度之壇利古特(Kalikut)與哥丁(Cottin)。武宗正德五年。遂取印度西海岸之臥亞(Soa)爲根據地。進略東岸及錫蘭島。尋復據麻刺甲及瓜哇。自明成祖遣鄭和經略南洋以後。中國人多往經商於彼者。與葡人漸相習。因之葡人益東進。九年初航中國海。後三年。遂廣東。尋詣寧波。廈門。等處互市。世宗嘉靖

四十二年。租借廣東之澳門。即阿瑪港爲根據地。同時赴日本肥前平戶。假館通市。自伽布拉耳東來之歲。至有明末年。凡一百數十年間。東洋商權。幾全爲葡人所壟斷。

二、西班牙。方葡人之覓路於非洲之南也。西人亦同時分道揚鑣。覓路於美洲之右。明孝宗宏治五年。哥倫布 (Columbus) 意大利之熱那亞 始探獲新大陸。十二年。亞美利哥 (Amerigo Vesputce) 意大利

佛羅被薩 (Florence) 人 西王后所遣。尋新地者。始探獲新大陸。十二年。亞美利哥 (Amerigo Vesputce) 意大利

人。西王后所遣。尋新地者。始探獲新大陸。十二年。亞美利哥 (Amerigo Vesputce) 意大利

南。渡一海峽。以己名名之。即今麥折倫峽。益西進。汎大洋。喜其風平浪靜。名之曰太平洋。是爲太平洋得名之由來。實

爲海客一周地球之始。神宗萬曆八年。西王菲力賓二世兼王葡國。益振興商務。先是西人於世宗嘉靖四十

四年。已據菲力賓羣島。建馬尼刺 (Manila) 埠。至是遂遣使來聘於明。請與互市。先至之葡商間之。迄不得

當。去之日本平戶。受慶通市。然商埠之在馬尼刺者。與華人貿易。亦頗盛云。

三、荷蘭。荷故爲西班牙屬國。嗣因宗教之爭。以明世宗嘉靖四十五年。起兵畔之。神宗萬曆七年。遂獨立建

國。二十四年。始航東洋。抵蘇門答刺。及瓜哇之馬都拉。瓜哇以火嶽山爲屏障。左而歸。後卒開諸島爲商埠。漸

據西南英殖民地。殺逐其人。創建東印度公司。 (Dutch Privileged East India Company) 資本合股 凡二千一

百五十三羅卜一京四兆。三十年。得其政府報可。於好望角。麥折倫峽。築砦駐兵。握商權及內治外交權。四十

九年。建巴達維亞 (Batavia) 府於瓜哇爲根據地。熹宗天啓四年。復據臺灣。對日本及印度羣島。盛行互市。復先後遣使詣中國。求通商。爲葡人所尼。不諧。已而據澎湖。犯海澄。巡撫南居益擊卻之。道還臺灣。毅宗崇禎十三年。復掠葡屬摩鹿加島 (Moluccas) 清世祖順治八年。闢殖民地於好望角。十五年。取錫蘭。十七年。又取西里伯島。皆葡屬也。已而臺灣爲明延平王鄭成功所克。荷人走還瓜哇。聖祖康熙年間。朝廷大發兵攻鄭氏。荷人以夾板船助之。有功。遂特許其通商於廣東。時日本港禁甚嚴。自崇禎十年日本基督教徒據肥前原城作亂討平後遂嚴教禁絕歐洲諸國互市獨荷人以不傳基督教故。仍許互市於長崎。於是葡人之東洋商權。悉爲荷所奪。

四、英吉利。英人以明神宗萬曆七年。始航印度。二十八年。創設東印度公司於倫敦。合股凡百二十次。五資本七萬鎊。遂航海抵蘇門答臘、瓜哇、摩鹿加諸島。自是漸與荷葡競。多開商埠於南洋羣島。及大陸沿岸印度、暹羅之地。四十年。至日本平戶營商。崇禎八年。抵中國澳門。乞互市。粵東官吏已許之。入葡人讒。復中變。礮擊其船。英人怒。與戰勝之。奪礮。尋還其所獲。竟得請。已而明亡。中國亂。不及與外人締約。葡人復頻擠之。故英人在中國數十年。商業無起色。即在日本貿易。亦爲荷人所妨。不得大盛。惟於印度。勢漸增長。陵二國上。

第三節 耶教之輸入

商船來者既夥。基督教之福音。亦隨以俱來。基督教自元亡驟衰。規復之者頗不乏人。時歐洲新舊兩教之爭方烈。舊教徒爲新教徒所挫。欲取償於東洋。就中堅忍不撓者。爲基修伊特 (Jesuit) 派之教徒。相繼東渡。自

明孝宗宏治十三年。始隨葡人至印度。世宗嘉靖十八年。葡人據臥亞。傳播浸盛。其中尤著者。爲基督教會東洋布教總長賽威爾。(Xavier)以嘉靖二十一年。蒞臥亞。後六年。赴日本平戶。留四年。在京都。及周防。豐後。等地傳教。嘉靖三十年。還臥亞。次年。航中國。道卒。衛利尼亞。羅支亞。利瑪竇(Mattho Ricci)等繼之。

利瑪竇以明神宗萬曆八年。至中國廣東。留肇慶府。日著僧衣。學華語。教化土人。及羅支亞以傳教事歸報。利遂從廣州。經南昌。詣南京。以儒服謁留都士大夫。士大夫咸重其人。萬曆二十九年。利留中國已二十一載。與龐迪我(Ulricus de Paravia)偕入北京。因宦官進方物。神宗館餼之。士大夫如徐光啓。李之藻輩。皆好其說。且爲潤色其文詞。利與徐李譯著幾何原本。職方外紀等書。泰西科學傳入中國自此始。三十八年。利卒於京邸。其生平宣教。一徇中國舊俗。故信從者衆。北京各處。咸建會堂。

四十四年。神宗以廷臣言。下逐客令。禁宣教。徐光啓上書爭之。天啓四年。遂弛禁。時龐迪我。熊三拔。(G. de Tilmans de Uris)龍華民。(Nicolaus Longobardi)陽瑪諾。(Emanuelv. Diaz Junior)諸傳教師。皆在北京。德國人湯若望(Johannes Adam Schall von Bell)亦至。耶教益入人心。諸傳教師多通天文曆法。能駁正欽天監之誤。而與天行昭合。朝廷遂以傳教師兼任欽天監事。復命鑄造火器。蓋中國非重其教。特珍其科學。然彼傳教亦緣是少所阻害。有明末年。中國信教徒至數千人。上而宮禁。明永曆帝皇太后及太子皆奉教。香羅馬教。致香羅馬教。皇遠乞憐焉。宦寺。十四宗室人。十四達官人。四十皆與焉。有清勃興。湯若望又爲世祖所信任。仍職欽天監。繼湯後

者爲南懷仁。亦爲聖祖所眷。故天文、算法、火器、測量、諸術。至是一新。凡以上諸西儒。皆基修伊特派教徒也。

明王太后致羅馬教皇詔書

大明寧聖慈肅皇太后烈納。(Helena) 致諭於因諾會爵。(Innocent X 1644-1655)

代天主耶穌在世總師、公教皇王、聖父座前。竊念烈納本中國女子。忝處皇宮。惟知闔中之禮。未諳域外之教。

賴有

耶穌會士羅紗微。(Adreas Xavier) 在我皇朝。敷揚

聖教。傳聞自外。予始知之。遂爾信心。敬領聖洗。使

皇太后瑪利亞。(Maria)

中宮皇后亞納。(Anna) 及

皇太子當定。(Constantinus) 并請入教領聖洗。三年於茲矣。雖知瀝血披誠。未獲涓埃答報。每思恭詣

聖父座前。親領聖誨。茲遠國難臻。仰風徒切。伏乞

聖父向

天主前。憐我等罪人。去世時。特賜罪罰全赦。更望

聖父。與聖而公一教之會。代求

天主保祐我國中興太平。俾我

大明第十八代帝、

太祖第十二世孫、

主君等悉知敬

真主耶穌。更冀

聖父多迸

耶穌會士來。廣傳

聖教。如斯諸事。俱惟憐念。種種眷慕。非口取宜。今有

耶穌會士卜彌格。(Michael Boyn) 知我中國事情。即今回國致言我之差

聖父前。彼能詳述鄙意也。俟太平之時。即遣使官來到

聖伯多祿。(St. Pietro) 聖保祿。(St. Paolo) 臺前致儀行禮。伏望

聖慈鑒茲懇悃。特諭。

永曆四年十月十一日

明龐天壽上羅馬教皇書

大同欽命總督粵閩恢剿聯絡水陸軍務提調漢土官兵兼理財催餉便宜行事仍總督勇衛營兼掌御馬監印司禮監掌印太監龐亞基樓契利斯當。(Achillans Christao) 膝伏 因諾會爵

代天主耶穌在世總帥公教真主聖父座前切念亞基樓職列禁近謬司兵戎寡昧失學罪過多端昔在北都幸遇

耶穌會士開導愚情精勉入教恭領

聖水始知

聖教之學蘊妙洪深夙夜潛修信心崇奉二十餘年罔敢少怠獲蒙

天主庇佑報答無繇每思躬詣

聖座瞻禮

聖容詎意邦家多故王事靡盬弗克遂所願懷深用悚仄但罪人一念之誠爲國難未靖特煩

耶穌會士卜彌格歸航泰西來代告

教皇聖父在於

聖伯多祿聖保祿座前兼於普天下聖教公會仰求

天主慈炤我大明保祐國家立際昇平俾我

聖天子乃

大明第十八代帝、

太祖第十二世孫、

主臣欽崇

天主耶穌。則我中華全福也。當今

寧靜慈肅皇太后、聖名烈納。

昭聖皇太后、聖名瑪利亞。

中宮皇后、聖名亞納。

皇太子、聖名當定。虔心信奉

聖教。並有諭言致

聖座前。不以宣之矣。及恐罪人。懇祈

聖父。念我去世之時。賜罪罰全赦。多令

耶穌會士來我

中國。教化一切世人。悔悟敬奉

聖教。不致虛度塵劫。仰徽

大造。實無窮矣。肅此少布悃悃。伏維

慈鑒。不宣。

永曆四年歲次庚寅陽月弦白書

慎 餘

第四節 明世海外殖民事業

西曆紀元一千五六百年之交。全歐沿岸諸民族。各以航海業相競。哥倫布發見西印度羣島。亞美利哥發見美洲。達伽瑪沿非洲西岸。逾好望角。達印度。發見歐亞兩洲新航路。麥折倫 (Magellan) 沿南美洲東岸。發見麥折倫海峽。橫渡太平洋。抵菲力賓羣島。遂繞地球一周。當西人與高采烈。眉飛色舞。搜獲新殖民地。探險新航路時。我亞東大帝國沿海民族之草莽英雄。已有先西人着鞭。開闢殖民地於南洋羣島者。茲述其事蹟如左。

一、三佛齊國王梁道明。王廣東南海人也。三佛齊在蘇門答臘島之南端。與瓜哇島西端相接。今爲荷蘭屬地。自梁武帝天監。唐昭宗天祐。宋太宗太平。與國年間。屢通中國。明太祖洪武中葉。瓜哇來侵。舊王朝亡。國大亂。時閩粵人旅於佛者已千數。王乃號召部勒之。保國之北境。與瓜哇相距。瓜哇終不能有也。不十年。閩粵軍民泛海從之者數萬人。永樂三年。明成祖以行人譚勝受與王同邑。命偕千戶楊信等齎勅招之。王乃與其臣

鄭伯可入朝。貢方物。有陳祖義者。亦粵人。本海盜。王撫之。使爲舊港頭目。而祖義盜行未改。鄭和從好望角迴航歸國。祖義謀要之。事洩被戮。自此與上國絕。據明史

二、三佛齊國王張璉。王廣東饒平人也。本劇盜。明世宗嘉靖末。作亂。蹂躪廣東江西福建三省。勢極猖獗。合三省會勦。調兵二十餘萬。凡三年。乃平之。官軍報捷。謂已獲渠魁就戮。神宗萬曆五年。有商人詣舊港者。問其王。則璉也。蓋敗後潛逸。復以力據有此國云。舊港卽三佛齊。瓜哇滅佛時。更此名。故外致者兩稱之。自梁王距張王凡百餘年。張氏果取諸梁氏歟。抑梁張之間。更有他姓歟。不可考也。據明史及明通鑑

三、婆羅國王某。王福建人。佚其姓名。明萬曆間。始王此地。卽今之婆羅洲也。或言鄭和使婆羅。有閩人從之。因留居焉。後嗣遂據有其國。有金印一篆文上作獸形。言永樂朝所賜。民間嫁娶。必請此印印背上以爲榮。後佛郎機舉兵來擊。王率國人走入山谷中。放藥水流出。毒殺其人無算。王得返國。佛郎機遂犯呂宋。據明史案此所謂佛郎機者實西班牙明史誤也

四、瓜哇順塔國王某。王廣東人。佚其姓名。國於瓜哇島北端之海濱。有地方三百餘里。最饒富。中華及諸藩商船輻輳焉。永樂九年。自遣使貢方物。據明史

商務印書館最新編輯

新學制高級中學教科書

古白話文選	近人白話文選	本國史	西洋史	本國地理	政治學概論	社會學問題	社會學概論	心理學	論理學	人生哲學	公民學	地質學	代數	三角	水彩風景畫	醫學常識	中國商業史	商業地理	商業算術	商業簿記	新官廳簿記
吳道生	吳道生	陳其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜	張其銜
二冊	二冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊
一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角

近世會計學	審計學	會計學	統計學	股份公司經濟學	國際商業政策論	廣心學	實用心理學	財政學	匯兌論	貨幣論	金融經濟概論	銀行學	保險學	工廠設備	工業簿記	車木工學	材料強弱學	陶瓷學	實驗電學	市政工程學	鐵路工程學	汽車學	物理學通論	
劉葆儒	吳應圖	吳應圖	陳其銜	周佛海	吳應圖	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉	蔣容泉
一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊	一冊
一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角	一元二角

適合新學制中等教育段課程的

新著教科書

取材至現代為止
科目與他書不同

■ 中學用

新著國語文法	黎錦熙	一册	一元
新著中文字學大綱	何仲英	一册	三角半
同上參考書	何仲英	一册	五角
新著國語發音學	汪怡	一册	九角
新著國語文學史	凌獨見	一册	九角
新著公民須知	衛生編 法制編 顧樹森 潘文安	一册	二角半
新著本國史	趙玉森	一册	一元五角
新著西洋近百年史	李泰荃	二册	一元八
新著東洋史	王桐齡	二册	一元六
新著世界史	李泰荃	一册	九角

■ 師範用

新著人文地理學	王華隆	一册	六角半
新著圖畫研究	須戒已等	五册	二元二
新著圖畫研究法	須戒已等	一册	二角
新著國語教學法	黎錦熙	一册	七角
新著教育學	楊嘉禧	一册	二角
新著設計教學法	趙宗預	一册	二角半
新著各科教學法	趙宗預	一册	三角
新著分團教學法	趙宗預	一册	二角半
新著小學美術教學法	馮皓等	一册	四角半
新著小學設計教材	周逸休	一册	四角

商務印書館出版

元1681(三)

23

Modern Series
HISTORY OF ORIENTAL COUNTRIES
 PART II

By
WANG T'UNG LING

1st ed., June, 1922 4th ed., Jan., 1927
 Price: \$0.80, postage extra

THE COMMERCIAL PRESS, LIMITED
 SHANGHAI, CHINA
 ALL RIGHTS RESERVED

中華民國十六年六月初版



（新著）
東洋史三冊

（中等學校用）

（中冊定價大洋捌角）
 （外埠酌加運費匯費）

編纂者 **王 桐 齡**

發行者 **商務印書館**

印刷所 **商務印書館**

總發行所 **商務印書館**

分售處 **商務印書館**

北京 天津 保定 奉天 龍江
 濟南 太原 開封 西安 南京 杭州
 濟南 安慶 蕪湖 南昌 九江 漢口
 長沙 常德 衡州 成都 重慶 廈門
 福州 廣州 潮州 梧州 雲南
 黃岡 張家口 新嘉坡

※此書有著作權翻印必究※

